

607250h

1

DESIGNE
DISSERTATIONES
PHYSICÆ
AUCTORE
PAVLO CASATO
Placentino Societatis IESV.

*In quibus plura ad Ignis naturam spectantia Physicè
explicantur ;*

Et Physicam philosophandi methodum cum Aristotele
consentire ostenditur .



VENETIIS, MDCLXXXVI.

Apud Nicolaum Pezzana .
SUPERIORVM PERMISSV, ET PRIVILEGIO.

DISSENT

OF THE

CHURCH

IN THE

UNITED STATES

OF AMERICA

BY



AMERICAN

SERENISSIMO MAGNO HETRVRÆ DVCI

COSMO SECVNDO

PAVLVS CASATVS

Societatis Iesu Felicitatem.



Vo isto sub Cœlo, Magne Dux
Serenissime, Mediceisque auspicijs
Naturalem Philosophiam nostro
hoc sæculo reuixisse, ac demum,
apud Italos saltem, Physicè loqui
didicisse, omnibus compertum est.
Nescio autem quo fato non pauci
Peripateticæ sectæ addicti, ne ab Aristotele desciscere videantur, à Physica philosophandi metho-
do ita abhorrent, vt affines sensuum iudicio ratio-
nes consectanti vix Philosophi nomen, si Superis
placet, reliquum faciant. Mihi certè Aristotelis in-
genium, abstractas ratiocinationes, vbi rem gene-
ratim speculatur; Physicis argumentis, vbi ad singu-
laria descendit, mirè temperantis semper placuit,
cui vocabula nunquam fecere satis. Propterea, cum

Ignis naturam ex ijs, quæ sub sensum cadunt, examinandam suscepissem, nihilque ab Aristotelis mente alienum deprehendissem, adeò vt & Aristotelicè pariter, & Physicè philosophari liceat, operæ pretium me facturum arbitratus sum, si pauca quædam, quæ per otium aliquandò de Igne commentari licuit, publici iuris fieri paterer, non vt facem philosophantibus præferam, sed quibus ab Aristotele, quasi mera vocabula obtruderet, calumniam auerterem. Meam tamen hanc de Igne, quem Calor & Lux commendant, frigidam, multaque inscitiae fuligine aspersam commentationem, in obsequentiissimi animi significationem, Tibi sistere, Serenissime Princeps, prorsus non auderem, nisi me prouocaret Tua illa summa benignitas, qua me, licèt immerentem, complecti voluisti, quoties Tuos ad pedes venerabundum accidere permisisti. Patere igitur, pro Tua singulari humanitate, hanc obscuri auctoris de Igne differentis lucubratiunculam Tuo ex Nomine Lucem mutuari; neque se Tuis oculis indignam arbitrabitur, quam Serenissimo Tuo digneris patrocinio.

Ad Lectorem.

Paucissimis te volo, Amice Lector. Cur Dissertationes scripserim & Collocutiones, quæris? Multa paucis complecti volui, atque apparatus, sæpè superfluos, ad propolitam quæstionem negligere. Sed potissimum, quia mihi volui definitè pronunciare. Sua tibi maneat cuique sententia; neminem peto; non in partes discedo; neminem mihi assecram deponco. Animi causa scribenti placuit familiaris Collocutionis libertate uti, atque, reiectis severioris inscriptionis compedibus, per apertos Physicarum quæstionum ad Ignem spectantium campos philosophando vagari.

At plura de Igne disputare potuisses; videlicet An igneæ sint viventium animæ, humanam si demas, quæ materiæ expers est: An flammula in corde vigeat; An inter ignes vitam ducere valeant animantes; An ignea sint cum Sole & cœtera sydera, præsertim fixa: potuisses perpetuos è montibus erumpentes Vulcanos, fulminum, cœterorumque ignitorum Meteororum naturam, ac vires considerare, ut plenius vberiusque Ignis natura innotesceret. Potuisssem utique, & voluisssem; ideoque non pauca in Aduersarijs congesseram. Sed alieni iuris homini non licuit, quas alijs muneribus debebat, lucubrationibus horas impendere, neque plures, quam subsistuas. Otium verò, & annos, & valetudinem, hac de uexa ætate, adhuc sperare si velim, prorsus imprudens fuero. Quare paucula hæc in nonnullorum fortasse utilitatem prodire patior. Plura addere, si quando tempus tulerit, nil vetat: vtinam nihil ineptè dictum, quod demere expediat.

Cur autem tres egregios Viros disertatores inducere ausus fuerim, nil est, quod dicam: volui scilicet amicissimorum capitum nomina in grati animi significationem, quoad per me licet, perennitati consecrare, atque ex splendidis nominibus lucem aliquam mutare. Nec te pluribus moror. Vale.

AD MONITIVNCULA.

Prodire nuperrimè Lugduni, quos scripseram, Mechanicorum Libri Octo, in quibus ex vno eodemque principio Vectis, cœterarumque Facultatum vires Physicè explicare, ac Geometricè demonstrare conatus sum, omnium Machinarum fundamenta statuens. Cuius autem oscitantix tribuendum sit, nescio, quod perperam in ipsa libri facie atque inscriptione solius Vectis facta sit mentio, omnino contra totius illius inscriptionis scopum, adeò ut verbis illis neque legitimus sensus constet. Ablens non potui tempori adesse, ut tam fœdè lapsum Typothetam subleuarem: ideo te monitum nunc volo, Lector beneuole, ne mihi tribuas titulum scriptioni minimè cohærentem.

I N D E X

DISSERTATIONVM.

DISSERTATIO PRIMA.

De Ignis nobilitate.

DISSERTATIO II.

De Ignis naturâ.

DISSERTATIO III.

De Ignis loco.

DISSERTATIO IV.

*An exustione noua substantia
gignatur.*

DISSERTATIO V.

De calore.

DISSERTATIO VI.

*De his, quæ virtute calida di-
cuntur.*

DISSERTATIO VII.

Quomodo Ignis accendatur.

DISSERTATIO VIII.

De Flammâ, & Fumo.

DISSERTATIO IX.

De Ignis extinctione.

DISSERTATIO X.

De Cineribus.

DISSERTATIO XI.

De aquis fortibus.

DISSERTATIO XII.

De luce Ignis.

DISSERTATIO XIII.

De coloribus per Ignem mutatis.

CAROLVS DE NOYELLE

Præpositus Generalis Societatis Iesu.

C*Vm librum , cui titulus , De Igne Dissertationes physica , auctore P. Paulo Casato nostræ Societatis Sacerdote aliquot, eiusdem Societatis Theologi recognouerint , & in Lucem edi posse probauerint , facultatem facimus , ut typis mandetur , si ijs ad quos spectat , ita videbitur . In quorum fidem has Litteras manu nostra subscriptas , & sigillo nostro munitas dedimus . Roma 18. Octobris 1684.*

Carolus de Noyelle.

NOI REFORMATORI

Dello Studio di Padoua.

HAuendo veduto per Fede del Padre Inquisitore nel Libro intitolato, **DE IGNE, DISERTATIONES PHYSICÆ**, Authore P. Paulo Casato Placentino Societatis Iesu, non v'esser cosa alcuna contra la Santa Fede Cattolica, e parimente per attestato del Segretario nostro, niente contra Principi, e buoni costumi, concediamo licenza à Nicolò Pezzana di poterlo stampare, offeruando gli ordini, &c.

Data li 16. Luglio 1685.

(

(*Nicolò Venier Proc. Riform.*

(*Girolamo Gradenigo Proc. Riform.*

DE IGNE

DISSERTATIONES PHYSICÆ

A V T H O R E

P. PAVLO CASATO

Placentino Societatis IESV.

DISSERTATIO PRIMA.

De ignis nobilitate.



Ratæstas summa, tempestas maximè sicca, diuque prohibitis de cælo pluuijs exinanitæ fuerant Venetijs cisternæ ferè omnes, quas in plateis, & compitis tenuiorum hominum necessitatibus publica parauit munificentia. Cum igitur apud nos quatuor essent huiusmodi aquarum conceptacula, duo quidem nostris vrbibus reseruauimus, reliqua viciniæ permisi. Quare tantæ multitudinis factus est concursus ab ipso diei exordio vsque ad vesperam, vt diebus non adeò multis exhausta fuerit ingens cisterna aliquot annos ferè intacta, quam primum nostræ Domus atrium satis amplum complectitur. Singulis autem hebdomadis, bis saltem, pro sua eximia humanitate, me conuenire, vt familiaris colloctionis suauitate commune bonarum artium studium mutuò fouerent (omnes enim, vt ait Cicero, ducimur, & trahimur ad cognitionis & scientiæ cupiditatem) soliti erant tres Illustrissimi Viri, quos & ingenitæ nobilitatis splendor egregius, & quæ sita eruditionis lux non vulgaris commendat, Marcus Antonius Maurocenus, Hieronymus Gradonicus, Gaspar Dandulus Iunior. Quibus concurrentium hominum frequentiam vix credibilem admirantibus,

Sæpè iacent, inquit Dandulus, pretia pradiorum, si maxime ob publicam necessitatem oneribus premantur, adeò vt non nunquam, ijs carere, lucro ducatur: at aquæ iactura nulla mercede videtur posse compensari: quis enim aqua se prohiberi, vel quolibet auri ponde-

re oblato, toleranter patiat? Vtique Pindarus in Olympijs ode 3. sub fin. aquæ primas concessit, eamque præstantissimam dicens cum auro inter possessiones maxime venerabili comparauit

ἀριστέν μὲν ὕδαρ, ΚΤεύων
δὲ χρυσὸς ἀδοιέστων .

perinde quasi aqua elementorum obtineret principatum, quem auro metalla reliqua detulerunt. Nos certè nunc aduectam ex Medoaco aquam in domesticas cisternas infundendam aureo nummo nostrate in singulas cymbas aquæ plenas erogato, mercari cogimur.

Subridens, & festiua comitate condicens grauitatem Gradonicus ait; Equidem à litibus abhorrens, & amicitias expetens, colensque, pro Aqua stare deberem; quandoquidem Empedocles (Plutarcho teste lib. de Primo Frigido) Ignem *litem perniciosam*; Aquam verò *Amicitiam uehementem* appellauit. Cum verò quæ nostram hanc urbem circumuallant aquæ, tantum inuehant diuitiarum, quantum vix ex reconditis auri argentique venis effoderetur, illas, quamuis sale refertas, non solum cum auro conferendas, vt vult Pindarus, sed planè aureas facillè quis dixerit: Attamen nescio quo impulsu mihi videor ad Ignem Aquæ præponendum procliuior; Nam & luminis suauitas allicit, & caloris vis confidentiam fouet; quin Promethei monitum timeam, quo Satyrum ignem primò sibi visum amplecti volentem, & osculari, absterruit,

Barbam, caper, tuam deflebis protinus
Tangentem adurit ignis.

vt est apud Plutarchum lib. de cap. ex host. vtilit. Ego sanè, si pugnandum esset, pro focis potius, quàm pro puteis, decertarem, vt ignem in altissimo dignitatis gradu supra cætera elementa collocarem. Neque deesset Philosophi suffragium aduersus Poetam; Pindaro enim opponerem eundem Plutarchum, qui Igni primas dare non dubitauit in eo libro, cui titulum fecit, *Aqua ne t an ignis? utilior sit*. Quod si quis fortassè Lemnios Vulcanum vt præcipuum Deum colentes (teste Lactantio lib. 1. Diu. Instit. cap. 15., & Solino cap. 21.) derideat; arguendus certè non videtur Cicero, à quo Vulcanum inter Maiorum Gentium Deos cum Apolline, Ioue, Neptuno, Marte, & Mercurio recenseri memini; cum eæ sint, quæ ab Igne proueniunt vtilitates, vt hic inter prima mundanorum corporum elementa nulli de nobilitate concedat.

Tum verò Dandulus. Satis scio Persas multo cultu Ignem sacrum,

crum, quasi Numen in locis, quæ Procopius *πρυμνα* vocat, venerari solitos: Perseus siquidem, vt Chronicon Alexandrinum habet, aliquando fulmine attonitus ignem accendit, diligenterque seruatum in Persidem cum Ignis religione intulit: quam etiam tum vigere apud regionis illius incolas testatus est S. Io. Chrysost. hom. 4. ad pop. Immo & Turcas Persarum successores *stolidè Ignem colere* author est Simocatta lib. 7. cap. 8. Et sanè iuuat hîc Ethnicorum hominū insaniam secum pugnantem animaduertere: Nam, si quidem adhibenda est Aristoteli fides scribenti lib. de admir. audit. nu. 33. *in Persætacine gentis ac Persidis confinio, ignis sincerâ flammâ ardet; qua de causa Persarum Rex adhuc culinas molitus est.* Proh quale, quantumque munus, quo fungeretur, Deo suo detulerunt! Quem tamen in culinæ sordes coniecerant, vt præcipuum Deum tam religiosè colebant, vt cremare corpora ducerent nefas, ne se cadaueris contagione Deorum maximus contaminaret, vt refert Alex. ab Alex. lib. 6. genial. dier. cap. 26. Contra verò animorum squalorem detergendum igni obijciebant Chaldæi; quorum animos tam altè imbuerat impia superstitio, vt filios consecraturi per ignem traducerent, quasi eos suo numini traderent expiandos. Cuius sceleris arguitur Achaz lib. 4. Reg. cap. 16. 3. qui *filium suum consecrauit transferens per ignem secundum idola Gentium*: contra quàm præceptum fuerat Deuter. 18. 10. *Nec inueniatur in te, qui lustret filium suum aut filiam, ducens per ignem.* Quam pariter superstitionem apud Romanos Pastores flammam transilientes, ad morbos à pecore pellendos, viguisse in Palilijs docet Ouidius lib. 4. Fastorum.

Moxque per arduas stipulæ crepitantis acervos

Traicias celeri strenua membra pede.

cuius moris causam reddens canit,

Omnia purgat edax ignis, vitiumque metalli

Excoquit; idcirco cum Duce purgat oues.

Verùm nihil æquè reformidat ignis atque aquam: aded vt non tam tragicè, quàm verè dixerit Æschylus, *Compesce aquam ignis supplicium*; quis enim ignoret ignem aquâ extinguï? Quid Numini huic tam splendidè mendaci contigerit, lepidum est, prout apud Ruffinum lib. 2. hist. cap. 26. legimus. Ignem Deum suum circumferebant, Chaldæi, vt cum cæterarum Prouinciarum Dijs eâ conditione confingeret, vt, qui vicisset, ab omnibus haberetur Deus. Iamque triumphum victoria, quæ natura insolens atque superba est, suadebat, reli-

quarum gentium Dijs ab Igne corruptis, quippe qui constarent ex auro, argento, ligno, similique materie, quæ ignis vim non ferebat: cum repente, injectâ frigida, deferbuit hominum arrogantia, exciditque è manibus victoria. Canopi Sacerdote callidum quiddam comminiscente. Hydrias habebant Ægyptij fistiles vndique crebris ac minutissimis foraminibus patulas, ex quibus guttatim manans atque exsudans, turbida aqua defecatio & purior redderetur. Harum ille vnam, foraminibus cerâ obstructis, varijsque pictam coloribus, aquâ occultè repletam statuit in Deum; & excisum veteris simulachri, quod Menelai gubernatoris ferebatur, caput superno hydriæ osculo impositum diligenter aptauit. Adsunt Chaldæi; itur in cōslictum; circa hydriam ignis accenditur; cera, qua obstructa fuerant foramina, soluitur; sudante hydriâ ignis extinguitur; Canopus Chaldæorum victor prædicatur. Hinc ipsum Canopi simulachrum perexiguus pedibus, contracto collo, & quasi sugillato, ventre hydriæ in morem tumido, ac dorso æquabiliter tereti, formari ceptum est. Et hæc fortassis Ægyptijs occasio fuit tribuendi Aquæ diuinitatem: Nam apud Sextum Empyr. lib. 8. adu. Math. ubi de dijs agit, *Perse quidem ignem in Deos referunt, Ægyptij autem Aquam*. En igitur potentiam, quam aqua tam leui negotio opprimit, ac delet. Id quod Persæ ipsi non ignorabant, apud quos, ut Plutarchus lib. de primo frig. loquitur, *supplicandi genus erat acerrimum & repulse securum, si supplex cum igne in fluuium descendens minaretur ignem se in eum abiecturum, nisi impetraret, quod petebat; fiebat enim compos voti, sed puniebatur propter comminationem, utpote iniustam, & naturæ contrariam*.

Nihil hoc facit (reposuit illico Gradonicus) ad extenuandam ignis nobilitatem. Nemo non videt perinde exiguum ignem multâ aqua restingui, atque modica aqua magno igne absimitur; si res quidem cominùs agatur. Nam si corpore quopiam interiecto seiungantur, nil profectò habet ignis, quod sibi ab aquâ quantumvis ingenti pertimeat; illa tamen sine timore esse nequit, cum sæpè tenui igniculo supposito, multum humoris sensim ac leniter euanescat; ut satis nōrunt, quos Chymicus labor ad lucernæ calorem exercet. Et verò si generatim atque vniuersè res ipsa spectetur, plus virium igni tribuendum est, quàm aquæ. Certè S. Basiliius hom. 3. in Hexaem. immensam illam aquarum abyssum admirans, qua tellus in prima Vniuersi constitutione obvoluebatur, vestigansque, cur tantam aqua-

rum vim condiderit Deus, quæ cæteris elementis non proportionem respondere videretur, sed longo superare intervallo; eaque topiâ quam nemo verbis, nemo cogitatione complecti valeat, ex ignis calore aquam conficientis rationem demum petendam esse existimavit. *Tantam, inquit, humoris naturam, qui omnia disponit Deus, paravit, atque recondidit, ut ad definitos usque fines ipsius mundi constitutionis, cum paulatim ab ignis viribus absumatur, ipsi resistere valeret. Nam qui pondere cuncta, mensurâque disposuit (in numerato enim ipsi secundum Iob, & pluuia guttæ sunt) planè cognôrat, quantum præscripsisset temporis mundo ad durationem; & quantum etiam igni sumptibus, pabulique recondere oporteret, non ignoravit.* Hanc ego Basilij sententiam nec approbare ausim, nec improbare; neque enim hîc est disputandi locus, vtrum peculiari Dei providentiâ præter naturæ ordinem, an idcirco, quia dissipato tandem humore ferè omni corpora in favillam abire necesse est, excitandum sit illud orbis vniuersi incendium, venientis Christi iudicis prænuntium, quod & Sybilla apud Lactantium lib. 7. Diu. instit. cap. 19. præcinuit ὁ πποτ' ἀν ἔλθῃ, Πῦρ ἔσται: & Diuinæ literæ passim loquuntur, quando (Pl. 96.) *Ignis ante ipsum præcedet, & inflammabit in circuitu inimicos eius.* Sed eo tantum consilio hæc ex Basilio indicare placuit, ut argumenti infirmitas deprehenderetur, quod ignem infra aquam deprimit, quia illi iniectus extinguitur: in hac scilicet rerum vniuersitate, si rationes subducantur, plus multo aquarum in auras soluitur calore sollicitante, quàm ignium extinguatur humore comprimente.

Leuis profectò res in controuersiam adducta est, subdidit Maurocenus, pace vestra dixerim, amicissima capita: nec in me quadrare existimo ænigmaticum Pythagoræ præceptum, quo iratos non esse irritandos docebat, *Ignem gladio non scrutare*, ut interpretatur Plutarchus lib. de liber. educ. nemini siquidem hîc animus ardet: mihi que vobis disceptantibus interuenire licet per vestram humanitatem. Quare, ut puto, idem ipse, qui amicam hanc litem excitauit Pindarus, sedabit: si enim satis memini, Olympia sua ab Aquæ commendatione auspicatus ode. 1. illam quidem cum auro confert, quod diuitias, animi elationem fouentes, excedit, hoc verò cum igne ardente inter noctis tenebras coruscante.

Ἄριστον μὲν ὕδωρ; ὃ δὲ
χρυσὸς, αὐθόμενον πῦρ
ἀπὲρ διαπρέπει νύ.

Κτῖ;

Κτὶ,μεγάνορος ἔξοχα πλεῖτε.

Qui autem Aquæ præstantiam auri dignitati, hanc Ignis fulgori componit, non Ignem Aquæ posthabere censendus est, cum vnâ eâdemque mensura, aurea scilicet, vtriusque elementi nobilitatem metiatur. Porro quid huic disputationi, si acrius illa instituat, utilitatis insit, non video. Quod si, vt est apud Ciceronem in Lælio. *Non aqua, non igni, vt aiunt, pluribus locis vti-mur, quàm amicitia; nulla de Igne & Aqua esse debet inter amicos contentio.* Certè duo hæc elementa cæteris præstare, vtpote ad viuendum maximè necessaria, argumento esse potest Romana lex, qua rerum capitalium condemnatis ignis & aqua interdicebatur: interdicto nimirum earum rerum vsu, sine quibus ortum habere corpora non possunt, ac proinde vita constare nequit, perinde habebatur is, in quem ea sententia lata fuerat, atque si esset morte multatus. Hinc Ouidius lib. 4. *Fast. An quod in his vitæ causa est, hæc perdidit exuli* quia vt ille idem paulo superius canebat

Cunctarum contraria semina rerum

Sunt duo discordes, Ignis, & Vnda, Dei.

& lib. 1. Metam. sub med.

Quippe vbi temperiem sumpserit humorque calorque,
Concipiunt, & ab his oriuntur cuncta duobus.

Cumque sit ignis aquæ pugna, vapor humidus omnes
Res creat, & discors concordia scetibus apta est.

Quamquam enim omnia ex aquâ ortum ducere, & in eam suo intuitu resolui assereret Thales Milesius, ideoque defunctos terræ mandari iuberet, vt humore dissoluerentur; Contra verò Heraclitus Ephesus solum ignem rerum omnium principium adstrueret, ac propterea defunctos, quasi ad originem suam reuersuros, cremandos esse doceret; nec ab Heraclito dissentiret, Aristotele teste lib. 1. Metaph. summ. 2. cap. 1. Hippasus Metapontinus, à quo ignem etiam Numinis loco habitum scribit Clemens Alex. lib. 1. Strom.; & Stoici apud Plutarch. lib. adu. Stoicos. *Ignem semen mundi esse* dicerent: Congruentiùs tamen philosophatus videtur Hippon Rheginus, qui rerum principium Ignem, & Aquam statuebat, vt lib. 3. Pyrrhon. Hypotyp. cap. 4. refert Sextus Empyricus. Nec ineptè, de cælo semen igneum cecidisse in mare, ac natam è spumâ Venerem, finxere Poëtæ, vt, coniunctioni Ignis atque Humoris quanta vis ad vitam tribuendam inesset, significarent. Nam vt Varronis de lingua lat. lib. 4.

vel 1. ex his qui extant, vocibus vtat) omne corpus vbi nimius ardor, aut humor viget, aut interit, aut manet sterile: cui testis estas & hyems, quoddam in altero aer ardet, & spica aret, in altero natura nascendum cum imbre ac frigore luctare non vult, & potius Ver expectat. Igitur causa nascendi duplex, ignis, & aqua. Ided ea in nuptijs in limine adhibentur, quod coniungunt. Nisi fortè & hæc ad mores spectans visa fuerit causa, cur, vbi se matrimonij sponsione obligassent sponsi, nuptiasque stipulati fuissent, noua nupta ignem & aquam in ipso limine tangere iuberetur; vt scilicet intelligeret, quemadmodum ignis absque humore nutriendi vi destituitur, aqua autem sine calore sterilis est & otiosa, ita nullum ex nuptijs expectari commodum posse, nisi mutuis officijs nuptialem charitatem, qua se vicissim complectebantur, fouerent; hanc verò diuturnam esse non posse, nisi iubenti marito facilem se, ac dictis audientem præberet vxor; ignis siquidem principia motionis suggerit, aqua autem subiecti, ac materie locum obtinet: Nam & Cicero in Academ. quæst. ait, *Aër, & Ignis mouendi vim habent, & efficiendi; reliqua partes accipiendi, & quasi patiendi, Aquam dico, & Terram.* Aut etiam, Plutarcho interprete in Quæst. Rom. quæst. 1., ided ignem & aquam sponsa tangebat, vt, quia ignis lustrat, aqua purgat, documento esset, quàm sincero ardentique studio castimoniam colere illa deberet: Nam & Ægyptij, vt Horus Apollo lib. 1. hierogl. cap. 4. docet, *puritatem notantes Ignem & Aquam pingunt, quoddam his elementis omnis lustratio fiat, atque expiatio.*

Illud tamen, addidit hîc Gradonicus, ad ignis dignitatem non mediocriter commendandam pertinere arbitror, quod in tanta opinantium de rerum principijs Philosophorum varietate ac dissensione, quorum plurima commenta deleuit dies, plerique eorum inter rerum initia, ex quibus nascuntur omnia, Ignem recensebant. Si enim eos excipias, qui vnicum statuebant principium, Pherecydem Syrum qui Terram, Thaletem qui Aquam, Anaximenem qui Aërem, Heraclitum, Hippasum, Stoicos, qui Ignem; vix vnum aut alterum (aut ne vix quidem) inuenies, qui ignem è principiorum numero reiecerit: Nisi forte Physicis rationibus aptè congruere quis existimet aut Anaximandri Infinitum, aut Anaxagoræ Homæomeriam, aut Democriti Atomos, aut Platonis Ideas, aut Pythagoræ Numeros. Nam præter Xenophanem Colophonium, qui rerum originem Terræ & Aquæ tribuebat, tanquam corporum omnium semina à

naturâ data celebrabant OEnopides Chius Ignem & Aërem, Hippon Rheginus Ignem & Aquam, Onomacritus Ignem, Aquam, & Terram, Empedocles Ignem, Aërem, Aquam, Terram, vt apud Sextum Empyricum legisse me memini lib. 8. aduers. Mathem. cap. penult. & lib. 3. cap. 4. Pyrrhon. Hypot. Adeq̃ hominum mentibus à naturâ insita videtur Ignis nōtio, vt, si philosophantes, atque impressa sibi rerum quasi vestigia recognoscentes, cætera quidem elementa in corporibus deprehendere non valerent, de Igne certè non dubitarent. Quarum autem rerum consignatas in animis notiones habemus, eas nobis maximè necessarias esse nemo ambigat, quem ire per singula non pigeat.

Nunquam mihi aquæ vtilitatem commendanti, inquit Dandulus, in animum incidit stulta quorundam cogitatio, qui, quasi columnam non erecturi, nisi basim ei subijciant, nihil laudare nouerunt citrà alterius vituperationem. Maxima est, fateor, ignis vtilitas immò, si oculos mentemque reuocemus ab vniuerso genere, quo ignis natura comprehenditur, & non nisi ad vulgarem ignem, rusticanae casæ inquilinum, disputationem reflectamus, nec mihi sanè, nec vobis tantum suppetit otij, quantum Babylonij, qui omnes palmar vtilitates recensuerunt, &, vt Caphisus apud Plutarchum lib. 8. Symp. quæst. 4. narrat, *eam celebrabant, atque decantabant arborem, quòd ipsis CCGLX. vtilitatum genera praberet*. Illud præ cæteris animaduersione dignum videtur, quod ex tot generibus nulum est animal præter hominem, quod ex igne vsum capiat aliquem: immò verò quò illa magis propter feritatem ab humanitate recedunt, eò acerbius ignem oderunt. Sic Leones quamuis rotarum orbibus circumactis, curribusque inanibus, & gallinaceorum crista, cantuque terreri dicantur, ijs tamen ab igne maximè terrorem incuti author est Plinius lib. 8. cap. 16. : Notum est autem, atque vulgatum Ennianum illud apud Ciceronem lib. 2. de Offic. cap. 4. *Quem metuunt, oderunt: Quem quisque odit, perijisse expetit*. Serpentes pariter ignem valdè odisse, tum quòd oculorum acies illum intuens hebelcit (*anguibus autem vniuersis hebes visus est*, ait Isidorus lib. 12. Originum cap. 4.) tum præcipuè quòd ignis naturâ aduersatur veneno, nisi me fallit memoria, apud Mizaldum legi: nec fidem illi abrogandam duxi, quamuis non ignorarem à Plinio traditum lib. 16. cap. 13. *si fronde fraxinæ gyro claudatur ignis & serpens, in ignem potius, quàm in fraxinum fugere serpentem*: quanta enim

Plinij experimento adhibenda esset fides, nesciebam, quippe qui illas serpentis cum fraxino inimicitias aliquando exploraturus fasciculum ex fraxineis ramusculis virentibus afferri iusserim, eumque iniectis tribus quatuorue viperis æquè circumplicatum viderim, ac reliquum arborum genus animantes hæ solitæ sint promiscuè circumplecti. Quantum autem ab igne subsidij ad venenata animalia fuganda expectari possit, satis intelligunt Brasilienses, qui *focum perennem in tugurijs iuxta lectos pensiles alunt, eiusque beneficio nocturnum frigus tolerare, & venenata insecta arcere queunt*, vt docet Guilielmus Piso lib. 1. de medicina Brasil. sub init. Et planè aliquid momenti ad venenum comprimendum igni inesse putabant, quos in *Selonio* (campus est agri Lanuuii XV. ab vrbe mill. inter Albanum, Ariciam, & Ardeam) *apud focum angues nundinari solitos* commemorat Cicero lib. 2. de Diuinat. Certè Cerastræ veneno quodcunque animal inficitur, *πυροποσία*, hoc est ignis lucisque metu corripitur, vt ab Ægyptijs accepisse se profitetur Kircher Art. Magnet. lib. 3. part. 8. quæst. 3. Ex quibus haud obscurè colligitur igni infensos esse serpentes, quippe quorum veneno illius natura repugnât.

Plura fortasse addere meditante interruptit Maurocenus. longum nimis esset, inquit, omne ferarum genus persequi, quod igne fugatur, cum illum reformidet: ipsi quoque homines (si Vitruuij lib. 2. Archit. cap. 1. fabulosa narratio arrideat) cum agrestem atque à ferinâ minimè dissidentem vitam palabundi in cauernis, quas fors obtulerat, agerent, vbi primùm ignem in densissimâ syluâ ex ramorum vento validiùs impellente collisorum conflictu, atque tritu, elici viderunt, se in fugam exterriti dederunt: at vbi flamma resedit, & excitatis sopitæ rationis igniculis audere cœperunt, ac propiùs benignum ignis calorem experiri, tum illum adiectis lignis fouere, reliquos inuitare, commercia inter se miscere, casas excitare, primumque Architecturæ fundamenta iacere, feritatem dediscere, vno verbo homines esse, vtrumque atque legum communione. Quasi verò ignis calore, qui ab Aristotele homogenea congregare dicitur, primùm conciliari debuisset humana societas.

Sed à fabulis, in quas prolapsi sumus nec aduertentes, ait Dandulus, pedem referamus, & ad ignis vsum soli homini datum redeamus. *Nas enim quoniam caeleste atque immortale animal sumus*, verba sunt Lactantij lib. 2. Diu. instit. cap. 10. *igne utimur, qui*

nobis in argumentum immortalitatis datus est; quoniam ignis & caelo est: cuius natura, quia mobilis est, & sursum nititur, vita continet rationem. Et, quod mirere magis, lib. 7. cap. 9. ubi de humani animi immortalitate, non casu, & quasi præteriens, sed consulto disputat, eadem vitur argumentatione. *Non exiguum*, inquit, *immortalitatis argumentum est, quod homo solus caelesti elemento vitur*. Nam cum rerum natura his duobus elementis, quæ repugnantia sibi atque inimica sunt, constet, Igne & Aquâ; quorum alterum caelo, alterum terræ adscribitur, cætera animantes, quia terrenæ, mortalesque sunt, terreno, & graui vituntur elemento: homo solus ignem in usu habet, quod est elementum leue sublime, caeleste. Ea verò, quæ ponderosa sunt, ad mortem deprimunt, & quæ leuia sunt, ad vitam subleuant, quia vita in summo est, mors in imo. Et ut lux esse sine igne non potest, sic vita sine luce. Ignis igitur elementum est lucis ac vitæ: unde apparet hominem, qui eo vititur, immortalem sortitum esse conditionem, quia id illi familiare est, quod facit vitam.

Hæc tamen (Maurocenus excepit) si ad veritatem reuocetur ratio, in speciem potius dicta, quam solida & expressa immortalitatis indicia videantur: quid enim ad stabilem vitæ constantiam adstruendam conferat fugax ignis mobilitas? quodue argumento pondus accedat ex eiusdem leuitate? Proferatur potius in medium tam varium ac multiplex artium genus, quæ ignem ad tot dissimilia opificia temperant, ut ea numeris persequi se posse quisque diffidat. Urbem hanc totam animo, oculisque, si vacat, curiosius perscrutare; & in ingenti hac artificum turbâ, siue iis, quæ ad vitam propagandam necessaria sunt, procurent, siue deliciarum ac voluptatis materiam suppeditent, sine priua tam luxuriem foveant, siue publicæ magnificentiae seruiant, siue prophanam supellectilem instruant, siue ad rem Diuinam spectantia moliantur, quotusquisque ille est, quem igne carere posse existimes? mitto artium ferè omnium instrumenta, quibus indigent, ea esse, quæ sine igne parari nullatenus potuerunt; adeò ut, si animoingas sublatum ignem, artemque esse denuò instituendam, vix vllam reperiās, quæ, remoto igne, seu subiectam artis materiam præparante, seu opportuna ad opificium subsidia disponente, possit iterum commodè excitari. Quamuis autem non artibus omnibus proxima, sed aliquibus remota tantum sit ignis necessitas, plurimæ tamen sunt, quæ igne

igne administro vtuntur; quarum aliquas, easque non ignobiles, exponit Berenguicius in sua Pyrotechnia: ex quibus de ceteris facilis coniectura est. Hæc enim uerò sunt non obscura immortalitatis argumenta; eundem siquidem ignem ad tam dispares vsus traducere, calores communione quidem speciei similes, gradu autem differentes tam scite administrare, gradumque augendo, & minuendo ceptum opus elaborare, vrgere, perficere, munus est mentis intelligentiæ præditæ; quæ dum aciem à consuetudine oculorum abducit, & ex rebus sensu perceptis ad id, quod non percipiebatur, ratiocinando adducit, sic prorsus materiæ expertem probat, ac proinde & interitûs. Cuius enim operatio præcipua, quanquam ex sensu occasionem ac velut anam nata, à corporis materie seiuncta est; eius pariter naturam pereunte corpore subsistere necesse est; atque immortalitate donati. Quandoquidem tunc solum è rerum vniuersitate deleri naturam aliquam congruum est, cum illa necessarijs ad operandum instrumentis destituta cogeretur otari: humanus autem animus à corpore seiunctus cum ijs saltem vti possit rerum notis atque imaginibus, quas sibi olim intelligendo comparauit, nec facile perituras impressit, quamuis sensuum adminiculo destitutus; corporeis tamen vinculis solutus, ex aliâ in aliam cognitionem progredi potest. Ignis igitur humani animi immortalitatem eatenus indicat, quatenus incorpoream eiusdem naturam ad tam mira artium opificia adhibitus demonstrat. Neque verò artifices tantummodo, inter quos aliqui illiberali quæstu, sordidoque compendio, vitam tolerant, plurimum igni debent, sed & sapientes omnes nominis immortalitatem consecuti in tantâ celebritate, atque in ore omnium, non viuerent, nisi eorum lucubrationes, quibus scientiarum lumina continentur; lucernam olerent. Vix enim quicquam ijs profuissent nocturna silentia ad veritatis contemplationem, nisi circumfusas tenebras discutiens ignis extinctæ diei dispendia compensasset, vt vel legendo antiquis, & fontibus alienam sapientiam sibi haurirent, vel scribendo suam in posteros deriuarent.

Ad hæc Dandulus. Quid? quod nemo est, cuius vitam ad longiora temporis spatia non protrahat ignis; si res, quidem ad Plutarchi (lib. *Aquæ ne an ignis sit vitæ*) trutinam expendatur. Dixit Aristo, temporis nobis ad vitam dati exigui summum, quasi velut glis ex ætore, dimidiâ auferre partem. Ego autem sic dico,

ait Plutarchus, *etiamsi quis tenebris obtinentibus vigilaret per totam noctem, nullum fore huius vigilia fructum, nisi ignis bona nobis diei repræsentaret; noctisque & diei discrimen aboleret. Itaque si nihil homo habet, cui ratione utilitatis vitam postponat; ignis, qui vitam multiplicat, quomodo non meretur omnibus anteferi rebus?* Hæc, satis scio, minùs arriderent, si nos ista disceptantes audirent, inertibus quibusdam tenebrionibus, qui per diu stertentes longa ponunt mortis rudimenta (contrahi enim animum, & quasi labi, atque concidere, & ipsum esse dormire putabat Zeno apud Cic. lib. 2. de Diuin.) sed illos saltem excitaret non ignotus culinæ nidor, & ad suffragium pro igne humanam vitam longiùs prouehente ferendum prouocaret. Quamuis enim improbent Hesiodi monitum lib. Oper. & dier. 747. quo *vetat cibum apponere ex ollis, nondum libato: sed igni vult suas primitias, suumque ob ministerium offerri honorem*, vt notauit Plutarchus lib. 7. Sympos. quæst. 4. Elegans tamen Prodicus dictum, *Omnium condimentorum suauissimum esse ignem*, laudarent cum eodem Plutarcho lib. de tuenda sanitate; & planè agrestes ac barbaros prædicarent Hunnos ultra Paludes Mæoticas glacialis Oceani accolas, qui, vt scribit Ammian. Marcellin. lib. 31. *Sic in suâ vitâ visi sunt asperi, vt neque igni, neque saporatis indigeant cibus, sed radicibus barbarum agrestium, & semicrudâ cuiusvis pecoris carne vescantur, quam inter femora sua, & equorum terga subsertam fotu calefaciunt breui*. Id quod etiam nunc esse in more positum apud Tartaros Moschis finitimos, vt crudam carnem equorum, quibus infident, ephippijs supponant absoluto itinere voraturi, ab oculato teste homine Belgâ, qui eas regiones peragrârat, ante aliquot annos audisse me memini, nec vulgaris fama repugnat. Quam profectò consuetudinem non minùs ab humanitate alienam esse, & ferinum nescio quid redolere nemo non videt, quàm si quis in incitatus, canum in morem, dentibus peteret illius iugulum, à quo se iniuriâ laceffitum putat: ab hominibus siquidem ad feras desciscere videtur, quisquis ea respuit, quæ hominem à brutis secerant: huiusmodi autem est ignis vsus in ciborum, carniarum præsertim, apparatu, omnium ferè gentium consensu firmatus. Quemadmodum enim sapientissimo consilio factum est, vt homini nec pes in ungulam obduruerit ad pulsandum, nec ad discerpendum exacuti sint ungues, nec ad dilaniandum diffisis malis aper-

apertiora ora patuerint, nec cornibus aspera frons semper in ictu sit; immò nec illum natura plumis induit, nec villis muniuit, nec spinis stipauit, nec squammis obduxit, nec testâ protexit, sed nudum planè atque inermem protulit in arenam, vbi cum vniuerso mortis satellitio dimicandum est, quin id humanæ naturæ infirmitati tribuendum sit, sed potius dignitati; quia nimirum ratiocinandi vi prædita cum sit, potuit sibi ipsa aliundè opportuna subsidia comparare: Ita Diuini Numinis prouidentia constituit, vt non ea omnia, quibus vita alitur, ac sustentatur, homini, quemadmodum brutis, in promptu essent, quin aliqua adhibenda esset præparatio, vt præsentī necessitati congruerent; sed satis habuit illum ratione donatum locupletâsse instrumentis, quibus posset in rem præsentem suis mederi incommodis, providere salutē, & si libitum fuerit, etiam seruire voluptati. Id autem absque igne non perfici ita palam est, vt superuacaneum sit pluribus explicare: hoc enim abundè demonstrat Plato in Protagora, fabellâ illâ, qua dicitur Epimetheus omnes præclaras naturæ vires atque facultates ad vitam tuendam necessarias in varia bestiarum genera ita insipienter effudisse, vt nihil supresset, quo genus humanum orna-
ret. Cumque aliam salutis humano viam consultans Prometheus non inueniret, surripuit Vulcani Mineræque artificiosam pariter cum Igne sapientiam. Neque enim fieri poterat, vt eam sine Igne nancisceretur quis, vel etiam vteretur. Eam itaque sic hominum generi Prometheus intulit; atque ita sapientiam, quæ victum supeditat, consecuti sumus. Quare admirandum non videtur, quid sit, quod homini tantum ignis tributus est, vt vsum ex illo capiat.

Et quidem ad confirmandam cum à vetere morbo, tum à nouis tentationibus valetudinem, mirum quantum prodest ignis; siue recreandi sint ex lassitudine nerui, siue discutiendi è corpore halitus noxij, siue proliciendi cum sudore humores corrupti, siue morbi coeteroquin insanabiles, atque integra membra exedentes, exterminandi. Quàm manca esset atque imperfecta sine ignis accessione Medicina? Neque ea solùm, quæ Chymicis exercitationibus innixa puras medicamentorum animas, pinguioris admistione corporis liberatis, exhibens facilem & expeditam valetudinis curationem pollicetur: Sed & vulgaris illa, quæ tantum existimationis Medicis, Pharmacopœis tantum lucri, ægrotis tantum


affert molestiæ : Neutra enim absque igne posset aut tenuiores corporum particulas à crassioribus secernere , aut plura contrarijs facultatibus prædita medicamenta ritè vnâ in speciem temperare . Id quod pro suâ sapientiâ intelligentes Ægyptij in Memphitico Vulcani templo libros Medicos asseruabant , vt ex Galeno lib. 5. de comp. medic. sec. genera cap. 2. colligitur , vbi aliquot cataplasmatum construendorum methodum ex eiusdem templi adytis depromptam commemorat . Sed neque hoc tantum : verum *est & ipsis ignibus medica vis.* (Plinij vocibus vtor lib. 36. cap. 27.) *Pestilentie , quæ solis obscuracione contrahitur , ignis suffitu multiformiter auxiliari certum est . Empedocles , & Hippocrates id monstrauere diuersis locis .*

Sed abruptendam tandem esse hanc disputationem monuit Gradonicus , nec diutiùs hærendum in ignis vtilitatibus recensendis , quas longè plurimas esse diffitebitur nemo , qui naturam vniuersam attentè circumspiciat . Ne tamen , inquit , sine corollario discedamus , illud postremo loco obseruandum , quod , si ignem ex arte adhibeas , quamuis tacens Stentora vincere poteris , & absentem alloqui , seu potiùs literas clarissimè exaratas ad eum momento mittere , quin densa hostium corona urbem cingens tabellarium intercipiat . Quis enim prohibere valeat , ne intempestâ nocte absenti amico præstitutum tempus expectanti ardentem facem ex editâ turri ostendas ? Vbi verò amicus alterâ faculâ semel aut iterum in gyrum actâ se attentum significauit , quid faciliùs , quàm , facem varias in partes contorquendo , pereuntes formas in tenebroso aëre ex ordine describere ? Singulis autem figuris , quas fax mota describit , singulas res , aut voces , aut characteres respondere posse constat pro libito eorum , qui occultas hæc notas inter se constituunt . Iam si amicus , post singulos tuæ facis motus , adnotet , quid cuique respondeat in schedulâ , quam præ oculis habet , demum intima tuæ mentis consilia cognoscet : Nec dissimili methodo responsum dabit . Quod si pro face laternam vsurpaueris intus obductam laminâ politâ lucem quasi multiplicatam reddente , & tutus à vento eris , & singulos motus , citrà confusionis ac perturbationis periculum , clausa laterna distinguet . Ne quis verò negotium hoc multis impeditum difficultatibus existimet , exemplum subijcio , in quo singulis Alphabeti latini elementis singuli motus , ijque facillimi , respondent . Primum enim

enim fax vel rectâ sursum promota, vel rectâ deorsum depressa, vel à dextrâ in læuam, vel contra à sinistrâ in dextram è transuerso descendens, vel in gyrum acta, quinque vocales designabit. Dein-

Deinde vt Consonantibus congruentes
 A E I O V

motus habeas, ducantur binæ parallele AG, DH, quas binæ item parallele CF, IM ad rectos angulos decussent in punctis B, E, O, V. Hinc motus omnes desumere possumus adscriptis pro libito consonantibus, vt hic in descripto ruditer schemate à me factum videtis. Si enim litteram F indicare quis voluerit, face describet rectum angulum DEF: contra verò litteram G designaturus describet angulum FED. Sic ad litteram H denotandam figurâ CBOI, contra verò ad litteram L figurâ IOBC vtendum est, & ad litteram M



quadrato BEVO. Quæ omnia ex hoc diagrammate in suas partes resolutio ita patent, vt maiori explicatione non indigeant; & hæc, quæ innui, vobis, qui tantâ ingenij acie polletis, omnino superuacua acciderunt, quanquam pro vestrâ humanitate patienter audistis. Illud tamen animaduertendum est, quod nimia esse non debet locorum intercapedo inter sic colloquentes, vt scilicet perspicuè & distinctè obseruari possit ab ablente motus facis commotæ.

Hanc absentium collocutionem, inquit Maurocenus, quinque facibus perficere docet Cardanus lib. 17. de Subtilitate. Verum dum toti sumus in igne laudando eius commoda percurrentes, suggillaret nos fortasse aliquis, quod eiusdem damna per dissimulantiam præterimus; quæ quidem ea sunt, vt vel ipsius Vulcani fanum Romulus extra pomarium poluerit; quia vt Plutarchus ait in Quæst. Rom. 47. cum Roma ab incendijs statim à primis temporibus multum esset periculi, colendum quidem Deum igni præfectum, sed extra Urbem locum ei assignandum, statuerunt. Propter quod ignis periculum lege XII. Tabularum cauebatur, ne

humanum cadauer in Vrbe combureretur, vt notauit Cicero lib. 2. de leg. & licet Vestales Virgines ob crimen in Vrbe viuæ cremarentur, quia tamen id infrequens erat & rarum, non tantum suberat periculi, quantum ex quotidianâ, saltem frequentissimâ, cadauerum combustione. Galenus autem on rarò Febrim (qua quid deterius? cum neminem è vitâ decedere sine feбри, ad punctum saltem temporis, medicorum plurimi affirmant) Ignis vocabulo nominauit. Nec planè ex Ignis nobilitate factum est, vt eius nomen ad deteriore significationem detorqueretur à Poëta canente, *Meus ignis Amyntas*. Et Rabbi Ben Sira Alphabeto I. lit. Daleth, sectatus fortasse Paronomasiam, quæ inter Mulieris & Ignis vocabula Hebraica intercedit (mulier enim tribus literis Aleph, Scin, He, Ignis autem duabus prioribus tantum scribitur) *Abstrabe*, inquit, *carnem tuam à muliere gratiosâ, tanquam à carne prunarum*: adeò vt minus acerba videri possit Opilij Macrini seueritas in eos, qui flagitioso ardore deflagrassent; nam vt in eius vitâ scribit Iulius Capitolinus, *adulterij reos semper viuos simul incendit*.

Non passus diu hærere hunc scrupulum Gradonicus, Vt vt vera sint hæc, ait, nunquam animum induxi, vt nihil vsquam incommodi ab igne afferri posse putarem; nihil siquidem reperiri potest in rebus creatis, cui mali aliquid non admisceatur: bona enim, quæ apud nos sunt, certis finibus circumscribuntur, & quamuis multa nobis tribuerit natura, egregia illa quidem atque præclara, nihil tamen est omni ex parte perfectum. Quid igitur mirum, si & ab igne damnum aliquod nonnunquam timendum sit, & ignis vocabulo aliquando subiecta ea notio esse possit, quæ ad deterius aliquid significandum traducatur? Verum illa ipsa vis, qua detrimentum nostris rebus importare potest ignis, potentia nota est atque vindictæ. Hinc lacedæmonijs in externas regiones expeditionem parantibus, πυροφόρος, hoc est, Ignifer, apud Regem seruabat inextinctum ignem accensum ex arâ Iouis ἀγνίτορος, hoc est, Ducis, vt refert Stobæus Collectam. cap. 42. Persarum autem Regibus in more positum fuisse, vt eos ignis præcederet in hastâ, instar vexilli, elatus, constat ex Xenophonte lib. 8. Cyropæd. Q. Curtio lib. 3. Procopio lib. 2. belli Persici, Ammiano Marcellino lib. 23. vbi de Brachmanis loquens ait, *Ferunt etiam si iustum est credi, ignem cælitus lapsum apud se sempiternis focolis custodiri, cuius portionem exiguam, vt faustam, præisse quondam Asiaticis Regibus*

bus dicunt. An vt Deum suum præ oculis semper habendum, atque præcedentem, quasi faculam præferentem, in omnibus sequendum explicarent: An vt quasi Lucifer Auroram ferens præcederet Solem, nam ipse Rex Solis in morem coronâ radijs distinctâ redimitus procedebat? An vt imaginem imperij, cui nihil, quemadmodum & igni, resistere valeat, ostentarent? Quin & apud ipsos Cæsares supremæ maiestatis insigne fuisse ignem vel ex eo liquet, quod Pertinax à milite populoque Augustus declaratus, & in aulam imperatoriam per noctem deductus, *postquam diluxit, incuriam se contulit, neque ignem sibi præferri, neque ulla principatus insignia passus attolli, donec Senatus sententiam sciretur*, vt Scribit Herodianus lib. 2. Contra verò Nigrum ab exercitu populoque in Syriâ salutatum Imperatorem atque Augustum, amictum imperatoriâ purpurâ, *precedente etiam igni, in Antiochiâ primum templa, mox ad suas aedes deduxerunt*, vt eodem lib. 2. idem Author tradit: & ex lib. 7. in Gordiani inauguratione, cum omnis imperatoria pompa adhiberetur, *ignis de more præferebatur, vt speciem fortunamque, exiguum sanè ad tempus, Romanæ ciuitatis Carthago repræsentaret.* Id quod Cæsarum pariter vxoribus concessum fuisse perspicuum fit ex eodem Herodiano lib. 1. Commodus enim Lucillæ Sorori natu maximæ, quæ fuerat L. Veri Imperatoris vxor, *pristinum honorem reliquit usurpandum; nam & sellâ imperatoriâ sessitare in theatro, & ignem de more præferri patiebatur.* Ignem verò inter cetera summi imperij atque honoris insignia supremum locum obtinuisse ex eo colligitur, quòd idem Commodus hunc vnum non concessit Martiæ concubinæ, quam, vt Herodianus in eodem lib. 1. loquitur, *propè vxoris loco habebat, sic, vt, præter ignem, omnes honores, velut Augustæ, tribuerentur.*

Vt & ego pariter, inquit Dandulus, aliquid afferam in ignis commendationem, obseruo tantam illi inesse dignitatem, vt nulla gens fuerit, cuius mentem aut religio obstrinxerit, aut superstitio occuparit, quæ Ignem, vt proprium Numinis munus, & illustrem Diuinitatis characterem non adhibuerit, lucernas & faces accensas in templis & delubris proponendo. Sic Callimachus in hymno Apoll. canit æternum ignem in Apollinis fano. Ignis Vestæ perpetuus & sempiternus omnium Scriptorum calamo ad nauseam vsque celebratur. Diuinæ literæ commemorant & lucernam

in Tabernaculo septem luminibus irradientem, & in Salomonis Templo candelabrum aureum totidem hastilibus singulas lucernas sustententibus conspicuum: Et apud nos Christi sectatores inter Catholicæ Ecclesiæ ritus, multiplex est cereorum & lampadum usus, qui priscis temporibus tantus fuit, vt solennem Christi Resurgentis diem (cuius peruigilium teste Gregor. Nazianzeno orat. 2. in Pascha. ὑπὸ πλούσιῳ φωτὶ, magnâ luminis copiâ, celebrabatur) primi illi pietatis antistites ἐπιλύχιον ἡμέραν, quasi lucernarium diem indigitarent, vt ait Nicephorus lib. 8. cap. 37. Quid? quod ipsum Deum igne constare opinati sunt plures; vt de Platone narrat S. Iustinus Martyr in Admonit. ad Gentes. Et Stoici apud Plutarchum lib. 1. de placitis Philosoph. c. 6. Dei naturam definiunt, *Spiritum intelligentiâ præditum, igneum, forma expertem, &c.* & cap. 7. statuit Democritus *Deum in igne globoso, mundi animam.* Quid autem hic afferam Ethnicorum ineptias, aut superstitiosa mendacium Dæmonum responsa, quamuis, si vocum sono mysterium subsit, veritate non careant? *Apollo enim, vt habet Laëtantius lib. 1. diu. instit. cap. 7. quem præter cæteros diuinum, maximèque fatidicum existimabant Ethnici, Colophone respondens querenti cuidam, Quis esset, aut quid esset omnino Deus, respondit viginti & uno versibus, quorum hoc principium est*

Ἀυτοφυής, ἀδίδακτος, ἀμήτωρ, ἀσυφέλικτος,
Ὀνόμα μὴδὲ λόγῳ χωρούμενον, ἐν πυρὶ ναίων,
Τοῦτὸ Θεός.

Ex se ortus, non edoctus, sine matre, inconcussus,
Nomen ne ratione quidem capiendum, in igne habitans,
Hoc Deus est.

Hæc tamen videri possent inania hominum commenta, nisi in Diuinis litteris passim ignis vocabulo ea, quæ ad Diuinitatem spectant, significarentur, & Deus ipse *Ignis consumens* diceretur; nec in re apud factos Bibliorum interpretes obuiâ immorandum est. Commodum mihi ad manus est exiguum volumen S. Dionysij Areopagitæ opera complectens, quod ante pauculas horas cœmptum nondum domum attuli: ex eo, si placet, ad huius nostræ collocationis clausulam, & quidem maximè in rem nostram, lineas aliquot perlegam ex lib. de Cælesti Hierarchiâ. cap. 15. vbi ille ignis proprietates commemorat, ob quas Diuinitatis symbolum videatur. Sancti Theologi, inquit, summam & formâ carentem essentiam,

tiam, ignis specie, multis locis describunt, quòd ignis multas Diuinæ, si dictu fas est, proprietatis, vt in ijs quæ videntur, imagines ac species præ se ferat. Ignis enim, qui sensu percipitur, in omnibus & per omnia sinè admistione funditur, secerniturque à rebus omnibus, lucetque totus simul, & abstrusus est, incognitusque manet ipse per se, nisi adhibeatur materia, in qua vim actionemque suam declaret: cohiberi, vincique non potest, nec videri: omnia ipse per se obtinet; ea, in quibus fuerit, ad vim suam actionemque commutat: sui ipsius particeps facit, quicquid ipsi propius quoquo modo adhibeatur: renouat omnia vitali calore, illustrat aperto lumine: teneri non potest, nec misceri: dissipandi vim habet, commutari non potest, sursum fertur, celeritate magnâ est præditus; sublimis est, nec humilitatem vllam ferre potest: immobilis est, per se mouetur, alijs motum affert: comprehendendi vim habet, ipse comprehendendi non potest: non eget altero: clam se amplificat: in materijs, quæ ipsius capaces sunt, magnitudinem suam declarat: vim efficiendi habet, potens est: omnibus præsto est, nec videtur: si negligitur, non esse videtur: attritu autem, quasi irritatione quadam, naturaliter ac propriè repenti existit, rursumque sensum fugiens euolat: in omnibus sui communionibus minui non potest: Multas etiam alias ignis proprietates inuenire possumus, quæ propriæ sint, vt in imaginibus sensum mouentibus, Diuinæ actionis. Hactenus verba sunt S. Dionysij, quæ placuit legendo percurrere, tum vt intelligatur ignem multis Diuinitatis notis atque vestigijs insignem optimo iure ad Numinis maiestatem significandam assumi, tum etiam vt breui in conspectu posita plurium eius proprietatum descriptio nobilitatem euinceret, quæ fuit nostræ huius dissertationis argumentum.

Gratias plurimas Dandulo ob tam luculentum D. Dionysij testimonium habuerunt Maurocenus & Gradonicus; cumque velut ex improviso, tot enumeratæ ignis proprietates amplissimam exhiberent differendi materiem, En sanè, inquit Maurocenus, iucundissimum nostris colloctionibus argumentum. Non vtique malè feriati sequentibus diebus horas collocabimus in Ignis contemplatione; magnus enim mihi se videtur aperire campus ad philosophandum, nobis præsertim, qui nullius magistri in verba iurauimus, nec vlli addicti sententiæ, solius veritatis vestigia indagamus.

Placuit cœteris Mauroceni consilium, & opportunè præmissam censuerunt hanc de Ignis Nobilitate disputationem; hinc enim se temporis iacturam non facturos ominabantur: quemadmodum nemo scriptorum est, qui legentium vtilitati consultum velit, & in humili, vilique materiâ operam pariter ludere; nisi fortè pauculos quosdam è Declamatorum grege inanisi gloriolæ aucupes excipias, qui vbi solæcismum, aut febrem, aut sordida quædam animalcula laudauerint, nil demum legentium animis inhærens relinquunt præter contriti temporis pœnitentiam: quare omnibus scribere meditantibus solenne est argumenti saltem nobilitate sibi blandiri, tum ne, calamo humilia, abiecta que describente, videatur animus humi repens ad cognatas deflexisse materias, tum vt legentium oculos mentemque vehementiùs sollicitent, tum etiam vt facilem excusationi viam sternant, si fortè demum tractationi, in quam satis confidenter irruerunt, impares deprehendantur. Ita quoque tres illi Ornatissimi Viri se Ignem, nobile vtique argumentum, ad colloquendum delegisse sibi gratulabantur; iamque animo præconceperant se quidem multum aliquando difficultatis, non parum tamen iucunditatis reperturos in sequentibus dissertationibus: quas, quo commodiùs disputatio ipsa explicetur, sic exponam, *quasi agatur res, non quasi narretur*, Ciceronem, cuius vocibus vtor, imitatus.

DISSERTATIO SECVNDA.

De Ignis Natura.

MAuroc. Quoniam Ignem, cum postremò conuenimus, dissertationum nostrarum argumentum statuimus, non opus esse mihi videtur, viam disputationi sternere, sed in eam, si vobis placet, insiliendum, atque desumendum exordium ab explicandâ Ignis naturâ, & in suas species, si quæ sunt, diuidendâ.

Gradon. Placet vtique: Sed Ignis genus nec definiendo accurate explicare, nec tribuere in partes ad tenue elimatas possumus, nisi priùs, quæ saltem nomini subiecta sit notio, vel ruditer cognoscamus: Vbi enim quis naturas omnes perpenderit, quæ qualitatis alicuius communione quadam similes, quamuis cœtera dispares, idem nomen, citrà Metaphoram, inuenerunt; tunc demum
genus

genus vniuersum à subiectis partibus abstractum circumscribere ac definire poterit, certasque in species partiri. Cum itaque non in controuersia versetur, vtrum natura quæpiam sub ignis genere constituenda sit, nec ne (id enim ex præcognitâ aut præstitutâ Ignis notione definiendum esset) sed illud tantum in quæstionem vocetur, quid scilicet ignis vocabulo declaretur; operæ pretium fuerit naturas illas, quæ in ignium censu deprehenduntur, certas in classes discriminare, vt ijs inter se collatis, quid Ignis sit, innotescat.

Dand. Mihi pariter placet; modò nos non obstringamus minutis quibusdam seuerioris logicæ legibus De Definitione & Diuisione: vt quid enim inani labore nos conficiamus? Satis fuerit, si pressa Definitio non occurrat illam non sollicitè indagantibus, vt Descriptione, quæ Ignem à Non Igne secernat. Et primùm quidem Ignem distinguere possumus locis, in quibus vel gignuntur, vel se exhibent contemplandos. Hinc alij Terrestres, qui vel in extimâ telluris facie excitantur; vel in imis cauernarum latebris delitescent, vel è summis montium crateribus erumpunt, vel in silicibus aliorumque lapidum venis abstrusi, quasi flammæ semina in horreis recondita, otiantur, vel corporibus insiti, cæterisque elementis permisti, ac in vnâ speciem temperati, calorem, quo naturæ subsistunt, fouent. Alij Aërij, qui sublime geniti vel breui spectaculo oculis blandiuntur, vt Traiectiones, vel longiore morâ magnorum periculorum metum portendere videntur, vt Cometæ, vel innoxia flammâ inter nubes coruscant, vt Fulgura, vel nubium conflictu expressi in terras se emittunt, vt Fulmina. Alij demum Cœlestes, ea nimirum sydera, quæ non alienam lucem mutuata suis micant ardoribus, quorum Sol principatum obtinet, dein Astra certis locis infixâ; postremò illa, non re, sed vocabulo, errantia, siqua sunt, quæ aliquid insiti luminis habeant; præter illud, quod à Sole recipiunt: Et, si quis non grauâtè ferat mentem ab oculis seuocare; ac intelligentiâ corporei aspectûs metas transgredi, à cœlestium ignium albo expungendum non videbitur Cœlum, quod ab ignis splendore Empyreum apud omnes splendide audit.

Gradon. Quia tamen, licet stellæ naturâ flammæ à Cicerone lib. 2. de Nat. Deor. dicantur, res non est extra omnem controuersiam posita, & nobis fortasse aliquando erit non leuis disputatio, An sydera ignibus annumeranda sint, alia mihi videtur institui posse diuisio,

visio, ex præcipuis ignis qualitatibus petenda, ex luce nimirum, & Calore. Qui enim Ignis luce pariter & calore vrendi vim habente præditus est, hic *Καθ' ἑξῆς* Ignis dicitur, vel etiam Ignis Viuus; ut scilicet ab Igne Mortuo lecernatur, cui quidem absumendi vis inest, aut facultas excitandi aliquem doloris sensum ex calore, nihil tamen habet lucis, quæ in oculos incurrat: istiusmodi sunt Causæ omnia, ut Argentum viuum præcipitatum, quod citrà dolorem carnes exest, & siccat purulenta vlcera; aut piper, spiritus vini sæpius excoctus, pyrethri radix, & similia, quæ nemo dentibus extenuare potest, & in ventriculum demittere, quin caloris vim non obscuram percipiat. Qui verò Ignis solâ luce oculos irritare potest, calorem autem non nisi languidum habet, aut nullum, qui sub sensum cadat, hic Fatuis Ignibus Meteoroscoporum adiungendus est, quorum è numero fuit flamma, tum quæ circa Seruij Tullij pueruli dormientis caput emicuit, tum quæ ex L. Marcij concionantis capite eluxit, quamuis eas inter prodigia recenseat Valer. Max. lib. 1. cap. 6. Neque multum ab horum ignium naturâ discrepant ignes illi, qui interdiu prorsus latentes, noctu tantum videntur, atque innoxia flammâ proximâs herbas & arbores lambunt, quemadmodum in Apennini Mugellano vidisse se testatur Cardanus de Subtil. lib. 2. Quare tripartitâ diuisione totum atque integrum genus complecti possumus: Vnus videlicet ignis est Splendidus absque calore, alter Calidus sine luce, tertius Calidus pariter atque Splendidus.

Mauroe. Alijs fortassè arrideat magis illa ignium diuisione, quæ duas in partes distributa est, & Ignem Communem atque Vulgarem distinguit ab eo, quod Elementum dicitur. Et vulgarem quidem putant omnes se intelligere, quis ille sit, nimirum quem, in corpore aliquo ardente, aut in flammâ abeunte, citrà omnem contouersiam rudiores ipsi Ignem nominant. Elementum verò solis Philosophis datum videtur intelligentiâ persequi, vti nam & assequi. Neque enim defunt, qui Ignem ex Elementorum numero sublatum velint, cumque, quid ad Quadripartitam Elementorum distributionem ex frigidis quorundam argumentationibus conficiatur, exputare non possint, malint Elementum vnum de medio tollere, quàm Ignem, cuius naturam nimis feruidam esse ex quotidianis ardoribus conieciunt, corporum naturis inserere. Dandi Mirum sanè, quàm variæ legantur de Elementorum numero,

mero, & qualitātibus, opiniones; adeo vt excusationem aliam quam mereantur, siqui non audeant tam incerto loco se committere.

Mauroc. Non est nostri huius instituti, aut horum sententiā refellere, aut illorum argumenta fulcire; multo minūs auderem hic Aristotelis interpretem de industriā agere: sed vt alkata Ignium diuisio explicetur, & quid Ignis elementi vocabulo intelligatur, quin nos inani disputatione conficiamus, longiusuē prouehamur, quā proposita ratio postulare, si vobis grauis non fuerim, rem; vt ego quidem concipio, paucis expono.

Grad. Rem. vtique gratissimam feceris; non paucos enim aliquando audiui Aristotelem redarguentes; qui tamen satis probabilia locutus videtur.

Mauroc. Vtrum Aristotelis menti congruant, quæ allaturus sum, vos ipsi definieritis: Me neque pedissequum, neque aduersarium habet Philosophus; libenter tamen cum illo consentio. Ne verò in Elementi notione hæreamus; corpora ferè omnia ex pluribus naturis concreta esse nemo in dubium incertumque reuocat, vbi ea labefacta videt, siuè naturæ vitio, siuè artis opificio, dissolui; quemadmodum nemo dubitat, quin ex latere, cæmento, calce constructum fuerit ædificium, quo deturbato videt illa superesse. Quoniam autem naturæ illæ ex alijs compositis naturis ita coagmentatæ non sunt, vt hæc rursus in partes specie dispares infinitè secari ac diuidi queant; vltimas quasdam naturas necesse est, cogitatione saltem, deprehendere indiuiduas atque simplices (nullus hic est sermo de molis magnitudine, quam infinitè diuiduam non nego) quarum coagmentatio ad corporum incolumitatem consentiat. Vltimas hæc naturas, si corporum quidem dissolutio spectetur, Primas verò, si Compositio, Elementa dicimus; quorum vim atque potestatem generaliter proponere, dilucidè & breuiter explicare quis poterit, si ea esse *Naturas simplices ad corporum constructionem institutas* definierit. Natura enim simplex est Notio ad plures differentias pertinens, cum æther, & cælum, & sydera (si fas est credere) naturæ simplices dicantur à pluribus, aut saltem fieri potuerit, vt natura aliqua simplex esset solitaria, omnisque vinculi, quo cum coeteris coniungeretur, impatiens: Nam quæ in eum finem procreata sunt, vt dissoluta consistent, & quasi dissipata, ea sunt extra Elementi rationem; quippe quod, quæ Elementum, non absolutè

solutè dicitur, sed comparatè ad id, quod dissimilibus rebus miscetur, & temperatur.

Gradon. Hæc videtur sincera elementi notio, quod plures naturæ simplices atque dissimiles in corporis alicuius (quod propterea Mixtum dicitur) constitutionem conueniant, neque enim homogeneæ particulæ elementa propriè sunt Magnitudinis, quam constituunt, licet eius partes sint; Elementa siquidem ad Mixtum referuntur, Partes ad Totum.

Mauroc. Cum itaque dissimiles esse naturas necesse sit, dissimilibus quoque proprietatibus affectas esse oportet. Inter has verò Qualitates, earum ratio primùm habenda est, quæ naturas ipsas simplices ita commiscet, vt vnā efficiant ex pluribus: hinc iure optimo Qualitatibus Primis nomen factum est; quia cum vniuersim natura prius conflata, quàm operandi vi ac potestate prædita intelligatur, ex pariter in Elementis qualitates antè spectandæ sunt, quarum ope mixtum conrescit, quàm quæ agendi facultatem tribuunt. Hæ verò: Secundæ Qualitates dicuntur, non sanè quia à Primis illis efficiantur, aut ab ijs ortum habeant, quatenus Primæ sunt; sed quia Naturarum, quæ Elementa sunt, commistionem consequuntur. Quoniam autem in Elementis, ob idipsum quia Elementa sunt, sola vis coëundi mutuam societatem attendenda est, idcirco non nisi Primæ illæ Qualitates ad Elementi notionem spectare censentur, quamuis natura ipsa simplex, quæ elementum est, proprietatibus alijs non careat. Et quia fieri potest, vt natura aliqua simplex, cæteris proprietatibus seruatis, ita Qualitatis Primæ iacturam grauem subeat, vt, quod ad vnā speciem componendam attinet, contrariè affecta sit; elementi ratio commutari potest, quin ipsa natura nouam induat formam: sic liquor in vaporem solutus abire in auras dicitur, cum tamen ex eo, quod rursus conrescit, natura illa non interiisse deprehendatur: neque enim aliam reddunt aquam nubes, nisi quam tellus exhalauit.

Porro Elementis inter se comparatis ad mixtam naturam componendam, singula dupliciter consideranda sunt, & quod suā vi permiscet cætera, & quod à cæteris permiscetur. Hinc Qualitates Primæ in Philosophorum scholis aliæ Actiue, Passiue aliæ vocantur. Et quidem Elementa vnā in speciem temperanda ita ad tenue elimentur, ac inter se confundantur, oportet, vt inter nosci

non queant, sibi que manus vicissim iniiciant, ne rursus sponte se-
iungantur: quemadmodum arena, aqua, oleum, in phialâ si agi-
tantur, confunduntur quidem, sed pingui, vt aiunt, Mineruâ, &
quiescente phialâ grauiorēs naturæ subsidunt. Qualitas igitur A-
ctiua duplex est, altera, quæ crassiores particulas attenuat, tenues-
que commouet, atque confundit: altera, quæ tenuiores cogit,
commistasque cohibet, ne dissoluantur: *Calor* illi, huic *Frigus*
nomen est. Qualitas verò Passiua item duplex est, altera, cuius ope
natura facilem se præbet, vt attenuetur, reliquisque congruens co-
hibeatur, ne secedat; altera, quæ naturam ad id paulò difficiliorem
reddit: illi nomen fecerunt *Humiditati*, huic *Siccitati*. Neque
mirum videri debet naturam ad hoc ipsum institutam, vt cum alijs
commisceatur, difficilem se præbere; quam enim infert mōram dif-
ficultas vincenda, illud efficit, quod temporis diuturnitate com-
modiùs, atque perfectiùs, quàm breui momento, elementa permi-
scentur, temperamenti perfectione tarditatem compensante.

Gradon. Interrogare paratum præuenisti: videbatur siquidem
instituto Naturæ mixta corpora molientis noxia Siccitas, quamuis
illis iam constitutis utilis sit, vt diutiùs consistant. Sed perge, si
placet.

Mauroc. Ex his perspicuum sit nulli Elemento duas Qualitates
Primas actiuas, aut duas Passiuas inesse posse; nam frigori aduer-
satur calor, & siccitas humiditati. Quatuor igitur tantum istius-
modi Qualitatum complexiones haberi possunt, adeò vt singulis
Elementis binæ qualitates conueniant, altera Actiua, qua permi-
scet, altera Passiua, qua se permisceri aut facile, aut ægrè permit-
tit. Quæ enim natura vim habet attenuandi & commouendi, at-
que ipsa facile attenuatur ac commiscetur, illa Calida est & Humi-
da; quæ verò non nisi difficulter permiscetur, cum tamen vim at-
tenuandi obtineat, & commouendi, Calida & Sicca. Contrà quæ
facultatem habet cogendi, seque facile ad aliarum partium nutum
fingi permittit & accommodari, Frigida est & Humida; sed quæ
duriorem se præbet, tenues aliarum particulas ad crassitudinem ad-
ducens, & cohibens, Frigida est & Sicca.

Hinc quatuor Elementa; quæ ex quatuor maximè notis corpo-
ribus, Terrâ, Aquâ, Aëre, Igne nomen inuenerunt, cum ex istis
Qualitates illæ satis clarè explicari valeant. Nam ex Aquâ & Aëre
Humiditas declaratur, cum vtrumque corpus facillimè etiam inter

angustias aliorum corporum se insinuet, illisque permisceatur: sed quoniam id Aëri ob maiorem tenuitatem facilius contingit, huic quoque maior tribuitur Humiditas quam Aquæ: quia tamen aqua ita se ad solidi, quod tangitur, corporis figuram accommodat (id quod & Aëri commune est) ut præterea etiam adhærescens relinquat illud liquore infectum, duplex Humiditas, aquea nimirum, & aëria innotuit: ac propterea aqua vi caloris in vaporem soluta abijisse in aërem dicitur, quia tangenti corpori iam non adhæret: contra verò vapor vi frigoris concrescens fieri aqua dicitur, quia poterit adhærere. Coetum eatenus aqua adhæret vasi, quatenus particulae aliquæ se in vasis poros insinuant; aquæ autem particulae aërijs crassiores cum sint, etiam depleto vase apparent. Hinc manifestum est Metalla liquentia Humida dici posse, quamvis non adhæreant vasi, quo continentur; id siquidem oritur ex eorum partibus crassioribus, quam ut valeant in vasis poros penetrare: quod si addatur pix Græca, aut Chrysocolia (Boracem vocant) pro metalli ratione, metalla pariter tenuiora iam facta adhærebunt. Sic qui cuprea vasa stanno diligentius obducere cupiunt, sale prius ac feruente aceto vas perfricant, ut pori magis pateant, & minusculæ asperitates excitentur, quibus facilius adhæreat stannum quadrante plumbi mistum additâ pice Græcâ attenuatum.

Quemadmodum verò Aëri & Aquæ humiditas conuenit, quia facile permisceantur, aër quidem ob tenuitatem peruens, aqua autem ob crassitiem adhærens: ita pariter ex aduerso Terræ & Igni Siccitas tribuitur, quia utrumque corpus difficile miscetur, Terra quidem ob suam crassitiem atque pondus aditum negans, & motui commiscenti repugnans; Ignis verò ob suam tenuitatem atque mobilitatem exiliens aut auolans: Ex quo fit siccitatem terream aduersari humiditati aëriæ, & siccitatem igneam humiditati aquæ.

Dand. Rerum naturis maximè congruam censeo duplicem hanc: tum Humiditatis, tum Siccitatis speciem: quamvis enim Ignis suâ tenuitate peruat alia corpora non minùs quam aër; non propterea humidus dicendus est; quia videlicet suâ mobilitate non facile patitur se teneri, adeoque difficile cum cæteris naturis permiscetur.

Mauroc. Ut igitur temperamentum aliquod inueniatur, opus est tenuiores naturas, hoc est Aërem & Ignem, concrescere, crassiores

autem, Aquam videlicet & Terram, attenuari: Atqui attenuandi vis Calor est, cogendi Frigus; tenuioribus ergo naturis aëri & igni calor tribuendus fuit, qui crassiores attenuaret, crassioribus verò naturis terræ & aquæ frigus congruebat, quod cogeret tenuiores; iisque quodammodo vincula iniiceret: Est autem obseruandum singulas vniuscuiusque elementi complexiones binarum qualitatum ita temperandas fuisse, vt, quoniam altera Actiua, altera Passiua est, altera alteri præstaret, hoc est, suas vires clariùs & manifestius exerceret; atque ad eò in duobus quidem Elementis Passiuæ, in duobus verò Actiuæ summum locum obtinerent. Cum enim ea, quæ eiusdem Qualitatis Actiuæ communionem similia sunt; debeant vicissim permisceri, alterum ab altero aliquid pati necesse est: neutrum autem externam vim accipere potest, si pari eiusdem qualitatis Actiuæ gradu prædita fuerint: alterum igitur præpolleat, oportet. Quare ignis Aërem vincit calore, Aqua Terram frigore: æquum scilicet fuit fugacem Ignem, qui difficilè miscetur, quàm citissimè agere; validiusque miscere cœtera, Aërem autem, qui suapte naturâ ad eò fugax non est, & facilè miscetur, languidiùs operari: Contra verò potissima vis coërcendi elementa permista, hoc est frigus, Aquæ potiùs quàm Terræ congruit, quòd illa longè faciliùs quàm Terra permisceatur. Inter quæ autem elementa conuenit Qualitate Passiuâ, ea dissident Qualitate Actiuâ, cuius viribus cum inter se configunt, vt temperamentum aliquod nascantur, ipsa quoque Passiua qualitas mutationem aliquam subeat, necesse est: Atqui in alterutro qualitas Actiuâ summa est; in altero igitur summa esse debet Qualitas Passiua. Hinc si vtrumque Elementum humidum sit, summum frigus est in Aquâ, at non item summus calor in Aëre: maior igitur humiditas aëri tribuenda fuit, quàm aquæ, vt se facillimè insinuans aër suâ tenuitate præueniret actionem frigoris validioris illum constipantis. At si vtrumque siccum sit, summus calor in Igne est, sed non summum frigus in Terrâ: huic igitur validior siccitas, quæ permissioni diutius obssisteret, tribuenda fuit, quàm igni, vt, dum terræ crassities obstinator obstruit effugia, ne ignis elabatur, huius calor sensim languescens vim sentiat proximi frigoris fugacem naturam coercentis.

Gradon, Sic igitur (si satis mentem tuam, Maurocene, sum assecutus) res se habet. Ignis, quippe qui reliqua corporis elementa calore vincit, ea attenuat: ex quo fit vt aër tenuior factus moræ

impatiens vnâ cum igne validius in aquâ irrumpat, quæ suo frigore repugnans ijs quodammodo manum inijcit, dum aliquantulum caloris atterens, eosque paululum constipans, sistit fugacem naturam. Quare aquam aëre & igne foetam, ipsamque calore extrinsecus accepto tenuiorem redditam, per omnes terrenarum particularum recessus permeare necesse est, soluto vi caloris vinculo, quo illæ colligabantur. Iam verò calor in tot particulas dissipatus interiectis terrenis puluisculis adhuc magis atterritur vi terreni frigoris, tenuioresque naturæ constipantur magis, aquâ potissimum fractas frigoris vires resumente; adeò vt ignis, quasi concisis neruis, iam subsistere cogatur, & in frigoris pedicas incidisse videatur is, qui acribus caloris stimulis aërem & aquam attenuans ad fugam sollicitabat, disiectis terrenæ crassitie repagulis: Quin & aër ipse non solum assumptam, igne vim inferente, tenuitatem dimittit, verum etiam demum terræ & aquæ frigore cogente aliquantulum concrefcit: Aqua autem vicissim & terra plus habent tenuitatis, ac minus frigoris, quàm earum natura solitariè spectata exigit: Elementa siquidem omnia non nisi infractis qualitatibus vnam in speciem temperantur.

Mauroc. Ita planè, vt mihi quidem videtur, de elementis sentiendum, quatenus illa ad Corporis Mixti constitutionem referuntur, hoc est, quæ elementa sunt.

Dand. Hæc cum ita sint, constat nec terram, quam colimus, nec aquam, quam potamus, nec aërem, quem spiritu ducimus, nec ignem, quo cibos paramus, elementa esse: Naturæ enim simplices non sunt, cum in plura corpora specie dissimilia dissoluantur, ex iisque (ex aquâ saltem & terrâ) animalcula gignantur. Et quisquis populari hac trutinâ Aristotelicæ de Elementis Doctrinæ pondera examinare voluerit, hic profectò rem momento suo non ponderabit: ex ijs siquidem elementorum nomina desumpta sunt, quia Primarum Qualitatum vires in ijs maximè elucet; cæterum inter hæc & illa longè dispar ratio intercedit. Ex quo patet argumenti infirmitas, quo aliqui purissimum Ignis elementum infra Lunam proximè collocant, ne solus ignis peregrinetur. Cedo enim mihi sinceram aquam, aut simplicem terram, quæ in plures naturas dissolui non possint: quod si & istæ peregrinantur, iniqua non esset ignis conditio, si exularet ab eo loco, quem tunc fortasse sibi vendicaret; cum dissolutis corporibus omnibus, singulæ

Naturę simplices distinctę & ordinatę disponendę essent.

Gradon. Illud præterea, quod dictis consequens videtur, non dissimulandum existimo, videlicet singulas Elementorum notiones, Terram, Aquam, Aërem, Ignem, non esse species vltimas: ita enim sunt partes, quę subsunt generi Elementi, vt etiam singulę amplectantur plures species: Sic Terra genus est in plures diuisum partes: & sicut terra Lemnia, aut Samia, aut communis argilla ad speciem eandem non pertinent, quamuis in communi Terrę notione conueniant; ita plures species vniuersum genus Elementi Terrę partiri possunt, modò Primarum Qualitatum terrę congruentium, Frigoris scilicet & Siccitatis, communione similes sint, cõ tera dissimiles; si nimirum singulę hoc habeant, quod egrè misceantur, ac vim obtineant tenuiora elementa constipandi, &, vt ita dicam, coagulandi, parui refert eas cõterarum proprietatum dissensione discrepare. Haud dispari ratione de Ignis cõterorumque Elementorum generibus philosophandum est; quęcunq; enim naturę simplices validam vim habent reliquas attenuandi, ipsę tamen ob maximam sui tenuitatem ac mobilitatem difficilè permiscentur, sed potiùs auolare conantur, Ignes sunt: sed quid prohibet eas, in reliquis qualitatibus longè dissimiles, specie disinctas esse, immò & dissidere? Quin & illud addendum, quod non ignes omnes caloris gradibus pares esse, aut eque tenues oportet; sed in vnoquoque compositorum corporum quę insunt particulę omnium tenuissimę calorem habentes, cuius causas ipsa natura continet, ex in corpore illo Elementi Ignis munere funguntur; neque obstat quicquam, quo minus ignis sint, si corpora alia concreta sunt ex particulis plus caloris habentibus, & tenuitatis: ignem enim alium alio robustiorem esse nil vetat.

Dand. Equidem fateor eam esse vim notionum in animis nostris iam tum ab ipsâ infantia impressarum, vt vix Ignis vocabulum audire possimus, quin illicò menti spontè suâ obijciat se ignis iste vulgaris, nec facile sit cogitationem ab illo seuocare, & ad Elementum reflectere. Quapropter aliquibus satius videtur, rebus non mutatis, paululum immutare vocabula; ipsęque vti nominibus, quę cogitationem ad alienas imagines non detorqueant. Cum itaque ex corporum dissolutionibus ab arte excogitatis deprehendatur humorem extrahi, atque spiritum, relictis in imo vase partibus quibusdam crassis & grauibus (corpori animâ destituto similes cum

sint, *Caput Mortuum* Chymistæ appellant) quæ quoniam suo pte ingenio subsidunt, nisi fortè calore vehementius vrgente rapiantur à Spiritu, aut ab humore auolante, etiam *Fixæ* communiter dicuntur; ex triplici naturarum genere conflata videntur corpora, nimirum ex Partibus Fixis, Humore, & Spiritu. Extrema sunt partes fixæ, & spiritus, inter quæ medius est humor quippe eorum vinculum; neque enim stabilis est, & crassus, vt partes fixæ, neque tenuis & fugax, vt Spiritus: hinc ille chymico vocabulo dictus ab aliquibus est *Mercurius*, quasi *gemino faciens commercia mundo*, vt loquitur Poëta, iungens fœdera inter particulas in Cœlum auolantes, nisi prohibeantur, & eas, quæ terris affixæ subsistunt. Imperitum quippe nimis se proderet, qui tria Chymica corporum elementa Mercurium, Salem, & Sulphur idèò tantum reiiceret, quasi corpora omnia ex Argento viuo, sale, quo cibi condiuntur, & Sulphure, quo sicci cannabis caules inficiuntur ad ignem excitandum, constare dicerentur. Sed quoniam, qui educuntur spiritus phlegmate liberati flammam concipiunt, vt sulphur, & Partes fixæ subsidunt in vase, quemadmodum sal remanet soluto in vaporem lixiui; idèò hæc à Sale, illi à Sulphure nomen inuenerunt: Humori autem, quo extrema illa connectuntur, Mercurio (vt illi quidem opinantur) nomen factum est; quia sicut aureis bractæolis obducuntur argentea vasa priùs malagmate ex Auro & Argento viuo illita, & vi ignis solutus in vaporem Mercurius auolat præter tenuissimas particulas, quæ aurum argenteo vasi connectunt, ita Spiritus partibus fixis iunguntur humore, quatenus ille spiritibus foetus, & salibus volatilibus permeat partes fixas, illisque adhæret, humore superfluo sensim euanescente. In hoc tamen cum Chymistis non consentiunt, qui vim extrema conglutinandi Sulphuri tribuunt; Mercurio enim volatili & Sali fixo compedes injici à Sulphure existimant, viciui in vnam substantiam coëant, quatenus Sulphur vtriusque extremi particeps suâ viscositate temperat. Salis siccitatem & Mercurij liquiditatem, molli suâ fluiditate Salis densitatem & Mercurij permeabilitatem, suâ dulcedine Salis amaritudinem & Mercurij aciditatem: vt docet Io: Beguinus Tyrocinij Chymici lib. 1. cap. 2. Hæc tamen tria tantum chymica principia mihi non probantur; si Physicas corporum particulas Primas consideremus: Chymistis enim quibusdam eatenus tria hæc enumerantur principia, quatenus soluto cor-

pore in liquorem acidum, penetrabilem, fugacem, & subtilissimum, hoc est Mercurium; & in balsamum dulce oleaginosum, viscidum, nativum partium calorem conseruans, atque odorum fontem, hoc est Sulphur; atque in corpus siccum, salsum, dissoluendi, coagulandi, detergendi, & euacuandi facultate præditum, hoc est Sal, tunc demum omne Chymicum opus analyticum cessat; quia vltior dissolutio (vt quibusdam placet) fieri non potest citrà virtutum interiorum detrimentum: id quod ab artis scopo longissimè abest: At Physicus prima corporum Elementa inuestigans, ipsa chymica principia dissoluit in simpliciores naturas, quibus neque potest commodè Chymici vocabuli communionem concedere, quia perinde se res haberet, atque si corpora ex Sale, hoc est Terrâ; ex Mercurio, hoc est Aquâ; ex Sulphure, hoc est Igne, componi dicerentur: quasi verò Aër esset aut ignis vi frigoris concretus, aut aqua vi caloris attenuata. Neque enim placent, qui Mercurium Aquæ & Aëri componunt; huic quidem, quatenus ex caloris viciniâ rarefcens facilè in auras abit, illi verò, quatenus, vt aqua, difficulter proprio, facilè alieno termino continetur. Alioquin etiam Sulphur non Igni solùm assimilabitur, quia flammam facilè concipit, sed etiam Aquæ, quia vim habet vniendi, & conglutinandi. Mihi autem duplex Spirituum genus videtur constituendum, alterum quod calore non mediocri polleat, & hoc Igni respondet; alterum verò quod tantum caloris non habeat, & huic Aëris vocabulum relinquitur: Spiritus siquidem sunt, nec pauci (de quibus idonco loco erit nobis sermo) qui non modò vim calefaciendi non possident, sed frigus non modicum efficiunt: hos autem inter Ignes recensere non ausim. Vtrum autem Spiritus huiusmodi frigidi sint simplicissimæ naturæ atque impermixtæ, & an aërij potius, quàm aquei aut terrestres dicendi essent (si elementorum notiones à Mauroceno indicatas retineamus iuxta Primarum Qualitatum distributionem) hic non videtur disputandi locus; alioquin ab instituto hodiernæ dissertationis scopo nimium digrederemur.

Mauroc: Abstinendum profectò ab huiusmodi disputationibus, in quibus nomina sepius, quàm res, exiguo aut etiam nullo veritatis compendio, multo certè temporis & laboris dispendio, in controuersiam vocantur. Quid igitur demum Ignem esse dicimus?

Dand. Ignis est *Spiritus vim habens caloris non mediocris* ! Spiritum voco non qui à Sulphure & Sale distinguitur , sed substantiam tenuem ; neque eam tantum , in qua inest raritas , aut leuitas , sed eam , quæ subtilis est , & in angustissimos corporum meatus faciliè peruadit , siuè multum , siuè parum materiæ , illà paruitate continetur : Hinc Aristoteles lib. 1. de Anima. text. 29. de igne mentionem faciens vocat *λεπτομερές ατόν τε , καὶ μέγιστα τῶν στοιχείων ἀσώματον* , partibus tenuissimis præditum , & maximè inter elementa incorporeum : huiusmodi enim tenuis natura vbi soluitur vinculo , quo cùm cætetis copulabatur , quà patet exitus , vel per quam sibi inuenit viam , euadit mobilitate suà potiùs , quàm aut leuitate aut grauitate . Quamuis autem aëri pariter conueniat sua subtilitas , in hoc tamen præcipuè ignis ab aëre discrepat , quod aër modico ad summum tepore calet , ignis natura semper aliquid habet feruoris ; licèt ex aliarum naturarum consortio , quibus confunditur , sæpè prohibeatur , quin vires omnes suas exerat : Sic & homo vim habens ratiocinandi , aut somno , aut amentia correptus , vi illà non vtitur , citrà humanæ naturæ iacturam .

Iam verò Ignis genus vniuersum in eas species partiri possumus , quæ à Gradonico huius dissertationis initio indicatæ sunt , vt nimirum Spiritus vim habens caloris non mediocrem , alius quidem sit suapte naturâ cum luce coniunctus , alius verò ab eâ seiunctus ; ille Ignis Viuus , hic Mortuus dicatur . Prioris autem generis iterum differentię duæ excogitari possent , si moles ipsa , quæ Ignis vocabulum obtinuit , spectetur : Nam si moles illa , maiori saltem ex parte , composita sit spiritu splendido pariter atque Calido , Ignem simpliciter vocant , si fulgeat , & ferueat ; at si spiritus calidi simul atque splendidi calor , aliarum naturarum admistione , ita intepefcat , vt solum lucis ratio habeatur , & nihil feruoris deprehendatur , hic potiùs Ignis Fatui appellatione dignus est . Coëterum id non ad ipsam ignis naturam pertinet , sed ad ea , quæ illi accidunt : propterea posterior hæc diuisio in Ignem Viuum & Fatuum reijci potest citrà vllum incommodum , si natura quidem Ignis spectetur . In quàm varias autem species ignis cùm Viui , tùm Mortui , notio diuidi queat , ex ijs , quæ à nobis sequentibus diebus disputabuntur , innotescet , vbi quàm variam spirituum calidorum supellectilem corporibus Natura incluserit , pro re natâ exponemus : An verò , quemadmodum Spiritus Calidos habemus in Causticis ca lo-

loris vim exerentes absque villo splendore, ita spiritus aliquis existat luce præditus, sed mediocriter tantum, aut ne mediocriter quidem, calidus, & an ille in ignium censu ac numero reponendus sit, non est huius loci definire; sed tunc demum constabit, cum de ignis luce & calore erit nobis disputatio, neque vacat hic controuersiam instituere, quæ sermonem immodicè protraheret, & ad alia auocaret. Illud satis fuerit innuere, quod Naturas illas corporum Igneas vocamus, in quibus huiusmodi calidorum spirituum copia deprehenditur, ita vt eorum efficientia validior sit atque magis conspicua, præ cæteris eorundem corporum particulis languidiùs vires suas exerentibus. Propterea Salem, de quo me legisse memini apud S. Hilarium illa Christi verba, *Vos estis Sal terra*, explicantem, *Sal est in se vno continens aqua & ignis elementum, & hoc ex duobus est vnum*, adnumerandum inter igneas naturas censeo, vis quippe ignea in illo magis elucet, non solum quia humidis corporibus aspersus illa exsiccat humorem attenuans atque resoluens, verum etiam quia ex salibus Aquæ Acres, seu Fortes extillantur, quibus metalla soluuntur, & affuso guttatim Oleo Tartari præcipitantur, atque in calcem rediguntur: id quod fornacis ardoribus perfici nequit nisi diuturno tempore. Quod autem Sal niuib. permixtus vim congelandi acuat, non continuò ex ignearum naturarum albo expungendus est; nam & Spiritus Vini, seu Aqua Ardens, vt vocant, si huiusmodi niuib. affundatur, congelationem validiùs promouet, nec propterea Spiritum Vini frigore abundare dicimus: qua verò ratione id contingat, non videtur huius loci examinare, nec faciendus est ab igne ad glaciem transitus. Quid enim, si quis dixerit Spirituum nitroforum, quos Nix continet, inertiam excitari ab igniculis Salis & Spiritus Vini, qui etiam vasis liquorem congelandum continentis meatus dum permeant, illis attenuatis aditum aperiant, vt liquori commisceantur, eiusque particulas cogant? Sed hæc mittamus, ne alienæ quæstioni locum demus. Illud potiùs in Sale obseruandum videtur, quod si aqua sale imbuta subdito igne soluatur in vaporem, Sal in vasis fundo relinquitur; aqua autem, quæ sale magis abundat, grauior est secundum speciem, ideòque aquæ salis præ dulcibus maiora ferunt nauigia, magisque onusta; ex quo inferri posse videtur grauitatem salis inesse maiorem grauitate aquæ, quam suâ permissione efficit grauiorem secundum speciem: Si igitur sal aquam

aquam & ignem continet, aqua non redditur grauior admistione aquæ, sed ignis, adeoque videtur ignis maiore grauitate præditus quàm aqua. Verùm hoc ignis pondus diligentius, quàm præsens tempus ferat, erit examinandum: illud vnum hìc obseruandum occurrit, quod ignis in corporibus mistis, quæ flammam non concipiunt, vt in salibus, inest vt fixus, in ijs verò, quæ in flammam abeunt, & exardescunt, inest vt volatilis, quemadmodum in sulphure. Ex quo patet non vnicum esse Ignis genus; nam & Sales alij Fixi, Volatiles alij deprehenduntur: siuè demum hæc agilitas, ipsis, Salibus, per se conueniat, siuè ex Spirituum admistione.

DISSERTATIO TERTIA.

De Ignis Loco.

MAuroc. Compositorum corporum, quæ Naturæ efficientiæ subsistunt, non: autem fortuito errantium particularum concursu coalescunt, initia easunt, quæ, vt è Græco vertimus, Elementa communiter dicuntur: inter hæc Ignem numerandum esse vtique non diffitemur, quicumque aliquid saltem caloris illis inesse concedimus; concedere autem cogimur, vbi frigus maximum non deprehenditur. Huius igitur, quatenus permistè cum reliquis elementis implicati, non alius profecto est locus, quàm qui compositæ moli congruit. Verùm, si quemadmodum sensibus subiectam habemus tellurem, maria, & aërem, ita congestam in vnum locum, non modicam ignium vim animo concipiamus, quem illi locum tribuendum esse censeatis? Non hìc ignem syncerum, & prorsus impermistum, requiro; sed satis mihi fuerit, si ille communi cæterorum huiusce vniuersitatis elementorum conditione vtatur; nam & terra aquæ particulas, atque aëris, intra poros admittit; & aquam terrenis puluisculis infici subsidentes demum fæces docent; & adimistos aëri attenuatos aquarum halitus indicant nebulæ, ros, nubes, imò & vagantia per aërem terrena corpuscula admissus per foramen in obscurum conclaue solaris radius prodit. Non alium modum Igni statuo. Quisquis igitur ille fuerit, siuè purus omnino, siuè permistus, quisnam est debitus igni locus?

Grad. Si Ciceronem audiamus, *locus his etiam naturis, quæ sine animis sunt, suus cuique est proprius; ut terra infimum teneat, hanc inundet aqua, si superior ær, ignibus altissima ora redatur.* Cumque ascendentem flammam omnes passim videamus, si quis igni summam leuitatem, adeoque supremum inter elementa locum, non concederet, à vulgari sensu longissimè recederet, & paradoxorum sectator videretur: Nam si terram aquâ grauiorem idcirco pronunciamus, quia glebam in aquâ dimissam fundum petere conspiciamus, ærem verò leuiorem, quia illum vtri inclusum, si per vim immerfus vter crebrâ punctiōe perforetur, erumpentem in bullas obseruamus; quidni & ignem aëre leuiorem dicamus, cuius motus à Naturâ institutus (sibi quippe semper similis est) in flammâ ad superiora contendit? locum autem vnicuique debitum pro ratione grauitatis aut leuitatis assignandum esse quis neget? Leuissimo igitur igni supremus & extremus in elementorum spherâ locus tribuendus est. Scio nullum ibi apparere ignis vestigium, cum neque fulgeat ob summam raritatem, neque pabulum proximum conflâget (nam quod in tertiâ, quam vocant, aëris regione Meteorologica impressiones accendantur, mihi vim non facit) remotissima enim est ora illa; & nostrum aspectum fugit. Sed, sicuti, si fluminum omnium cursum in vnam eandemque plagam dirigi videremus, licet mare prorsus ignotum esset, aquas omnes vnum in locum confluere, vbi demum conquiescant, non citrà veri similitudinem opinaremur; ita pariter flammâs omnes per aërem in cœlum subuolantes cum quotidie aspiciamus, non ineptè philosophati sibi videntur, qui hinc arguunt locum esse supra aërem, quod ignes confluant.

Mauroc. Vulgi sensum non moror, sed ad veritatem reuocanda est ratio; vt saltem similitudinem veri consequamur. Flammam ex lignis, aut stipulis, & similibus exarctam ascendere non diffiteor; sed & candentes carbones in aëre descendunt; neque minus ignis in prunis, quàm in flammâ incit. Curigitur leuem potius, quàm grauem, dicamus ignem? Quod si (vt assumpta ignis cum aquâ comparatione inhaeream) fluminum omnium, quamuis eandem in plagam decurrentium, aquas sensim extenuant, ac citò prorsus euancescere videremus, quis vnquam aut suspicari posset, aut asserere auderet, eas denum in mare confluere? At flammarum ascendentium vestigia quàm longo tramite persequemur?

Omnes brevissimi itineris tractu deficiunt, nusquam apparentes: & illas supra omnem aërem usque in regionem Lunari coelo finitimam subuolare arbitramur? Audiui quidem ista sapientius, sed nunquam adductus sum, ut crederem. Certè corpus illud, quod nostrum aërem, siuè Atmospharam circumplectitur, quicquid illud sit, si Aristotelem lib. 1. Meteor. summa 1. cap. 4. audiamus, *propter consuetudinem vocamus ignem, non est autem ignis: ignem autem non esse ex eo probat, quod ab ignis Naturâ distat, excessus enim, inquit, calidi, & veluti feruor, est ignis*. Illud fateor esse leuissimum, utpotè à centro grauium & leuium maximè seiunctum; & si quid habeat aliquando cum hisce inferioribus commercij, dissoluto vinculo aërem penetrabit, & suam in sedem remeabit; sed utrùm ignis sit, validioribus rationibus demonstrari velim, ut assensum præbeam.

Dand. Si, quæ iacebat obsoleta, nunc verò maximè vigere incipit philosophandi ratio, facilem apud nos aditum inueniât, vix ullus relinquitur huic quæstioni locus, qua in disputationem vocamus, quisnam igni debitus sit in hac rerum vniuersitate locus. Omnia nunc grauitatem affectant; nihil est leue; nihil sponte suâ ascendit, sed omnia pondus habent, quo ad globi huius terraquei centrum conpitiuntur, & si quod corpus ab huiusmodi centro abscedit, à proximo corpore grauiore sursum extruditur, atque eatenus solum leue dici poterit, quatenus minori grauitate est præditum. Quapropter si corpora omnia insitâ sibi grauitate; licet dispari, perpetuò conantur ad centrum tendere, in quo duntaxat conquiescerent, vnus dicendus est omnibus debitus locus, videlicet centrum, adeoque ignis locus proprius non est, sed cum cæteris elementis communis. Quanquam enim huius Philosophiæ sectatores de ignis grauitate verba expressè non faciant, illi tamen si positiuam leuitatem adauerent Igni, non video, cur suam leuitatem Aëri adimant, quem tamen grauem esse, & deorsum conari, pugnacissimè defendunt; quandoquidem si in aquâ aër sponte suâ non ascendit, sed ab illâ deorsum validius conante sursum extruditur, consentaneum est flammam pariter ab aëre grauiore sursum extrudi. Terram scilicet, & Aquam, & Aërem idcirco ad centrum perpetuo nisu conari autumant, ut moles hæc vniuersa consistat particulis omnibus pressè coherentibus, nullòque hiatu disiunctis. Ad hanc igitur vniuersi concinnitatem æquè spectare

consenda esset ignis gráuitas, vt & ibi nihil hians, interceptá inanitate, deprehendatur: aut, si satis esset ignem suo se supremo in loco tutari, quin deorsum conetur, cur & aër eodem iure non vtatur, omni ademptá grauitate? Quare igni pariter sua tribuenda est grauitas, eiusque locus est centrum, nisi prohibeatur.

Grad. Hoc omnino consequens esse video, si aëri tribuatur grauitas, & ignem grauem esse: sed prius aërem omnem perpetuò deorsum niti, persuaderi mihi non ópinione solum, sed ad veritatem planè velim.

Dand. Pluribus experimentis id satis constare putant, quorum bellissimè & perspicuè rationes & causas proferunt ex aëris grauitate, cùm vulgaris Philosophia vix agrè satisfaciat.

Grad. An rerum naturas ex facili explicatione metiri oportet? Quia Philolaicum systema Solem immotum in centro Orbis Anni collocans, & tellurem in eiusdem peripheriâ circumagens, errantium syderum Phænomena nitidiùs atque breuiùs explicat, & diurna telluris circa suum axem conuolutio sydera certis infixis sedibus absoluit à velocissimo motu, propterea Soli, atque Firmamenti stellis quietem, Telluri motum concedemus? Quia summè operosum esset spirarum, quas Planetæ suo motu describunt, rationes inire, faciliùs autem per Excentricos & Epicyclos motuum anomalias ad calculos reuocamus, an ideò re ipsâ distinguitur cœlum in orbes circulis illis respondentes? Rerum omnium conditor Deus, qui mundum tradidit disputationi hominum, legem motibus statuit, non quam illi faciliè caperent, aut explicarent, sed quæ ipsarum rerum naturis, & vniuersitatis bono congrueret. Aliud est Hypotheses ingeniosè consingere, aliud veritatem ipsam inuestigare: idcirco, quamuis supposita illa aëris grauitas non parùm dilucidè experimentis satisfaceret, mera Hypothesis est, nisi grauius argumenta rei tam dubiæ faciant fidem. Quid enim prohibet, explosâ omni grauitate, solam leuitatem statuere, adeò vt leuiora corpora deorsum protrudant naturas minùs leues, quæ cum illis comparatæ graues videantur? Si vtris aëre inflati, & aquæ immersi, conatum, quo manum deprimentis repellit, non aëri suâ leuitate sursum connitenti tribuendum ducas, sed aquæ grauitati extrudenti minorem aëris grauitatem; ego vicissim saxa, & plumbum, leuia dixero, sed minùs leuia quàm aër & aqua, eorumque momentum deorsum aduersus manum sustententis tribuam aëri,

aut aquæ, validius sursum conanti, ideoque saxa, & plumbum deorsum extrudenti. Vtraque hypothesis autem solius grauitatis, aut solius leuitatis videtur posse experimentis satisfacere: probabilius igitur censendum est alia à grauitate, alia à leuitate, alia alijs à causis pendere. Neque enim mihi videtur ineptè philosophatus Aristoteles li. i. de Cælo text. 89. hanc extrusionem reiiciens, quæ corpori extruso violenta accideret, *tardius enim moueretur maior ignis sursum, & maior terra deorsum: nunc autem contra semper maior ignis velocius fertur, & maior terrain suum locum. Neque velocius utique propè finem ferrentur, si vi, & extrusione mouerentur.* Maiori scilicet moli maior grauitas congruit, adeoque & magis resistit impellentī: dumque aër circum obsidente aqua extruditur, semper minus habet aquæ, cuius impulsu vigeatur, ac propterea minore vi sursum ferretur.

Maur. Sed quæ demum illa sunt, quibus vulgaris Philosophia (quandoquidem hoc vocabulo uti placuit) tum grauitatem, tum leuitatem admittens adedò ægrè satisfaciat, vt propterea opus sit aëri grauitatem adstruere?

Dand. Non omnia memoria parùm tenax suggerit: sed inter cœtera præcipuum videtur experimentum olim à Torricellio propositum, in quo Mercurius fistulam implens superius clausam, & inferius hiantem intrà vasis subiecti Mercurium, aut omnino suspensus manet, si perpendiculum supra subiecti Mercurij superficiem non excedat digitos 30, aut si hos excedit, vsque eò descendit, dum perpendiculi altitudinem metiantur digiti 30. Si quæras, quid huic altitudini legem adedò certam statuatur, aiunt esse cylindri aërii Mercurium in vase prementis altitudinem perpendicularem, quæ ad Mercurij in fistulâ suspensi altitudinem habeat Rationem eandem, quæ reciproce intercedit inter specificam grauitatem Mercurij, & grauitatem aëris: sunt enim æquales horum cylindrorum, aërii scilicet & Mercurialis, grauitates absolutæ. Hinc est in altissimis montibus notabiliter minorem deprehendi Mercurij suspensi altitudinem, quàm in subiectâ valle aut planitie; quia videlicet decurtatus aëris cylindrus minorem habens grauitatem non tantâ vi Mercurium vasis vrgit, vt impedire valeat descensum Mercurij grauioris altitudinem digitorum 30 habentis. Quod si in vase superfundatur Mercurio aqua, in fistulâ suspensus Mercurius excedit altitudinem digitorum 30, quia cylindrus ex aqua & aëre

conflatus Mercurium in vase premens plus habet grauitatis, quàm simplex cylindrus aërius, adeoque æquilibrium fit cum altiore cylindro Mercurij in fistulâ.

Grad. Longiùs, quàm propositæ quæstionis, & institutæ dissertationis ratio postulat, digrederemur, si experimentum illud limatè & subtiliter examinare aggrederemur. Non est adducendum in controuersiam, vtrùm Natura in hac rerum vniuersitate materiam in orbem distribuendo omnia confuderit, quin ordinem aliquem corporum constituerit aptis & accommodatis locis; qui si fortè perturbatus fuerit, singula vim habeant, qua conentur, quantum possunt, se ipsa reuocare in destinatum locum, atque deprauatum ordinem restituere. Hinc si ad centrum accedant, grauitare dicuntur, si ab eò recedant, leuitare: cumque hoc pendeat ex ordinis perturbatione, idem corpus non absolutè, sed comparatè, & graue est, & leue, prout proximum corpus aut magis abesse à centro expetit, aut minùs: sin autem iuxta præscriptum à Naturâ ordinem collocatum fuerit, tunc neque graue est, neque leue in actu secundo, vt scholæ loquuntur. Cum verò nihil inane sit, in quod se recipiat corpus, dum mouetur, sed omnia plena esse oporteat, fieri non potest, vt quicquam siuè ex se & sponte suâ locum commutet, siuè externo pulsu agitetur, quin repellat corpus obuium, cuius in locum penetrat, & simul in relictum à commoto corpore spatium subsequatur aliud corpus. Sicut igitur si corpus obuium ita sit naturâ comparatum, vt repelli nequeat, aut saltem comprimì, nullus est illius motus, quantalibet propensione inclinetur ad proprium locum; ita quoquè, si nullum corpus subsequi queat, aut saltem distrahi, & rarescere, irrita est vis efficiendi motum. Contingere autem potest, vt res in illud discrimen adducatur, vtrùm corporis fluidi præposterè collocati motus omnis cohibeatur, quia nullum succedere potest proximum corpus, an aliqua eiusdem particula raritatem præter naturam assumat, vt reliquis partibus concedatur motus: Ideò, quia vtrumque ingenitè corporis illius propensione aduersatur, sapientissimo Naturæ consilio factum est, vt primùm singulis corporibus fluidis, iuxta eorum materiam magis aut minùs compactam terminus statuatur, intrâ quem toleranter ferant præposteram illam collocationem; deinde, ne præter modum peruersus sit ordo, sic partitur natura violentiam, vt pars corporis intrâ terminum præscriptum consistat, pars
verò

verò rarefcatur, vt repleatur spatium relictum. Hinc Mercurio terminus violentæ collocationis definitur digitis 30 in aëre communi; aquæ verò utpote materiam habenti minùs compactam, quàm fit Mercurij materia in eodem aëre communi statuitur terminus altitudinis digit. 407, iuxta Rationem reciprocam grauitatum secundum speciem, quæ est Mercurij ad aquam vt $13\frac{1}{2}$ ad 1.

Maur. Optimè profectò, & ex animi mei sententiâ illud addidisti, *in aëre communi*, quia si fistula tota aquæ immergeretur, altior digitis 30. consistet Mercurius; Minor quippe est ordinis perturbatio, si Mercurius à centro Orbis magis absit, quàm aqua, ac si magis abesset quàm aër; plus enim materiæ est in aquâ, quàm in pari mole aëris, ac proinde minor est dissimilitudo inter aquam & Mercurium, quàm inter aërem & Mercurium eundem. Hinc quia Atmosphæræ partes non æquè raræ sunt, aut densæ, sed infimæ crassiores sunt superioribus, maior est ordinis perturbatio, si Mercurius intrâ raras, quàm si intrâ densas collocetur, quia illæ præ his longiùs à centro abesse expetunt, & Mercurius infra omnes illas collocandus esset. Sic enim concipio vniuersam elementorum sphaeram, vt materia in similibus sphaeræ partibus sit æqualiter distributa, ac proinde non æquabiliter constipata; æqualis scilicet materia in amplioribus spatijs magis dilatatur. Voco autem similes sphaeræ partes, quæ per æqualia radiorum interualla magis & magis à centro remouentur, adeò vt circa primam & minimam sphaerulam tot sphaerici ambitus intelligantur, quot in partes semidiameter tota diuisa concipitur; qui ambitus iuxta Cuborum ex numeris in serie naturali factorum differentias 7. 19. 37. 61. &c. augentur; sunt scilicet sphaeræ in triplicatâ Ratione diametrorum. Igitur vice versâ prout augetur spatiorum amplitudo, minuitur partium constipatio. Et hæc est vera atque propria secundum speciem grauitas aut leuitas absolutè & simpliciter accepta; vt scilicet corpus facultatem habeat conandi, vt sistat se in illo sphaerico ambitu, qui suarum partium constipationi congruit; illudque secundum speciem grauius dicitur, quod cum alio corpore comparatum exigit minore interuallo seiungi à centro. Cum igitur huiusmodi conatus respondeat dissimilitudini constipationis partium medij, & partium corporis, quo maior est dissimilitudo, maior est secundum speciem grauitas, atque conatus: propterea ex medij mutatione oritur diuersitas ponderis, & corpus idem ex aëre

aëre in aquam translatum tantum amittit momenti, quantum haberet æqualis moles aquæ in aëre; quemadmodum in medio eodem, si corpus ex raro fiat densum aut vicissim, illico gravitatis speciem mutat, fit quippe maior dissimilitudo constipationis partium, ratione cuius ad alium ambitum sphericum pertinet, ut ritè distributa materia, & aptè collocata intelligatur. Duorum autem corporum solidorum diuersitas gravitatis specificæ nobis non aliâ methodo innotescit, quàm vtriusque corporis æqualem molem in medio vtrique indebito expendentibus, cuius enim absoluta gravitas maior est, maior est etiam secundum speciem; aut æqualem vtriusque corporis gravitatem absolutam accipientibus, cuius enim minor est moles, maior est secundum speciem gravitas. Idem pariter de leuitate dicendum, si corpus idem per vim constitutur in medio pertinente ad ambitum sphericum, qui minùs à centro absit, quàm ambitus sphericus partium huius corporis constipationi debitus; quatenus enim ad medium illud refertur, leue est. At corpora ad eundem ambitum sphericum pertinentia si inuicem præcisè comparentur, neque grauiora sunt, neque leuiora: si verò vtrumque cum alio corpore ad alium ambitum sphericum spectante conferantur, aut æquè grauiora aut æquè leuiora illo secundum speciem erunt, prout ambitus ipsi ad Radij partes referuntur. Hinc manifestum est, cur Mercurius in montis vertice magis descendat in fistulâ, quàm in valle; quia nimirum cum aëre illo tenuiore, atque remotiore à centro Orbis, comparatus Mercurius grauior est secundum speciem, quàm cum aëre inferiore, atque crassiore, collatus: ambitus enim sphericus aëris crassioris minùs attollitur supra ambitum sphericum Mercurio debitum.

Dand. Quærenti igitur, an oblatum aliquod corpus, ex: gr: saxum, graue sit, an leue, quid responsi dabo?

Mauroc. Me quidem authore, *Aut vtrumque, aut neutrum*. Vtrumque, si cum diuersis corporibus, quorum alterum minorem, alterum maiorem partium constipationem habeat, confectatur. Neutrum, si absolute sumatur. Saxum enim in aëre & aquâ graue est, in Mercurio & metallo liquato leue est: si solitarie accipiatur in loco suo, hoc est in ambitu spherico eius partium constipationi debito, neque graue est, neque leue. Quemadmodum si funem offeras, & quæras, An satis validus & crassus sit?

sit? necne? Statim respondebo, ad retinendam auiculam nimium esse; ad firmandam nauim anchorâ, inualidum esse & exilem; si solitariè consideretur, & simpliciter, quin ad aliquid vincendum referatur, neque validum esse, neque inualidum: sicut enim validum aut inualidum comparatè dicitur, quatenus ad aliud refertur; ita pariter graue aut leue non dicitur nisi habitâ ratione ordinis corporum in hoc Orbe iuxta cuiusque naturam dispositorum. Nam quod unicuique corpori grauitas tribuatur, vt omnia deorsum connitentia pressè cohæreant, neque relictis inanitatibus disjungantur; prorsus inutile mihi videtur, & sine causâ confectum: ob id ipsum, videlicet, quia Naturæ author Deus Firmamento conclusit inferiora omnia nihil inane relinquens, & ita corpora sibi inuicem suâ mole obsistunt, vt à duobus spatium idem occupari nequeat, tam pressè cohærent omnia, vt nullâ virtute naturali fieri possit, quin cohæreant; adeoque nullo conatu indigent, ne disjungantur, quasi, nisi inferiora à superioribus vrgerentur, relinquendus esset hiatus. Quinimmo tam longè absunt corpora ab isto pressu, nequa inanitas interijciatur, vt potius sibi vicissim manum iniiciant, seque inuicem retineant, non vrgeant, aut premant. Quare quid sit aërem Mercurio subiecti vasis insidentem grauitare, & vrgeri, fateor, adeò hebesum, vt non intelligam: quid enim conetur aër infra Mercurium descendere, infra quem si esset, vt Naturæ ordo redintegraretur, oporteret sursum comiti.

Dand. At aër iste telluri circumfusus, halitibus aqueis, terrenisque puluisculis plenus, grauis est; spiritus verò, quem montium incolæ ducunt, defecatus est, & leuis.

Maur. Si singulæ istius aëris partes absolutè accipiantur, & in loco suo, nulla facultatem habet indè sponte suâ discedendi; ac proinde grauis non est aër, qui naturalis quietis sedem nactus non potest descendere, neque leuis, qui nequit ascendere; nam parium comparatio nec relationem habet, nec submissionem. Quod si comparatè sumantur & præposterè inter se dispositi halitus, aut in alieno loco intermedio collocati, tunc alter grauis est, alter leuis. Sed in experimento, de quo sermo est, ordine positas Atmosphæræ partes, non verò perturbatas intelligimus, videlicet crassas inferiores, tenues autem superiores; adeoque non ab his ille vrgetur, aut premuntur. Verùm si aërius cylindrus super-

superficiem Mercurij in subiecto vase premens sustinet in fistulâ cylindrum Mercurij æqualis gravitatis, aut etiam in inclinatam fistulam extrudit è vase Mercurium vsque ad altitudinem perpendiculari digitorum 30, quia in plano inclinato minora sunt eiusdem gravitatis momenta, quam in perpendiculo, ac propterea præualet aëris gravitas; quare in eadem fistulâ æqualis est Mercurij altitudo, siue ampla, siue exigua sit superficies Mercurij in vase: cum tamen maior sit cylindrus, & maior eius gravitas, cuius maior est basis sub æquali altitudine: igitur à maiore & grauiore aëris cylindro plus Mercurij sustinendum esset, ut fieret æquilibrium.

Dand. Cylindrum hunc aërium asserunt æqualis esse basi cum base cylindri Mercurialis in fistulâ, ac proinde æqualem esse vtriusque cylindri gravitatem absolutam, cum sint altitudines in reciproca Ratione gravitatum secundum speciem.

Maur. Ex omnibus igitur cylindris aërijs Mercurio vasis incumbentibus, & æqualem basim cum basi fistulæ habentibus, vnice est, qui Mercurio fistulæ obsistit, reliqui otiantur. Cedo mihi hunc singularem cylindrum, cui peculiaris hæc cura demandata est. An qui proximus? an qui ad dexteram? an qui ad sinistram? Sed si & reliqui graues sunt, atque premunt Mercurium vasis, quare nihil habent virium aduersus Mercurium fistulæ: haberent autem, si alia fistula pariter eidem vasi immergeretur: Vtique in antliâ aquam propellente ex modio in tubum, si embolus aquam modiolis amplioris vrgeat per digitum, sit cylindrus aquæ in tubo longior, quam si pariter per digitum vrgeretur aqua in modio tenuiori. Similiter si Mercurio vasis immissa esset ad perpendiculum fistula vtrinque hians, aptissimè congruens foramini operculi lignei exquisitè respondentis amplitudini vasis, tum operculum imposito pondere vrgeret subiectum Mercurium, hic vtique extruderetur sursum in fistulam: Iam si vasorum superficies inæquales essent, & par esset ex eodem imposito pondere operculi depressio in vtroque vase, manifestum est plus Mercurij extrudi ex vase ampliore, quam ex minore. Atquidem, quod opercula illa, videntur præstare aërij cylindri incumbentes toti vasorum inæqualium superficie. Igitur plus virium habent in vase ampliore: id quod tamen non respondet experimento. Neque enim hic res se habet,

quemadmodum cum liquor per tenuem fistulam exiens ab amplissimo vase se sistit in æquilibrio in eadem superficie horizontali: ibi scilicet non omnis liquor vase contentus facit æquilibrium cum liquore fistulæ erectæ; nam maxima illius pars vrget vasis fundum, non aquam exeuntem. At hic vniuersus Mercurius vasis vrgetur ab aëre. Nisi fortè fingas circa fistulæ osculum esse circulare cingulum, cuius area æqualis basi cylindri Mercurialis sit basis cylindri aërii æquiponderantis. Hæc verò somnijs similia sunt; quid enim cingulo illi legem statuit? vt pro maiore aut minore fistulæ basi modò inaiorem, modò minorem latitudinem obtineat; sit autem circulare, si fistula quidem ad perpendicularum statuatur; sit verò ellipticum, si fistula inclinata obliquè secetur à superficie Mercurij in subiecto vase; sed tunc in illâ inclinatione cingulum illud æquabile non esset, quia qua parte subijceretur fistulæ inclinatæ, prohiberetur ab ipsâ fistulâ aër imminens, ne vrgeret subiectum Mercurium: qua igitur lege cingulum huiusmodi definitur, vbi circulare esse nequit? Porro ex vniuerso aërio cylindro, qui Mercurio vasis imminet, si basis fistulæ maior sit, maior aëris cylindrus premit; si fistula exilior fuerit, minor est aërius cylindrus premens subiectum Mercurium, vt æqualitas virium configentium fiat; libenter igitur audirem, quenam Physica causa cohibeat maioris cylindri aërii conatum, ne premat Mercurium vasis, quando exilis est fistula, permittat verò pressum, vbi ampliore in fistulâ suspendendus est Mercurius. Adde quod Mercurius è fistulâ valde notabiliter longiore digitis 30, aut adnexum in capite globum habente, exiens attollit vniuersam superficiem Mercurij in vase, igitur sursum repellit vniuersum cylindrum aërium: igitur & hic vicissim vniuersus vniuersam superficiem premens impedit, ne totus ex fistulâ Mercurius descendat: Non igitur repugnat Mercurio fistulæ vnici cylindrus aërius æqualem habens basim.

Præterea, Si in fistulâ non longiore digitis 30. nihil descendit Mercurij, quia cylindrus aërius premens Mercurium vasis vel æquè grauis est, vel grauior; igitur admissâ intrâ eandem fistulam particulâ aëris vnâ cum Mercurio, nihil Mercurij descendet, quia scilicet cylindrus digit. 29 aut 28 compositus ex Mercurio, & aëre, leuior est cylindro Mercuriali eiusdem altitudinis: at cylindrus aërius resistit cylindro Mercuriali grauiori, nimirum,

digi-

digitorum 30, vt aiunt; igitur multo magis resistit leuiori ex Mercurio & aëre: verum aliter res contingit, aërem enim distrahi, & aliquid Mercurij ex fistulâ exire videmus; non est igitur hoc æquilibrium aëris grauis cum grauitate Mercurij.

Dand. Hoc illud est, quod admittere prorsus renuunt, nimirum aërem Mercurio trahente distrahi: Omnia fieri volunt impulsione, nec quicquam attrahi concedunt: si enim semel darent à corpore recedentē proximum corpus rapi, vt in relictum locum succedat, viam sternerent veteri philosophandi methodo, quæ ad euitandum Vacuum ita corpora sibi inuicem coherere statuit, vt nisi abeuntis locum sponte subeat aliud corpus, vim sibi inferri patiatur illud, quod proximum ponē adhæret. Propterea ad facultatem aëris compressi elasticam confugiunt, & ab aëre, qui ad amplius spatium se explicat in fistulâ, Mercurium deprimi asserunt: aër scilicet in fistulam admissus particula est inferioris huius aëris compressi ab incumbente superiore aëre graui; cum autem facultate suâ elasticâ conetur se explicare, nec valeat fistule superius clausæ fundum repellere, Mercurium impellit, & deprimit. Porro facultatem hanc elasticam aëri tribuendam esse, non paucis experimentis probari posse existimant, hoc tanquam certum ponentes, quod aër compressus, vt se explicet, locum sibi quærat in spatio aëris dilatati, aut minùs compressi, vt scilicet violentiam Naturæ in plures dispartiat. Sic in experimento, quod vocant, Magdeburgico (excogitato videlicet ab Othone Gerikio Consule Magdeburgensi) vbi amplius vitreus globus, adiectâ antliâ, exhauritur aëre, quoad fieri potest, aiunt reducto embolo inclusum aërem vi suâ elasticâ vrgere assarium, & in modiolum ingredi, adductòque embolo aërem exprimi ex modio, atque ita deinceps. Quando verò clauso epistomio reuellitur globus ab antliâ, &, applicato colli osculo ad aquam subiecti vasis, epistomium recluditur, externus aër premens aquam illam magnâ vi intrudit in globum, in locum videlicet aëris minimè compressi: atque eodem pacto reliqua illius experimenti symptomata explicant. Neque hoc solum, sed.

Gradon. Si placet, non omnia simul congeramus; quanquam enim singula persequi fortasse nobis otium non sit, vniuersa tamen complecti difficile est citrà perspicuitatis dispendium.

Dand: Vestræ voluntati libens assentio: Mihi tamen in animo non erat vniuersa vno impetu proferre. Quid igitur de hac vi aëris elasticâ dicendum?

Mauroc. Quod ad experimentum Magdeburgicum spectat (pace tantorum virorum dixerim), illud ipsum mihi suadet inclusum in globo illo vitreo aërem non egredi suapte naturâ, quasi dum conatur se explicare, inueniat in antiâ locum ab embolo relictum, in quem se recipiat; sed manifestum mihi videtur aërem inde per vim extrahi: Virtus siquidem elastica naturalis. (de animali & voluntariâ cuiusmodi reperitur in ostreis, non loquor) ea est, quæ vires suas exerceat, ut corpus perperam compressum se in naturalem statum, saltem quàm proximè, restituat. Vis igitur elastica non repugnat obsecundanti, atque impedimenta remouenti; ut patebit, si filum ferreum in spiras contortum ita comprimas, ut sibi inuicem proximè fiant spiræ, deinde manum paulatim retrahas; non solum enim ferreum filum non repugnabit digito recedenti, sed potius illum impellet. Si itaque aër in globo est præter naturam compressus, attrahenti embolum antiæ non repugnabit, nempe offerenti spatium, ad se explicandum & dilatandum: experimur autem post aliquam antiæ agitationem adeò augeri difficultatem reducendi embolum, ut demum vix validissimis lacertis moueatur: Non igitur aër vi suâ elasticâ sponte exit: Id ergo contingit, quia reliquus in globo exiguus aër, naturâ reluctante admodum rarus, aduersatur maiori adhuc violentiæ: si enim etiam tum compressus esset, cur repugnaret? vis ergo illi infertur; non impulsione; igitur ab attrahente. Neque puto hanc in reducendo embolo difficultatem reiiciendam in aërem extrinsecum, quasi admissâ aëris particulâ, quæ globum reliquit, factus sit magis compressus: quam enim notabilem partium constipationem efficere potest tantulus aër in tam amplo spatio aëris pleno? Quod si in huiusmodi globo Magdeburgico aër inclusus vim elasticam non exercet, idem pariter dicendum de aëre eiusdem generis in fistulâ incluso vnâ cum Mercurio.

Præter quam quod vis elastica aëris in fistulâ inclusi eadem est, quam ipse habebat, priusquam in fistula concluderetur; tunc verò non erat maiore vi elasticâ præditus; ac reliquus aër, ex quo fuit desumptus: igitur Mercurius fistulæ, interceptus inter duas

duas vires elasticas saltem æquales (nisi probabilius dicantur multo plures partes cylindri ærii extrinseci æquè compressæ validius coniunctis viribus conari, vt se explicent) & spectatâ gravitate, leuior cylindro ærio extrinsecus premente, deberet consistere; cylindrus quippe ærius fistulæ inclusus longissimè leuior est gravitate Mercurij, quo spatium illud impleretur, cui tamen extrinsecus æris cylindrus reluctaretur, ne descenderet: Quapropter Mercurius in fistulâ breuiore digitis 30 conclusus pariter cum ære, sustinendus esset: & tamen descendit.

Grad. Quanquam æri compresso vis elastica deneganda non sit, cum ex foliis pugillatorijs inflatis, si fortè in clauum impingantur, quo aluta perforetur, audiamus ærem cum sibilo erumpentem; hæc tamen æris nostri infimi compressio facta à superioribus æris partibus illi imminentibus mihi arridere non potest. Memini me haud ita pridem legisse apud Boyle in *Defensione contra Linum part. 2. cap. 4.* obseruationem in Galliâ ab accuratissimis æquè ac doctissimis viris Paschalio & Pecqueto factam in experimento Torricelliano ad radicem montis alti hexapodas 500, hoc est ped. 3000; & deprehensa est ibi certâ altitudo Mercurij in fistulâ. Translata est fistula cum vase ad altitudinem hexapodarum 150, & Mercurius factus est in fistulâ humilior digitos $2\frac{1}{2}$, quàm in primâ statione. Deinde in montis vertice, post ascensum adhuc hexapodarum 350, ad tres ferè digitos infra altitudinem primæ stationis descenderat Mercurius. Ex quo cylindri ærii gravitatem inferri volunt diminutam, prout breuior factus est cylindrus. Sunt igitur tres altitudines cylindrorum Mercurialium æquiponderantium cum cylindris ærijs: nimirum cylindrus AB in primâ statione æquè grauis est, ac integer cylindrus ærius: cylindrus IB æquiponderat cum cylindro ærio diminuto hexapodis 150; igitur gravitas digit. $2\frac{1}{2}$ Mercurij AI est æqualis gravitati priorum 150 hexapodarum cylindri ærii: Cylindrus verò OB Mercurij æqualem habet gravitatem cum ærio cylindro adhuc diminuto hexapodis 350; quapropter gravitas digit. $\frac{1}{4}$ Mercurij IO æquat gravitatem consequentium post secundam stationem hexapodarum 350. Itaque gravitas AI ad gravitatem IO est vt $2\frac{1}{2}$ ad $\frac{1}{4}$, hoc est vt 3 ad 1. differentiæ autem cylindrorum æriorum sunt vt 150 ad 350, hoc est vt 3 ad 7. Cum igitur gravitas priorum 150 hexapodarum ærii cylindri sit vt 3, & gravitas consequentium he-



xapodarum 350 sit vt 1, manifestum est inferiores cylindri aërij partes grauiores esse, superiores verò minùs graues: Ergo dum inferiores vrgent subiectum in vase Mercurium, minùs vrgentur à superioribus, atque adeò non comprimuntur. Si enim essent in serie aliquà proximè dispositi plures homines, & primus certo conatu vrgeret obuiam arborem, quam aliquantulum flecteret, eodemque temporis momento secundus adhiberet minorem conatum quàm primus, tertius adhuc minorem, atque ita deinceps, non intelligo, quì fieri possit, vt prior à sequentibus prematur, qui languidiùs vi suà mouentur, cùm potiùs à priore trahi consequentes oporteat, ne inuicem disiungantur: id quod profectò contingere deberet in partibus cylindri aërij, nam ab inferioribus superiores trahi necesse esset, ne inanitates relinquerentur interiectæ inter grauiores & minùs graues, nisi pari passu descenderent; æquè velociter autem moueri nequeunt, quarum dispar est vis se mouendi, nimirum grauitas. Quod si superiores aëris partes vim habent vrgeri inferiores, id quoque Mercurij partibus est concedendum: quia verò in Mercurium fistulæ proximè vim suam exercent partes Mercurij in vase, quæ adhærent osculo fistulæ, quò altius fistula immergitur subiecto Mercurio, etiam ab altiore Mercurij cylindro partes illæ inferiores vrgentur, ideoque plus habent virium ad repugnandum Mercurio fistulæ: at non habent, neque enim pro variâ osculi immersione alia est atque alia Mercurij altitudo, vt excedat digitos 30; Non igitur inferiores Mercurij partes vrgentur à superioribus; ergo neque hic pressus contingit aëris partibus. Deinde cum cylindrum aërium omni ex parte complectatur aër similis secundum speciem grauitatis, cur ille conetur descendere? Vas sume in imo fundo habens rotundum foramen, totumque demerge in aquam maioris alterius vasis: tum intrà aquam manum foramini illi subiciens nihil planè ponderis deprehendes, quamuis tuæ manui immineat aqueus cylindrus; quia scilicet supra subiectam aquam, & intrà aquam, aqua non grauitat. Quod si vas illud aquà plenum in aëre sustentetur à subiectâ manu, iam vniuersa aqua vasis supra aërem, & in aëre, constituta, nempe in loco alieno, vrget fundum, & manus foramini obiecta vicem subit partis fundi, atque incumbentis cylindri aquei pondus sentit. Igitur quemadmodum aqua intrà aquam non grauitat supra aquam, ita quoque aër intrà aërem non grauitat su-

pra aërem, atque idcirco aër superior comprimere non potest inferiorem. An non corporibus certum pondus habentibus in aëre, si intrâ aquam expendantur, tantum decedit ponderis, quanta est aquæ sub eadem mole gravitas? id autem simili semper ratione contingit, siuè corpus aliquod in examen vocatum vix infra superficiem aquæ, siuè altius deprimatur: quod si cylindrus aqueus deorsum vrgeret corpus altius demersum, utique illius gravitas maior appareret; est autem semper eadem: licet igitur infetre, non premi demersum corpus ab imminente aquâ, atque adeò nec ab aëre imminente premi subiectum Mercurium, aut aërem insinum crassiolem, cùm similiter aëre circumfundatur.

Dand. Sibi tamen videntur Philosophi illi deprehendisse corpus grauius vrgeri ab imposito corpore minùs graui, hoc experimento. Aliquid Mercurij statuerunt in vase, illique vitream fistulam vtrinque hiantem immiserunt. Mercurius in fistulâ eandem superficiem cum Mercurio vasis obtinebat. Tum Mercurio in vase affuderunt aquam ad aliquot digitorum altitudinem, & manifestè obseruarunt Mercurium in fistulâ aliquantulum ascendere: id quodtribuendum videtur grauitati aëris aquam vrgentis, & aquæ subiectum Mercurium prementis, illumque in fistulam, vbi solus aëris cylindrus grauitat, extrudentis.

Maur. Dabis veniam, Gradonice, si vnum hîc queram: nimirum, vtrùm tota aqua Mercurium, & totus aëris aquæ incumbentis cylindrus vrgeat Mercurium, vt in fistulâ ascendat. Si vniuersa aquæ & aëris gravitas vrget, igitur & in fistulâ supernè clausâ integer aëris cylindrus Mercurio innitens suspendit in fistulâ Mercurium; atque pro vasis amplitudine plus ascenderet Mercurij: id quod est falsum. Sin autem vnicus cylindrulus ex aquâ & aëre conflatus parem cum fistulæ osculo basim habens ille est, qui Mercurium in fistulam intrudat, non nisi voluntariè cylindrum vnum aquæ inter cœteros designabis; neque enim hûc aduocari potest sola aëris gravitas; siquidem Mercurius in hac hiantē fistulâ non ascendit ad superficiem aquæ circumfusæ, ac proinde cylindrus aërius imminens Mercurio fistulæ longior est, & grauior cylindro exteriori aërio incumbente aquæ. Nunc verò quoniam inchoatæ tuæ disputationi, Gradonice, per tuam humanitatem interuenire mihi licuit, illi insiste.

Grad. Si aquam in aëre vas circumplectente, tanquam in loco
non

non suo, aduersus Mercurium, quasi aduersus fundum vasis, grauitare admiserim, non continuò aquam in fistulâ puteo immersâ grauitare permittam; similique ratione in Atmospharâ partes aëris simili aëre circumfusas omni nisu, quo descendere conentur, spoliatas existimo, quamuis illæ eadem in superiorem atque puriorem aërem translata vim obtineant descendendi vsque adeò, dum similis crassitici aërem inueniant, vbi conquiescant: ideo allatum experimentum contra me vim non haberet. Sed si ex me ascendente in hiantem fistulam Mercurij causam quæras, illa in promptu est. Aër fistulæ infra affusæ aquæ superficiem depressus leuis est tantundem, ac grauis est aqua in aëre; dumque nititur ascendere, secum rapit proximi Mercurij particulam, quæ intrâ aquam minùs grauitat, quàm in aëre: vsque cò autem attollitur Mercurius, dum intrâ aquam cylindrus ex Mercurio grauitante, & aëre leuitante compositus obtineat eandem in specie grauitatem cum aquâ: tunc enim & aër Mercurium suspendit, ne recidat, & Mercurius aërem cohibet, ne in superiora auolet.

Dand. Hunc corporum nexum, quo alterum ab altero trahatur, non agnoscunt.

Maur. Hoc tamen Elateris naturæ conuenit, vt quemadmodum, si comprimatur, se explicet, ita, si distrahatur, se recipiat: id quod in omnibus passim elastatum generibus obseruare licet, siuè in helicem augescentem conuoluantur, vt in horologijs, siuè æqualibus spiris cylindrum circumplicent, siuè in angulum, aut in arcum, conformentur. Si igitur præter naturam distractus aër se recolligat, quemadmodum elasma distractum, vtique secum rapit proximum corpus. Nota sunt vobis experimenta ab ingenioso Boyle excogitata per Machinam Pneumaticam in hoc dissimilem à globo Magdeburgico, quod hæc in superiori parte foramen habet operculo congruente, & exquisitè ferruminato, obstruendum, postquam immissum fuerit in vitreum globum, aut cylindrum satis amplum, id, de quo experimentum sumitur. Immisso itaque in globum, aut cylindrum, vasculo Mercurij cum fistulâ, in qua digitorum 30 altitudinem obtinet inclusus Mercurius (an vniuersus globi aër premit Mercurium vasis? & hoc idem continget Mercurio in aperto aëre constituto; an verò vnicus cylindrus aëris? & hic decurtatus idem potest atque integer, cum æquè premat) antiâ aërem globi exfugente sensim Mercurius ex
fistu-

fistulâ descendit in subiectum vasculum; in aëre scilicet rarefacto Mercurius. fistulæ est secundum speciem grauior, quàm in aëre communi; & aër ipse per vim adeò rarus fieri potest, vt demum vasis Mercurium atque consequentem Mercurium. fistulæ attrahere valeat, rarefcente corpore, quod superiorem fistulæ partem implet. Nam quod aër globi semper minùs suâ elasticâ vim premit Mercurium, iam ex dictis de globo Magdeburgico reiectum est; vt quid enim cresceret difficultas & labor in agitandâ antliâ, si nulla vis aëri inferretur? Si igitur embolus attrahit renitentem aërem vasis in modiolum, etiam aër rarus attrahere potest Mercurium. Et quidem à corpore raro attrahi aliud corpus videtur manifestum, si fistulam longiorem, in qua Mercurius descendit, digito infernè claudas, & fistulam inuertas; corpus enim illud rarus, quod fistulæ partem à Mercurio relictam implet, digiti carnem, etiam cum dolore, vehementer attrahit, non minùs ac Medicorum cucurbitulæ, frigescente aëre, seque constipante, carnem intus rapiunt.

Dand. Nihil hac argumentatione aduersum se concludi putant; & fatentes parem esse cucurbitularum & fistulæ rationem, carnem aiunt in illas intrudi ab aëre exteriori vrgente. Adducuntur autem, vt credant aërem non esse violentæ raritatis capacem, ex eo quod in Boylea illâ machinâ pneumaticâ obseruatum est immissa animalia, quia extenuato magis & magis aëre spiritum ducere nequeunt, alia perire, alia languescere, perinde atque in altissimorum aliquot montium iugis spiritum ducere non valentes homines diu viuere nequeunt, & stomacho laborant ob aëris tenuitatem: at in iugis illis aër non est factus per vim rarus, igitur neque in globo vitreo dicendus est aër per vim rarus, cum sit post agitandâ diu antliam æquè tenuis, ac si ex illâ altitudine delumptus fuisset aër: Vt verò admirationem præuertant, quæ suboriri posset audientibus ab aëre premente carnem intrudi in cucurbitulas, & pressione illâ sanguinem ex scarificatâ pelle exprimere, iubent vitream fistulam vtrinque hiantem altero osculo applicari vesicæ subflaccidæ, & cum eâ connecti cerato, tum erectam intra vas fistulam suspendi, atque aquam eâ copiâ affundi, vt eius superficies superemineat vesicæ; apparebit enim vesicæ particula subiens fistulæ osculum, aquâ videlicet vrgente. Nec dissimili ratione in cucurbitulas carnem intrudi volunt.

Maur. Si quando osculo fistulæ, ex qua multum Argenti viui effluxerit, digitum apposuerunt Philosophi isti, procul dubio ad ingenij subtilitatem ostentandam, aut vt se in arreptâ sententiâ constantes præbeant, hæc comminiscuntur: Coeterum (mihi experto, aut potius tantum dolorem omnino experiri renuenti crede) summa digiti caro intrâ osculum eâ vi trahitur, eoque dolore, qui vellicatum omnem superet. Quod si aër exterior vrget carnem in locum aëris minùs compressi in calente cucurbitulâ, illâ refrigerente fit iterum magis constipatus aër atque compressus (præsertim si glacies exterius applicetur vitro) igitur magis resistit, ne caro ingeratur: & tamen oppositum contingit, quamuis exteriori aëri nulla addatur grauitas, qua validius vrgeat carnem. Si verò concedant aërem frigescentem ad minus spatium se contrahere in cucurbitulâ, cur potius aëri exteriori prementi, quàm interiori attrahenti tribuatur carnis ingressus in cucurbitulam? Exemplum autem ex vesicâ flaccidâ desumptum non est satis efficax; aqua enim imminens aëri vesicæ incluso grauitat supra id, quod est secundum speciem leuius; nil igitur mirum, si aërem premat, & hic, quâ patet exitus, abire conetur per osculum fistulæ, per quod, etiam si non premeretur, suapte naturâ niteretur exire, vtpote intrâ aquam & sub aquâ leuitans. Imò ipse aër fistulæ infra superficiem aquæ depressus conatur ascendere, & nihil subsequi valet nisi membrana vesicæ cum particulâ inclusi aëris. At verò caro non est secundum speciem leuior aëre, vt supra illam aër grauitare debeat, eamque fursum vrgeri in cucurbitulam. Coeterum corpori raro, à quo impletur spatium à Mercurio relictum, concedendam esse vim attrahendi suadere videtur iteratum aliquoties à Florentinis Academicis experimentum, pag. 84., quoprehenderunt ibi paleas ab Electro, quamuis crebrâ frictione excitato, non trahi; cuius inertix nulla apparet probabilior causa, nisi quòd expirationes electricas tantâ vi ad se rapit spiritus ille Mercurij rarus, vt peruenire nequeant ad paleas, & consuetum motum electricum efficere; imò tantâ vi spiritus Mercurij (sic illum vocare liceat) per vim rarus ex electri superficie exsugit expirationes ad trahendam paleam aptas, vt etiam admisso aëre, & iterato vehementi fricatu, excitari nequeat electrum ad trahendum.

Quod ad languores & interitum animalium in Machinâ Pneumati-

maticâ Boyleâ attinet, difficultas ducendi spiritum oritur ex eo, quod aër per vim rarefactus non solum non attrahitur in pulmones (detrectans fortasse raritatem maiorem, quam subire necesse esset, nisi eleuatus thorax tantundem spatij acquirat, quantum decedit spiritui, quem animans haurit) sed se contrahens attrahit ex animalis pulmonibus spiritum, quem ibi reliquum inuenit: interclusâ autem respiratione facilè animal perire satis notum est. Certè in piscibus exhaustâ aëre vesiculam obseruarunt Academici Florentini; aëre videlicet intrâ machinam nimis raro attrahente aërem vesicæ inclusum. In altissimis verò montium iugis aër quidem crassus non est, neque per vim rarus, sed animalis respirationi non congruit, quia sæpè abundat halitibus nitrosis, aut similibus noxijs; nam, vt & Ciceroni innotuit, *animi pars redditur respirando, pars concipitur cordis ventriculo*: nempe mixti cum sanguine intra pulmones huiusmodi halitus per arteriam venosam ad cor delati illud lædunt. Quàm sæpè autem in infimo hoc aëre idem experimur? vbi potissimum teterrimi quidam odores cogunt applicito naribus linteolo pestem illam aliquâ tandem ratione auertere, & noxijs spiritus, quos haurimus, stomachum mouent, atque, si cor penetrent, etiam aliquando necem intulisse possem non vnico exemplo ostendere. Quid autem porro?

Dand. Plura quidem ad aëris grauitatem atque pressionem adstruendam congeruntur argumenta, sed tanquam minoris momenti dissimulanda. Quid enim asseram effolsâ terrâ aërem, utpote grauem, descendere in scrobem? Quasi vis eadem, quæ terram in aëris locum attollit, nequeat aërem impellere in spatium à terrâ relictum, factâ locorum commutatione facilius, quàm aëris compressione, relictâ scrobe prorsus inani. Aëris grauitatem non infert diminutum ferè sescunciâ globi Magdeburgici pondus post diuturnam exugentis antliæ agitationem: Sed quia aër in globo rarus factus est leuior aëre communi, qui globum prius implebat, moles ex vitro eodem graui, & ex aëre raro leui composita, euasit secundum speciem minùs grauis, ac prius. Neque auctum ex intruso aëre pondus folliis pugillatorij, argumentum est grauitatis aëri communi tribuendæ: Sed constipatus aër secundum speciem grauior aëre communi componit cum alutâ molem in specie grauiorem. Illud scilicet infirmum est, quo probare nituntur leuem non esse aërem, sed grauem, dum sic arguunt; Grauitas gra-

grauitati addita constituit aliquid magis graue; igitur & leue additum leui facit aliquid leuius: quapropter, cum aër in folle pugillatorio additus aëri efficiat molem grauiorem, indicium est graue additum fuisse graui. Nam hæc argumentandi forma perinde est, ac si dicerem, longitudo addita longitudini facit Maius; Multum additum multo facit plus; Crassum additum crasso facit crassius; igitur Paruum additum paruo facit breuius, Modicum additum modico facit minus, Tenue additum tenui facit subtilius: Cum autem huiusmodi consecutiones manifestâ falsitate laborent, quia quæ per exuperantiam & defectum opponuntur, contrario modo se habent, & ad augendam denominationem exuperantibus additio, deficientibus detractio conuenit; idè ad constituendam leuitatem maiorem non est addendum leue leui in eodem spatio, sed demendum leue ex leui. Quamquam eo ipso quod in eodem spatio corporis cœteroquē leuis (aut saltem non grauis, quia in loco suo) constipatur alia pars corporis simpliciter & solitariè leuis extra illud spatium, iam non sunt duo leuia, sed factum est vnum graue: neque enim hic res se habet, quemadmodum si ex naui exportentur sarcinæ, quarum in locum succedit aër, & aëre addito aëri naui fit leuior.

Similiter prætereo Hydrostaticum fundamentum ex Archimede peti-
tum, vbi liquoris partes premere, & vrgeri se inuicem, ponuntur: Hæc enim mera Hypothesis est, quam assumere non examinatis Physicis rationibus Geometræ licuit: Cœterum, pressione omni valere iussâ, quæ merguntur, pro dissimilitudine constipationis materiæ grauitant; quæ innatant, parem habent depresso partis leuitatem cum grauitate emerisæ. Si enim aër aquam premit, & aqua aquam, sit in vase superficies aquæ FG, cui innatat cylindrus ligneus da, & extra aquam est pars cd. Superficie aquæ FG intelligatur parallela superficies HI, in qua est basis lignei cylindri ab. Iam sic. Si partes superficiei HI non premerentur æqualiter ab impositis partibus, pars minùs pressâ vrgeretur sursum: igitur tam premit cylindrus ligneus da vnâ cum incumbente illi cylindro aërio, quàm premant aquei cylindri æqualis basis simul cum impositis cylindris aërijs: at reliqui cylindri aërij longiores sunt illo, qui incumbit cylindro ligneo, aquei verò cylindri æqualis basis non sunt leuior-



res; sed æqualis grauitatis cum toto cylindro ligneo: ergo non est æqualis pressio in *ab*, atque in *io*, cum tamen fiat consistentia tum liquoris, tum ligni. Ex quo non obscure arguitur, nullam esse pressionem aëris supra aquam. Quod verò narrant in Gallia obseruatum de vtre ad radicem altissimi montis languido, in summo autem iugi vertice distento, & iterum flaccescente, cum in vallem reportaretur. quasi inclusus aër deueniens in superiorem locum, vbi à breuiore & minùs graui aëris cylindro premeretur, vi suâ elasticâ se ipse expanderet; reductus autem ad infimum locum magis premeretur: Non me admodum facilem habet ad assentendum: nisi fortè vter in ascensu Solis radijs percussus incaluit, & erumpentes ex corpore defatigati in motu hominis illum deferentis subferuidos halitus concepit, vnde & raritatem assumpserit inclusus aër, quam postea deposuerit ad vesperum, & in vallis vmbra, iterum concreescens vi frigoris. Subuereor autem, ne id excogitatum fuerit ex præconceptâ opinione elateris, ob quandam analogiam cum vesiculâ flaccidâ, quæ in Machinâ Boyleâ, cum exhauriretur aër, intumescerebat: ibi quippe rarescens aër vnde quaque membranam vesicæ attrahebat, & inclusum in vesicâ aërem distrahebat; qui rursus se contrahebat, atque vesica detumescerebat, cum, nouo aëre in Machinam admissa, vis cessabat attrahens circumflui aëris ad pristinum statum se restituentis. At in libero aëre nihil huiusmodi contingit. Certè tam multos vtres oleo repletos, & non nihil aëris habentes ex Liguria in Galliam Cisalpinam quasi perpetuò deuehi nouimus, & nullum inflationis vestigium apparuit in summorum montium transitu: nisi fortè hos nimis humiles dicas. An in vitreâ phialâ, cuius osculo obducta sit membrana, si in altissimum montem transferatur, inclusus aër exercet vim elasticam ita, vt membranam magis distendat? modo absit vis caloris rarum illum facientis. Sed, vt aliquid narrantium authoritati tribuamus, haud dubium quin motui medium propellendum resistat pro sua densitate, quancunque in partem vrgeatur, etsi non aduersetur illius grauitas, cum motus non sit sursum, sed ad latera: sic aqua magis resistit quàm aër, mel magis quàm aqua: Igitur & aër crassior magis resistit, quàm rarus. Sicut itaque, cum in vtre aut vesicam ingeritur aër, resisteret mel aut aqua, ne vesicæ latera adeò distenderentur, ac propterea inclusus aër aliquam pateretur compressionem, perin-

perinde ac si immitteretur in vas firmiorum laterum: ita quoque circumfluit aër crassior aliquatenus resistit, ne vesicæ latera extendantur, ideoque comprimitur ingestus aër; qui postmodum in aëre raro, minusque resistente dilataripotest. His & similibus non videtur operæ pretium immorari. Vnum superest, quod aliquâ indigeat explicatione. In siphonem æqualium crurum utrâque extremitate hiantem infundunt Mercurium, non tamen omnino implent; & quia se Mercurius æqualiter librat, æqualis aëris portio hinc & hinc siphonem replet. Appositis utrique osculo digitis inuertitur siphon, & aër in superiorem siphonis curvaturam se recipit: Tum oscula immerguntur Mercurio subiectorum singulis vasorum, atque amotis digitis descendit in vasa pars Mercurij, pars in utroque crure altitudinem habens æqualem suspensa manet. Firmatur siphon immotus, & alterutrum vas ita attollitur, ut illud siphonis crus immergatur profundius: tunc in crure illo attollitur Mercurius, sed tantundem in reliquo crure deprimitur. At si hæc eadem præstiteris siphone eodem prorsus pleno Mercurij, omni aëre excluso, siquidem crura ponuntur longiora digitis 30, descendit utrinque Mercurius ad statam altitudinem: verum si vas alteri cruri subiectum attollatur aut deprimatur, attollitur quidem aut deprimitur ibi Mercurius, sed in altero crure immotus manet, quasi cum illo nihil habens commercij. Quando aër intercipitur inter duos illos Mercurij cylindros, aiunt esse non ut eorum nexum, sed ut impedimentum, ne ad se vicissim proximè accedant, adeoque, dum cylinder vnus Mercurij à suo cylindro aërio attollitur, ab hoc vrgeri aërem intermedium, ut reliquus deprimatur. At cum nihil aëris in siphonem admissum fuit, cylindri illi Mercuriales nihil habent intermedium, quod vrgeant, sed singuli sustentur à suo aërio cylindro exterius premente.

Maur. Horum igitur Philosophorum vestigia prementibus dicendum est, duos aërios cylindros exterius incumbentes Mercurio vasorum sustinere duos cylindros Mercuriales in cruribus siphonis, simulque reniti virtuti elasticæ aëris interclusi; sublato altius vasculo, ad digitos 4 ex: gr., Mercurialem cylindrum breviorum factum minus ponderare, ac propterea exteriorem aërium cylindrum, licet digitis quatuor diminutum, præpollentem reliquo fistulæ Mercurio ex vase in fistulam extrudere Mercurium altius,

tius, & impellendo aërem siphonis deprimere in altero crure Mercurium; vicissim verò depresso vase, quia longior esset & grauior cylindrus Mercurij in fistulâ, quàm sustineri possit ab exteriori aëre contra vim elasticam aëris interclusi, illum descendere, & cedendo permittere, vt alter cylindrus aërius sursum extrudat Mercurium in altero siphonis crure.

Dand. Hæc mihi quoquæ videntur eorum placitis consentanea: licet difficile sit intelligere cylindrum aërium vasi immoto insistentem sursum repelli vi alterius non maioris cylindri aërij, dum vrget Mercurium, qui in eodem vase immoto succrescit.

Maur. Ego verò inter duos illos aërios cylindros exteriori prementes vasa nullam aliam video factam, elato altero vase, varietatem, præter alterius cylindri diminutionem dig. 4., cui altitudini respondet Mercurialis cylindri altitudo, quæ nullâ oculorum acie perspicui valeat, quippe quæ ad digitos 4 se habet vt grauitas aëris ad grauitatem Mercurij: igitur in hoc crure altius demerso attollitur Mercurius supra Mercurium vasis ad altitudinem ferè priori æqualem, hoc est digitos ferè 4 supra punctum, vbi desinebat prior altitudo. Quia verò quantum iste attollitur, tantundem alius Mercurius in reliquo crure deprimatur propter aërem intermedium compressioni repugnantem, necesse est alium Mercurialem cylindrum fuisse diminutum digitis ferè 4, tantâ scilicet grauitate, quantam grauitatem habet cylindrus aërius altitudinis, quæ ad altitudinem dig. 4 se habeat vt grauitas Mercurij ad grauitatem aëris secundum speciem: cylindrus tamen ille aërius vasi imminens non est diminutus nisi, quantum succrescit in vase Mercurij superficies; id quod vix conspicuum est, si vas sit amplum. Quod itaque attinet ad duos aërios cylindros sustentantes Mercurium in siphonis cruribus, eorum grauitas vix intelligi potest diminuta, cum eorum altitudines solum 4 digitis discrepent; aëris in siphone intercepti virtus elastica non est aucta; Mercurij in siphone grauitas est minor, videlicet in altero quidem crure, cuius vas immotum fuit, diminuta digitis ferè 4, in altero verò modicum quid, quantum fert altitudo reciproca grauitatum secundum speciem, hoc est omnino dig. 4 ferè. Qua igitur ratione contingat æquilibrium inter exteriores aëris cylindros grauitatis vix imminutæ & inæqualis, atque Mercurium diminutum in cruribus siphonis additâ vi elasticâ aëris interclusi, non satis in-

telligo, si etiam prius erat eorundem cylindrorum aëriorum cum maioribus cylindris Mercurialibus & eadem vi elasticâ aëris, æquilibrium; eadem enim gravitas inæqualibus gravitatibus æqualis esse nequit.

Quoniam verò aliquid simile contingit, si loco Mercurij aqua siphoni infundatur, & aër in superiore siphonis inuersi curuaturam se recipiat (hoc discrimine, quod aqua ex siphone minore digitis 400. non exit, quia tanta non est aquæ gravitas, ut eius vi aër distrahatur, atque rareseat) elato enim vase altero aquam continente, in crure illo aqua ascendit, & in opposito descendit; propterea utrobique, siue Mercurius sit, siue aqua, eadem est ratio. Quia nempe in elato vase crus siphonis magis immergitur, & aquæ aut Mercurij supereminens cylindrus minuitur, dum immoto reliquo vase oppositi cruris cylindrus eandem obtinet altitudinem: ideò hic longior & grauior cum sit, præualeat, atque descendens secum rapit proximum aërem, & cum aëre aquam aut Mercurium alterius cruris; quapropter ille cylindrus supra commoti vasis superficiem augetur, hic minuitur vsque eò, dum altitudinum perpendicularia sint æqualia; & idcirco quantum alter sit breuior descendendo, alter sit longior ascendendo: si tamen hæc breuitas aut longitudo non simpliciter & absolute accipiat, sed comparatè ad superficiem subiecti vasis; nam in vase immoto dum liquor ex siphone descendit, superficies attollitur, & in vase elato superficies deprimitur, quæ succreuerat, cum vas attolleretur, & maiorem siphonis partem reciperet.

At quando siphonis crura longiora digitis 30 omnino repleta Mercurio conuertuntur, & in subiecta vasa apertis osculis vsque adeò defluit Mercurius, dum in utroque crure obtineat statam altitudinem dig. 30, si alterum vas attollatur, minuitur altitudo cylindri Mercurialis, ideòque spiritus ille per vim rarus (quisquis ille sit) qui Mercurium suspendit, inueniens hinc minorem gravitatem se contrahit, illumque altiùs rapit; neque propterea dimittit oppositi cruris cylindrum, ut tantundem descendat, quia iam spiritus ille nihil lucraretur, sed eadem spatij mensurâ definitus æqualem ac prius violentiam subiret æqualiter distractus; neque eundem oppositi cruris cylindrum sursum attrahit ad maiorem altitudinem, quia constitutum violentæ suspensionis terminum dig. 30 transilire nequit; ideò ille immotus manet. Similiter

ter depresso iterum vase, quia cylindrus Mercurialis fit altior digitis 30, iterum distrahit spiritum, qui non valet se contrahendo conari, ut oppositum cylindrum attollat ultra digitos 30; propterea ille adhuc immotus manet. Hinc satis constat non eandem efferationem, cum aër inter cylindros Mercuriales intercipitur; ille enim nequit aduersus Mercurium, quamuis aliquatenus diminutum, prauallere, ut illum attrahat; propterea illorum motum consequitur, prout ab hoc aut illo cylindro Mercuriali trahitur.

Grad. Satis diu à proposito scopo disputationem nostram de Ignis loco institutam detorsisse videtur hæc aëris grauitas tantopere celebrata. Certè Aristoteles lib. 4. de Cœlo text. 29. postquam asseruit lignum vnus talenti in aëre grauius esse, quàm plumbum vnus libræ, at in aquâ leuius esse, apertissimè ait, *Omnia grauitatem habent præter ignem, & leuitatem præter terram.* Vidit scilicet Philosophus grauia & leuia comparatè dicenda corpora, prout in medio prona sunt in motum siuè sursum, siuè deorsum, iuxta constipationis materiæ dissimilitudinem. Si igitur aër cùm igne comparatus grauis dici potest, cum aquâ & terrâ collatus leuis est. Quoniam itaque insperantibus nobis cecidit, ut in istum sermonem delaberemur, redeamus, si placet, ad ignem, & immoderatiùs excurrat hodierna hæc nostra colloquio.

Maur. Opportunè sanè mones, Gradonice. Quanquam ipsi nobis disputandi lex sumus, neque vitio vertendum, quod philosophandi gratiâ digressi parumper fuerimus à causâ: non aded tamen longè abducti sumus, quin ad præsentem de Ignis loco quæstionem aliquid vtilitatis conferat hæc de aëris leuitate aut grauitate disceptatio. Nam si aër grauis, se deorsum vrgendo, sursum extruderet flammam, hæc utique ex ellychnijs erumpens non in conii fastigium desineret, sed potiùs in imâ basi appareret compressa ab aëre circumfluo, quemadmodum cùm mollem ceram digitis interclusam exprimimus. Ipsa igitur flamma sponte suâ ascendens sibi, cunei in morem, viam aperit in aëre obistente, quia flamma leuior est quàm aër.

Grad. Si aërem suâ virtute permeat flamma leuior, supremus profectò in hac elementorum regione tribendus est Igni locus, supra aërem ascendere contententi: neque enim ascendit

ratione terræ aut aquæ, quæ graues sunt, neque ratione aëris admissi, qui cum intra aërem existat, non deberet conari ascendere: igitur ascendit flamma yi plurimi ignis, quem habet.

Maur. Flammæ naturam à nobis antè examinari nollem, quàm de exarsione disputauerimus. Quod ad præsentem quæstionem attinet, flammam aëre leuiorem asserens non continuò leuitatem igni adstruo. Si enim ex vapore admodum raro & ex igniculis adhuc vaporì implicatis composita moles sit secundum speciem aëre leuior, leuitas tribuitur flammæ, quin ipsa Ignis natura, seorsim accepta, leuitate prædita intelligatur; potest siquidem à vapore sursum rapi haud secus, ac in salientibus aqua salsa, aut limosa, permistum salem, aut limum secum defert, cum tamen quiescente aquâ demum subsidat limus, aut illâ euanescente sal relinquatur. Ita pariter, si igniculi leues non fuerint, resolutâ flammâ, à vapore raro liberati eò pergere poterunt, vbi quietem illis Natura destinauit. Quis grauem neget esse fuliginem? illa tamen cum flammâ ascendit, & nisi caminis adhæreret, vix ea nobis innotesceret.

Grad. Itane vero? Ignem grauem putas? Vix mihi tempero à voce Vrielis Angeli Esdram alloquentis (Esdrlib.4.cap.4.5.) *Vade, pondera mihi pondus ignis.*

Maur. Quin & consequentia Angeli verba addis? *aut mensura mihi flatum venti, aut reuoca mihi diem, quæ præterijt.* An quia venti flatum metiri nescimus, & præteritam diem reuocare nequimus, neque flant venti, neque prætereunt dies? Non igitur ideò pondus igni denegandum est, quia nobis certa mensura non suppetit, qua illud definiamus. Profectò pondus igni inesse (neque illud quidem Metaphoricum) pro certo habuit Vriel, alioquin tam ineptè dixisset, *Pondera mihi pondus ignis*, quàm si dixisset, *Numeramibi ranarum plumas*, quibus carent. Quod si nullâ prorsus grauitate præditus est ignis, cur, dum virtute fornacis in cinerem redigitur plumbum, cuiusque centenario octo aut decem pondo adduntur, vt metallarij testantur? Nonne & lateres ipsi in fornace excocti, quamuis plurimus humor in fumum abierit, grauiores deprehenduntur, maximè si nimio calore sollicitati in materiam ferro affinem solui cœperint?

Dand. Quandoquidem, vbi de Igne disceptatur, non est à for-

fornace recedendum, vnum pariter addam in rem nostram maximè opportunum. Satis notum est lapides in calcem excoctos multo leuiores fieri, quàm cum in flumine colligebantur, aut ex rupe excindebantur: Nam saxa, vt ait Vitruuius lib.2. cap.5. *excocto liquore circiter tertiâ parte ponderis imminuta esse inueniuntur*. Si tamen recentem calcem viuam fortiorem (antequam ex aëre halitus aqueos exugat, quibus illa extinguitur) igni vehementi in catino exposueris, post duas aut tres horas eductam, & bilanci statim impositam deprehendes auctam pondere non contemnendo: Nam Massula pendens drachmas duas inuenta est acquisiuisse in pondere grana viginti nouem spatio horarum duarum: id quod,tribuendum videtur additamento igniculorum; quorum pariter accessionem factam in excôquendo latere non leuis est coniectura, sulphure scilicet vnâ cum salinis particulis lignorum peruadente meatus lapidis, sequè terreis illius particulis commiscente. Imò catinos ipsos (quos Cupellas dicimus) ex ossium cineribus confectos, si primùm expendantur accuratâ bilance, vbi iam probè incaluerint, & omnis prorsus vapor auolauerit, deinde in furno probatorio ad duas saltem horas vehementiâ ignis permiseris, candentes extractos, & statim librâ examinatos deprehendes auctos pondere, quod non nisi ab Igne lucrari potuerunt: Nam si in ipsâ librâ tandiu illos subsistere permiseris, quoad omnino refrixerint, tunc demum aliud pondus accedet ex aquei vaporis, quo imbutus est aër, accessione.

Maur. Ignein grauem esse non leuis mihi iniecta est iamdudum suspicio, cum incidi in *Dissertationes de Terrâ machinis motâ*, quamuis Authôr ab illâ, tunc alienâ, quæstione maluerit abstinere. Sed vbi nouissimè oblatas est libellus, cui titulum fecit *De Flamma ponderabilitate* acutissimus Naturæ vestigator Boyle, in hanc sententiam ita me inclinatum tot experimentis fautor, vt in maximam verisimilitudinem penè transferit coniectura. Quid enim laminæ cupræ drachmarum duarum & gran. 25 pondus habentis grauitatem auxit granis ferè 32? nisi subiecta sulphuris ardentis flamma, ex qua, licèt sulphur insigni intervallo abesset à laminâ, igniculi in cuprum penetrârunt, quod & nonnihil intumuisse conspiciebatur. Id quod & argenti repurgati laminæ drachmæ vnus (si tamen grana duo adiecta intellexeris) contingit æquali duarum horarum spatio, nam & in-

tumuit, & octo ferè granorum in pondere incrementum suscepit; deprehensa siquidem est drachmæ vnius & granorum quinque cum didrante.

Dand. Anglicis tamen experimentis opponere quis posset Flörentinorum Academicorum experimentum (fol. 256.) qui duas planè æquales virgulas, chalybeas, delicatissimæ, bilanci imposuerunt alteram ignitam, frigidam alteram; hæc autem paulo grauior apparebat: sed ubi ad eam proximè adnota est pruna, aut ferrum candens, illico redijt ad æquilibrium. Id quod contingit, siuè aureæ, siuè argentæ, siuè ex quolibet aliò metallo fuerint virgulæ. Imò in lancibus vacuis eiusdem delicatissimæ libræ obseruatum est, si alteri lanci admoueat ex parte superiori accensus carbo, illam quasi leuiorem attolli, at verò si carbo ei subijciatur, eandem quasi grauiorem factam descendere.

Mauroc. Vt ab hoc postremo, quod quasi *παρίρρον* additur præsentiquæstioni, non est mirum lancem vacuum subdito carbone ignito descendere, & illo supernè admoto attolli, si illud, quod apud omnes extrà controuersiam est, admittamus, videlicet aërem vi caloris rari fieri: Si igitur ab ardente prunâ aër infra lancem sit rarus, ac propterea leuior, quàm aër oppositæ lanci subiectus, utique lanx magis supra illum grauitat; idcirco descendit. Contra verò aër intrâ lancis labra comprehensus ex calore admoti carbonis rarefcit, adeoque moles ex lancis metallo & aëre raro composita, fit in specie leuior ac prius, proinde leuior quàm opposita lanx; ideò à grauiore attollitur. Quod verò spectat ad virgulas illas, coeteroqui æquales, dispares tantum ratione caloris & frigoris, dicam grauiorem apparere frigidam virgulam, quia aër intrâ eiusdem poros & lancis labra comprehensus non est æquè rarus, ac aër implens poros virgulæ ignitæ, cuius calore rarefcit etiam aër, qui lancis labris continetur: statim igitur ac admotâ prunâ rarefcit aër circa & intrâ frigidam virgulam, fit etiam leuior, & moles ex hoc aëre raro & chalybe composita fit secundum speciem leuior, ac proinde vtraque virgula in æquilibrio consistit. At in experimento Boyleo lamina cuprea, aut argentea, non tantum calefacta est, & ignita, sed diuturnitate temporis, hoc est duarum horarum spatio, congesti sunt intrâ eius poros igniculi; excluso fortas-

sè:

Se omni aëre, qui suâ leuitate metalli grauitatem imminuere valeat.

Grad. Sulphuræ fuligini patentes cupri, aut argenti, meatus peruadenti faciliè tribui potest illa ponderis accessio, quin ignem propterea grauem dicamus. Cum enim cuprum præ argento ampliores poros habeat, plus admisit ex illâ fuliginè, ideòque maius in cupro fuit quàm in argento incrementum grauitatis: & fortasse non æquè purum adhibitum est sulphur vtri-que experimento, vt proinde alterius fuligines additæ fuerint grauiores.

Maur. Non est ad Sulphuris naturam, quasi ad peculiarem causam referenda hæc ponderis appendicula; Nam laminarum cuprearum vncia vna in depresso crucibulo imposita furno probatorio, ibique duas horas seruata, acquisiuit ponderis grana triginta: & ramentorum cupri vncia breuissimo crucibulo iniecta, atque regulâ fornicatâ cooperta, in furno probatorio ad tres horas relictâ, demum deprehensa est granis quadraginta nouem aucta. Similiter vncia stanni Anglici in catino regulâ fornicatâ cooperto post duas horas extracta è furno probè calcinata, drachmam integram lucrata fuerat. Item ramentorum chalybeorum drachmæ quatuor per duas horas in catino sub fornicatâ regulâ detentæ incrementum ponderis acquirebant vnus drachmæ & granorum sex cum quadrante. Hic nullæ intercesserunt sulphuris fuligines.

Grad. Experimenta huiusmodi ab ingenuo viro producta quis nisi plenus inconsiderantissimæ, ac dementissimæ temeritatis inficietur? Hic mihi tamen ex animo euellendus est scrupulus, qui me non parum stimulans adhuc ancipitem reddit. An non & ignis iste, quem Reuerberij vocant: suas habet fuligines, quæ etiam sub tegulam insinuare se valeant in crucibulum, & metallo commisceri, cui proinde pondus addant?

Dand. At fuligini ipsi igniculos inesse non paucos contendunt igneæ grauitatis assertores. Certè si fuliginem in aquâ dissolutam tandiu coquas, donec sanguinis instar aqua rubescat, tum hanc terreo vase exceptam brumali tempore exponas frigori maximo, adeò vt tota demum in glaciem albam concreseat; si omnia confringantur, in mediâ glacie reperies oleum maximè calidum instar sanguinis rubrum, quod præstantissimum dicitur medica-

mentum aduersus scabiem foedam, psoram, pruriginem, & similia cutis vitia, si eo pars affecta delibata fuerit.

Grad. Adhuc tamen igniculos illos fuligini permistos graues esse non constat.

Maur. Sed si omni fuliginis suspicione submotâ adhuc augeri pondus innotescat, nonne solis igniculis grauitatis incrementum tribuendum erit? Duæ stanni vnciæ duobus crucibulis sibi inuicem oppositis & coaptatis conclusæ fuerunt, commissuris omnibus atque rimis luto Chymico probè obductis, ne quicquam illabi posset. Sesquihoram in furno probatorio Stannum tulit ignis vehementiam, & ex crucibulis exemptum inuentum est acquisuisse pondus granorum sex; quod sanè nulli fuligini tribui poterat, siquidem stanni pars redacta fuerat in calcem valde candidam, maior verò pars abierat in massam eleganti colore luteo aurum ferè æmulante, paulo tamen saturiori, imbutam. Vtique calcis illius candori nihil erat commercij cum atro fuliginis colore; quæ tamen per crucibulorum meatus irrepere non poterat. Quid? Quod vncia Calcis Stanni nouo catino immissa est, & per duas horas sub tegulâ fornicatâ in fornace probatoriâ detenta; vbi fuit exempta, & adhuc feruida bilanci imposita, deprehensa est auxisse pondus drachmâ vnâ & granis triginta quinque: & nequa subesse posset fuliginis suspicio, puluis ille maiorem ex igne albedinem traxerat. An verò tam amplos in vitro poros constringere possumus, vt per illos fuligini aditus pateat? Et tamen purum stannum in minutiores particulas dissectum, atque vitreis phialis, quæ ignis vim ferre possent, inclusum partim in calcem redactum, partim in massam coactum, ponderis incrementa conspicua suscepit ex diuturnâ ignis actione. Neque hoc solum quando igniti carbonēs adhibiti sunt, verum etiam cum defecatissimus vini spiritus, nihil reddens fuliginis, ardebat. Porro in tantâ experimentorum ab Egregio illo viro institutorum varietate, illud non leui animaduersione dignum videtur, quod in vitreis vasis contigit minor ponderis accessio, quàm in crucibulis oclusis: id quod summis vitreorum meatuum angustijs tribuendum est, per quas non nisi tenuissimi igniculi se inferre valeant, cum cœteroqui vitrum sit reliquis spiritibus imperuium, nam in eo, præsertim Hermetice clauso, seruantur.

Addo duplex experimentum a Io: Rodulpho Glauber lib. de
Auri

Auri tinctura pag. 4. allatum. Solue, inquit, metallum sulphureum aliquod, ut ferrum, aut cuprum, quouis spiritu acido: denudque abstrahé spiritum: id quod remanet candefacito, non tamen nimis, sed quantum sufficit ad omnimodam spirituum expirationem. Reliquam huiusmodi materiam (obseruato prius illius pondere) crucibulo immissam colloca in igne (caue tamen, ne fluat metallum, sed saltem obscure candeat cum crucibulo) trium vel quatuor hebdomadam spatio. Quo tempore elapso, iterum exemptum metallum ad libræ lances examina, & re ipsa euidens experire metalli tui incrementum. Alterum est, quod ille vocat Euidentiùs. Colloca cuprum, vel aliud metallum sulphureum cum 16 vel 18 partibus plumbi in cupellâ optimè crematâ factâ è cineribus ligni vel ossium, in fornace docimasticâ (obseruato prius exactissimè pondere cupellæ, cupri, & plumbi) & igne, non tamen nimio, fac euanescere cum plumbo cuprum. Quo factò exime cupellam, ubi refrixerit: & illam denud examinatam librâ reperiès longè grauiorem, ita ut pondus eius (quamuis multum plumbi in auras abierit in cupellatione) excedat non modò proprium sed etiam cupri & plumbi pondus. Quid additum est præter ignem?

Grad. Quanquam satis perspectum habeam à non paucis hanc igniculatorum irruptionem in vasa igni exposita improbari, neque prorsus velint aquam subditis ignibus effruescere, quòd illi calida effluuia per vasis meatus illapsa commisceantur; Ego tamen ab hac philosophandi methodo non abhorreo, & faciliè adducor, ut admittam tenuissimas ignium particulas ita se in metallorum poros insinuare, ut illis implicatæ & permixtæ cohæreant. Verùm ab illâ tam penitus insitâ, tam vetustâ opinione, quæ lycea opleuit, nec solùm ad opinionem vulgi retenta videtur, de Ignis leuitate, cum eâ iam tum puer imbutus fuerim, non ad eò promptè me expedio; propterea me omnem prius in partem verso, quàm illam ex animo excutiam. Liceat igitur sic ratiocinari. Fingamus molem aliquam ex ferro & ligno compositam, huiusque molis grauitatem in aquâ examinemus. Tum moles illa in ardenti fornace tantisper retineatur, dum lignum vi ignis absumatur; aut potiùs (nequam fortè additi ponderis suspicionem ingerant igniculi) cultro eximantur aut omnes, aut plurimæ partes ligni. Deinde iterum in aquâ examinetur molis illius grauitas, & deprehendetur

maior: non quia aliquid graue additum illi fuerit, sed quia aliquid leue, videlicet lignum, demptum est, quod suâ leuitate in aquâ deterēbat ferri grauitatem, quamuis in aëre facta sit minor grauitas dempto ligno, quod pariter in aëre est graue. Quid ni, inquam, simile aliquid in allatis experimentis contingat? Cum primum ex venâ metallum seiunctum fuit, & ope ignis solutum in massam frigore coaluit, intra poros plurimas ignis permisti particulas conclusit, quas si dixerimus aëre leuiiores, vtrique metalli grauitatem imminuunt. Iam verò si metallum igni iterum exponatur, in eòque diutius ad aliquot horas detineatur, vi caloris ita recludi possunt intimi meatus, vt leuissima particula ibi iam dudum conclusa, & raritatem maiorem affectantes, tandem auolare valeant, fiatque metalli maior secundum speciem grauitas, non quia graues aliquæ ignis particulae additæ fuerint, sed quia metallum particulas aëre leuiiores amiserit.

Maur. Ingeniosè excogitatum: an veritas prorsus congruat, non satis scio. Si ex caloris vehementiâ metallicarum laminarum, aut scobis, aut calcis meatus recluduntur, & ignei spiritus, quos, si cum aëre comparentur, leues dicis, inde auolant, quid in eorum locum succedit? Nonne similes igniculi? & quidem maiore copiâ pro meatuum amplitudine maiore; qui propterea, si aëre leuiiores essent, multo magis metalli grauitatem imminuerent, quam tamen auctam obseruamus. Neque possumus igniculos omnes extrudere, vt prorsus aër poros illos impleat; quandoquidem adhuc feruens materia bilancis examini subiecta est. Fatendum igitur igniculos in materiam metallicam irruentes (simile ponderis augmentum deprehensum est in Corallij rubri fragminulis in vitreâ phialâ hermetico sigillo obstructâ clausis, super accensos carbones, ne vitrum labem faceret, per interualla collocatis) dum alijs ab alijs vrgentur, ita demum intrâ poros constipari, & cum alijs particulis complicari, vt pro suâ mobilitate auolare nequeant; id quod aliquam temporis diuturnitatem exigit, vt experiendo didicimus.

Vt autem, quod res est, sincerè eloquar, dissimulandum non videtur, quid tandem ex huiuscemodi experimentis in rem nostram confici queat. Et primum quidem ex postremo, quod Boyle attulit de *Penetrabilitate vitri*, experimento habemus plumbi vnciam in vitreâ retortâ hermetice sigillatâ post duas horas

lucra-

lucratam fuisse ponderis grana sex, ita tamen vt septem scrupula & amplius in calcem subactam conuersa fuerint. Cum verò calcis illius (quod Plumbi & extinctæ Flammæ aggregatum ipse vocat) pondus in Aquâ examinaretur, deprehensa est specifica grauitas minor, specificâ grauitate Plumbi, cuius grauitas ad a quæ mole paris grauitatem est proximè vt 23 ad 2, subtilis verò huius Calcis grauitas inuenta est solum vt 9 ad 1. Ex quo manifestè deprehenditur (si Calx sit Metallî & Ignis aggregatum) additum quidem fuisse metallo aliquid, quod in aëre graue sit, cum metalli pondus augeatur, non tamen illud additamentum in metalli naturam transiisse, cum ipsi metallo, vtpote leuius aquâ, detrahat grauitatem. Hanc verò specificæ grauitatis mutationem in Calce plumbi obseruatam, satis probabili coniecturâ existimare possumus contigisse etiam laminæ cupræ, atque argentæ, in quibus manifestus tumor apparuit. Deinde adhuc incertum manet, vtrum igniculi illi suapte naturâ grauiores sint aëre isto infimo, in quo viuimus, & experimenta instituiamus. Quemadmodum enim aërem consimili aëre neque grauiorem, neque leuiorem dicimus, fieri tamen potest, vt plurimus aër in locum vnum congestus atque constipatus grauior fiat aëre non constipato, vt in foliis pugillatorijs videmus, quos etiam aëre hoc nostro grauiores futuros existimo, quamuis in altissimo monte inflati fuissent aëre tenuissimo & leuiori, atque huc adducti. Ita pariter quid prohibet igniculos suapte quidem naturâ leuiores aëre, aut certè non grauiores, eâ copiâ demum in metalli poros congeri, vt plurimum materiæ in angustissimo spatiolo collocatum exigat minùs abesse à centro grauium, quàm circumstius aër minus habens materiæ in mole pari? Quapropter hisce atque eiusmodi experimentis ne plus æquo tribuatur, cauendum; nec nisi meram coniecturam ex ijs capiendam censeo. Noui enim, quàm multa sint, quæ nos fallunt probabilitate magnâ, vt aiebat Cicero in Acadëmicis. Sed neque ob quamlibet obiectam difficultatem reiicienda sunt: nam si nullo adhuc experimento didicimus ita posse aërem constipari, vt aquæ grauitatem superet, non facilè admittendum congestos igniculos fieri aëre grauiores, si singuli sint secundùm speciem leuiores ipso aëre.

Dand. Sinobis, qua methodo Plumbi calx intrâ aquam expensa fuerit, innotesceret, fortasse lux aliqua maior affulgeret ad reco-

recognoscenda veritatis vestigia. An ideo (manente suâ igniculis grauitate) plumbi calx maiorem in aëre obtinuit grauitatem Absolutam, in aquâ verò minorem grauitatem Specificam, quia excauatas vi caloris in metallo cauernulas aliquas ampliores, quàm coërceri in illis queant igniculi maximè mobiles, subierit particula aëris in retortâ inclusi, qui in aëre quidem aut nullam, aut minimè conspicuam dissimilitudinem habeat, in aquâ autem suam leuitatem prodat, & metalli atque igniculorum pondus exerat?

Mauroc. Prorsus ita esse, vt ais, persuasum habeo; non tamen hæc experimenta assensum extorquerent, nisi cum cœteris argumentis consentirent, quibus adducor, vt credam ignem omnium sublunarem hanc vniuersitatem constituentium elementorum grauissimum esse, atque illi infimum deberi locum in Systemate elementari. Cum enim Telluris, Aquarum, & Aëris ordinem manifestò teneamus, non nisi supremus aut infimus locus Igni reliquus est. At supra aërem Ignis suapte naturâ maximè operosi elementum consistere otiosum, nullo argumento aut à calore hæc inferiora fouente, aut à luce nocturnas tenebras discutiente, aut à Naturæ indigentia, petito suadetur: Nisi fortè eo tantum consilio ibi constitutum Ignem fingamus, vt nullum spatium inane relinquatur; sed hoc munus abundè explere potest aër lunari regioni finitimus. Contra verò qui nesciat potissimum res cunctas gignendi instrumentum Naturæ esse Calorem, Caloris originem ex Igne duci, Ignis efficacitatem longè esse maiorem, si congestus fuerit, quàm si dissipatus? Maiore igitur prouidentia, rerum ortus à Naturâ administrantur, si circa Orbis centrum intra Telluris viscera Ignem conclusit, quam si illum in extremo elementaris Systematis ambitu ad amplissima spatia dilatatum atque diffusum eneruasset. Vtquid enim, si corpora ferè omnia in terræ sinu ex elementorum permixtione gignuntur, tanto intervallo sepositus ignis huc esset aduocandus, vt demum in rimas fodinarum latebras contruderetur, cum potuerit in proximo præsto esse, faciliusque cum cœteris misceri, ac temperari?

Dand. Ignem quidem in huius, quem incolimus, globi centro admittimus, quicunque ibi constitutum flagitiosis æternum carcerem fatemur: tu verò, si satis video, non illum ibi quasi pere-

peregrinum, sed sedem stabilem & domicilium certum ex naturæ instituto habentem agnoscis.

Maur. Agnosco sanè; nam igne, siue hospes sit in terræ centro, siue indigena, æquè torqueri posse impios nemo non videt. Quod si quam efficiendi facultatem maiorem proprius locus tribuere potest (quisque scilicet domi suæ fortior esse videtur) sedes utique illa ignis propria dicenda est, vbi summam efficacitatem in sceleratos exercere prædicatur. Inter se autem quam aptissimè coherent Diuina Bonitas cum Iustitiâ, si, quod est reorum supplicium, illud pariter totius Naturæ commodis vtilitatiq; seruiat. Neque Summæ Pietati consentaneum videtur, quod solam in pœnam conditus fuerit ille ignis, perinde atque, si nulla futura fuisset Angelorum aut hominum culpa, tellus intestino igne carere debuisset. Fateor in cruciandis damnatis multa præter naturam contingere miris quidem, sed veris modis, quæ Theologis disputanda relinquimus; nihil tamen prohibet, quin idem ipse ignis Naturæ decretis obsecundans telluris viscera suo calore foueat, & eorum, quæ in fodinis gignuntur, corporum ortum promoueat.

Dand. Astrorum virtute, ac potissimum Solis, generari atque concrefcere metalla & cœtera fossilia plerique existimant, adedò vt Planetæ ipsi metallis nomen fecerint quasi analogis: tu illis generis claritatem detrahis inferno igni obscuram eorum originem adscribens.

Maur. Occalluerunt aures toties in publicis Philosophorum disputationibus audienti, aurum in imis terræ visceribus à Sole generari; & ista quidem tolerabilius dicerentur, si Solis & siderum expirationes deorsum in terræ meatus detrudi paterentur, atque ex terrenis particulis & sidereis halitibus metalla componi: Sed actionem omnem astrorum calori atque luci ab aliquibus tribui, hoc illud est, quod satis mirari nunquam potui. Quotus enim quisque est, qui ignoret à luce Solis clarissimâ (vt de reliquis astris taceam) ne transuersum quidem digitum, nedum ad tot centenos pedes, penetrari tellurem, vtpote minimè perspicuam? Quod verò ad calorem attinet, hoc ab ijs impetrare maximè velim, vt, cum Sol æstius feruentissimè terram verberat, iuberent summâ diligentia ac celeritate scrobem effodi paulo profundiorē, puta pedes sex; nam extremam illam glebam illico
atque-

attestantes se ipsi docerent, quid de Solis calore tellurem per-
uadente probabiliter opinandum sit. Equidem, fateor, in me-
tallorum cauernas nunquam descendi, neque altius terram pene-
traui quàm domestica hypogæa, cum aliquando rusticarer: tan-
tum porro abest, vt summâ æstate aliquid caloris ibi perciperem,
vt potius indè me citò proripere coactus fuerim, ne frigore nimio
corruptus valetudinis integritatem imminuerem. Dabunt igitur
mihi veniam Philosophi illi, quod Solis calorem adhuc profun-
dius terram permeare non credam. Quid verò in abdita illâ terræ
regione contingat, non aliunde certiùs discere possumus, quàm
ex ijs, qui metallorum fodinas curiosius peruestigârunt: præter
has enim nulla depressior cauerna innotuit; nemo quippe telluris
viscera tam altè scrutaretur, nisi operæ pretium quæreret. Omnes
autem, quoscunque legerim de huiusmodi fodinis differentes, su-
premæ telluris regioni frigus, inferiori teporem primùm, deinde
calorem, qui sensim augescit, tribuunt: & speciatim Hungari-
cas aurifodinas describens Io: Baptista Morinus in *Relatione de locis
Subterraneis* adiectâ ad eam, quam scripsit *Mundi Sublunaris
Anatomiam* (pag. 131.) narrat se deprehendisse Mense Iulio re-
gionem superiorem terræ frigidissimam vsque ad pedes 480 circi-
ter; altius descendenti occurrisse calorem, qui vsque eò acrior in
inferioribus speluncæ partibus sentiebatur, vt effodiendi laborem
fufcipere non possent operarij nisi nudi: id quod in omnibus Hun-
gariæ fodinis obseruari testatur. His omnino affinia sunt, quæ
scripsit Io: de Beguinus Tyrocinij Chymici lib. 2. cap. 14. *Cum enim,*
inquit, superiori æstate, in Hungariâ, medio milliari in Schem-
nitz, in argenti fodinam mille quingentos circiter cubitos pro-
fundam descendissem; à fossoribus, qui ob summam minera æstum
vestibus, & ipso industo exuti laborabant; didici; Vapores mi-
nerales à centro Terræ frequenter sursum ferri, eorumque lu-
cernas, & ipsosmet, ni subito recedant, extinguere: aliquan-
to autem tempore post, in eodem loco illos balitus ad parietes fo-
dinae in massam, quæ leui contactu instar olei fluat, coagulatos
reperiri.

Quapropter nullus videtur relictus ambigendi locus, vtrum à
Sole, an ab Igne, quasi à Corde terræ, calor ille originem du-
cat, qui per venas diffundatur, particulasque commisceat, ex
quibus fossilia coëunt, siue ex metallorum aut mineralium, vt

vocant, siue ex lapidum aut marmorum, siue ex gemmarum genere censeantur. Cum enim tellus omni varioque Spirituum, Salium, & Sulphurum genere referta sit, atque in eius cuniculos se passim humor insinuet, hic vi caloris in vaporem attenuatus dum mouetur, modò sulphuris, modò salis particulas, modò spiritus offendit, quibus imbuatur. Cumque urgente calore sollicitatus vapor iam certo spirituum genere foetus incidat incognatum Sulphur, tum in Salem spiritibus illis & Sulphuri congruum, se inuicem complectuntur, & paulatim excoquantur, atque commiscuntur adeò, vt singula in minimas particulas, vt ita loquar, contrita iam, discrimine omni remoto, discerni nequeant, & in vnam temperentur naturam, variumque exurgat metallum pro variâ particularum componentium specie. Quod si particularum huiusmodi componentium permixtio contigerit crassiore quadam Mineruâ (quia fortasse non satis virium ibi exercere potest interior caloris origo) vel non eâ copiâ species aliqua suppetat (puta sulphura aut spiritum) quæ reliquis speciebus pro ratâ portione respondeat, rudimentum metalli consurgit, aut Pyrites, vulgo Marchesita: Idemque de cæteris fossilibus, analogiâ seruâtâ, dicendum. Et quia non vbique eadem species, aut par copia reperitur omnium particularum, quæ aptæ sunt ad gignendum aliquod fossile aut metallum, ideò non omnis fert omnia tellus; & alia fossilia non adeò procul à superficie telluris, alia in profundiore sinu generantur.

Dand. Hæc ratiocinatio nihil habere videtur incredibile aut absurdum: si enim subdito igne calentibus in vasis conclusæ ex arte plures species in vnam temperantur, & vno eodemque calore furni Philosophici, cuius fornici plura vasa alijs. atque alijs herbis referta inferuntur, varij & oppositis viribus præditi liquores extillantur; non video, cur simile quid præstare non possit. interior ille ignis à Naturâ imis terræ latebris inclusus.

Maur. In tempore vtique in Chymicarum extillationum mentionem incidisti, & susceptæ causæ, propositæque sententiæ non spernendum argumentum suppeditasti. Quam multos torquet perpetuus ille circuitus, & quasi orbis aquarum ex fontibus per riuos & flumina in mare dilabentium, atque iterum ex mari in fontes redeuntium? Nemo quippe est, qui ex mari per terræ cu-

niculos deriuatam ad fontes aquam neget; alioquin iam tot sæcula influentibus in mare immensis aquarum copijs, intelligi non potest, quare non redundaret. Si enim quis curiosius ad calculos reuocare conetur, quantam aquarum vim in mare inferant singula flumina anno vno, tum dispiciat, quantam iam per sexaginta & eo amplius sæcula inuexerint, atque demum omnium fluuiorum aquas in mare iam dilapsas in summam vnā congerat, nullus dubito, quin immensum quoddam aquarum additamentum inuenturus sit, quod antiquorum litorum fines transiliret. Cum verò nullum factum sit maris incrementum, neque aliunde cuocari queat ex terræ visceribus (quæ iam exhausta essent) tanta aquarum copia in fontes, manifestum videtur aquam ex mari deduci. At mare, in quod aqua defluens descendit, inferius est fontibus: per quas ergo fistulas aquam in summos montes iterum propellit, & quidem æquoris superficie excelsiores? Quamuis enim profundas voragines & immensos gurgites, quibus aqua absorbeatur, fingat quis, aut narret, ille tamen nodus semper dissoluendus superest, qua ratione aqua in superiorem; locum propellatur; nam aliud esse aquæ ingenium se æquè librantis, ex quotidiano siphonum experimento didicimus. An sicut crustulum vino Cretico immissum illud exugit, eoque imbuitur liquore etiam pars illa, quæ vini in cyatho superficiem excedit, ita pariter opinari liceat terram ad se sursum rapere aquas inferius positas? Verum si cupedinarius quispiam crustulo palmarem, aut pedalem, aut etiam cubitalem longitudinem tribuat, poterit ne sperare liquorem, cui altera crustuli extremitas mergitur, vique ad alteram extremitatem ascensurum, atque inde guttatim in idem vas extillaturum? Minimè gentium. Multo minus aquam in terræ cauernis libratam secundum eandem maris superficiem, poterit ipsa tellus exugendo attollere vsque ad montium verticem, ad aliquot scilicet milliarium altitudinem. Quid igitur superest, quam vt infusa per telluris venas aqua, ex subiecti in centro ignis calore attenuata in vaporem, sibi per rimas, quas inuenit, exitum quærat in superiora, donec demum vi frigoris, & vrgentibus posterioribus halitibus iterum vapor constipetur, & concreascit in aquam, quæ montis procliuitati obsecundans tandem influat in mare? Hinc quia in cuniculis deprimitur aquæ superficies, dum pars in vaporem extenuatur, ideoque tantum-

dem aquæ ex mari in eos illabitur, quantum inde ascendit, manifestum est, quare non redundet mare novâ aquarum ex fluminibus superueniente copiâ; & cur perennes sint fluuij, semper enim præsto est in terræ visceribus humor, cui subiectus ignis perpetuo calore subdit alas ad ascendendum. Quia autem vapor in ascensu aut spiritibus, aut salium particulis, aut sulphurum, commiscetur, prout per varias fossilium venas transit, idcirco varix sunt aquarum scaturientium proprietates, & aliæ salutares, aliæ noxiæ, aliæ alijs qualitatibus præditæ deprehenduntur.

Dand. Hæc quidem satis commodè dicta videntur, nec suâ carent probabilitate: attamen si igneus ille nucleus telluri inclusus huic putamini pro portione respondeat, vt calorem vsquequaque diffundere valeat, non exiguis terminis circumscribatur, oportet, sed magnum & amplum spatium replere dicendus est. Cum autem nesciat ignis carcerem & angustias, quibus concludatur, pati (quanto enim terrore disijci impositas moles videmus, si subiectum nitrati pulueris doliolum ignem concipiat?) nonne ex tanto igne perpetuæ nobis impenderent ruinæ, & tellus in frustra dissiliret? Præterquam quod omnis ignis pastu indiget, nec permanere potest, nisi alatur: aut igitur dudum extinctus esset ignis ille interior, si materia non suppetit, quam absumat, aut si maiora semper suscipit incrementa, demum depascenda esset tellus, & in fauillam redigenda. Quoniam verò fatemur æternum fore impiorum in igne supplicium, quorum corpora semper torquebit, nunquam deuorabit, eximiumque feruorem ibi cum tetrīs tenebris atque atrâ caligine foederatum agnoscimus ex Diuinis literis (id quod & Sybilla quædam à Lactantio lib. 7. Diu. instig. cap. 23. memorata prædixit loquens de extremo Iudicio καὶ τότε δυσσεβίας μὲν ἐν ἑόρῃ ἐν πυρὶ πύμψαι, *Tunc demum impios quidem in caliginem in igne mittet*) illud rationi consentaneum videri potest, quod dicamus igni illi inferno nihil esse commercij cum Naturæ operibus, neque inter elementa hunc orbem constituentia esse recensendum.

Maur. Plura vno spiritu opponis: patere igitur non per partes dilui, quandoquidem Sol proximè in Occasum vergens monet inueniendum esse hodiernæ dissertationis iusto longioris exitum. Et quia Lactantij mentionem faciens animum reuocasti ad memoriam.

eorum, quæ apud eundem nuperrimè legi illo eodem libro cap. 21; atque ex recentissimâ lectione adhuc menti meæ infixæ verba ipsa retinere mihi videor, profero. in medium eiusdem de illo igne sempiterno. impiorum corpora cruciante sententiam, *Cuius natura, inquit, diuersa est ab hoc nostro, quo ad uitæ necessaria vitimur; qui nisi alicuius materiæ fomite alatur, extinguitur. At ille Diuinus per se ipsum semper. uiuit ac viget sine ullis alimentis; nec admixtum habet fumum, sed est purus ac liquidus, & in aquæ modum fluidus: non enim. vi aliquâ sursum versus urgetur, sicut noster, quem labes terreni corporis, quo tenetur, & fumus intermixtus exilire cogit, & ad cælestem naturam cum trepidatione mobili subuolare. Idem igitur Diuinus ignis vnâ eademque vi, atque potentiâ & cremabit impios, & recreabit, & quantum è corporibus absumet, tantum reponet, ac sibi ipse æternum pabulum subministrabit.* Hæc Lactantius, nisi mea me fallit memoria. Fauere autem videtur vox, qua vsus est Christus Dominus Marci 9. 48. *Omnis enim igne salietur:* quasi ignis ille salinis particulis constet acriter quidem viuam carnem. vrentibus, seruantibus tamen perpetuo durantem in supplicio impium quemcunque igne illo salitum. Concipio itaque circa huius orbis centrum quasi ingens stagnum ex acerrimis omnium causticorum particulis, quæ quia natæ atque aptæ non sunt vt inuicem complicantur, & in vnum coëant, atque concrecant, propterea liquoris in morem fluidæ sunt: si enim, vt aiebat Cicero de Nat. Deor. *Aquæ admixtum esse calorem primum ipse liquor, tum aquæ declarat effusio,* vbi maximus est calor, imò caloris origo, ita liberè fluere & agitari dicendæ sunt particule, vt nusquam adherescant. Sicut igitur nec oleum sulphuris, nec aquæ acres ex salibus extillatæ, quibus metalla soluuntur, nec similia caustica lucent, quamuis calore abundant; nil mirum, si in inferno illo carcere conclusus summus calor cum tenebris foedus iniit: Nam vt lucem ignis proferat, opus est expeditissimo quodam motu, quo quandiu caret, lucere nequit; vt satis indicant abstrusi in silicem aut Pyritarum venis igniculi, siquidem nulla comparet scintilla, nisi tritu atque conflictu laxatis repagulis eliciatur, quæ se expeditè vibrare valeat. Et quemadmodum in silice sine pabulo permanent igniculi (quos appositè Poëta dixit *Semina flammæ*, nam neque in horreis recondita semina indigent humore, quem tunc so-

lūm expetunt, cum terra gremio mollito & subactō sparſa exci-
piuntur) ita nullā materiā, quæ conflagret, opus eſt, vt ignis
ille ſeruetur: hoc enim quod ignis pabulum dicimus, nil aliud
eſt quā materia, quæ admoto igne ignem concipiens diſſolui-
tur, ac diſſipatur; ac propterea priore pereunte materiā aliam
ſubminiſtrare oportet, vt noſtros in vſus ignis ſemel extuſus eſt ſi-
lice, aut ſepſim, aut repente, ſoboleſcat, & propagetur: qui ſi
leniter per materiā ſerpat, aptus eſt, vt à nobis prudenter ad-
miniſtretur, noſtriſque commodis ſeruiat; ſin autem repente ma-
teriā omnem permeet, ſubito incendio illa conflagrat, vt pulvis
pyrius: quā in conflagratione quia plurimæ partes in vaporem
attenuantur, & rareſcentes ad ampliſſimum ſpatium ſe illico ex-
plicant, diſſiciunt omnia, quæcunque obſiſtunt, atque vapor
in fumum abiens in ſuperiora ſubuolat. Hæc autem in igne illo
terræ viſceribus concluſo, qui non gignitur ex conflagratione;
ſed naturā ſuā ſubſiſtit, non contingunt: propterea pabulo non
indiget, vt noua ſemper accenſio fiat. Sic ſtagnans aut lacus no-
uā ſubinde aquā non indiget, quemadmodum fluuius, quæ ſi de-
ficiat, alueus exiccatur: nec diſſimili ratione ignis, qui apud
noſ eſt, ignis fluens cenſendus eſt, ille ſtagnans. Dicitur verò
ignis ille *Diuius*, non quòd ei omnia præter naturam contingant,
ſed quia ſupra Naturæ vires à Diuinā luſtitiā aſſumitur ad torquen-
dos Spiritus incorporeos, quia impiorum corpora comburit, ne-
que tamen abſumit, quia ſingulos, vt ſunt meriti, diſcernens
iuxta culparum modum dolorem infligit: quæ omnia, niſi Diui-
na virtus intercederet, neutiquam ab igne fieri poſſent. Cœte-
rū nil prohibet, quin præterea telluri calorem impertiatur, &
reliqua Naturæ opera adminiſtret. Quas autem impendentes tel-
luri ruinas ex igne ampliſſimam illam cauernam replentē per io-
cum iactas, non opus eſt refellere: ſatis enim manifeſtum eſt tunc
illas eſſe timendas, cum materia accenſa repente per cuniculos ſe
dilatāt, nec exitum inuenit paratum. At ignis ille purus abſque
materiæ vnico impetu attenuabilis admitione tantam raritatem
non affectat, neque aded ampliorem locum requirit, quin ſatis
illi ſit per telluris venas ſerpere, aut etiam fortāſſe per Vulcano-
rum crateres placidè erumpere. Sed iam nimis multa diſputandi
gratiā. Mihi enim cum igne illo, ſi Deus faueat, vt ſpes eſt, ni-
hil volo eſſe commerciij. Quamuis autem illum grauiffimum om-

nium statuamus, non continuò omnibus igniculis in corporum coagmentatione requisitis summam pariter grauitatem tribuendam censemus: sicut enim illorum natura valde dissimilis est, ita quoque dispares eorundem grauitates esse possunt immò: & aliquibus Spiritibus leuitatem aliquam facillè possumus tribuere, vt in Atmosphærâ sponte ascendant, atque iterum vaporibus immitti descendant. Quod si & cœlestes igniculos è Sole & syderibus delapsos corporibus immisceri quis non ægrè concedat, eos ingentâ vi ad suæ originis caput contendere posse, negare non poterit, atque adeò terrestres igniculos graues & fixos statuet, leues verò atque volatiles, quos sydera eiaculantur. An verò ex hoc, quod glacies concreta exponatur nocturno frigori brumali, atque post ridie mane deprehendatur diminutum eius pondus, quod pridie vesperi indicârat libra, argui possit graues esse igniculos, quos maius frigus expressit ex glacie, in medio relinquo. Certè, cum olea ferè omnia supernatent aquæ, oleum ex cinnamomo & ex caryophyllis fundum petit: quantum verò igniculorum in his reperiatur, nemo nescit.

DISSERTATIO QVARTA.

An exustione noua substantia gignatur.

GRad. Quæ hesternâ colloctione disputauimus, animo recolebam, atque ignem vehementi calore præditum, quin aliquâ luce fulgeret, facillè admittendum esse mecum ipse reputabam, cum sæpè obseruauerim extinctam faculam accendi, quamuis à flammæ cuspide remotam eo loco, vbi lux nulla appareret, modò nimium non esset interuallum ab ardente candelâ: Nec ibi minus esse ignis, quàm in ipsâ flammâ, hinc constat, quod multo citius, quàm admotâ ad flammæ latus, facula ibi ignem concipit. Quapropter si in terræ visceribus eiusmodi ignem admittamus, qualis ex flammæ cuspide erumpit obscurus, vtique plurimam efficacitatem à luce seiunctam habebimus. Hinc prout ex aliâ in aliam cogitationem descendere proclive est, illicò menti sese obiecit illa controuersia, Vtrum Ignis, an Terra esset, quæ Antiquis Vesta dicebatur: hanc enim in Vniuersitatis centrò omnes statuebant, cum Plato in Phædrò reliquos Deos subsequi Iouis cur-

rum dixerit, Vestam autem in Deorum domo solam manere, atque consistere. At Ouidius monet, *Nec tualius Vestam, quam viam intellige flammam*: Philolaus autem Pithagoræus *Ignem medium, quasi vniuersi focum* statuit, vt Plutarchus lib. 3. de placitis Philoloph. cap. 11. scribit: & Aristoteles lib. 2. de Cælo text. 72. hanc eandem Pithagoræi sententiam tribuit: *in medio enim Ignem esse inquit*; quorum rationem, cur potius Ignem quam Terram in medio Sphæræ iacere existiment, sequenti textu 73. affert, *propterea quod maximè conuenit id custodiri, quod est potissimum ipsius Vniuersi (medium autem est tale, quod Iouis custodiam nominant) hanc habens regionem Ignis*. Verum Ignem hunc Pithagoræi opinabantur esse Solem in Vniuersi centro quiescentem (Tellurem verò Astrum) nec tamen eundem cum Vestâ, quanquam propterea Cleanthes putauerit Aristarchum Samium violatæ religionis postulandum à Græcis, *tanquam si Vniuersi Lares Vestamque loco mouisset*, vt habet Plutarchus lib. de fac. in orbe Lunæ. Vesta enim, quam eandem Cicero lib. de Nat. Deor. dicit cum eâ, quæ Græcis *ἑστία* (hoc est focus, sic Galeno Cor est *ἑστία τοῦ ἑμψύτου θεοῦ*) vocabatur, vtique Sol non erat, siquidem vis eius ad aras, & focos pertinebat. Cum autem apud plurimos Authores habeamus Vestam dictam fuisse Terram, nam & Ouidius cecinit, *Stat vi terra suâ, vi stando Vesta vocatur*: Omnes facilè ad concordiam reuocamus, si Vestam illam fuisse Tellurem Igne perpetuo foetam dicamus: Nos siquidem Igni præcipuum locum, videlicet circa Sphæræ centrum, concedimus; Ignem Terra ambit expanso Mariu sinu Aquam excipiens, his circumfunditur Aër, neque alius in hoc sublunari orbe reperitur ignis, qui statui possit huius globi Elementum, hoc est, vna ex præcipuis partibus molem hanc componentibus.

Dand. Iam in hoc consensimus, reiectis vulgi somnijs de Igne Aërem ambiente, & concauæ lunaris cœli superficiiei finitimo, cuius proprietates nullæ, nulli effectus innotescunt. Veruntamen quoniam Ignis ille intrâ terræ viscera abditus, nimis remotus est à nostris sensibus, & an omnino syncerum, atque à cœteris secretum elementum sit, ignotum est, nam & in Terrâ, Aquâ, & Aëre purum & impermistum elementum nusquam fortassè reperitur, quod quidem nostrum sub sensum cadat; propterea Ignem hunc potissimum considerare operæ pretium fuerit, quem sub

omnium aspectum Sapientissimus Naturæ Author subiecit; ex ijs enim quæ patent, ad ea quæ latent, facilius est coniectura; & ut aiebat Cicero de Fin. *inest in explicatione Naturæ insatiabilis quædam ex cognoscendis rebus voluptas.*

Maur. Ita planè: quia de remotissimis rebus, ad quas propius accedere non licet ad veritatis vestigia recognoscenda, philosophantes mihi parum distare videntur ab ijs, quos præsentium ignoratio non stimulat ad indagandas eorum causas, mirificè tamen solliciti inquirunt, quænam ea sint, quibus Author Naturæ vires suas exercere potuisset, cum tamen ea voluerit in Potentiæ suæ thesauris recondita. Illud itaque antè omnia nobis examinandum occurrit, cum plurima quotidie ardere conspiciamus, quid ab igne materiam corripiente efficiatur; an scilicet noua quædam natura in lucem prodeat, & ipsa exarsio sit nouæ alicuius substantiæ productio.

Grad. Præclare nobiscum agitur, quos colloquentes nemo eorum audit, quos, cum Peripateticæ sectæ nomen dederint, à congressu nostro absterret tua hæc, Maurocene, proposita quæstio, quasi in controuersiam vocari posset aliquid, quod in ipso Physicæ disciplinæ limine tanquam minimè dubium ab omnibus assumitur: & nos Zenonis asseclas existimarent, qui apud Laërtium τὸ πῦρ vocauit τεχνικὸν non autem φυσικόν.

Maur. Si qui de Peripateticâ doctrina illicò conclamatum putarent, ac huiusmodi quæstionem institui audirent, animum non satis aduerterent ad facilem instituendi methodum; quam prudentissimi disciplinarum doctores dum consecretantur, veritatem in exemplis non exquisitè perscrutantur. Omnibus, fateor, familiare est, vbi de corporum mutationibus inciderit mentio, ad lignum, quod in ignem conuertitur, confugere: quia cum vulgari exemplo in rudiores tyronum mentes clarior mutationis notio influit; Sed ad stabilienda sua dogmata grauioribus rationum momentis ducantur, oportet: alioquin caduca nimis & eneruata esset doctrina illa, quæ huic vni exemplo, quasi claudus baculo, inniteretur.

Grad. At Primam illam rerum omnium Materiem per omnia diffusam corpora, Puramque Potentiam, cuius præconijs lycra omnia vndique circumsonant, vbinam gentium latitantem demum deprehendere poterunt, ac in medium proferre ad infrin-

gen-

gendam aduersarij insipientis peruicaciam? Si enim hoc ille eos ligni combusti exemplo vti prohibeat, quasi de eo vno disputationem declinans, nihil ex mutuâ mistorum corporum commutatione confici poterit, quod ad Primam Materiam adstruendam efficax censeatur: Nam præter variam elementorum complexionem materiam omnem reiiciet; ipsorum verò elementorum inter se mutationem nullam maiorem agnoscet, quàm quæ aquam inter & aërem intercedit, quando aut illa densa, grauis, perspicua, & frigida, in rarum, leuem, obscurum, & tepentem vaporem soluitur, aut vapor in aquam cogitur: tunc autem, manente eadem aquæ naturâ, qualitates tantum mutari plerique Philosophorum concedunt. Quare si in dubium vocetur, an combusto ligno noua aliqua natura, siuè Forma substantialis, vt vocant, producat, quodnam illis reliquum facimus argumentum, quo Materiam Primam Peripateticam ex mutationibus inuestigare possint?

Maur. Nec locus hic, nec instituti nostri ratio postulat, vt Primam illam Materiam probabilem reddentes conemur à Peripateticorum vulgo non dissidere. Equidem nunquam animum induxi opinari vulgarem hunc Ignem corporum exustione excitatum (quippe qui admodum varius, nec æqualiter efficax pro materiæ varietate obseruatur) apud Philosophos velut simplex quoddam elementum haberi. Quod si & ille ex pluribus naturis concretus est, nil habet singulare, quod de reliquis pariter corporibus mistis asseri nequeat. Quare etiam si renuerit quis de hoc disputare, cum de Materiâ Primâ sermo est, non continuò Peripateticorum ora obstruet: his nimirum aliæ quamplures corporum conuersiones, quas asserant, suppetere debent, quamuis ea non conflagrauerint. Verum (quia ab omni furo longissimè absum) subueor, ne in puram atque illimem Aristotelis doctrinam, si ex ipso quidem fonte hauriatur, irrepsisse per Commentatorum riuos non pauculas commentorum sordes. Tuam mihi dari velim, Dandule, Græcæ literaturæ copiam, nec desperarem in Aristotele ipso certiora quædam veritatis vestigia deprehendere me posse. Me certè à vobis redargui non patiar modò, sed & vehementer oro, si à recto philosophandi tramite deuium inueniatis, dum Aristotelis in Philosophiâ propè singularis mentem, sententiamque persequor.

Philosopho Naturam Speculanti, rerumque principia venanti, quas mutationi obnoxias Physicus contemplatur, quid proclivius fuit, quàm manifestis illis, & extra omnem controuersiam positis fundamentis inniti, videlicet, Rem nullam de nihilo oriri, Nullam in nihilum occidere? vtenim necesse est lancem in librâ ponderibus impositis deprimi, sic animum perspicuis cedere, vt cum Cicerone loquar in *Lucullo*. Materiam igitur aliquam esse necesse est, quam fingat & formet effectio, & si dissoluatur, inte-reat non in nihilum, sed in suas partes: Nulla quippe vis, vt eunti per singula patebit, mutationem in mundo moliri potest (quæcunque tandem vis illa sit, præter Deum) quin aliquid alicui detrahat, sibi que assumat, in quo facultatem suam exerceat. Quapropter Mutationis generatim atque vniuersè acceptæ principium optimo iure statuendum est illud, *Ex quo aliquid fit*: hæc autem est, si explicemus atque excutiamus intelligentiam nostram, ipsissima notio *Materiæ*. Ideò, quamuis à Naturâ adhiberentur in ipsâ rerum effectiōe minutissimæ particulæ & indiuiduæ, quæ dirimi distrahi que non possint, primùm fortassè confusæ, postea in ordinem adductæ, non continuò Atomis rerum principia tribuenda sunt; quia scilicet non ob id ipsum, quia Atomis sint & indiuidua corpuscula, sed ex eâ tantùm parte Principij ratio illis conuenit, quatenus ex ijs constat id, quod fit; vno verbo, quia Materia est; siuè demum particulæ illæ diuiduæ sint, siuè indiuiduæ. Similiter parum refert, an ad hæc peruulgata & nota quatuor Elementa Ignem, Aërem, Aquam, Terram pertineant ea, ex quibus corporum vicissitudines gignuntur: non enim quia Ignis, aut Aër, aut Aqua, aut Terra, sed quia Materia sunt, ex qua res fiunt, Mutationis Principium censentur: id quod æquè tribuendum esset cuicunque naturæ, quæ nullam cum hisce elementis communionem haberet, modo ex illâ res, quæ gignitur, constaret. Propterea reiectis Atomis, atque vulgaribus Elementis, cæterisque huiusmodi, quatenus propriâ singulorum notione comprehenduntur, hoc vnum omnibus, quæ fiunt, commune est, vt ex Materiâ ortum ducant. Non quod vnâ esse rerum omnium Materiam formarum varietate distinctam, quemadmodum cognatæ species, differentiis discretæ, generis communicatione iunguntur, vsquam apertè docentem Philosophum reperirim; sed id vniuscuiusque Materiam dicit, ex quo illud per se constitui-

stituitur, nec quasi fortuitò ex eo conflatur. Coeterum etsi in pluribus eiusmodi materiam ponamus, quæ non esset illis cum coëteris omnibus corporibus communis, sed intrà certarum specierum terminos cohiberetur, adeò vt sexcenta & eo amplius Materiæ genera numerari possent, non repugnat, vt opinor, Aristoteles.

Dand. Non repugnat profecto: quippe qui sub exitum libri primi Physicorum, quid Materiæ nomine intelligat, disertè pronuncians ait, λέγω γὰρ ὕλην τὸ πρῶτον ὑποκείμενον ἐκάσῳ (non ἐκάστῳ, vt in quibusdam parum emendatis Codicibus aliquando legi perperam scriptum, quibus vsus videtur, qui manibus passim teritur Latinus interpres) ἐξ ὧν γίνεται τι ἐνυπάρχοντος μὴ κατὰ συμβεβηκός. εἰ τε φθείρεται τι, εἰς τοῦτο ἀφίξεται ἔχον. Materiam voco, inquit, illud primum unicuique constitutum, ex quo non temerè, & casu, inexistente fit aliquid. Vt autem innotescat, quodnam censei debeat illud primum, notam addit ex rei interitu desumptam; id scilicet vltimum, in quod vnaquæque res soluitur, cùm perit, eius Materia fuit: Immò nihil refert, corpus aliud illa deinceps componat, aut omninò non componat; quantum quidem ad Materiæ rationem attinet in corpore dissoluto; eorum enim corporum, quæ ex illâ fieri possunt, Materia est, quin necesse sit corpora omnia ex eadem constare posse, modò apta sit, vt ex eâ aliquid fiat, & huic pereunti superstes maneat. Nullus itaque dubito asserere, non certam aliquam naturam inchoatam atque imperfectam ab Aristotele Materiæ vocabulo designari, sed abstractam quandam à singularibus simplicibusque naturis, mentis opificio, notionem; ita vt Materia ob id ipsum, quia Materia est, nullum certum naturæ genus, nullam magnitudinem, nullam qualitatem inferat, sed nec repellat, hoc vno contenta, quâ Materia est, quod ipsa per se fit vltimum, in quod res, cuius illa fuerat origo, soluitur. Quapropter lib. 7. Metaph. text. 8. dicitur, λέγω ὕλην, ἢ καθ' αὐτὴν μὴ τιτι, μήτε ποσόν, μήτε ἄλλο μῆδεν λέγεται, δὲ ὥριςαι τὸν ἔσι γὰρ τι καθ' οὗ κατηγορεῖται τούτων ἐκάστων. *Dico autem Materiam, quæ secundum se neque quid, neque quantum, neque aliud quidpiam dicitur, quibus ens definitur; est enim aliquid, de quo horum vnum quodque prædicatur.* Et paucis interiectis concludit Philosophus, ὥς τε τὸ ἔχον, καθ' αὐτὸ οὔτε τί οὔτε ποσόν,

οὐτε ἄλλο οὐδέν ἐστιν; οὐδὲ δὴ αἱ ἀποφάσεις. *Quare id, quod est ultimum, secundum se neque est quid; neque quantum, neque aliud ali- quid; nec verò negationes.*

Grad. Si satis video, ea quæ fiunt, coagmentari existimatis ex simplicibus naturis, in quas & dissoluuntur, si intereant, manentibus adhuc integris naturis illis siuè coniunctis, siuè dis- iunctis, cum nec generari valeant, nec corrumpi, quippe quæ nec ex alijs coalescere naturis, nec in alias dissolui possunt, quia, simplices cum sint, ex dissimilibus rebus misceri & temperari non possunt, nec ex nihilo fieri, nec in nihilum abire, quia hæc vim Naturæ excedunt. Quod ad rem ipsam attinet, nunc quidem non repugnabo: verum si non plus huic sententiæ tribuitis, quàm res & veritas ipsa concedat, quæ fieri potest, ut pro hac stare censendus sit Aristoteles, qui omnium confessione à ratione Principij reiecit Elementa? hæc enim corpuscula simplicia à per- uulgatis quatuor Elementis, si rite examinentur, vix, aut ne vix quidem, distare inuenientur.

Dand. Aristoteles, non inficior, à Principiorum numero ex- cludit elementa lib.1. Phys. vbi Mutationis generatim acceptæ principia vestigat; cum enim ab vno ad alium statum transire, hoc sit mutari, & fieri quod non erat, utique prima atque sim- plex contrariorum ratio deprehenditur inter esse, & non esse; ad quam deum oppositionem quodammodo adduci videntur quæ- cunque contraria, & sibi aduersantia censentur. Idcirco Prima Mutationis Principia etiam Prima Contraria esse oportet; atque adeò Elementa, quæ à se inuicem per multiplicem oppositionem separantur (πῦρ γάρ, καὶ γῆ, καὶ αἰὴρ, καὶ ὕδωρ μεθ' ἐναντιοτήτων συμπεπλεγμένα ἐστίν, ut loquitur textu 54.) prima principia esse nequeunt; nam ex text. 56. ἀδύνατον πλείους εἶναι ἐναντιώσεις τὰς πρώτας. αἱ γὰρ ἐν αὐτῷ γένει μία ἐναντιώσις ἐστίν. ἅπασαι δὲ αἱ ἐναντιώσεις ἀνάγκη εἶναι δοκοῦσιν εἰς μίαν. *Impossibile est plures esse primas contrarietates; semper enim in uno genere una contrarie- tas est; omnes autem contrarietates reduci videntur ad unam.* Coeterum illa, ipsa Elementa, quæ, à primorum principiorum ratione, eatenus tantum repelluntur, quatenus ex oppositioni- bus contexta, idem Philosophus Physicas rationes examinans semper in medium adducit, præsertim lib.4. Meteor. vbi, nullâ factâ decantatâ illius Materię Primæ mentione, non nisi ignem, aquam,

aquam, aërem, terram, frigidum, calidum, humidum, & siccum commemorat, tanquam ea, quæ coagmentat Natura gigneris, dissoluit corrumpens. Neque enim solum in Meteorologicis aëris impressionibus generationem ex coeuntibus particulis effici, ex iisdem verò segregatis corruptionem, voluit lib. 1. Meteor. cap. 9. (siuè apud latinum interpretem lumina 3. cap. 1.) Solis motui congreganti atque segreganti tribuens efficientiam principij gignentis, atque corrumpentis, ἡ τοῦ ἡλίου φερά διεικρίνουσα, καὶ συσπρίνουσα, τῷ γίνεσθαι πλείον, ἢ πορρώτερον, αἰτία τῆς γενέσεως, καὶ τῆς φθορᾶς. Solis latio disgregans & congregans, ex eo quia fit propè aut longius, causa generationis & corruptionis est. Verùm etiam ad gignenda metalla atque fossilia simile quid in terræ visceribus, quemadmodum & sublime in aëre, contingere tradidit in hanc eandem sententiam ad calcem libri 3. Meteor. Quid? quod animalium, plantarumque sponte suâ nascentium causam huic commissioni tribuit lib. 3. de Gener. Animal. cap. vii. γίνεται δ' ἐν γῇ, καὶ ὑγρῷ τὰ ζῶα καὶ τὰ φυτὰ, διὰ τὸ ἐν γῇ μᾶλλον ὑπάρχειν ὑγρὸν, ἐν δ' ἔδατι πνεῦμα, ἐν δὲ τῷ παντὶ θερμότητα φυσικῶν. ὡς τρόπον τινὰ πάντα ψυχῆς εἶναι πλήρη. διδὼ σπῆσται ταχέως, ὅπερ ἔαν ἐμπεριληφθῇ. ἐμπεριλαμβάσθαι δὲ, καὶ γίνεται, θερμανομένων τῶν σωματικῶν ὑγρῶν, ὅσον ἀφρώδης πομφολυξ. Generantur autem in terrâ, humoreque, animalia & planta, eo quod in terrâ quidem existit humor, in aquâ verò spiritus, in vniuerso autem calor animalis, ut quodammodo omnia anima sint plena. Propterea coagmentatur celeriter, quandocunque comprehensus est; comprehenditur verò, & incalescentibus corporeis humoribus fit velut spumosa bulla. In his verò quæ putrescunt, idcirco animalia gigni docet lib. 4. Meteor. ad finem capituli 1. (apud latinos 2.) quia natiuus calor separatus compingit ea, quæ segregata sunt, ζῶα ἐγγίνεται τοῖς σπῆσταις, διὰ τὸ πᾶσι ἀποκριμῆναι θερμότητα φυσικῶν ὅσων σπῆσται τὰ ἐκκριθέντα.

Si itaque fossilia, metalla, plantæ, animalia ex variâ halituum tum calidorum, tum humidorum, atque frigidorum, siccorumque corpusculorum complexione ortum ducunt, vt Aristoteli placuit, satis patere videtur hæc quidem corpuscula elementis affinia, seu etiam Elementa ipsa, Materiam esse, ex qua gignuntur atque componuntur cætera corpora: Sed, si ad genus & naturam vniuersam eadem elementa reuocentur, vnumquodque suâ

suâ solius & propriâ notione spoliari, mentis opificio. Sin autem certi corporis Materia inquiratur, & à genere vniuerso ad subiectam partem descendatur, certas qualitates certamque naturam Materia postulabit; cum enim sit ex eorum numero, quæ non absolutè, sed comparatè dicuntur, formis, pro corporum dissimilitudine, Materiæ varietas respondebit. Nam ex 2. Phys. text. 26. τῶν πρὸς τῇ ὕλῃ. ἄλλω γὰρ εἶδει ἄλλη ὕλη. Iam verò si alia alijs corporibus Materia inest, hæc utique dissimilitudo ex ipsius Materiæ naturâ & qualitatibus petenda est. Ex quo illud conficitur, quod vbi Aristoteles huic verbo, cum Materiam dixit, eam subiecit notionem *Puram*, vt aiunt, *Potentiam*, vnâ comprehensione Materias omnes complecti voluit; non vnica eiusdem indiuiduæ speciei Materiam tot conuestitam fabulis in scenam adduxit.

Maur. Aristotelis vicem doleo, qui à non paucis satis improbè deridetur, quasi illiterata & insulsa protulisset; etenim si commentitias futesque aliorum sententias ab eius germanâ doctrinâ secernerent, neque ex amplissimo illo fonte Metaphysica cum Physicis confusè & permixtè haurirent, sed discretè & electè in sua quæque genera digerere, utique egregiam & præclaram vim ingenij in illo admirarentur. Si genus vltimum vniuscuiusque Elementi (siue Ignem, Aërem, Aquam, Terram dixeris, siue Sulphur, Spiritum, Salem, Humorem) plurimas completatur partes, quibus aliæ species subiectæ fuerint, singulæ autem naturæ sint planè simplices in primâ Orbis molitione à Deo conditæ, nonne amplissima in promptu est Materia, vt ex variâ certarum particularum congregatione atque complexione variæ pariter naturæ exurgant?

Grad. At si huiusmodi simplices naturæ ex sint, quæ etiam seorsim subsistere valeant singulæ, quin cum alijs commisceantur, possint autem omninò promiscuè cum quibuslibet alijs confundi; utique omnia casu fiunt, &, vt Scholæ loquuntur, ex pluribus entibus completis vnum per accidens fiet, non vnum per se. Adde quod Formam omnem submouere oportebit, qua compleatur, & certam in speciem referatur Materia; vix enim à compositis Pharmacopœorum medicamentis Naturæ opera distabunt: id quod vniuersam euertere Philosophiam videtur.

Maur. Quod in operibus nostrarum artium manus efficiat, id multo artificiosius Naturam efficere olim obseruauit Cicero: & quemadmodum casus imitari potest veritatem, ita Naturę opera conatur Ars emulari; neque ided quicquam dignitatis ipsi Naturę detrahitur, quod eam Ars imitari studeat, sed hinc Artes labor & industria illustrat, quod ea fingant, quę ad Naturę opificium proximę accedant. Ipse sanę compositos ex Cardiacis minutissimę contritis atque exquisitę commistis lapillos vidi, quos pro lapide Bezoar, non obscurę spe valetudinis, vsurpare minimę dubitasset; quippe qui sciens, quid alijs ex eorum vsurpatione acciderit prosperę & ex animi sententiã, non temere ex aliorum euentibus meis rationibus prouidere me posse censuissem. Decerpta ex arbore poma adhuc immatura si cineribus obruta ad dies aliquot seruaueris, atque indę ad maturitatem precocem deducta protuleris, an propterea, quia Solis radijs maturanda non permisisti, mitiora non erunt, saporisque suauitate carebunt? Multa sunt, quę Arti materiam exquirenti, comportanti, atque commiscenti sapę adscribimus, Naturę tamen effectioni tribuenda sunt; quę multo perfectius particulas comminuit, atque permiscet, & in vnam naturam temperat. Sic in Theriacã (quandoquidem nos quasi à Lycęo exules in Pharmacopœorum officinas relegasti) si perpendamus, quantum intersit, recensane? an antiquior? illa fuerit, statim apparebit, quã modicum sit, quod Arti tot medicamentorum species primũ ruditer compingenti, quã multum, quod Naturę postmodum fermentanti debeat. Quemadmodum itaque non ex promiscuã specierum quarumcunque in Narthecium compactarum colluione temperatur medicamentum, sed ex certis speciebus pro ratã portione electis, acrite preparatis: Ita quoquę si fortuito concursu dissimilium naturarũ particule coęant, quę neque vllõ affinitatis iure ad se mutuõ referantur, neque ijs præditę sint figuris, quibus se artę complecti valeant, neque præstitutę à Naturã mensurę Rationem seruent, vtique miscellanea illa corpusculorum simplicium turba non nisi temerę in vnum locum coacta, & sub vnum aspectum subiecta, *Vnum per accidens*, dici poterit; non enim ex pluribus illis res vna ex Naturę instituto componitur. Sin autem congruis Salibus tum volatilibus, tum fixis, iusta humoris portio permisceat debitas Sulphuris atque Spirituum particulas, vnã

vi, atque vnâ consensione naturæ ita constringuntur, vt vnum sint, quod Naturæ vniuersæ commodis & vtilitati seruire valeat, Charetis, quem discipulum Lysippus habuit, Solis Colossus meditantis Rhodiam officinam omnibus membrorum formis refertam si quis imperitus ingressus fuisset, & frontem mento subnectere, dextro humero sinistrum brachium, sinistro autem genu dextrum cruris attexere voluisset, & præposterè, inconditè, monstrosè membra plurima collocasset, hic vtique vnum per accidens effecisset: at Chares ipse LXX cubitorum simulacrum meditatus membra omnia sibi inuicem proportionè respondentia aptè componens, atque coagmentans, signum finxit inter Orbis miracula recensendum. Haud absimilitatione ex pluribus simplicibus naturis dissimilibus quidem, sed sibi inuicem aptè congruentibus, ea corpora ortum habent, quæ per se fieri dicuntur.

Dand. Hæc planissimè consentire videntur cum Aristotelis mente lib.8. Metaph. text. 15. (apud Græcos cap.6.) vbi aliquam esse causam ponit, cur ex pluribus partibus fiat vnum: πάντων γὰρ ὅσα πλείω μέρη ἔχει, καὶ μὴ ἔστιν οἷον σωρὸς τὸ πᾶν, ἀλλ' ἔστι τὸ ὅλον παρὰ τὰ μέρη, ἔστι τι αὐτίον. *Omnium enim, quæcunque plures partes habent, & non sunt Omne (hoc est aggregatum) sicut acervus, sed est aliquod integrum propter partes, aliqua est causa.* Vbi Latinus interpretes aut parum attentus in expositione particulæ παρὰ, aut à corrupto Codice deceptus, vbi non τι τὸ ὅλον legerit, sed perperam τι τὸ ἄλλον, fucum fecit non paucis dicens, *Sed est aliquid aliud præter partes:* id quod ab Aristotelis scopo longissimè abesse constat, qui τὸ πᾶν vocat multa coaceruata absque eo, quod aut vllus ordo seruetur, aut partes ipsæ huiusmodi ordinem, si quis est, postulent, quale fuisset illud in Charetis officina monstri simulacrum, aut simulacri monstrum, cui nulla quidem defuissent membra, sed omnia fuissent præposterè collocata; quod propterea fuisset τὸ πᾶν, non autem τὸ ὅλον, defuisset quippe forma, quam partes illæ debito ordine coagmentatæ constituere poterant; quemadmodum paulo inferiùs hoc explicans Philosophus querenti, si definitio pallij esset æs rotundum, *quenam causa sit, ut rotundum & æs unum sit,* respondet, *quoniam hoc quidem materia, illud verò forma est:* hanc scilicet causam, cur vnum fiat propter partes, assignarat, quia τὸ μὲν ὕλη, τὸ δὲ μορφή, καὶ τὸ μὲν δύναμις, τὸ

δὲ ἐνέργεια ἔστι quia nimirum actu est id, ad quod constituendum natae atque aptae sunt partes Materiae; neque alia est causa, cur potentia sphaera sit actu sphaera; & semper in definitione est materia & actus, Καὶ αὐτὸ τοῦ λόγου τὸ μὲν ὕλη, τὸ δὲ ἐνέργεια ἔστιν.

Maur. Si itaque ex his animum referamus ad Formam definitionem, quam 2. Phys. text. 28. attulit, semperque constantissime retinuit, τὸ εἶδος ἔστιν ὁ λόγος, ὁ τοῦ τί ἡ εἶναι. οἶον τοῦ διὰ πασῶν, τὰ δύο πρὸς ἑν. intelligimus cuiusque rei Formam nil aliud esse præter rationem. Essentiae rei illius; quemadmodum illius, quæ Diapason, à nostris Octaua, dicitur, Consonantiae Forma est Ratio dupla inter sonos consonantes. Quapropter hæc mecum ipse reputo. Consonantia Diapason nil aliud est præter duos pariter editos sonos Rationem duplam habentes, seu nil aliud est præter Rationem duplam sonorum. Et quidem, si mente discernamus sonos à Ratione, illi sunt Materia Consonantiæ, Ratio autem dupla sonorum est Forma ipsius Diapason, cuius definitionem vtrique ingreditur, re enim ipsâ nihil existit. Physicum præter sonorum ipsorum gradus, alterum contentum, alterum remissum, qui eam Rationem habentes simul emissi, fieri non potest, quin sibi vicissim consonent. Aurichalcum ex cre & lapide calaminari conflatur, nec quicquam habet præter illa duo; quæ si singillatim considerentur tanquam plura ad id nata atque apta, vt permisceantur, aurichalci Materiam intelligimus; at ipsa complexio cre lapidisque calaminaris permistorum, Forma esse videtur & ratio aurichalci naturam, seu maius essentiam, constituens. Idem prorsus in pharmacis omnibus compositis obseruatur, quorum Materia sunt Medicamenta simplicia, Forma verò eorum complexio orta ex permissione, vi cuius notionem vnâ mentibus nostris ingerit à simplicium notionibus diuersam. Cum autem dissimiles sint complexiones pro materie dissimilitudine, dissimiles pariter constat esse formas; Neque enim Theriacæ, aut Elixir, Forma est plurius complexio generatim sumpta, sed huius quidem horum simplicium Medicamentorum, aut particularum ex ijs desumptarum, illius verò illorum complexio. Quid igitur, si hæc pariter ad Naturæ opera traducantur? ita vt simplices naturæ Materie munere fungantur, earum autem certa complexio Forma sit, vi cuius certa corpora constituentur.

Nam lib. 1. Phys. tex. 66. dicitur, ἡ δὲ τὸ ἄδός, ὅτι ἡ τὰ ἔξ, ἡ ἡ μουσικὴ. *Forma autem est unum, ut ordo, aut musica*: Ex quo fiat in corporibus vitâ, vt vocant, Intentionali carentibus (animalia enim, quæ vim cognoscendi appetendique habent, hic præterita velim, cum de Animâ alia sit philosophandi ratio) Formam ab vniuersâ Materiâ, sola mentis intelligentiâ seiungi, perinde ferè atque Homo ab ipsâ Humanitate re ipsa non distinguitur, *Supposito* enim, seu *Personæ*, quod huius concreti *Homo* est subiectum, nil Physicum additur à Forma, scilicet Humanitate. Hinc apparet non adeò ineptire Alexandreos, qui Formæ totam rei Essentiam tribuunt, quemadmodum Ratio dupla sonorum est tota essentia Consonantiæ Diapason, si res quidem Physicè spectetur. Qui verò etiam Metaphysicis abstractisque rationibus naturam in plures notiones sciunt, hi iure optimo Formæ addendam esse Materiam statuunt, vt perfectâ rei essentia habeatur; neque enim omnis Ratio dupla est Diapason, sed Ratio dupla sonorum, non verò Ratio dupla longitudinis, aut grauitatis, aut soliditatis.

Dand. Hæc si à Peripateticis, vt concedant, impetremus, sapientissimorum hominum controuersię ad concordiam leui negotio reuocari possunt, cæteroqui vsque in sæcula ducendę, cum vnusquisque aliquam veritatis particulam attingat, seque argumentis omni luce clarioribus persuasum putet. Elementa manere in corpore misto, aiunt plures; sed & multi negant; nullus est disputationum finis. Mihi eadem ferè esse quæstio videtur, ac si disceptaretur, *An flumina in Mare insuentia sint in mari?* Qui enim ait, id solum intelligit, quod illa eadem aqua, quæ suo in alueo erat Ister aut Ganges, non perierit, sed in mari existat, licet & vocabulum & notionem fluminis amiserit. Qui verò inficiatur flumina in mari esse, id intelligit, quod nihil in mari reperiatur, cui fluminis, nedum Istri aut Gangis, appellatio conueniat, quamuis non perierit quicquam illius aquæ, quæ fluuius erat: quæ, quia iterum eodem alueo antiquo, vbi per telluris cuniculos iterum deducta fuerit ad fontes, contineri potest, & fluere, potest fieri fluuius. Haud dispari ratione qui Elementa in misto re ipsa manere asserunt, illud vnum conantur euincere, quod natura ipsa atque substantia, seu entitas Aquæ, exempli gratia, in corpore misto insit, quamuis Aquæ notionem

nem propriam tunc solum obtineat, cum fuerit segregata à cœteris, propriisque affecta qualitatibus: perinde atque vinum in uuâ; aut oleum in oleâ esse concedunt omnes, quamuis vinum aut oleum propriè non dicatur nisi succus ex uuis aut oleis expressus. Certè si vnio est, eorum, quæ reuerâ sunt, non verò eorum quæ interierunt, copulatio, non pereunt elementa, quæ miscentur, nam Mistio, ex Aristotele lib. 1. de Gen. & Corr. est miscibilium alteratorum vnio. Contra verò qui Elementa virtute tantum contineri in misto concedunt, quemadmodum vinacea & vinum nondum esse dicuntur, quandiu uua est, sed tunc demum cum fuerit succus ex folliculo expressus, ita pariter terram aut aquam non esse contendunt, dum lignum existit, quia elementa omnia in illâ complexione vnâ obtinent ligni notionem. Sic lib. 9. Metaph. text. 12. τὸ Κιβώτιον οὐ ξύλον, ἀλλὰ ξύλινον. οὐδὲ τὸ ξύλον γῆ, ἀλλὰ γῆινον: *arca non lignum, sed lignea; neque lignum terra, sed terreum.* Et paulo infra, τὸ Κιβώτιον οὐ γῆινον, οὐδὲ γῆ, ἀλλὰ ξύλινον; τοῦτο γὰρ δυνάμει Κιβώτιον, καὶ ὕλη Κιβωτίου αὕτη: *arca nec terrea est, nec terra, sed lignea; hoc enim potentiâ est arca, & ipsa arca materia.* Sed quoniam complexione illâ dissolutâ, possunt demum singula elementa suas recuperare notiones, dicuntur quoque suis quæque restitui formis. Hæc omnia confirmare possem ex ipso Aristotele lib. 4. Top. cap. 5. ad fin. vbi lutum non esse terram dicit: sed breuitati consultum volo.

Grad. Formam igitur fieri ex nihilo quidem sui, sed non ex nihilo subiecti, atque educi de Materiæ potentiâ, & ita demum interire, vt non prorsus in nihilum abire dicatur, hoc solum erit, complexionem aut segregationem nouam elementorum fieri, quæ non erat; cui proinde noua notio, priore cessante, conueniat, quin ipsæ naturæ simplices (quæ Materia sunt, quia coagmentari poterant, atque disiungi) aut recenti effectione procreentur, aut pereant, eatenus verò inchoatas formas in materiâ quasi delitescere, vt tempori prodeant in lucem, quatenus simplicium naturarum particulæ, aut alijs additis, aut quibusdam detractis, aptæ sunt, vt nouam exhibeant conformationem. Certè si Vitriolum in furno, quem Rœuerberij vocant, destilles, educes primum phlegma ferè insipidum, deinde liquorem valde acetosum, & residebit in fundo terra rubra & gratè purpureâ: cui si duos

liquores eductos affundas, Vitriolum eodem colore, sapore, imò & ferè pondere, restitues; nam modico Spiritu & Sulphure auolantibus constat. Forma igitur Vitrioli, quæ perierat, reuiuiscit. Quæ si ita sint, frustra desudare videntur Philosophi perplexam illam quæstionem agitantes, & ad rauim vsque disputantes, An accidentia sint instrumenta substantiæ, quibus proximè efficientibus substantia gignatur. In multis enim hinc quidem nil præter qualitates reperiri potest, cui efficientia tribuatur, nisi ad Cælum aut ad Supremum Naturæ Authorem, confugiatur, velut ad sacram anchoram; hinc verò à ratione prorsus alienum videtur imperfectissima accidentia rerum vniuersitati dare posse substantiam, quam ipsa neque formaliter, vt hi loquuntur, neque eminenter possideant. At si, præter simplicium naturarum compositionem rite ex Naturæ consilio institutam, nullam gigni oporteat naturam atque substantiam nouam, nihil absolum loquitur, qui experimentis passim obuijs nixus omnem qualitatibus efficientiam concedit; quandoquidem plures substantias permiscere atque in vnam substantiam temperare, accidentium vires non excedit; quemadmodum singula articulatim examinanti, quæ ad permissionem necessaria sunt, constabit.

Quod si animalium quorundam ex putrescente Materiâ ortus negotium faceßat, eorumque vitam non tantum à certâ spirituum complexione (vt plantarum ex semine germinatio suadere videtur) sed & ab aliâ quapiam substantiâ aliquam cum humano animo analogiam habente prodire existimemus, ipsum saltem corpus solâ vi accidentium componi posse quis diffiteatur? Quod enim ad membrorum compositionem, & conformationem lineamentorum, spectat, illa particularum in vnum coagmentatarum ingenio respondet. Sic aliquando cum minutissimæ niues cadunt, plures stellulas niueas exactissimè elaboratas intueri licet; sic chrysellus hexagonam figuram induit; sic in terrâ Melitensi lapides, quos Linguas Serpentis vocant, certam semper seruantes figuram crescunt, & augentur: nec tamen aliqua his inest vita, aut anima, sed peculiaris est efficacia Spirituum & Salium hoc ordine particulas reliquas disponentium, dum se illis commiscent.

Hæc certè alias Elementorum particulas peruadentium Spirituum & Salium efficacia mihi aliquando visa est se ducem præbuisse

buisse ad inuestigandum, cuiusmodi solido fundamento inniti possent effata tum eorum, qui ex corporis figurâ animi coniecturam capientes se profitentur hominum mores naturasque ex oculis, vultu, fronte, cœterisque membris pernoscere deductâ ex animantibus similitudine; tum qui stirpium, herbarum, ac fructuum vtilitates ad signatorum in illis membrorum vestigia, quasi ad lydium lapidem, reuocant. Quæ enim particula in humani corporis conformatione ad fingendum cor ex gr: confluxerunt, vtrique analogiam quandam atque naturæ communionem habere videntur cum particulis, ex quibus similem in speciem concurrentibus efformatum est Citrum, cuius figura cordis imaginem proximè referens quasi Naturæ interpret. indicat ijs. Spiritibus atque Salibus refertum esse Citrum, quibus Cor reficiatur, atque recreetur. Id quod de cœteris pariter intelligendum est, quibus cœterorum membrorum nota aliqua dignoscitur. Plurimam autem vim ad inducendam corporibus figuram spiritibus potissimum & Salibus inesse, etiamsi non admodum congruentem materiam inueniant, sic habeo persuasum, vt multis argumentis non egeam. Ex hominum suspensio necatorum, atque e patibulis diu pendentium cadaueribus defluente sanie imbuta tellus herbam concipit, cuius radix humani corporis simulacrum expressius refert, quàm Mandragoræ radix: & à viro fide dignissimo audisse me memini, à se aliquando visum. insignis notæ raphanum inferiores dimidiati hominis partes tam perspicuè imitantem, vt res nostro proxima sibi videretur; à puero autem, qui illum manu gestabat, accepit omnes raphanos in eodem horto eiusdem esse figuræ: ibi quippe olim humata fuerant humana cadauera. non pauca. Hinc non omnino temerè visi sunt. Physiognomones ex animantium affectionibus, quas in eo genere obseruârunt cum hac aut illâ membrorum conformatione particulis componentibus congruâ coniunctas, si in homine lineamenta similia deprehenderint, arguere pariter similibus spirituum cœterarumque particularum componentium copiam, non dissimilium animi perturbationum fomitem.

Dand. Papæ, Gradonice; Suspicabar te, quasi polypum saxo, arctissimè inhxerere eorum placitis, qui à seuerioribus Peripateticis benè audire gestiunt, illi enim paulo impensius fauere videbaris. Nunc vero gaudeo, quod te mitioris Philosophiæ asse-

clam non dissimulanter profitens nec ab Aristotele desciscis, nec à Physicis rationibus abhorres, Philosophus utique bonarum in literariâ republicâ partium.

Grad. Timidè ac pedetentim mihi in hanc Philosophiam descendendum duxi; in eam enim sententiam, quæ Primam corporum omnium Materiem Physicè homogeneam admittit, plerique Philosophorum conspirasse videntur, & velut Aristotelicam proponunt Interpretes: quamvis autem in illam me cæco impetu rapi non paterer, à sapientissimorum tamen virorum vestigijs discedere, nec, quam ipsi triuerant, semitam inire, aut Primæ Materiæ, quam passim Aristotelicam appellant, litem parâ facere, meæ tenuitatis conscius non audebam antè, quàm vestram, Amici, sententiam planiùs & apertiùs exploratam haberem.

Dand. Ego verò in illâ opinione populari (nam & Philosophia suum vulgus habet) fuisse sapientissimos, quos innuis, viros, non facilè adducor, ut mihi persuadeam; immò, ut equidem sentio, si pro se causam dicere ipsi possent, à non paucis opinionibus; quas ijs posteri affinxerunt, se longissimè abfuisse testarentur. Quot insignes, atque omnium confessione egregij, non de Philosophicis tantùm, sed & de Theologicis disciplinis optimè meriti Doctores ijs terminis Diuinam vim circumscriptam traderunt, ut subiectæ naturæ iura violare nequeat aut duplici Formâ Materiam eandem imbuendo, aut illam omni Formâ spoliando? Si tamen aliam esse totius Materiæ entitatem, aliam Formæ, existimassent, non admodum credibile est hoc eos infinitæ virtuti fuisse denegaturos, quippe qui, si assererent, pugnantia loqui non viderentur. Verùm planiorem hanc, quam nos sequimur, & Aristotelicis verbis optimè congruentem interpretationem amplèxi, pro suâ sapientiâ, philosophati sunt negando. Quia nimirum fieri non potest easdem naturas simplices certo ordine coagmentatas (non replicatas cum diuersâ earundem partium collocatione) nullâ factâ aut aliquarum particularum diminutione, aut aliarum accessione, duplicem simul constituere complexionem, atque geminatam subire notionem; apertissimum est Materiam eandem duplici Formâ simul imbui non posse. Quoniam autem neque fieri potest, quin naturæ ipsæ simplices aut sint inuicem rite permixtæ, aut aliæ ab alijs singillatim sciuntur, atque adeò

adèd aliquam semper subeant notionem ex ijs, quæ non fortuitò accidunt, sed quas Naturæ consilio rerum vniuersitas complectitur; hinc pariter fit Materiam Formâ omnino carere non posse. Quamuis enim substantia prorsus simplex fuerit, si tamen sit instituta, vt indiscriminatim modò solitaria, consistat, modò cum alijs coniungatur, ex eâ parte quatenus indifferens est ad plures notiones subeundas, rationem habet Materix, atque Potentiæ; eadè verò quatenus reliquarum naturarum admistione liberata iam non ad aliam essentiam pertinet, sed suam habet notionem, atque rationem suæ essentix, suæ Formæ restituta dicitur: Idèdque apud Peripateticos substantia Cœlestis, quia ita simplex constituta ponitur, vt nihil ex eâ, cœterisque naturis aut Elementis concretum dicatur, cum intelligi non possit ad plures notiones indifferens, Quinta quædam Essentia dicitur, sed carens Materiâ, quæ sit pura potentia. Contrâ verò Elementa, licèt Physicè in duas incompletas naturas distingui nequeant, quia tamen tùm permisceri inter se, nouamque complexionem constituere, tùm vicissim ita alienas qualitates induere possunt, vt etiam alterius cognati, seu, vt aiunt, symboli Elementi notionem aliquandò subeant; Metaphysicè considerata Materiam habere censentur, seu subiectum: Nam & solâ qualitatum mutatione, seu, vt Aristotelis vocabulo vtar, Alteratione aliquid fieri simpliciter, habetur lib.1. Phys. text. 63. γίγνεται δὲ τὰ γιγνώμενα ἀπ' αὐτῶν, τὰ μὲν μεταχηματίζει, ὅιον ἀνδρίας ἐκ χαλκοῦ: τὰ δὲ προθέσει, ὅιον τὰ εὐξανόμενα: τὰ δ' ἀφερέσει, ὅιον ἐκ τοῦ λιθοῦ ὁ Ἡρμῆς: τὰ δὲ συνθέσει, ὅιον οἰκίαν, τὰ δ' ἀλλιώσει, ὅιον τὰ τριπόδων κατὰ τὴν ὕλην. *Fiunt autem ea, quæ fiunt simpliciter, alia quidem transfiguratione, ut statua ex are, alia uerò additione, ut ea quæ augentur; alia detractione, ut ex lapide Mercurius; alia compositione, ut domus; alia alteratione, ut ea quæ uertuntur secundum materiam.*

Grad. Haud vanâ suspitione ductus mihi videris, antiquiorum aliquot authorum, quibus vtique vera laus à Sapientiâ debetur, sententias alienæ, & ferè dixerim, absurdæ interpretationi fuisse obnoxias. Audimus certè multos acriter de Formis Partium, Formæ totius subiectis, disceptantes, an plures inesse possint eidem viuenti; perinde atque suspicari probabiliter quis posset in arbore corticis, ligni, foliorum, fructûs eandem esse naturam, adèd

vt nihil intersit (quod quidē ad substantiam attinet, si in partibus omnibus eiusdem generis Materia atque Forma ponatur) folia ne ? an fructum ? quis decerpit ad comedendum : neque enim mihi persuadeo illos dicturos perire Formæ partem in pomo statim, ac ab arbore decerpitur, atque naturam ipsam momento mutari nullā factā proprietatum varietate; nam surculis decisīs, vt ferantur, eandem manere naturam nemo negare potest. Quòd ergo prohibet notionem aliquam esse ex pluribus notionibus compositam, adeò vt alia sit arboris notio, quatenus partes simul omnes complectitur, alia sit singularum partium notio, quæ quoniam ad illam refertur, dicitur Forma Partis subiecta Formæ Totius ? Hęc nimirum ea sunt, quæ ex Aristotele nuperrimè laudato fiunt Compositione, vt domus: quemadmodum enim vna est Domus notio, nil tamen vetat, quin suæ sint notiones atrio, aule, thalamo, hypocausto, & cœteris; ita quoque vna quidem est arboris notio, sed suæ constant cortici, ligno, folijs notiones, quin propterea quicquam toti arbori detractum censeatur. Id autem quod de plantis dicitur, animantibus commune est, in quibus & caro & ossa inter se quidem ex valde dispari particularum naturâ & complexione non modicum differunt, sed vnum animal constant, animâ per singula membra peruadente; nec animalis notionem corrumpit, quod sua sit carni, sua sit ossibus notio. Nam si anima aut pereat, vt in brutis, aut separetur à corpore, vt in homine, adeò hebetem mihi fateor esse vim intelligendi, vt perspicere nequeam, quî fiat (quemadmodum aliquibus placet) vt, quæ animali extincto reliqua est caro, non eadem sit, quam anima imbuebat, absque vlla nouæ substantiæ accessione. Magna quidem carni iactura facta est Spirituum, qui cum vitâ euanuerunt, neque iam ampliùs motum efficere possunt muscoli, ad quem fuere à Naturâ instituti: sed non continuò caro esse desijt, ac animam amisit. Audiui, nec rarò, conantes fidem suis dictis conciliare Aristotelis authoritate, qui lib. 4. Meta. cap. vlt. quemadmodum Oculum mortuum, vtpote ad munus videndi ineptum, solâ vocis communionem Oculum vocat, vt ligneam ferram, quippe ad secandum inutilem, æquiuoce ferram dicit, ita pariter carnem mortuam æquiuoce carnem dici existimat. Verùm numquid ita æquiuoce *Oculus* dicitur oculus mortuus, atque oculus pictus ? Ego sanè mensē accumbens non eodem loco haberem oculum è

vitulino capite exemptum, atque a Zeuxide aut à Parrhasio pictum; hunc tamen, quem à mensâ reijcerem, in pinacothecam sedulus inferrem. Ita quoque, quamuis ligneam ferram ad secanda ligna inutilem inter fabrilia instrumenta non numerarent fabri, non tamen ita æquiuocè serra dicitur lignea, atque papyracea; nam ligneâ serrâ dissectum quendam legisse me memini. Quapropter cùm carni mortuæ solam vocis communionem cum carne animatâ tribuendam censet Aristoteles, hoc mitiori interpretatione indiget, vt scilicet de Carne Musculolâ locutus videatur; quæ deficiente vitâ motum efficere non valet; alioquin & ossa essent æquiuocè ossa, & ebur æquiuocè ebur, id quod quàm longè sit à comuni hominum intelligentiâ sensuque disiunctum, nemo non videt.

Dand. Vbi de viuentibus sermo est, duplex mihi videtur ab Aristotele agnita Formæ notio, altera quidem quæ re ipsâ à Materiâ secernitur, & est Anima, de qua lib. 2. de Anima text. 4. loquens ait, ἀναγκαῖον τῷ ψυχῇ οὐσίαν εἶναι, ὡς εἶδος σώματος φυσικοῦ δυναμει ζῶνι ἔχοντος, *neceesse est animam esse substantiam, ut formam corporis naturalis potentiâ uitam habentis*; altera verò, quæ solâ intelligentiæ vi subiecto addita concipitur; nam lib. 2. Phys. text. 10. præter Materiam Naturæ esse dicitur ἡ μορφή, καὶ τὸ εἶδος, τὸ κατὰ τοῦ λόγου *forma & species, quæ est secundum rationem*; & text. 11. τὸ δυναμει σὰρξ, ἢ ὁ σῶμα οὗτ' ἔχει πῶ τῷ αὐτοῦ φύσει, πρὶν αὖ λάβῃ τὸ εἶδος, τὸ κατὰ τοῦ λόγου, ὃ ὀρίζομεν λέγομεν, τί ἐστὶ σὰρξ, ἢ ὁ σῶμα: *potentiâ caro aut os nondum habet sui ipsius naturam, antequam accipiat formam, quæ est secundum rationem, quam desinientes dicimus, quid est caro, aut os*; & text. 12. ἡ φύσις αὖ εἴη τῶν ἐχόντων ἐν αὐτοῖς κινήσεως ἀρχὴν, ἡ μορφή καὶ τὸ εἶδος, οὐ χωριστὸν οὐν, ἀλλ' ἢ κατὰ τὸν λόγον, *habentium in seipsis motus principium natura utique erit forma & species, quæ non est separabilis præterquam secundum rationem*. Adcò autem Formæ vocabulo non nisi notionem ipsam vt plurimum intelligendam esse constat, vt paulo inferiùs text. 15. priuationem esse quodammodo formam asserat, ἡ μορφή καὶ ἡ φύσις διττῶς λέγεται, καὶ γὰρ ἡ σέρησις εἶδος πῶς ἐστίν. *forma & natura dupliciter dicitur; etenim priuatio quodammodo forma est*; atque Materiam priuatione affectam considerans lib. 1. Phys. text. 66. ait, ἐστὶ δὲ τὸ ὑποκείμενον ἀριθμῷ μὴ ἐν, εἶδει δὲ δύο: *est autem subiectum numero quidem unum, formâ uerò duo*; ob duplicem sci-

licet *Materiæ & Priuationis* definitionem: Quicquid enim in aliqua rationum complexione reperitur, quòd non possit plures deinceps notiones subire ex absoluto atque primario Naturæ consilio, illud vni notioni per se affixum est, atque adeò ad *Materiam* non pertinet, quæ ad plures notiones, non quasi ex hypothefi, sed absolutè est indifferens. Hinc anima *Forma* dicitur, quia solùm ad vitam corpori tribuendam instituta non antè existit, quàm viuens nascatur; & ea pars animi, quæ mentis ac rationis est particeps, etiamsi, cùm à corpore seiungitur, non intereat, quia tamen ad vnã certam ac definitam hominis naturam constituendam condita est, nec dissimilis subinde notionis capax est, sed semper non nisi ad hominem componendum nata est atque apta, ideo ita in homine *Forma* dicitur, vt longissimè absit à *Materiæ* notione. Animantium autem, quæ ratione carent, quales sint animæ, hìc examinare non licet, quia longiùs prouheretur nostra hęc dissertatio, quàm par sit: quamuis enim nutritio, augmentatio, & generatio, in quibus animali cùm plantis viuendi ratio communis est, satis commodè spirituum, quorundam peculiarium materiam omnem congruo ordine disponentium, & Salium efficacitati tribuatur, quin aliã opus sit animã, non tamen adeò in procliui est explicare, an pariter ex aliquorum spirituum facultate organa mouente oriri possint notitiæ & appetitiones, quibus animalia duci videntur.

Verùm, quid hoc est, Gradonice, quod hanc agitanter quæstionem, in quam tamen nos ipse coniecit, adeò tacitus audit *Mauro*cenus? Ridet, opinor, quòd velut incauti pisces escam ex istâ nassã petierimus; dum enim eorum, quæ vitã carent, formas explicare manantibus ex variã naturarum simplicium complexione, aut segregatione, notionibus, atque hinc immortalia, penè dixerim, philosophantium dissidia componentes, nec ab *Aristotelis* vestigijs recedentes, sententiam illam stabilire conati sumus, eò volentes contendimus, quò ille properabat. Hoc nimirum spectare, hoc voluisse ipso huius dissertationis initio non obscurè visus est, nullam indicans exardescente materiã effici nouam substantiam. Nobis autem nunc non licet recens genitam obtrudere *Ignis* naturam, qui nouam *Ignis* notionem non nisi mutatæ particularum complexioni adscribere debemus, ne pugnantia loquamur.

Maur. Non satis firmâ duceris, Dandule, coniecturâ ad suspicandum meâ taciturnitati subesse artificium: delectabar ingeniorum vestrorum luce, qua me fraudâsem, si frequenti, nec vtili, interpellatione vestram disputationem interrompere voluissem. Si mihi propositum fuisset huc peruenire, vt præter viuientium animas, nulla gignatur natura, plus multo petissem, quam ad præsentem causam opus habeam: Satis mihi est, si qualitatum complexione mutatâ, variari quoquæ posse notiones concedatis. Cæterum suam habeant, qui Peripatetici dici volunt, Materiam Primam, habeant Formarum substantialium, quæ subinde efficiantur, multam & variam supellectilem; litem non modò ijs non intendo, sed videns, sciensque, hæc illorum effata, deditâ operâ, amplector; neque extra hos cancellos egrediar, quos mihi ipse circumdedi. In hac itaque quæstione, *An exustio sit noua substantia productio*, non illud quæritur, an, cum lignum incensione perit, aliqua sit natura nouam subiens notionem; id enim est extrâ omnem controuersiam positum; quandoquidem & noui cineres manent, nec prorsus interit substantia, quæ abit in flammam, & in auras soluitur. Sed à Peripaticâ philosophandi methodo non recedens, hoc mihi & vobis examinandum proposui, An ardore flammæ conflagrans materia atque ignescens nouam concipiant formam Ignis, quæ sit inter substantias numeranda.

Grad. Nulla ne igitur substantialis mutatio contingit, si quid incensione corrumpatur?

Maur. Quinimmò magnam fieri mutationem aio pereunte substantiâ, quæ exustione consumitur (id quod minimè dubium ijs videri potest, qui præter Elementa ritè permixta atque temperata Formam vnâ postulant coërcentem, ac quasi in officio continentem omnia, quæ in corpore misto insunt) verum præter qualitates nihil gigni, quod sit substantia, existimo; neque cuiusquam suffragium defuturum mihi persuadeo, nisi præiudicata opinio rationem repellat.

Dand. Ab Aristotele certè assensio atque approbatio non est extorquenda; quippe qui lib.2. de Gen. & Corr. text. 21. adeò apertè & expressè Ignem cum Glacie comparat, vt quemadmodum ex aquæ concretionē in glaciem nulla gignitur substantia, nullam paritèr gigni dicendum sit ex ligni dissolutione in Ignem; hæc enim

enim habet. τὸ δὲ πῦρ ἔστιν ὑπερβολὴ θερμότητος, ὥσπερ καὶ Κρύσαλλος ψυχρότητας. ἢ γὰρ πῆξις, καὶ ἢ ζέσις ὑπερβολαὶ τινὲς εἰσιν, ἢ μὲν ψυχρότητας, ἢ δὲ θερμότητος. εἰ οὖν ὁ Κρύσαλλος ἐστὶ πῆξις ὑγροῦ καὶ ψυχροῦ, καὶ τὸ πῦρ ἔστι ζέσις θερμοῦ καὶ ξηροῦ, διὸ καὶ οὐδὲν οὔτε ἐκ κρύσαλλου γίνεται, οὔτ' ἐκ πυρός. *Ignis autem est redundantia caloris, quemadmodum & glacies frigoris: fixio enim & feruor redundantia: quæ dum sunt, illa quidem frigoris, hæc uero caloris. Si igitur glacies est fixio humidi & frigidi, etiam ignis erit feruor calidi & siccitatis: Ideo nihil ex glacie gignitur, neque ex igne.* Si verò & ex Poëtis suffragium queras, ex igne nihil fieri affirmat Ouidius, quem virginæ pudicitie symbolum esse cecinit lib....Fast.

Nec tu aliud Vestam, quæ non uiuam intellige flammam;

Nataque de flammâ corpora nulla uides.

Iure igitur nirgo est, quæ semina nulla remittit,

Nec capit; & comites Virginitatis amat.

Propterea Romæ Virgines Vestales pari obseruantia Ignem Sacrum, & pudicitiam seruabant.

Maur. Per quem meæ causæ fidem, auctoritatem, & firmamentum adiungere postremo loco volebam, Aristotelem attulisti me præuenens, Dandule; ipso enim prælucente (cum in hunc eundem locum antè plures annos incidissem) contra popularem opinionem cœpi ratione pugnare, meque opinosissimorum hominum argumenta, quibus impetebam, in hac sententiâ confirmârunt. Et verò cum aqua nocturnis per hyemem frigoribus congeliat, nihil procreari substantiæ, ex eo satis constat, quod ipsa se meridiano calore liquefacta diffundit, iterumque constringitur pro alternâ nocturni frigoris, diurnique caloris vicissitudine. Quamuis enim ultro concedam non frigidâ tantum qualitate aquam concreescere (qualitatem hic eo sensu accipio, qui apud Peripateticos vulgaris est) sed admistis aluminis nitrique spiritibus seu salibus volatilibus, aut etiam fixis densari, quorum copiâ non modicâ imbutus est aër, quo tellus circumfunditur, & fidem facit nitrum, quod parietibus adhærescens post gelidam noctem obseruamus; non tamen aquam interire, nouamque glaciei Formam substantialem fieri dixerim, nisi fortè præter omnium opinionem mihi persuaderem plumbum solidum à liquato differre, aut accessione coaguli lac perire, nouamque gighi naturam. Quod

si & còraperer, vt concreto lacti suam formam tribuerem, cum iterum in lac liquidum non soluatur, sed in schiston, in quo pars caseosa à serosa separata est, (nam vt ait Aristoteles lib.3. de Hist. Anim. cap. 20. Genus vnumquodque lactis habet tum sanien dilutam, quod Serum vocamus, tum corpulentum quiddam, qui Caseus dicitur) id certè me non vrget in glacie, quæ Solis ardore liquefacta & dilapsa diffunditur. Cui enim tribuatur vis nouam aquæ substantiam ex glacie efficiendi? an Soli? Sed & mea manus si glaciem attrectet, & ignis non procul positi calor idem re ipsa faciunt. An igitur aquam ab opposito igne originem ducere arbitrari quis potest? At si virtus hæc igni minimè congruit, adedque nec manui, nec Soli, fatendum est non gigni aquam, sed eam, calore solvente, liberari vinculo, quo tenebatur, vicissimque nec glaciei naturam aliquam esse præter aquam coactam, aut vinum, aliumue eiusmodi liquorem, qui frigore congeliet.

Iam verò si cum glacie componatur Ignis apud nos ex materie ad exardescendum facili excitatus, neque hic naturam aliquam gigni censébit, quisquis Philosophi personam induens contra cecam vulgi opinionem ratione pugnare decreuerit, paratus popularem sententiam, quam puer imbibit, animo libenti remittere, si eam ratio conuellat. Procliuius est quidem, nec diffiteor, opinari nihil in glacie præter qualitates effici, cum, gelu soluto, iterum faciliè comprimi, collidique posse videamus humorem eundem, qui frigore obduruerat: At vbi ignem materies concepit, quamuis non planè nihil de substantiâ fieri existiment omnes, attamen quicquid flamma absumit, nusquam licet ampliùs contemplari. Verùm si duplex mutationum genus Philosophis admodum familiare, alterum quo forma materiem perficit, alterum quo materies spoliatur formâ (hoc priuatione, Illud possessione formæ terminatur) perpendamus, dispar ignis atque glaciei conditio innotescet: cum enim humor in glaciem cogitur, nulla fit substantiæ mutatio, quia nulla interit natura, nulla gignitur: cum autem lignum comburitur, non omni substantiæ mutatione vacat materies; nam licet nullam ab efficientibus causis recipiat formam, aliquam tamen amittit. Neque mirum, si glaciei soliditas calore labefacta fluit, idemque liquor denuò manat, igne verò percunte, quod fuit lignum, nusquam apparet: glacies enim

enim liquentium particularum concrezione, ignis autem concretarum dissipatione contingit: quis porro nesciat facilius congregata dissolui, quàm dissipata congregari? Sed age nunc, designa, quæ noua ignis natura procreetur.

Grad. Flamma se illicò videndam obijcit, suæque sibi luce præconium faciens formam ostentat nouam.

Matur. Ergo substantiam ad exiguum breuissimumque temporis punctum duraturam moliri oportuit.

Dand. ἡ μὲν γὰρ φλόξ, vt Aristoteles ait lib. 2. Meteor. cap. 2. διὰ σωεχοῦς ὑγροῦ καὶ ξηροῦ μεταβαλλόντων γίνεται, καὶ οὐ τρέφεται. οὐ γὰρ ἡ αὐτὴ οὐσα διαμῖνει οὐδένα χρόνον, ὡς εἰπεῖν. *Flamma enim ex continuo humido & sicco migrantibus gignitur, non alitur; non enim eadem existens permanet ullo tempore, vt ita dicam.*

Maur. Cum autem non quasi casu quodam atque fortuitò flammæ vita abruptatur, sed ita nata sit, vt continuò intereat; non satis sano consilio prudens Natura videretur sibi scopum destinasse, quò ratio omnis totius exustionis conferatur, tam caducam, fugacemque, & vt ita loquar, momentaneam substantiam, cum potuerit maiore compendio solâ caloris aliarumque qualitatum accessione assequi, quicquid demum flammæ virtuti atque efficacitati tribuendum fuerit. Forma enim, quæ substantia sit (si Peripateticos audiamus) suas sibi tutatur proprietates, & si qua fortè perierit, restituit, quippe quæ natura cum sit, & sanè multo potiori iure quàm Materia, in eo, cui inest, principium primum est & causa cohibens in se naturalem efficientiam tum tranquillæ quietis in suarum qualitatum custodiâ, tum efficacis motionis in recuperandâ earum possessione, à qua fuerit per vim deturbata. Quî autem seruandis flammæ proprietatibus studeret Forma, quæ minimo momento auolat; aut repararet amissas, cuius tota vis est in dissipandâ substantiâ?

Dand. Vtique, si corporibus illis, quorum particule in vnam speciem minùs perfectè temperantur, peculiarem formam parca & diligens Natura negauit, ne nimis largè & in Meteorologicas impressiones, & in coquorum embammata, & in Sepiasiariorum pigmenta, pretiosam formarum suppellectilem profundere cogeretur; non video, cur adeò prodigam se debuerit exhibere, vt erumpenti atque continuò euanescenti flammæ formam tribueret.

Grad.

Grad. Dixerint fortasse igneæ illius Formæ assertores non esse flammam cum embammatis aut pigmentis comparandam, hæc enim artis sunt opus, illa Naturæ. In Meteoris verò, quæ ex fortuitâ halituum concursione non vno modo coalescunt, non opus esse nouâ Formâ, quemadmodum in Flammâ; cuius certam originem & molitionem indicare videntur figura, motus, calor, lux: porrò Nebulam & Nubem nil esse præter aquæ substantiam in vaporem attenuatâ, qui iterum coactus in Rorem, aut Pluuiam, tellurem perfundit, aut si coagulum accedat, in Niuem conrescit, & obdurescit in Grandinem: Ventum terrenis expirationibus nihil addere præter motum; Irides, Coronas, Virgas, Parelia, Paraselenes, immò & Cometas ex lucis commistione cum corpore semidiaphano oriri *κατ' ἐμφασιν* non autem *καθ' ὑπόστασιν*, vt Aristoteles loquitur lib. de mundo: Propterea his non dari à Naturâ substantialem Formam. Fulmina autem & quæcunque alia Meteora verè ignita ad idem pertinere genus, quo nostrates ignes comprehenduntur, atque his propriam Ignis formam tribuendam; neque enim suâ formâ carere debet elementum ignis, quamuis apud nos non purum sit & impermistum: hoc autem elementum scilicet Ignem, in flammâ inesse quis neget? cuius tamen nullum apparebat in ligno vestigium.

Maur. Quid de Meteorologicis impressionibus dicendum sit, nunc quidem non admodum moror, singulæ quippe peculiarem postulant explicationem: in ligno autem, dum adhuc lignum est, vestigia ignis persequi tunc erit operæ pretium, quando methodum, qua contingat exustio, indagabimus: satis est mihi, si nouam substantialem formam in flammâ non agnoscamus. Si enim hanc noua forma componat, Formam corrumpat necesse est virtus illa efficiens, quæ flammam extinguit: illa igitur eadem virtus aliam pariter formam efficit, quæ pereuntis in locum succedat; flammâ nimirum in auras abeunte, negare quis velit, quin sit æris, aut alia quæpiam forma in materiâ, quam prius ignis formâ imbutam asserebat? Quis autem facillè sibi persuadeat brevissimo temporis puncto nouam æris formam effici, siuè ab aquâ superfusâ extinguatur flamma, siuè ab arenæ vi non modicâ iniectâ opprimatur, siue conuersâ deorsum face à ceris liquentibus propellatur, siue emunctorio aut digitis compresso ellychnio præfocetur, siuè spiritu validius immisso exsuffletur?

His omnibus pares ad efficiendam aëris formam vires, quemadmodum par est facultas extinguendi flammam, citrà fabularum commenta tribuere quis possit? Quod si, vt aquæ, arenæ, ceræ, digitis, emunctorio, spiritui denegent vim efficiendi aëris, nullam autem nouam aëris formam abeunti ignis formæ succedere (cum maximè nihil ex igne, quemadmodum neque ex glacie, fieri doceat laudatus Aristoteles lib. 2. de Gen. & Cor. tex. 21.) quin pariter aiunt exusto ligno nullam ignis substantialem formam gigni? id quod multo faciliùs concedi potest; forma quippe Elementi formæ corporis misti subiecta cum sit, materiem abundè perficit, etiam si suprema illa forma pereat. At ignis forma & aëris non eâ inter se cognatione iunguntur, vt eandem materiæ particulam pariter afficiant, ac proinde alterutrâ pereunte, altera nondum existens materiam imbuere nequit, sed opus est nouâ formæ effectione. Satiùs itaque fuerit peculiarem, nouamque ignis formam substantialem flammæ denegare.

Grad. Adedò inhæsit hominum mentibus ex ligno ignem gigni, vt pluribus, si hîc adessent, paradoxa loqui videremur. Quamvis autem ignis formam à fugaci flammâ excludi fortasse paterentur, eam tamen in ardentibus, saltem prunis collocandam esse contenderent.

Maur. Consignatas in animis vulgi notiones non peruertimus: ex ligno ignem fieri, nunquam animum induxi, vt negarem, quemadmodum ex aquâ glaciem fieri vltro concedo: sed nouam aliquam substantiam in ligni exustione gigni, hoc illud est, in quo à vulgi sententiâ me discedere fateor, ratione impellente. Et flammam, inquam, & prunas ignem esse admitto, sed nouam substantiam gigni, siuè cùm erumpit flamma, siuè cùm lignum aut carbo accenditur, iterum pernego. Illud quippe primùm animaduertendum est, quod potissima virtus ignea, atque maxima vis comburendi est in flammâ, quæ follium alternâ expiratione excitatur ex prunis, vt in fabrorum officinis manifestum est; ac proinde non minùs igneam formam obtinere videtur flamma, quàm ardentis prunæ; perinde enim, flammâ è prunis auolante, illæ tabescunt in cinerem, atque cum oliuum è fratribus exprimitur: nam sicut ex oliuâ, qui inest, liquor compressione eximitur, sic ex prunâ, qui inest, ignis sensim auolat: quemadmodum verò inclusus oleæ succus oleum non esset, si expressus oleum pariter non diceretur, ita si auolans ex prunis, feruida natura, ignis non

fue-

fuerit, neque in prunis ignem esse, antequam illa in coelum subuolet, fatendum est. Negari itaque non potest flammæ ignea forma, si eam prunis concesseris: At flammæ nouam ignis substantialem formam tribuendam non esse ostensum est: Igitur & prunis deneganda est.

Deinde: nihil ne ignis in ardente naphthâ? nihil in pyrîo puluere accenso? nihil in fulmine è nubibus dimisso? at cedo mihi prunas aut solidum quoddam corpus præter flammam, cui ignis forma tribuatur. Ad hæc, quis risum cohibeat, si in accensâ face ignem quærenti nullum alium demonstres præter illum, qui eam ellychnij particulam afficit; quam flamma circumstat? Est igitur ignis in flammâ, est in prunis; ille scilicet feruor, quem caloris copia atque affluentia excitat. Neque tamen hinc naturam aliquam gigni conficitur, sed illud vnum experimento deprehendimus, quod calore non modico in prunis sollicitatus humor attenuatur, & in flammam auolat, soluunturque compages corporis, quod incendi dicitur, atque comburi. Cum itaque alius atque alius ignis continuâ exardescentis materiæ exustione erumpat, sensimque oculis se subducatur in auras abiens, & quasi riuulus breuissimâ deductione ab ipso capite manans illicò abrupto bathro absorbeatur (nam vt Aristoteles loquitur lib. de Iuuent. & Senect. cap. 3. τὸ πῦρ αἰεὶ διατελεῖ γινόμενον καὶ εἶον, ὡς περ ποταμὸς, ἀλλὰ λαυθάνει, διὰ τὸ τάχος. *Ignis semper fit, & fluit, quemadmodum fluius, sed latet ob celeritatem*) nullis planè rationum momentis cogimur, vt in eam inclinemus sententiam, quæ substantialem formam tunc gigni authumat momento interituram. Sed satis communi Ignis notioni factum videatur, si tunc demum ignis vocabulo donetur corpus quodcunque, cum tam acrem conceperit vim caloris, vt illum impertiens materiæ ad exardescendum facili eam valeat comburere. Hinc micantibus flammis nihil de Ignis notionē detrahit fugax tenuitas, accensis carbonibus nihil obest obscurum genus, grauisque soliditas, modò ignauo inertique calore non torpeant, sed vim obtineant comburendi.

Grad. Facilem hic mihi offers atque satis expeditam rationem componendæ controuersię, quæ Physicos exagitat, cum in candente ferro ignis efficacitatem pariter, ac ferri substantiam contemplantur. Quis enim in accenso carbone substantialem ignis formam

nam agnoscens, hanc in candente ferro non deprehendat? cui si fortè lux insit remissior, certè nec calor hebetior, nec vis vrendi languidior. At ferri naturam non perire, clarius est, quàm vt à quoquam negari queat. Aut igitur duæ formæ, quarum altera alteri subiecta non est, materiam eandem pariter imbuunt, id quod Peripatetica Philosophia auersatur; aut, si nouam formam substantialem infert ignis, ferro candenti ignem inesse pertinaciter inficiandum est cum aliquibus, quos aliquando disputantes audiui, qui sensibus omnibus frustra reclamantibus malebant præposterè philosophari, ne Metaphysicæ quædam, vt aiunt (à vero potiùs abstractæ) eorum ratiocinationes perirent. Si igitur ignescere nil aliud fuerit, quàm eximium calorem cum virtute comburendi coniunctum concipere, poterit ferrum citrà suæ naturæ mutationem, aut nouæ formæ substantialis additamentum, virtutem hanc acquirere, qua nihil distare videatur ab igne.

Dand. Melioris notæ Philosophis, ne duabus Formis Materiam vnã subijciant, placet in hiantes ferri poros particulas igneas inferi (quemadmodum humidâ tempestate ligna aliqua ita vaporibus imbuuntur, vt eorum moles aucta videatur) quarum natiuo lumine inuoluta ferri obscuritas lateat, ignisque tantummodo lucida species exhibeatur. Verùm vt vt lux ignea ferro accedit, vis certè vrendi maior apparet, quàm quæ tenuissimis igniculis per hiantes poros distributis tribui valeat; quippe qui, licet multo plures, in ardente carbone vim eam languidiùs exercebant: ex quo non obscurè intelligitur ipsis quoquæ ferri particulis igneam adurendi virtutem inesse. Neque nodum hunc continuò expediunt, qui ferri particulas aliquas in ignem contumaces distinguunt ab alijs faciliùs concipientibus ignem, à quo absumantur (vt satis dilucidè indicant strîcturæ ex feruenti massâ erumpentes, siuè dum in fornace excoquitur, siuè dum malleis super incudem tunditur) his verò igneam naturam consecutis acerrimam illam vrendi vim concedunt, ob maiorem nimirum, quàm in carbone, subiectæ materiæ densitatem. Quid enim, si defæcatus chalybs, vel purissimum aurum incandescat? aut perpauca, aut omnino nullæ sunt particulae, quarum natura mutationem subeat, corruptaque Metallî formâ prorsus ignescat; tota tamen candens massa nec exiguam pro ignitarum particularum portione virtutem

comburendi obtinet, nec imbecilliorē, quā si metallum multa scorix vis adhuc inficeret. Illis igitur quoquē metalli particulis, quarum forma non interit, comburendi virtus tribuenda est, non quæ ex nouâ substantiali formâ ortum habeat, sed quæ vehementem calorem consequitur. Eatenus itaque ignitum dicitur metallum, quatenus, licet ex incensione non exuratur, quemadmodum ea, quibus vulgus Ignibus nomen fecit, ijs tamen qualitatum communione iungitur, paremque in agendo efficacitatem obtinet, ex insignis caloris copiâ promanantem.

Maur. Si placet, ab alienis controuersijs dirimendis abstineamus; non enim rarò qui duobus digladiantibus interuenit, locum dat vulneri. Multa sunt in illâ quæstione enucleanda, quæ pendeant ex naturâ caloris, & qua ratione corporis densitas agendi efficacitatem augeat, quæ non sunt huius loci. Nobis satis est, si materiæ vnica ferri aut auri formâ imbutæ vehemens calor vim vrendi tribuat, aded vt etiam Ignis dici valeat. Quapropter cum sola qualitatum mutatio, eadē manente substantiâ, ignem in candente metallo constituat; earundem qualitatum complexio, citrà nouæ substantialis formæ procreationem, ignem pariter excitabit ex materiâ, quæ combustionē dissipatur, siuè repente auolet in flammâ, siue sensim languescat & extenuetur in prunis. Quamuis autem metalli particulæ tam tenaci vinculo cohareant, vt concepto feruore non dissoluantur, eoque extincto eandem metalli speciem præferant; contra verò lignum, charta, hisque similia, cum exardescunt, ita suas in particulas distrahantur, vt species eadem non permaneat; ipsæ tamen naturæ, quæ vnā in speciem (lignum puta, aut chartam) temperabantur, distractione non intereunt; sed quæ valido calori subiecta materies Ignis dicitur, illa ipsa est, quæ ligno aut chartæ inerat.

Quid verò non vna est ignibus omnibus agendi vis & efficacia, si noua Ignis forma gignitur, nec perseverant naturæ, quæ in combusto corpore insidebant? An Primam illam Materiam, puramque, vt vocant, potentiam dissimiles ignium formæ imbuunt? At eorum, quibuscum nunc agimus, pudibunda adhuc Philosophia non eam sibi vsurpauit comminiscendi licentiam, vt substantiales Ignis Formas specie dispares in medium produceret. Similibus autem formis dissimilem qualitatum complexionem ne-

mo tribuat; quæ etenim qualitates naturis recens genitis minimè congruunt, eas è subiectâ materiâ ab oppositis qualitatibus exturbari necesse esset, nisi manerent naturæ, quibus illæ prius inhærebant, ijsque etiam nunc, vtpote proprietates, nodo eodem obstrictæ cohærent. Vnum certè neminem ex omnibus reperias, quos fortè rogâris, *Cur, si flos æris, ubi optimum vini spiritum penitus combiberit, admosâ candelâ accendatur, postquam paulisper exarserit, in flammam demum viridem iucundissimo spectaculo erumpat*, neminem, inquam, reperies non opinantem, principio quidem leuiorem vini spiritum ærugine non imbutum in sinceram flammam subuolare, postea aliquantò flammam ab ipso æris flore cum accenso spiritu pariter ascendente infici viriditate. Quotus autem quisque est, qui ignoret igne ex quernis lignis excitato tentari caput ac lædi magis, quàm ex sarmentis, ob noxiorum spirituum & salium copiam, quibus ligna fortia abundant, qui deflagratione dissipati per hiantes capitis poros se insinuant, debitamque cerebro temperiem corrumpunt? Neque opus est ad hanc non prorsus intereuntem naturam, quæ comburitur, è tenebris vendicandam, ex officinis testes aduocare fabros ferro in chalybem excoquendo operam dantes, vt ex ijs intelligamus, quantum ad operis absolutionem interfit, quo demum carbone liquatum ferrum fluat, cui massa in chalybem conuertenda immergitur: nam metalla igne liquata è mollibus lignis tenaciora redduntur & molliora, contra verò è validioribus dura euadunt & fragilia, vt etiam notauit Cardanus lib. 2. de subtil. Veritatis lucem exquirat in flammâ ludibundus puer, nec eam alto Democriti puteo demersam, sed in summâ aquæ superficie fluitantem deprehendet: Si enim fictilis aut ærei vasis aquâ pleni labro admoueat ceream candelam, spirituque per fistulam immisso, exurgentem flammam ita reclinet, vt aquæ superficiem lambat, pelliculas videbit innatantes, quas tandem collectas nihil à cerâ (excepto fusco colore) discrepare cognoscet: & vbi eas ellychnio circumpositas in flammam iterum abire posse, similesque in pelliculas concrecere obseruauerit, flammæ pabulum à flammâ ipsâ solis qualitatibus scerni pronuntiabit. Quod si quis effugium quærens ad singularem ceræ naturam confugiat, ex qualibet flammâ aquam flambente (modò solido pinguique alimento nutriatur) non dissimiles pelliculas, ignis iterum capaces, relinqui ostendet. Quis verò, nisi

mediâ in luce caligans, non intelligit naturam eandem calore multo ratam concresecere, cum in frigidam incidit, & splendidâ flammæ notione depositâ ad antiquam generis obscuritatem tantisper redire, dum concepto iterum calore rarescens fulgeat, & ad ignis claritatem euehatur? Neque enim cordatus quisquam ita in fabularum commenta pronus esse potest, ut pereuntem flammulam existimet in viscidam illam pinguemque pelliculam conuerti, aquæ nouam naturam gignentis ministerio: alioquin, ferreo quoque stylo tribuenda erit virtus ceram procreandi; nam illum, si in mediam ardentis cerei flammam paulò supra ellychnium, quod nullatenus contingat, immiseris, extrahes eâ delibutum materiâ, quæ cæræ non absimilis poterit noua flammæ alimenta suppeditare; cærâ videlicet primum rarescens; dum auolare nititur, obiecto stylo adhæret.

Illud itaque ex his (quibus plura id genus addere in promptu esset, nisi iusto longiori dissertationi finis imponendus esset) satis apertâ consecutione confici videtur, quod, si res quidem ad Physicam trutinam expendatur, exustionis ratio in eo sita est, ut corpus ex dissimilibus naturis coagmentatum tantam vim caloris concipiat, ut soluto particularum nodo, humore scilicet rarefcente, atque auolante, vel nihil præter cinerem, aut calcem, aut carbonem relinquatur, vel planè totum in auras dissipetur. Illæ verò nature tandiu Ignis vocabulum vulgo obtinent, quandiu acri calore præditæ, & luce aliquâ conspicuæ, vim retinent alia pariter corpora proritandi ad similem particularum distractionem immisso calore. Et ut ad eam redeam, quam Aristoteles instituit Ignis cum Glacie comparisonem, quemadmodum congelatio perficitur vi frigoris humorem fluidum constipantis, immistasque particulas congregantis & coërcentis, quin opus sit nouam moliri naturam, quamuis diu permaneat glacies; ita exustio, citrà nouam fugacis ignis substantiam, absoluitur calore naturas corporis dissipante cum humore, quem ad raritatem extimulauit. Dissimulare tamen non possum insignem Aristotelis locum, quo plura ex hæcenus disputatis non leuiter confirmata videntur: nam lib. 5. Topic. cap. 2. loco 54. sic loquitur οὐ γὰρ ἓς ἐστιν ἡ εἶδος τοῦ πυρός. ἕτερον γὰρ ἐστὶ τῷ εἶδει ἀνθράξ, καὶ φλόξ, καὶ φῶς, ἡ καὶ αὐτῶν πῦρ οὐ. Non enim est una species ignis; aliud enim specie est carbo, & flamma, & lux, unumquodque

eorum ignis existens: hæc autem non nisi caloris communione af-
finia sunt. Certè Aristoteles lib. 4. Meteor. summa 3. c. 2. cum dixit,
Sunt autem combustibilia, quæcunque habent meatus susceptivos
ignis, intelligere non potuit meatus ipsos formam ignis suscipere,
sed igniculis à corpore vrendi vim habente immixtis locum præbere,
vt suo calore partium nexum soluant.

DISSERTATIO QVINTA.

De Calore.

DAnd. Quoniam exardescente ligno substantiam nullam gi-
gni postremâ dissertatione statuimus, consequens videtur,
vt, qua ratione exarsio contingat, examinemus. Quid autem
dicendum sit, à Mauroceno expectamus: id enim quin ab illo
dudum diligentissimè perpensum fuerit, minimè dubitamus.

Maur. Parcius, quæso, Amici. Diligentissimè? An excidit vo-
bis Ciceronem hoc vno verbo *Diligentia*, qua virtute, vt ipse
quidem loquitur, *reliquæ virtutes omnes continentur*, comple-
cti voluisse Curam, Attentionem animi, Cogitationem, Vigilan-
tiam, Laborem? Nonnulla, fateor, mecum non rarò hac su-
per re commentatus sum, si fortè aliquod veritatis vestigium de-
prehenderem: sed nihil accuratum, nihil exquisitum, nihil ve-
strâ eruditione dignum proferre valeo. Vestræ voluntati morem
gerere graue non erit: id tamen hodiernâ disputatione exequi me
posse vix sperandum est: neque enim illam Caloris redundantiam,
quæ ignem constituit, satis explicaremus, nisi priùs Caloris naturam
perspectam habeamus.

Grad. Quibus placet passibus, progrediamur philosophando. Et
quidem si genus quæramus, in Qualitatum numerum referendus
est Calor; est enim Qualitas, vt Aristoteles docet in Prædic.
cap. de Qualit. *secundum quam quales quidam esse dicuntur*,
querenti autem qualis sit Ignis, calidum esse respondent
omnes.

Dand. Ita planè: quinimo huic generi subest in eâ speciem, quæ
Passibiles Qualitates comprehendit; nam inter has à Philosopho
cum dulcedine, amaritudine, austeritate, albedine, nigredine
enumeratur calor, & Frigus. *Passibiles. verò qualitates dicuntur non*
quod.

quod ea, quæ illas susceperint qualitates, aliquid patiantur; neque enim mel, quoniam aliquid passum sit, dicitur dulce, neque aliud huiusmodi: similiter autem his calor & frigus Passibiles Qualitates dicuntur, non quod ea, quæ illas suscipiunt, aliquid passa sint: sed quoniam secundum sensus unaquæque dictarum qualitarum passionis effectiua est, Passibiles Qualitates dicuntur; dulcedo enim passionem quandam secundum gustum efficit, & calor secundum tactum: similiter autem & aliæ. Porro animaduersione digna sunt, quæ paulo inferiùs dicuntur, ubi à Qualitatibus Passiones secernit Philosophus. Quæcunque verò, inquit, ex ijs, quæ faciliè soluantur, & citò transeunt, fiunt, Passiones dicuntur, Qualitates verò minimè, non enim aliqui secundum ipsas dicuntur Quales; neque enim qui propter verecundiam rubeus factus est, rubeus dicitur, neque cui pallor propter timorem est: sed magis eo quod aliquid passus est. Quare Passiones quidem veniunt, pallidus huiusmodi dicuntur, Qualitates verò minimè.

Maur. Has vocabulorum tricas mittamus Logicis euoluendas. Quid enim refert, utrùm aqua feruens dicenda non sit calida, quia calor citò euanesceat, nec in illâ permanet; an verò illam inter res calidas recensere oporteat, quandiu feruens est, quia passionem secundum tactum efficit? Mihi certè videtur caloris corporibus firmiter inhaerentis natura vix innotescere posse, nisi illam vestigemus ex ijs, quæ calorem extrinsecùs immissum assumunt, & postea reiiciunt. Neque enim minùs calor est qui ad exiguum tempus, quàm qui diu durat. Quapropter vocum dissidijs abire iussis, ad rem ipsam accedamus. Sed ne vagari & errare cogatur disputatio, quam mihi datis corporum texturam?

Dand. Equidem toties decantatas veterum Philosophorum atomos, quæ ita sint indiuidua corpora, ut partibus omnino careant, in quas saltem cogitatione distingui possint, semper reiiciendas duxi. Naturam tamen certis finibus circumscriptam negare non ausim, adeò ut, quamuis corporum molem in tenuissimas particulas comminuere valeat omnem sensum fugientes, ad eam demum tenuitatem deuenire necesse sit, quam adhuc magis extenuare non possit, & citrà quam substantia consistere nequiret. Minimorum huiusmodi corpusculorum in quolibet exiguo corpore plures myriadas contineri, nihil æquè, ut opinor, euincit, ac exilia quædam animalcula, quæ quasi puncta magnitudinem nullam

habentia vel acutissimæ oculorum aciei se subducunt; Microscopio tamen deprehenduntur eorum motus, & membra ad gradiendum efformata, imò & pili, quorum Ratio ad totam corporis molem sit multo minor quàm submillecupla. Minutissimam cariem, in quam putris caseus resolutus fuerat quasi in puluisculos, aliquando subieci Microscopio; cumque nullus appareret motus, mihi nimis credulus videbar, quod fidem adhibuisssem asserentibus vermiculos puluisculo illi intermixtos. Verùm cum tantisper Solis radio puluisculum exposuisssem, vt modicè incalesceret, illicò Microscopij ope turbam vermiculorum quasi argenteorum blando Solis calore excitatorum hac illac gradientium non sine admiratione vidi; nam & pili aliquot eminebant tum in anticâ, tum in posticâ corporis parte, & aliquorum dorso incumbibat caseosæ illius cariei granulum: quæ omnia nudum oculum latebant. In tantillo igitur corpusculo si distinguantur membra omnia ad capiendum & conficiendum cibum, ad nutritionem perficiendam, ad appetitiones & ad metum necessaria, quantula hæc esse oportet, cum integrum corpus minimè sit conspicuum?

Grad. Vtinam similiter Microscopio subijcere liceret ea, quæ *in locis palustribus crescunt animalia minuta*, vt monet M. Varro de re rust. lib. 1. cap. 12. *quæ non possunt oculi consequi, & per aëra intus in corpus per os ac nares perueniunt, atque efficiunt difficiles morbos*. Horum enim figura si nobis perspecta esset, comparari possent cum tenuissimis vermiculis, quibus obseruatum est abundare sanguinem è dissectâ venâ erumpentem eorum, quos febris corripuit: huiusmodi scilicet vermiculorum capita si nigra fuerint, indicant periculum ex febre imminere, quam nulla adhuc exanthemata malignam esse docuerunt. Proclive autem tunc esset suspicari minuta illa animalia cum aëre, quem spiritu ducimus, intus assumpta commisceri cum sanguine, in quo & incrementum aliquod suscipiant, & pestiferâ fecunditate multiplices fœtus procreent, vnde incommoda primùm valetudo, deinde febris consurgat. Neque fictam & commentitiâ fabulam facillè dixerim hanc ex tantillo animalculo multiplicabilem calamitatem; quippe qui apud Guilhelm. Pisonem de Medicinâ Brasiliensi lib. 2. cap. 22. pag. 38. nuperrimè legi in Brasiliâ reperiri minutissimos vermiculos, Lusitanis *Bicho*, Brasilianis *Tunga* dictos, qui sæpè cum pruritu, rarò cum dolore, pedum digitorum extremitatibus in-

nascentur. Maximopere infesti sunt præ cœteris ijs, qui nudis pedibus loca arenosa perambulant, in quibus, vtpote calidissimis, vivere amant extra omnem conspectum, fugiuntque pauimenta lithostrota. Initio in cute exteriori aliquandiu latitant: Mox ingenti cum pruritu, præcipuè circa plantas pedum, cutem sinè noxâ penetrant, inque eâ se recondunt. Hi verò exigui, intusque paulo profundius occultati, & vesiculâ orbiculari inclusi, nigricantes apparent, eosque per Microscopium Mesocopium ille nominat fortasse Typographi errore) explorare oportet; secus enim ne à lynceo quidem exactè satis perspici possunt. Tandem ubi ad iustam magnitudinem (id quod est circa triduum vel quattriduum) excreuisse compertum fuerit, tunc maximè de excisione cogitandum: quod solius aciculæ, aut argenteæ cuspidis beneficio à Brasiliiano aut Æthiope facillimo negotio fieri consuevit. Ea solum adhibenda est cautio, vt vermis membranulâ inclusus integer eximatur, ne vitiosus humor quidam contentus, quod sæpè contingit, dispergatur. Tunc enim noua parti vicinæ accidit ærumna: ruptâ nimirum vesiculâ, statim noui generantur, qui vicinas & illæsas partes depascunt. Et tunc quidem non minùs calamitosi, quàm qui in Guineâ habentur, adeoque gangrænâ ipsam intulisse commemorat Author, vt pedum digitos amputare non semel coactus fuerit. Addit & aliud vermiculi alati genus nigrum (Brasiliij *Mariguè* vocant) adeoque paruum, vt tactûs sensu potius, quàm visu percipi soleat. Culicum more gregatim volitant. Nunquam apparent nisi summâ existente malaciâ, idque vespertino tempore potissimum: circa fluuiorum ripas inter palustres illas arbores *Mangues* dictas hærent. Adeò exercent & lancinant agricolas, vt non solum membra eorum nuda, sed & leuiter vestita, morfu dolorem inurente infestent, acuumque mucrones referant. Hoc vt experimentis confirmet, narrat sibi atque comitibus Hispanis scaphâ fluuium lento gradu ascendentibus adeò intumuisse, vesicisque ac rubore conspersam fuisse faciem, vt ne à familiarissimis quidem amicis dignoscerentur. Æthiopis quoquè, domini sui iussu, palo affixi, perque integram noctem sub dio relictî, post ridie delirio capti ex meris doloribus, meminit.

Dand. Nullus dubito, quin plura sint huiusmodi animalculorum genera, quorum ne vocabula quidem, nedum figuram, & magnitudinem, aut proprietates nouimus, quippe suâ se exilitate

protegent, ne videantur: singula autem proprijs membris instructa sunt, quæ si vulgari Microscopio, quod lineolam proponat saltem centies longiorem, quàm illa nudo oculo appareat, obijciantur, iam corpus integrum, quod quasi punctum apparet oculo, saltem millies millenas particulas minimas continet: sed & multo pluribus constare partibus tenuissimis, ostendet Microscopium exquisitiùs elaboratum. Certè aliquos vermes, quibus ipsa antiquitas nomen fecit, cuiusmodi sunt Ips cornua, & vitium oculos erodens, Cis frumenta, Midas fabam, Trips ligna, Sis vestes, Is vitrum, cum primùm enati fuerint, antequam nutrimento augeantur, valdè exigui sunt, suis tamen denticulis ad erodendum instructi: quantula igitur tantilli corporis pars est vnus in ore denticulus, corpus, cui vermis ipse innascitur corrodens? Quos vermiculos a Poëta quodam Epigrammate comprehensos memini, videlicet

IPS Vineas, & Cornua:

Frumenta SCIS; TRIPS arbores;

IS Vitra; SIS velamina;

Fabas MIDAS arrodere,

Nascuntur à quibus, solent,

Nihil minus sic, à quibus

Ferant iniquam gratiam

Consul, Magister, & Parens,

Tutor, Patronus, ac Herus,

IPES, SCIES, TRIPES, IES,

SITES, MIDASque habent suos.

Quapropter minimas corporum Physicas particulas, quæ neque oculis, neque vlllo sensu percipi valeant, quamuis certo numero definitas, plurimas tamen esse nemo potest negare; nec verò, nisi temerè, audeat quisquam earum numerum ad caleulos reuocare. Verùm, in tantâ Micromeriâ, sua cuique particulæ moles certis terminis circumscripta, nimirum figura, inest, & quidem dissimilis pro naturarum varietate; nam in corporum solutione non easdem in figuras conformantur adhærentes. Chymicis vasis chrystalli aut sales: ex quibus de cœteris particularum generibus probabilis coniectura capienda est.

Grad. Si igitur in corpore aliquo misto plura salium, plura spirituum genera contineantur, quorum singulæ minimæ particulæ va-

riam

riam sortitæ sint figuram pro naturæ dissimilitudine, vix cogitari, nedum fieri poterit, vt inter se omnes ita aptè cohæreant, quin vllus relinquatur hiatus, aut omnino inanis, aut extraneo corpore plenus: ac propterea aut nullum erit corpus homogeneous, si corpuscula aliena intermisceantur, aut saltem omnia corpora homogenea, erunt inanitatibus intercisâ.

Dand. Nullum inane quantumuis minimum, quod omni prorsus vacet corpore, admitto; plena sunt omnia: at quamuis ob impares atque dissimiles figuras accidat minutissimorum corpusculorum aliquâ tantum ex parte se contingentium superficies aliquibus interuallis disiungi, quæ minoribus alieni corporis particulis repleantur (siuè ærem dixeris, siuè æthera) modò partes singulæ, quas sensus consequi valent, simili complexione temperentur, similemque obijciant formam, homogeneous censendum erit illud mistum; cuius æquabili temperamento non officiant intermissi pori. Hinc quia singulæ corporum naturæ peculiæres exigunt sales, spiritus, igniculos, humores, quibus consistant, propterea alia præ alijs materiam habent magis compactam & densam, prout minima corpuscula sunt ijs figuris prædita, quæ propiùs cohæreant, minoribusque, aut paucioribus interuallis disjungantur. Neque enim cuiuscunque naturæ minima corpuscula molem obtinent æqualem, sed alia alijs exiliora sunt, atque aliter conformata. Quamquam non negauerim posse aliquando figuram (manente tamen mole eadem) per vim à naturali specie deflectere, vt si globulus aut pyramis comprimatur, aut rectus cylindrulus inflectatur, aut armilla in ellipsim deformatur, aut hamus & vnus ad rectitudinem compellatur: submotâ autem extrinsecâ vi, vnumquodque corpusculum suam sibi reparat figuram virtute suâ elasticâ.

Grad. Haud ægrè in hanc sententiam adducor, vt proprias quibusque naturis figuras concedam, quarum ratione fiat, vt quæ particulæ eadem vel proximè simili figurâ sunt præditæ (nisi hamatæ fuerint & aduncæ) cum aliæ alias non omnino apprehendant, ex neque inter se cohærescant, sed fluidum, aut fluido simile, corpus constituent; Concreta verò & solida corpora tunc demum consistant, cum dissimiliter conformatæ particulæ ita se vicissim complexæ fuerint, vt difficulter diuellantur. Certè decussa cribro farina nunquam in massam coit, vt panis conficiatur, nisi aqua

aqua addatur farinæ particulas complectens, atque à deplente probè commisceantur. An non aut ouis, aut canis, aut cuniculi, aut lutræ, aut fibri pilos aquâ, in qua dissoluta fuerit tragacanthæ lacryma, consperfos manibus subigunt galerorum opifices, atque ex ijs demum permistis, variè distortis, & inuicem complicatis, atque conglutinis, solidum, pluuijsque imperuium tegmen capit is elaborant? Charta ipsa, qua vulgariter vtimur, quid aliud est præter tenuissima contusorum in pilâ linteaminum fila congruo humore colligata? Coagmentatas salis particulas ab aquâ dissolui notum est omnibus: certâ tamen aquæ mensurâ non quantamlibet salis copiam solui faciliè deprehendet, quisquis, propè focum, in aquam vitro inclusam comminutum salem communem paulatim iniecerit; si enim alium atque alium salem adiecerit, qui collique fiat, adeò sale demum imbuitur aqua, vt nihil salis amplius dissoluere valeat, sed ille integer in vitri fundo subsidat. Hoc autem idèò contingit, quòd salinæ particule aqueis particulis permixtæ nulla relinquant interualla, quæ similiter conformatarum salis particularum, atque mole æqualium, capacia sint. Iâm verò si aquæ huic sale communi foetæ aliquas contriti nitri particulas sensim iniicias, nitrum quoque solui videbis, vsque dum occupatis salinarum particularum interuallis, minora spatia relinquatur non nisi tenuiorum nitro corpusculorum capacia, atque adeò adiectum adhuc nitrum in vitri fundo subsidat. Memini autem à curioso quodam Naturæ scrutatore aliquando quinque diuersis salium generibus, sed ordinatum iniectis, vt tenuiores crassioribus succederent, hac methodo imbutam fuisse aquam eandem. Ex quibus satis apertè constare videtur alijs atque alijs naturis alias atque alias congruere figuras, adeò vt obseruatum fuerit salem marinum æmulari cubum, alumen conformari in Octaëdrum, ammoniacum in hexaëdrum, nitrum in pyramidem: ita tamen, vt frustra queras in horum figuris Geometricam subtilitatem.

Dand. non sufficit autem quæcunque figurarum diuersitas, vt se inuicem particule minimè apprehendant; fieri siquidem potest, vt figure quidem dissimiles sint, quemadmodum cylindri. & globi, nec se tamen complectantur. Eiusmodi igitur conformatas illas esse oportet, vt saltem tertium quodpiam genus particularum intercedat, quod eas apprehendere atque connectere valeat. Hi ne spiritus è vino, atque spiritus è Tartaro elicti, permisceri atque

copulari renuunt, quamuis antea omnes cum cœteris vini particulis in musto coniuncti haberentur: si verò contingat Quintę cui-dam Essentię Spiritu Vini extractę affundendum esse Spiritum Tattari, opus est diuturnâ plurium dierum in congruis vasis Circulatione, administrato ex arte igne, nisi habeatur estius Solis calor, vt demum in vnum coëant. Contra verò aliquę sunt nature, quę facillè in proximi corporis poros se insinuant, illisque adherentes concrescunt; vt lignis quibuscumque contingit, si in aquâ aluminosâ detineantur; ita enim illis adheret alumen, vt chrySTALLINA videantur: Et de Tattâ lacu Maioris Phrygię post Galatiam Austrum versùs, Strabo refert lib. 12. fontes habere salis natiui, qui adeo facilliter cum rebus immerfis cohæreat concrescens, vt sepe, cum funalem torquem demiserint, salis coronas educant. Quia ipsæ etiam volucres aquas contingentes facillè capiuntur, cum, sale repentè concreto alis constrictis, ipsarum ministerio ad volandum vti non possint.

Grad. Hęc quidem à nobis congruenter Naturæ conuenienterque dici videntur; sed verecundiùs fortasse in medium proferenda: subuereor enim, ne videamur velle ab inferis excitare Democritum, aut Leucippum, cœterosque atomorum assertores iamdudum explosos.

Dand. Iudiciũ à subsellijs in rostra deferendum non est, videlicet à iudicibus ad populum, à sapientibus ad sciolos. Sapientum prudens, sincerumque iudiciũ, quibus perspectę sunt Antiquorum opiniones, reformido, si, quę dixero, improbauerint: de insulorum hominum censurâ, qui tenui aliquâ eruditione leuiter aspersi magisterium profitentur, nihil laboro. Non omnia perperam à veteribus Philosophis dicta, licet falsis opinionibus, & errorum tenebris veritatis lumen debilitârint. Corpora indiuidua nullo numero circumscripta, figurâ tantummodo, & magnitudine, & motu, & positione aut ordine, non autem naturæ specie discreta, ex æterno tempore, in infinito inani ita ferri, vt mente nullâ regente, sed fortuitis concursuionibus, inter se cohærescant, hoc illud est, in quo ineptire visus est Democritus Autor atomorum, quo illum nomine donauit Cicero lib. de Fato. Cœterum substantias specie dispares non posse infinitâ diuisione secundum Naturam, cuius definitæ sunt vires, comminui, quamuis, si Diuina virtus spectetur, diuisioni semper obnoxias; certis ma-

gnitudinis finibus coerceri, conuenientemque suarum particularum positionem, ex qua figura oritur, exigere: iam tum in primâ vniuersitatis molitione à supremo rerum omnium opifice conditas postmodum ex Naturæ instituto ritè commisceri, atque cohærescere, si dixerimus, quid extra modum absonum & absurdum loquimur, quo Democriteis annumerandi simus?

Maur. Sicut igitur plurimas in vnoquoque corpore particularum myriadas sensum omnem fugientium admittitis, ita pariter plurimas relinquì cauernulas necesse est, quas aut æther, aut saltem Spiritus aliqui ad naturam quidem illius corporis pertinentes, sed non satis aptè cum alijs particulis connexi, repleant, ad eò vt facilè indè expelli possint, aut diuelli, locum alijs subeuntibus corpusculis concedendo; simili ferè ratione ac spongiæ poros ingreditur humor aërem excludens. Hac itaque corporum texturâ positâ, quam ipsa Microscopia exquisitiùs formata oculis subiiciunt, nec nisi cæcus refragari valeat, ea quæ extrinsecùs calorem accipiunt, immixtis, atque intrâ poros assumptis igniculis, seu Spiritibus, incallescere existimo, quos celerrima mobilitas agitat, & in omnem ferè partem versat, nisi quid moram inferat & impedimentum: Omne enim, quod est calidum & igneum, cietur & agitur motu suo, vt loquitur Cicero lib. de Nat. Quò autem plures fuerint huiusmodi igniculi immixti, atque celerius, siue maiore impetu commoti; eò maiorem concepisse calorem dicuntur corpora, quæ incallescunt. Si enim multo luceat igne focus, cui frigidam manum opponas, eamque immotam tenere coneris, tantus est feruor, vt omnino ferre non valeas: at si in eadem à prunis distantia manum huc illuc transferas, blandus calor paulatim discutit frigus: Non nisi quia euibrati à prunis igniculi validius irrumpunt in manum quiescentem, quàm in commotam; vehementior quippe est ictus, quem recipit corpus in quiete, quàm in motu: præterquam quod, si quiescat manus plures igniculi se in poros eisdem insinuant rectâ tendentes, qui obliquè incidentes in manum commotam difficiliùs ingrediuntur. Hinc si eam habeant corpora suarum particularum texturam, vt hæc nullis interuallis discriminentur, quibus igniculi sub sensum cadentes recipi valeant, etiam calorem reijcere dicuntur. Sic adamantini, vt loquitur Plinius lib. 37. cap. 4. *duritia inenarrabilis est, simulque ignium viatrix natura, & nunquam incallescens* (id quod intelligendum intra

intrà certum tempus, nam licèt adamas nouem diebus igni reluctari dicatur, sicut Rubinus quinque diebus, tamen demum aliquam subit iacturam) Vnde & nomen indomita vis, Græcâ interpretatione, accepit. Similiter Chalazię lapidi grandinem colore & figurâ referenti, cui adamantina duritia tribuitur, etiam in igne suum manere frigus, idem cap. 11. narrat. Contra verò lib. 36. cap. 10. commemorat Apſycton gemmam nigram, & ponderosam, rubentibus venis distinctam, ita dictam quasi irrefrigerabilem; nam semel igni excalfacta septem diebus calorem seruat. Pari igitur iure, quo Apſyctos irrefrigerabilis dicitur, quia nonnisi post aliquot dies refrigescit, Adamas dicitur nunquam incallescens, quia diu reluctatur calori.

Grad. Si admissis igniculis caleſcunt corpora, iam calor natura est, non qualitas, Substantia, non Accidens. Quanto autem horrore perfunderentur hæc audientes Peripatetici? cum Aristoteles lib. 3. Metaph. summ. 2. cap. 6. dicat, *Caliditates, & Frigiditates, & huiusmodi Passiones, non substantiæ sunt.*

Dand. Nimis impensè fauere videris, Gradonice, ijs, qui se Peripateticos vocant, nam ad eò facilè vel vocabula ipsa à periculo procul remota reformidas. Quid est Aristoteli Accidens? lib. 1. Top. cap. 4. *συμβεβηκὸς ἐς τὸ ὃ ἐνδεχεται ὑπάρχειν ὅτω οὐκ ἐνὶ καὶ τῷ αὐτῷ, καὶ μὴ ὑπάρχειν.* Accidens est, quod admittit cuilibet uni & eidem inesse, & non inesse. Si mihi fasciculus epistolarum totus aquâ madidus reddatur, epistolis accidisse dicam, quod humore perfunderentur, & chartæ accidit exaratas atramento in eâ fuisse literas; aqua tamen & atramentum, quibus chartam imbui contigit, suapte quidem naturâ substantiæ sunt, chartæ verò accidunt, quia illa eadem charta esse potuit, quin madida esset, aut conscripta. An magis ad Accidens pertinet esse calidum, quàm madidum? Certè inter Accidentium Categorias enumerauit Aristoteles Habitum, vt calceatum esse, aut armatum; neque tamen aluta & eorium, quibus calcei constant, sicut neque lorice & galeæ ferrum à Substantiæ finibus exulant. Quapropter & igniculi sese in tenuissimos ferri meatus, cum excandescit, insinuantes, illique Calidi nomen tribuentes, ad Qualitatis Categoriam pertinere possunt, quo iure in Categoriâ Habitûs collocantur lorice, & galeæ, & omne vestium genus. Equidem me legisse memini apud Aristotelem comparatum calorem cum humore, vbi Pro-
fect.

sect. 23. quæst. 22, quærens, *Cur Sal. eliquari ocyus aquâ salsâ, quàm dulci possit*, prius definit liquefactionem, & ait, *Eliquari non aliud est, nisi ab humore caloreue. subeunte resolui, & dirimi ita, ut liquidum sit: eliquare autem nequeunt, quæ uel subire omnino non possunt, uel quæ ita subeunt, ut tangere nequeant. Vix illa uerò eliquant, quæ faciliè transmeant; contra celerrimè dirimunt, quæ per uim se intrudunt. Subire autem nequeunt, quæ amplis, admodum partibus constant, quippe quæ meatus rei subeunde excedant: contra quæ minutoribus constant, transeunt sine tactione.* Hæc Aristoteles; qui utique aquam, vi cuius Sal liquefit, à substantiæ ratione abesse non existimauit; neque aliter calorem, quo sal pariter in crucibulo liquefcit, subire meatus ipsius salis dicendum erit ex Aristotelis mente. Ea uerò quæ vim liquefaciendi habent, quia amplis aut minutis partibus constant, quia tangunt, & non transeunt, quis neget esse corpora? Quando autem lib. 2. de Part. Anim. cap. 2. ad fin. asserit adusta ferè omnia aliquid habere caliditatis, ut calx, cinis &c. eo quod feruore nimio exaruerint, relictumque sibi contineant aliquid caliditatis; nonne indicat calorem aliquid esse, quod contineatur à calce & cinere? à quibus tamen non dicitur contineri siccitas, quamuis exaruerint. Quapropter cum dicat Philosophus, *celerrimè dirimunt, quæ per uim se intrudunt*, hoc optimè calori liquefacienti conuenire, neque temerè illi mobilitatem à nobis tribui, manifestum uidetur. Præterea Calorem corpus aliquod esse, quod mouetur, indicat etiam idem Philosophus Probl. sect. 25. quæst. 21. ubi rationem afferens, *Cur cælum nubilum tepidius sit, quàm apertum & placidum*, ait, *Cum serenum est, calor dissipatur, quo humor eruitur, atque effertur, itaque aer frigidior fit; quæ de causâ humor à calore dimissus irrorat: at cùm nubilum est, arcetur & constat: quocirca nec ros, nec pruina contrahi potest, cum nubilum est; ergo calor ad terram remanens facit, ut tepor. amplior esse possit*: quo loquendi modo parum philosophicè uteretur, nisi calor esset natura aliqua secundum se spectata. Et Probl. sect. 24. quæst. 18. ubi de aquis feruidis loquitur, ait, *feruida omnia modo fulminis urunt, & quidem plura fulminis tactu calida extiterunt*. Quare non adeò repugnat Aristoteli, quisquis Calorem naturam, esse statuens, illam tamen alteri accidere posse admittit. Quod si Aristoteli tribuatur libellus de Spiritu eius operibus adnexus, ibi

cap. 5. habetur, *Qui ab arte ad opus adhibetur ignis, ipſus op-
ris pars non eſt; at qui in naturâ habetur calor, diffuſus per ip-
ſum opus eſt, atque unâ cum cæteris ſubſtantiam eius explet: Et
nulla in hoc difficultas eſt.* proximè autem ſuperius dixerat. *ſiue
igitur ſeparatio ſit, ſiue attenuatio, ſiue aliud quodcunque ſint ca-
leſcæctio & ignitio, differentia cerè ſortientur opera, pro modo
tali calore utentium. Differentia tamen artis ad Naturâ eſt;
nam illa, tanquam inſtrumento, calore utitur; hæc & ut inſtru-
mento, & ut materiâ.*

Maur. Sed & hoc addendum eſt (quandoquidem hic nobis de
Calore, quem Formalem ſeu Actualem vocant, quo ſcilicet quid
incaleſcere dicitur, ſermo eſt, non autem de ijs, quæ Virtua-
liter Calida cenſentur, quia quadam calefaciendi virtute pollent,
ſi proritentur, quamvis nullum tangenti calorem impertiri vi-
deantur, (de quibus nobis erit aliàs opportuniùs diſſerendum) quod
Caloris complicatam notionem evoluere non poſſumus, quin in-
genitam ipſorum igniculorum, ſiue Spirituum commotionem in-
telligamus. Quamobrem ſi Motum inter Accidentia referri ne-
mo negat, Calori verò, quâ Calor eſt, inſita eſt commotio &
agitatio, conſequenſ eſt, ut inter Accidentia Calor recenſeatur.
Quemadmodum enim ferrea lorica ad Accidentium genus perti-
nere nequit, niſi militis pectori admoveatur, quem loricatum con-
ſtituat; ita quoquè ſopiti igniculi, atque deſides Spiritus, à Quali-
tatis & Caloris notionem abſunt; neque quicquam incaleſcere ex ijs
antè dicitur, quàm agitari incipiant.

Grad. Hæc Spirituum atque Igniculorum agitatio ſi nobis in-
noteſceret (nec diſſiteor) ſatis commodè atque probabiliter ca-
loris proprietates explicaremus. Verùm, quamvis flammam tre-
mulam ſubuolare in cælum videamus, & in ardentibus carboni-
bus, excuſſo cinere, niſtationem quandam, quaſi igniculi huc
illuc diſcurrerent, obſeruemus, anceps tamen hæreo, vtrum
quid ſimile omnibus, quæ ſinè luce incaleſcunt, contingat, in
quibus nullus eſt conſpicuus motus: ſubueor ſcilicet, nè
fortè videar nimis traſſam philoſophandi rationem ſectari,
ſi calorem gigni; nihil eſſe dixero, quàm Spiritus agi-
tari.

Dand. Abducenda quidem eſt non raro acies mentis à con-
ſuetudine oculorum, ſi ratio ſuadeat ſeuocare intelligentiam à

sensibus; in explicatione tamen Naturæ (*in qua inest insatiabilis quædam è cognoscendis rebus voluptas*, vt aiebat Cicero lib. 4. de Fin. in qua vna, confectis rebus necessarijs, vacui negotijs, honestè ac liberaliter possumus viuere) ita sensibus fidem sinè ratione habere non debemus, vt neque rationes sinè sensibus exquiramus. Quapropter optimè monuit Aristoteles Metaph. lib. 2. sub finem. *τὴν ἀκριβολογίαν τῶν μαθηματικῶν οὐκ ἐν ἀπασιν ἀπαιτητέον ἀλλ' ἐν τοῖς μὴ ἔχουσιν ὕλῃ. διόπερ οὐ φυσικὸς ὁ τρόπος. ἀπαντα γὰρ ἴσως ἢ φύσις ἔχει ὕλῃ. Exacta determinatio mathematica non est in omnibus exigenda, sed in ijs, quæ materiam non habent. Quare modus non est naturalis; omnis enim pariter natura habet materiam.* Idcirco in rerum corporatarum contemplatione orationem ad vulgarem popularemque sensum accommodatam minimè reiiciendam duco: Si enim Physicè philosophari volumus, consentaneum est ea animis effingi nostris, quæ à sensibus tradita sunt, atque impressa, & ex his quæ manifesta sunt, paulo occultiores, penitiusque abditas rerum proprietates indagare. Quid est, quod liquenti & fuso metallo si iniiciatur eiusdem speciei metallum solidum, hoc innatat? Certè metallum fustum, vbi refrixerit, minorem in molem cogitur: si verò maior est moles metalli fusi, quàm solidi, hoc, vtpote secundùm speciem grauius, demergi in illo oporteret. Nisi fortè dicamus igniculos metallo liquenti immistos grauiores esse, & molem illam liquentem esse simplici metallo grauiorem, sicut aqua limosa grauior est quàm clara & limpida. Satis igitur constare videtur, ita validè in liquente metallo igniculos agitari, vt suo motu repugnent, ne solidi metalli grauitas deorsum vrgens deprimatur, atque immergatur. Neque solum quæ manifestè calida sunt, agitantur, verùm etiam aliqua sunt, quæ tandiu calida sentiuntur, quandiu agitantur. Præclarum huiusce rei argumentum suppeditare potest nitrum, quod placet asserre ipsis verbis Boyle in Tentamine circa partes Nitri sect. 13. Illud profectò, inquit, nemo inficiabitur, sensibus externis Nitrum apprimè frigidum videri: & tamen huiusce Corporis tam vsquequaque frigidi partes (verbi gratia, Spiritus & Alkali, quorum posterius Chymistis nihil aliud significat, quàm quiuis Sal vstione productus) inter se commistæ, nullâ interposita morâ, sese inuicem agitant, cientque vehementer. Nota loquor: Cum ego hoc experimentum agerem, tantos feruores dabant, vt phialam

(in qua longè minus quàm vncia singulorum leniter fuerat, & penè guttatim, infusa) ambustis digitis ægrè continuerim, perinde ac si Calor nihil aliud foret, quàm minuscularum in corporibus partium multiplex & celer motus. Est enim hoc verum, & re ipsa experti sumus; quandiu confusa illa & temeraria commotio durabat, tandiu etiam Calor durabat, eaque remittente, sensim remittebat; ac tandem, eâ desitâ, cessabat. Hæc ille. Quid igitur timendum, ne tanquam pingues Philosophos nos derideant Metaphysici, quòd argumento, & quasi latentis veritatis notâ, vtamur tremulo flammæ motu, atque prunarum nictatione, ad probandam calidorum Spirituum agitationem? Satis-ne cognitionis ex Physicæ disciplinæ thesauro deprompsisse me putem, si hoc demum intelligam, ideò corpus aliquod incalescere, quòd Qualitatem, cui nomen est Calori, ab efficiente quapiam causâ productam recipiat? Vocabula huiusmodi si cui faciant satis, & sciendi famem sitimque depellant, illi *ego sum promus, condus, procurator peni*, vt cum Poëtâ loquar, oppidò liberalis, nec faciliè exhaurietur promptuarium.

Maur. Proculdubio, quicquid oritur, qualecunque est, congruentem causam habeat à Natura, necesse est, aded vt, sicut causa effectum indicat, sic quod effectum est, quæ fuerit causa, demonstret. Cum igitur Caloris, ob id ipsum quia Calor est, vis efficiendi vna sit atque eadem, effectus verò tam multiplices videamus ex illo prodire vtique eam statuere oportet Caloris ipsius naturam, quæ vnâ eâdemque manu atque operâ tantam effectuum varietatem administret; tam aptâ causæ & effectuum consensione, vt ex causâ quid efficiendum sit prospiciamus, & ex dissimilibus, quæ effecta sunt, eiusdem Causæ ratio innotescat. Et quidem ex Aristotele Probl. sect. 13. quæst. 5. *Calor mouendi vim obtinet, frigus contrà efficit, vt res consistat, & contrabatur*: Iam verò, si placet, præcipuos & manifestos Caloris effectus ad examen singulatim vocemus: vobisque recipio me ostensurum, omnes & singulos ex hoc pendere, quod igniculi, siue Spiritus (liceat hæc vocabula promiscuè vsurpare) corpora peruadentes suo agitantur motu. In eodem quippe hypocausto, quod iniectis fornaci ignibus vehementius incaluerit, Madida lintea exiccantur; homo sudore diffluit; durefcit molle lutum; cera durior mollitur; liquefactum & dilapsum butyrum diffunditur; spiritus vini purissimus

in vasculo hiante euanescit: plures naturæ permixtæ, sed indigestæ, in vnam concrescunt & temperantur; alia concreta dissoluantur. Vtique non alius atque alius pro locorum varietate est calor, vt in hoc quidem angulo certum effectum, in illo verò diuersum gignat; nam etiam commutatis locis, neque durescit butyrum, neque liquefit lutum. Calorem autem simplicem & vnius modi, antequam in hypocaustum quicquam inferretur, illico multiformem fieri, sibi que ipsi dissimilem, quasi Proteum, fabula est in Philosophiam non inuehenda. Quare satis apertè constare videtur vnicum calori esse efficiendi modum, quamuis dissimiles oriantur effectus.

Dand. Hæc ita esse in promptu, vt res disputatione non egeat, confestim affirmabunt omnes: petendam videlicet ex subiectâ calori materiâ effectuum dissimilitudinem: id quod tuâ quoque concessione licet assumatur, adhuc tamen explicandum superesse videtur, quæ id ratione contingat pro materiæ dissimilitudine. Et quidem hæc, quæ proposita sunt, ex indicatâ tuâ hypothesi non obscurè (nisi me fallo) explanare me posse considerem.

Maur. Quo præditus es ingenij acumine, & quæ vis est veritatis, vbi primum in conspectum venerit, suâ se luce prodentis, nullus dubito, quin mentem meam fueris planissimè affectus.

Dand. Hypocausti aërem igniculis refertum concipio, qui mobilitate suâ omnem se versantes in partem corporibus diuersis ibi constitutis occurrunt. Cum igitur madidis linteis adhæreat humor nullo vinculo connexus cum cæteris partibus, quæ illo imbutæ sunt, mobiles igniculi in humorem incurrentes, eius particulas vsque adeò impetunt, & sensim exturbant, donec superuacaneo humore penitus expulso arefiant lintea: hæc enim sub dio perflantibus ventis exposita pariter exiccantur, dum aura suo motu tenuissimas humoris particulas auellit; quemadmodum & à morbosorum vestibis noxios spiritus diffiat, nequando in incautos ijs vtentes serpat contagio. Neque aliter agitati igniculi in molle lutum irumpentes, particulas aquæ crassiores ruditer cum terrâ permixtas comminuunt, tum infractas & extenuatas paulatim diuellunt, atque in interiora se insinuantes, quicquid ibi malè compacti & redundantis liquoris inueniunt, inde exi-

gunt, adeò vt lutum ex terrâ, & non nisi congruâ aquâ residua temperatum ad duritiem adducatur. Eadem videtur esse causa, cur homose, ex nimio calore, multo sudore manantem experiatur; igniculi enim tum qui per cutis meatus penetrant, tum quos aspera arteria excipit vnâ cum aëre, qui spiritu in pulmones ducitur, vario motu concitati tumultuantur, & diffusum per membra sanguinem agitantes, proximè latentem sub cute humorem per poros exprinunt.

Grad. Quid verò confert igniculorum motus, vt ceram, quæ frigore rigens fragilis erat, & friabilis, admissio calore adeò mollem atque flexibilem inueniamus, vt eam ad nostrum arbitrium formemus, & fingamus? An sicut luto, quod obduruit, affusa aqua molitudinem conciliat, ita quoquè cera igniculis imbuta tractabilem se præbet?

Dand. Non eodem planè pacto ceram atque lutum mollescere crediderim: quamuis enim & argillæ aquam misceat figulus, vt sequatur, quocunque illam torqueat, & ad conficiendorum signorum typos ceram admissio calore molliat statuarius, non eadem tamen calori atque humori inest efficientia: Nam humor quidem suapte naturâ siccas arentesque terræ particulas connectit, si illis proportionem respondeat, nec nimius fuerit; Calor verò, quorum corporum partes peruadit, illas pro viribus commouet. Ex eo autem quod aqua facilè comprimi collidique potest, in luto redundans suam cum illo communicat molitudinem: At Calor, quem in commotis agitatique igniculis consistere ponimus, ceræ immixtus suo motu tenuissimas particulas diducens, atque agitans, locum facit compressioni; faciliùs quippe commota mouentur, quàm quiescentia. Quod si vehementior esset calor, non solum angustissimos ceræ poros modicè dilataret (id quod compressioni satis est) verum etiam ita particulas comminueret & agitaret, vt earum nexu soluto liquefacta diffunderetur cera; quemadmodum butyro contingit, etiamsi remissior fuerit calor: butyri scilicet particule tenuiores sunt, & eâ præditæ figurâ, vt se inuicem non adeò arctè complectantur; ideoque facilè à paucioribus & languidioribus igniculis agitari possunt, & diffundi. Quia tamen butyro pinguedo inest, etiam si fluidum factum fuerit, non soluitur in vaporem, saltem adeò facilè, sicut aqua, cuius partes non firmo nexu cohaerent: citiùs autem atque procliuùs Spiritus vini purissimus

euanescens in auras abit, quia particulæ volatiles ab igniculis excitatæ atque agitæ, leuissimâ vi inuicem diucluntur.

Grad. Haud dubium, quin aliqui liquores præ alijs facilius soluantur in halitum calore vrgente: sed id contingere ex igniculorum sese agitantium impulsione particulas sensim abstrahente, perinde quasi ac cum adducta reductaque lima chalybem, aut ferrum, aut argentum, in scobem comminuit, non vnâ omnes voce, & consensu, approbabit.

Dand. Multo ambitiosius philosopharemur, quàm veritatis amor postulat, si omnium assensionem atque approbationem quasi iustam ac debitam expectaremus. Satis est, si, qui nobis in rerum Physicarum inuestigatione Physicè progredientibus, quâ lux aliqua veritatis affulget, adhærere voluerint, nihil præiudicati afferant. Cœterum sicut ab animis consuetudine imbutis petendum non est veritatis consilium, ita eos approbatores frustra speraremus, qui certis quibusdam destinatisque sententijs quasi additi, & consecrati, vni philosophandi methodo ancillantur, aut abstractis ratiocinationibus se iamdudum mancipârunt. Quam indicasti, Gradonice, igniculorum cum limâ comparationem, non omnino probo: si enim igniculi inciderent in corpus ita in suas omnes minimas particulas dissolutum, vt nullo planè nexu, neque inuicem, neque cum alijs interiectis, copularentur, fortasse ex illorum agitatione dissiparentur particulæ, quemadmodum arida & minuta pulueris granula vento etiam leniter flante disijciuntur: sic, vt ego quidem arbitror, summo viatorum incommodo, æstiuo solis calore excitantur minutissimi viarum puluisculi. Verùm vix aliquid huiusmodi habemus, immo fortasse ne vix quidem, quod in omnia sua minima Physica comminutum, nihil admistum habeat extrarium, cui coagmententur plura minima ad molem aliquam conflandam, aut (si quid id genus apud nos omnino sincerum reperitur) ea sit minimarum particularum figura, vt nulla sint corpuscula curuata, & quasi adunca, quæ se vicissim apprehendant. Certè in liquoribus, nec ijs tantum, quos compositos nouimus admistum habere salem, vt in melicrato aut oxyfaccharo, sed quos maximè simplices habemus, vt in aquâ, particulas aliquantulum coherere indicat gutta ex depleto vase pendens, aut in globulum conformata herbarum folijs insi-

stens post pluuiam. Quapropter me haud temerè opinari censerem existimantem ita conspicuis humorum particulis igniculos immisceri, vt, dum eorum agitatione minores aliquæ particulæ, ex quibus maiores constant, commouentur, & quodammodo detorquentur, atque luxantur, quasi reflexis per vim vncinulis soluantur arcta illarum compages, & à cœteris, quibus cohærebant, abstrahantur, locumque ampliorem liberiori plurium igniculorum agitationi relinquentes, molem præferant maiorem. Vbi verò nullis in auolantium locum succedentibus igniculis, reliquorum vis imminuta non omnino repugnare valet virtuti elasticæ reparantium sibi pristinam figuram corpusculorum, quæ vncinata hamataque esse Natura voluit; illi primùm minùs celeriter agitari; postmodum paulatim inter angustias concludi, quas per-rumpere nequeant; demum maximâ saltem ex parte omnino extrudi. Ex quo fit humorem, sensim cohibitâ igniculorum agitatione, frigescere, iterum concreescere, & in antiquam molem atque formam redire posse, nisi eius particulæ, dum vapor erant, disiectæ fuerint, & aliæ aliò dissipatæ: *ἡ γὰρ αἰτὴς ὕδατος διάκρισις ἐστίν.* Vapor enim aquæ disgregatio est, ait Aristoteles lib. 1. Meteor. cap. 3. ad med. seu apud latinos summa 1. cap. 4. sub init. Non itaque igniculus sicut lima abradit particulas liquorum, sed eas peruadens se illis immiscet, atque à cœteris auulsas distrahit, alias quidem faciliùs, alias verò difficiliùs, prout illæ se detorqueri ac reflecti patiuntur.

Grad. Illabuntur hæc sanè cum suauitate, animumque ti stillant, dum rem quasi ob oculos ponere videntur: sed nescio quomodo iam tum à primis Philosophiæ rudimentis omnia suspecta habere cœpi, quæ vel leuiter antiquiorum Philosophorum placita redolerent. Idcirco non sinè cunctatione in hanc descendo sententiam, vt humoris à calore in vaporem attenuati raritatem tribuam immisioni igniculorum in disgregatas eiusdem humoris particulas: quasi corpus aliquod rarum fieri nil aliud esset, quàm illud alienis corpusculis confertum intumescere, iisdem verò expressis densari.

Dand. Optimo iure commoueris aduersus eos, qui aliquid eatenus rarum fieri existimant, quatenus extranea corpuscula intrâ poros admittens intumescit: nam & arida gleba cœlestes aquas sorbens inflatur, & panis frustulum vino imbutum turgescit; ne-

que tamen terram aut panem itidem rarefcere dicimus, vt aquam in fumum abeuntem. Longè fcilicet aliud est intrà diftra&tarum particularum interualla admittere ætherem, commune corpus per omnia diffufum, aliud est ingefto humore aërem aut ætherem à poris excludi, eodemque humore abundantius irrumpente, terræ aut panis particulas propelli, ex quo oritur tumor. Quando aqua in vaporem foluitur vi Caloris, tria contingere intelligo: primùm fe infnuant igniculi in aquam, atque peruadunt, eorumque incurfione pulfantur, & agitantur particule. Alterum huic impulſioni conſequens eſt, quod aqueæ particule dum commouentur, à fe inuicem digredientes locum ampliorem occupant, molemq; maiorem præſeferunt. Tertium eſt, quod in interualla inter diſiunctas aquæ particulas interie&ta, vbi fe agitant igniculi, ſuccedit æther ex proximo corpore tantisper compreffo expreſſus: neque enim fieri poteſt, vt corpus aliquod ad ampliora ſpatia ſe explicet, quin proximum ſe contrahere cogatur, aut ſaltem propulſum comprimat aliud ſibi cohærens. Ex his tribus primum tanquam cauſa antegreditur raritatem aquæ, immiſſio quippe igniculorum effectrix eſt diffuſionis partium: tertium hanc dilatationem conſequitur, ſuccedente æthere in interualla, ne quid inane relinquatur. Quare, licèt in rarefactione contingat alienorum corpusculorum admiſſio, ſiue vt quid antecedens, ſiue vt quid conſequens raritatem, ipſa tamen raritatis notio in eo conſiſtit, quod multum loci exigua materia occupet, quæ propterea rareſcere dicitur, cum ad ampliora ſpatia ſe explicat. Cum igitur in motu corpus occupet ſpatium, per quod mouetur, ac propterea plus occupet ſpatij in motu, quàm quieſcens, fieri non poteſt, quin ad ampliora ſpatia ſe dilatet incaleſcens, quandoquidem eius particule agitantur: ideò Calor dicitur cauſa raritatis.

Maur. Perdifficilis & perobſcura quæſtio eſt de Rarefactione, in quam nec aduertentes delapſi eſtis: ſi verò illam in Vulgarem & Philoſophicam, vt quibuſdam placet, partiri volueritis, nullus erit diſputandi finis, & inſtituta noſtra de Calore diſſertatio, ex huius immiſſione, in fumum reſoluta abibit. Quapropter ſiue ſola contingat particularum diſtractio admiſſo in interualla æthere, ſiue diſtractæ particule ampliorem Vbicationem naſcæ maiorem in molem excreſcant, ſiue quacunque tandem aliâ ratione

contingat rarefactio, quam Philosophicam vocant, non magno-
pere nostra iutereſt; ſatis enim habemus, ſi irrumpentibus & agi-
tatis igniculis incaleſcat humor, qui & aliquando igni admotus
feruet ebulliens, & in fumum abit adeò vrentem, vt non ſolùm con-
cluſe vitreis vaſculis herbæ exudent liquorem, verùm etiam eodem
illo fumo per tubi anguſtias erumpente redigi in calcem valeat Cor-
nu Cerui.

Grad. Non in ſolo igitur hypocausti aëre igniculos agitados ir-
reperere ſenſim in expoſiti laticis particulas dicendum videtur, ſed
vt à ſubiectis aut circumpoſitis prunis in ahenum, fiſtilemue ollam
penetrare igniculos, immiſceri liquori, partes omnes agita-
re vehementiùs, bullas excitare, ex iſſque erumpere in
fumum ſecum pariter rapiendo attenuatas liquoris parti-
culas.

Dand. De hoc nullus mihi relinquitur dubitandi locus. Si enim
Alabaſtri fruſtum in mortario contuſum, atque in tenuiſſimum
puluerem (vulguſ *Impalpabilem*, Chymiſtæ *Alchool* dicerent) re-
daſtum, & pollinario cribro tranſmiſſum, vaſi ferreo aut cu-
preo immittas, cui ignis ſubiectus ſit primùm quidem lentus,
deinde gradatim auctus, ita puluiſculis immiſcentur igniculi, vt
quid fiat ex illis quaſi fluidum, & liquorem motu imitetur, ſi vaſ
inclinetur in latus; nihil tamen humoris ibi deprehenditur. Qua-
propter igniculos per vaſis meatus irrepere vix negari à quoquam
poſeſt.

Grad. Id ſi ita eſt, per omnia permeent & tranſcant igniculi,
neceſſe eſt, per æs, per lapidem, per vitrum, quod tamen minimè
poros admittere conſtans eſt plurimorum opinio.

Maur. Quod quidem ad vitrum ſpectat (ex quo vtpote perſpi-
cua facilis eſt de cœteris coniectura) maiores omni exceptione te-
ſtes qui ſe vidiffe aſſerunt, producere poſſem: ſed leui ſumptu,
nec multo labore vobis iſſis experimentum capere licebit. Vi-
tream phialam (quæ tamen nulli adiecto pedi inq̄itur) aquâ ex
puteo aut ex fonte hauſtâ replete, eamque candentibus carboni-
bus imponite: vbi illa ſatis incaluerit, tum folium ſlatu cineres
ex prunis decutite, ipſaſque aſſiduo ſlatu vrgete: demum flam-
mulas per aquam aſcendentes conſpicietis, quæ vobis vberio-
rem philoſophandi materiam ſuppeditabunt. Quod ſi fortè ſuſpice-
mini, an flammulæ aſcendentes ſint, an verò rutilantium pruna-

rum lux excepta amplis bullis per aquam ascendentibus, quā parte sufflatur ignis; illud certum est, cessante flatu illico cessare creberrimas illas atque amplissimas bullas; quæ utique indicant igniculos flatu intrudi per vitrum in aquam.

Grad. Si igitur illabuntur igniculi, & aquæ immiscentur, quid est, quod *Scutum seu operculum testudinis scæmina super ollâ possum facit, ut illa nunquam ebulliat?* vt scribit Mizaldus centur.

3. num. 24.

Dand. Si scutum huiusmodi testudineum in promptu esset, nihil me prohiberet, quin experiens probarem, num res ita se habeat. Quanquam, si non responderet assertioni experimentum, anceps hærerem, an forte mas, non scæmina, fuerit testudo, cui operculum exemptum fuisset: aut, si de hoc quidem non posset dubitari, certè adhuc ambigerem, vtrum marina, an fluuiatilis, an terrestris testudo, num iunior, an senior vim hanc habeat cohibendi aquam, ne ebulliat. Illud addo, quod non admodum vehementem ignem ollæ subdere oporteret, ne calore nimio adustæ prominentes extra ollæ labra illius operculi lacinia, ingratisimo nidore domum replerent: mediocri autem igne aquam (præsertim si multa sit) non bullare sæpè contingit, etiam si nullum adsit testudineum operculum.

Maur. Sua (per me licet) constet authoris dicto fides: rem non narrat omninò incredibilem, aut similem portento: fieri quippe potest, vt igniculi aquam permeantes, & cum tenuissimo vapore ad testudineum operculum venientes ex eo halitum excitent, qui in subiectam aquam immissus suo impetu cohibeat igniculos, ne eā vehementiā agitentur, qua opus esset ad excitandas bullas; quas & dissipi atque sedari videmus in aquâ ebulliente, si quis eam paulo validiùs sufflet. Cæterum in vasa siue ahenea, siue fictilia, siue vitrea immigrare igniculos, satis manifesto argumento constare videtur ex eo, quod excitatis flatu prunis si flammula in vas impositum dirigatur, longè citiùs feruet inclusa aqua, quàm si nullo flatu igniculi è prunis erumpentes impellerentur in vas; & follium flatu prunas extimulant fabri ferrarij, vt citiùs mollescat ferrum; atque ex vitreis opificijs ad lucernæ flammam elaboratis vnusquisque videt, quantum intersit, vtrum flatu per fistulam emissio lampadis flamma impulsâ excipiatur à vitro, vt liquetur, an verò ipsi flammæ nullo flatu directæ admoueat vitrum, vt ignescat

scat quidem, sed concretum maneat. Mihi certè dubium non est, an flatu impulsæ corpuscula, quæcunque illa sint, facilius penetrent; iter enim habenti tempestate cœli humidissimâ & nebulosâ, Borrhapeliote continuo totum solidum diem flante, contigit penulam quidem omnino madidam in hospitium referre siccis interioribus vestibus; sed qua parte ventus humidissimam nebulam impellebat in sinistrum latus, nec penula, nec interiores vestes resistere valuerunt, quin humor ad intimam vsque subuculam penetraret. Cum igitur igniculi sua tenuitate superent humorem quencunque, haud dubium, quin illi se facilius insinuent in angustissimos quosque meatus, etiam vitri, quod cœteroqui permeare nequeunt subtilissimi spiritus Chymicè extillati. Hinc alia præ alijs vasa diutius igni resistunt, prout impetum ferre valent irrumpentium, seseque agitantium magnâ vi igniculorum: propterea in ignis administratione certi gradus seruandi sunt, vt sensim illabentes igniculi viam sequentibus patefaciant, ne fortè plurimis initio irruentibus, & nimîâ vi particulas vasis concutientibus, vasa ipsa dirumpantur: ideò vitrea vasa viuo igni exposita obducuntur luto, quod *Philosophicum*, seu *Sapientia* vocant; neque enim hoc tam facilè, ac vitrum, dissilit, & permeantium igniculorum impetum infringit, ne tantâ vi in vitrum irruant, illudque, quasi adacti cuneoli, diffindant. Sic in vitream, aut ex Sinensi cretâ (Porcellanam dicimus) scutellam iniecturi calidiorem potionem, priùs calentem fumum inuersâ scutellâ excipiunt, vt sensim illa incalescat; postmodum liquorem ipsum calidiorem infundunt, citrà metum, ne scutella diffringatur.

Dand. Nunquam satîs laudata solertia ingeniosissimorum Academicorum Florentinorum igniculis peruium esse vitrum deprehendit, cùm crassiusculæ laminæ vitreæ in hyperbolam aut parabola (aut etiam anomalè) inflexæ colligatas intentâ chorda extremitates ad se primùm accedere obseruârunt (nam & chorda flaccescens grauiorem sonum reddebat) quando, ad curaturæ verticem applicato ardenti carbone, igniculi conuexam tantùm vitri superficiem dilatantes nondum illud ita permeârunt, vt ad concauam superficiem venerint; ac proinde introrsum reflectunt ipsas extremitates, quæ deinde diducuntur, cum igniculi ad concauam superficiem penetrauerint, eiusque particulas dilatauerint;

tunc enim acutior sonus à percussâ chordâ redditur. Alijs quòquè experimentis vitrum à calore dilatari, vi frigoris constringi deprehenderunt, adeò vt omnes omnino poros quantumuis minimos à vitro excludere nemo possit, qui Physicas rationes philosophando consèctari voluerit: esto, non adeò ampli sint pori, vt per eos aditum aut exitum inuenire valeant humores, neque odores acerrimi, licèt odores aliquam cum igne cognationem habeant, nam, vt loquitur Aristoteles lib. de sensu & sensibilib. cap.2. fin. *Odor fumosa euaporatio est, fumosa autem euaporatio ab igne.* An non quæ per cribri foramina decidunt frumenti sordes, per subcerniculi angustiores incatus vni pollini patentes, exitum non inueniunt?

Maur. Equidem nullum vasorum genus igniculis imperuium agnosco, cum in omnibus liquores incalescant, & ferueant: Si enim igniculi per vasis latera, aut fundum, non permeant & transeunt in inclusum liquorem, quid facit operculum, vt in ollâ citiùs incalescat, & bullet aqua? & si nimis ebulliat, ita vt iam vase contineri nequeat, cur amoto operculo subsidens feruorem cohibet? quæ tamen hiante vase lentissimè calorem concipit. Nisi quia igniculi in operculum incurrentes & reflexi alijs igniculis occurrunt, atque pariter permisti incluso humori in eo vehementiùs tumultuantur, & bullas excitant, qui detractò operculo in aurâs abeuntes dissipantur. Frustra nimirum à circumflui aëris frigore causam omnem petas; tum quia in calidissimo hypocausto eadem contingunt; tum quia externum frigus calorem non rarò fouet, & notauit Plinius lib.34. cap.9. *as omne frigore magno meliùs fundi*; prohibetâ videlicet igniculorum expiratione. Hinc Hippocrates 5. aphor.26. aquam, quæ citò calefit, & citò refrigeratur, leuissimam pronunciauit; quia facilè igniculos admittit, qui & facilè auolant, nullo lentore cohibiti. Nonne in mensâ quotidie experimur pinguiora iuscula difficiliùs tepescere, & cœteris epulis vix modico calore tepentibus, artocreis adhuc feruorem inesse? cum scilicet inclusi igniculi exitum non reperiant aut à pingui & lento humore, aut à thecâ prohibiti. Hanc certè igniculorum in vase occluso reflexionem manifestam faciunt Chymicæ Circulationes, quibus liquor ad præstantiorem gradum exaltatur; dum enim vasis latera subeuntes igniculi attenuatas liquoris particulas in supremam vasis Circulatorij partem secum

secum abripiunt, deorsum reflectuntur pariter cum particulis illis, quæ tenuiores factæ facilius penetrant in liquorem ipsum: ex quo fit, vt hic, licet aliquando ex diuersorum generum liquoribus confletur, demum in vnum liquorem perfectè temperetur, & si quæ inest sordes, separatim in vasis fundo subsidant. Haud ab- simili ratione stomachi calor tam varias esculentorum atque potulentorum species digerens in chylum conuertit; ignei videlicet spiritus ventriculum peruagantes se insinuant in ingestos cibos, quos assiduâ agitatione sensim comminuunt, atque permiscunt. Hoc autem Naturæ opus suis imitatur Ars Digestionibus & Fermentationibus: ex quibus arguuntur inepti quidam qui salis vsum in cibis prorsus interdiciunt: si enim nō essent, quantum Fermentationem acceleret prudens salis, aut alicuius acidi additamentum, intelligerent additas soluti salis particulas, dum disiuncta Spiritus aut Sulphuris corpuscula congregat & in motum suscitât, Spirituum cibis & ventriculo ingenitorum operam iuuare, adeoque cibos facilius fermentari, & aptos fieri, vt in chylum ver- tantur. Et sanè absque hac igniculorum suæ Spirituum agitatione vix intelligi, aut explicari potest, quomodo fermentescat Mu- stum, atque sensim rite permistis particulis ad dulcem & suauem maturitatem adducatur vinum depositis fœcibus atque superua- cuo Tartaro: quod si in cellas incustoditâ irrepat æstiuus calor, agitatæ fæces iterum vino permiscuntur, quod turbatum corrup- pitur. Hinc vulgaris illa caloris descriptio, quod nimirum ho- mogenea congreget, heterogenea disgreget, non eo sensu acci- pienda est, quasi naturas ad speciem eandem pertinentes in vnum locum cogeret, atque à cœteris naturis segregaret; id quod ni- hil aliud esset, quàm mista corpora dissoluere; cum tamen in ijs componendis calore tanquam præcipuo instrumentò Natura vtatur. Sic Aristoteles lib. 3. de Hist. Anim. cap. 20. ad med. *Nul- lum lac, inquit, coit frigore, sed serum potius trahit, igne ni- mirum omne spissatur, & crassescit*: Calor siquidem coagu- lum agitando, atque disperdens, illud particulis lactis commi- scet; id quod frigus efficere nequit: vt autem idem sequenti cap. 21. docet, *coagulum est lac ignem habens intra sese*. Homoge- næ igitur Naturæ intelligendæ sunt, quæ, licet singulæ in di- uersis specierum familijs censeantur, certo tamen affinitatis nexu iunguntur, vt in vnum quoddam homogencum temperari va- leant:

leant: Sic vinum maximè purum & defæcatum, homogeneous quid est; ex pluribus tamen naturis inter se quidem specie discrepantibus, sed ad coniunctionem congregationemque aptis, coaluisse indicabit artificiosa dissolutio exhibens Phlegma, Spiritum, & Caput Mortuum. Heterogeneæ verò dicendæ Naturæ illæ sunt, quæ ita specie differunt, vt cum cæteris, quibus confunduntur, copulari nequeant, & in naturam vnā coalescere, siue quia prorsus extraneæ sunt, siue quia non suppetit sufficiens copia affinium naturarum, quibuscum vniantur: Sic vina aliqua sunt insuauia, quia Tartaro non satis diluto abundant, quibus si, dum fermentescebant, addita fuisset congruens aqua, suauitatem conciliasset, tartari particulis atque Spiritibus congruo humore permixtis. Hæ autem naturæ extraneæ, factâ affinium naturarum copulatione, aut in fundo subsidunt, aut in superficie innatant, pro earum grauitate aut leuitate.

Ex his itaque constat, quid in similibus dicendum sit; omnia quippe, quæ caloris efficacitati tribuuntur, ex hac igniculorum agitatione pendent, prout validiore aut imbecilliore motu cidentur: eaque calidiora dicimus, quæ sensum tactûs vehementius irritant, blandus verò censetur calor, quando igniculi cum suauitate affluentes & illabentes sensum leniter titillant: *Calidum enim passio quedam sensus est*, vt ait Aristoteles lib. I. Meteor. summa I. cap. 4. post med.

Grad. His autem consequens videtur ea, quæ calorem extrinsecus assumpserunt, tunc dici intepescere, quando immissi igniculi aut sensim auolantes minuuntur, aut segnius agitantur; atque adeò tunc demum frigida erunt, quando nullus erit igniculorum motus, quemadmodum in filice obseruamus, cuius in venis igniculi latent, sed quia agitari nequeunt, propterea frigidus apparet. At si frigus caloris inopiam aut absentiam dicamus, quasi nihil esset positium, vt vocant, sed mera priuatio, non lycæ tantummodo reclamabunt, sed & sensus: quamuis enim satis intelligam, quando extima animalis membra hybæni frigoris vi obriguere, spiritus calidos ita se ad intima viscera recipere (extrusa videlicet à partibus frigore constipatis) vt sæpè plus æquo incalcescat cerebrum, eiusque temperatione vitiatâ, rheumatismo laboremus, aut incendatur iecur; Membra tamen ipsa ex illapso frigore cruciari sentimus. Illud autem, vi cuius extremæ partes

mem-

membrorum inalgescunt, & cutis constipatur, antequam, ut cum Poëtâ loquar (Iuuenal. Sat. 11.) *Nostra bibat uernum contra-
Est cuticula Solem*, non utique simplex priuatio est, sed aliquid molestiam tactui inferens nimio appulsu: Nam & horror, quo febrientes corripiuntur, ubi totum corpus intremiscit, non ex solo caloris ad intima recessu oritur, sed causam habet. Quis enim mihi persuadeat, si calente manu glaciem apprehendam, nil aliud contingere quàm igniculorum, siue spirituum dissipatio-
nem, quorum alij in glaciem se insinuent illam colliquefacientes, alij ad interiores manûs partes diffugiant, dum cutis contrahitur? An ipsa se contrahit cutis sponte suâ? hoc quidem accidit emaciatis atque arescentibus, absumpto & expirante humore, neque verò vno momento, sed aliquâ temporis diuturnitate: at in manu nunc primùm glaciem arripiente nihil huiusmodi comminisci licet. Aliquid igitur in glacie est, aut è glacie erumpit, quod vim habeat tactum corpus constipandi: hoc autem illud est, quod Frigus omnes indigitamus. Memini ante aliquot annos me legisse apud Io: Rodulphum Glauberum in Furnis Philosophicis part. 2. pag. 42. ex Lunæ, hoc est argenti, chrystallis elici oleum lunæ viride, quod abstractâ omni humiditate reducitur ad siccitatem lapideam: huiusmodi verò lapis soluitur affuso spiritu vini, vel Spiritu Salis Ammoniaci: qua in solutione vitrum adeò refrigerescit, ut vix illud manu tenere quis possit. Non est profectò tanta vis frigoris mera caloris negatio in vitro, quod etiam antè, quàm Spiritus vini aut Salis Ammoniaci affunderetur, frigidum percipiebatur: Esto, animalis membra recedentibus spiritibus frigescant, licet nihil addatur, quemadmodum & ferrum ab igne remotum spontè frigescit abiectis igniculis: attamen tam magnum frigoris incrementum (si priuatio esset) vitro accidere nequiret, nisi multo calore pereunte insignis fieret mutatio; caloris autem notabilis expressum vestigium nullum ex-
tabat.

Dand. Non habebimus, opinor, refragantem Maurocenum; si quid frigori præter nudum vocabulum tribuamus; quamuis non paucos habituri simus aduersarios, qui ex hoc, quod intensius appareat frigus, ubi calorem deprehendunt remissiorem, eò adducuntur, ut idem esse arbitrentur illud intendi, hunc remitti. Connectuntur hæc quidem, sed vnum non sunt: si enim
igni-

igniculi aut extruduntur à corpore, quod incaluerat, aut tardius agitari coguntur (id quod est intepefcere) vtique causam habent, quæ aut illos exigit, aut si expellere non valeat, eorum motui moram inferat: hanc verò causam calori proximè aduersantem Frigus vocamus: porrò causam & effectum duo esse nemo negat; atque idcirco igniculorum expulsio, aut eorum tarditas, à frigore distincta intelligitur, licet, cum illo pariter existant. Hinc non sensum habet Formalem, sed Causalem, vt scholæ loquuntur, Aristotelis dictum lib.4. Meteor. cap.3. fin. *indigentia caliditatis, frigiditas est*: aliquid enim motum impediens, aut igniculos excludens datur; nam sequenti cap. 4. vbi de Inquinatione differit, defectum caliditatis oriri ait, propter multitudinem frigiditatis in humido; adeoque ex Philosophi mente aliud est caloris priuatio, aliud frigoris copia: Non igitur frigiditas est formaliter ipse defectus calidi; cum lib.2. de Part. cap. 2. expressè dicat, *Patet frigiditatem aliquam esse naturam, non priuationem in ijs, quorum subiectum calidum per affectionem, siue passionem, est*. Quibus ex verbis aliquis fortasse non ineptè inferat Philosopho non aduersari, si quis naturam aliquam inter qualitates enumeret.

Maur. An mihi ab æstate ad hyemem, vobis vrgentibus, transendum est, vt instituta de Calore disputatio ad frigus transferatur? in nimis amplam atque densam syluam nos abstruderemus, ex qua non facile esset exitum reperire; tam multa sunt, quæ de frigore in quæstionem vocari possent; & ex vna in alteram, atque deinceps, dellaberemur. Quapropter vniuersam frigoris Naturam inuestigare non est operæ pretium de Igne disserentibus. Meum tamen quærentes suffragium ne fortè viderer aspernari, in eâ patiter profiteor me esse sententiâ, vt frigori naturam statuentdam esse existimem. Quamuis enim calida frigidis aduersentur, & arida humidis, non ea tamen ratione, qua corpora humore destituta arescunt, quin aliquid præterea ijs addatur, censendum videtur frigescere corpora non nisi auolantibus, aut compressis igniculis. Nam si corpori cuiuspiam naturaliter insitus sit calor, quem vtique sponte suâ non abijceret, illique proximum fiat corpus aliud naturâ & specie suâ idcirco frigidum, quod pauculos, aut fortè nullos, contineat igniculos, vt illi quidam aiunt, non satis video, quomodo contingat vt corpus frigidum ex pro-

ximo calente exugat sibi aduersos igniculos, quibus incalescere incipiat, illo præter naturam tepescente. Quod si tenuissimas naturas in corporibus alias Calidas, Frigidas alias concipiamus inuicem, vbi proximæ fiant, pugnantes, adeò vt, dum igniculi frigidos Spiritus commouere atque agitare conantur, hi motione huiusmodi à suâ figurâ nonnihil distorti, vicissim illos virtute suâ elasticâ circumplecti, atque constringere tentent, ac propterea fugam, quâ data via, molientes igniculi alij ad interiora sui corporis se recipiant, alij extrusi in proximi corporis poros se insinuent, & inde alios spiritus frigidos extrudant, quibus locum in altero corpore reliquerunt auolantes: Haud ægrè intelligimus, & quomodo accidat non exiguo Naturæ compendio hoc caloris atque frigoris commercium, commigrantibus scilicet ex altero in alterum corpus expirationibus, & quo pacto ex contrarij circumfessione, seu Antiperistasi, augeatur calor, aut frigus, recedentibus ad interiora spiritibus. Ex hac, confligentibus inter se dissimilibus corporibus, commutatione spirituum, vt ferè tantundem frigoris proximo corpori reddant, quantum caloris ab illo recipiunt (quemadmodum cum manus calida frigidam fouet) oritur pax inter ea corpora, quorum par caloris atque frigoris mensura deprehenditur, & vt Scholæ loquuntur, Simile non agit in simile: Cum enim, ex Naturæ corpora molientis instituto, efficientia omnis à calore ortum habeat, quippe qui est motûs initium, si calor in vtroque corpore æqualis fuerit, par est igniculorum mensura, similis eorum impetus & agitatio: vbi autem duo æqualia æqualiter mouentur, se vicissim vrgeri nequeunt, vt alterum ab altero extrudatur, aut, si spacia commutent, perinde se res habet, atque si vtrunque suâ se iactâset in aulâ; ac proinde semper æqualis manet calor in vtroque, atque frigus æquale: hoc tamen intelligendum est, si paria sint cetera omnia; nam si particulæ aliquæ non agitabantur, nil prohibet, quin immissis igniculis nouis agitari incipiant, aut nouis spiritibus frigidis magis constringantur, si faciliior sit ab altero in alterum transitus.

Grad. Hanc igniculorum immissionem facilè admittent, eamque prohiberi obstructis poris, illi existimabunt, qui plumbum liquefactum manibus succo Mercurialis & Portulacæ madefactis pertractare se posse profitentur. Alij succo Maluæ & ouorum albumi-

bumine illitas manus, deinde Alumine insperfas nihil ab igne ledi docent. Neque defuit, qui tantam vim Alumini aduersus ignem tribueret, vt hominem assereret absque noxâ conflagratum ita, vt totus ignitus appareret, si liniatur Alumine, tum Sulphure inspergatur. Alios audiui præscribentes puluerem Amianti, calcem exiccatam, oui albumen, succum Althææ, Hyosciamum, & Psillij semen misceri, simulque omnia vsque eò contundi, dum vnguinis formam accipiant, quo illitæ manus ignem impune attrestare possint.

Dand. Magnificam hanc agyrtarum supellectilem alijs, si placeat, excutiendam relinquamus. Iudicare difficile est nisi expertum; in me ipso autem experiri prorsus renuo. Perge potius, Maurocene, & si quid habes, indica, quo frigoris appulsus ad sensum habeamus exploratos.

Maur. Calor atque frigus percipiuntur sensu tactûs, qui ferè per vniuersum corpus explicatur; neque dubium, quin sensûs motio ad neruosum genus pertineat. Id verò vt probabili aliqua methodo exponerem, concipiebam aliquando minutissima illa, & vt ita dicam, innumera capillamenta, in quæ neruorum caudices post multiplicem ramusculorum diffusionem vsque ad extremam cutem demum diuiduntur, perinde ipsius cutis staminibus & subtegmini interferi, atque in holoserico villosio tenuissimi pili eminent. Quapropter in prominulas huiusmodi neruorum fibrillas in currentes igniculi, siue extrinsecus immissi, siue ab animalis visceribus erumpentes, dum illas agitant, caloris sensum efficiunt, blandum quidem si titillantur, quasi leni aurâ commotæ segetes fluctuent, acrem verò, si vehementius & inordinatè concitentur, quasi tempestate iactatæ segetes aliæ perturbatè prosternantur, aliæ per vim à solo diuellantur. Quæ in agitatione, quemadmodum frictione excitantur electricæ expirationes, spiritus in morum proni, qui per neruos excurrunt, erumpentes calorem augent. Quod si frigidi halitus in extremas illas neruorum fibras incurrant, non solum igniculorum agitationem impediunt, sed elasticâ vi, qua pollent, se recipientes, neruorum extremitatem circumplectuntur, atque constringunt quasi vellicantes: ex quo quædam velut conuulsio oritur, dum succi neruosi, atque spirituum animalium motui moram inferunt, & hi quasi in fugam retroacti partem continentem exagitant, atque inflant; vn-

de aliquando tremor & horror. Hinc dolor ille acerbissimus, si quis adhuc gelidam manum propius, quam par sit, admoueat ardentibus carbonibus, ut calefiat; irruentium enim illico magnâ copiâ, & vehementi impetu, igniculorum appulsus contingere non potest sine aspero motu fibrarum, dum has illi tumultuosissimè adoriuntur, nec frigidis expirationibus exitum concedentes eas obruunt potius, non expellunt, nec rarò spasmus excitatur. Quod si manum obijciens prunis mediocriter distantibus, igniculos languidiùs venientes excipiat, hi frigidis particulis se inserentes, quibus attrictæ erant fibræ, arctissima vincula sensim laxant, adeò ut animales spiritus erumpere incipiant, atque collatis viribus nexum soluant, & frigidos halitus immisos particulatim extrudant absque tumultu.

Grad. Quando igitur lego Hyacinthum gemmam frigidæ naturæ, in ore magis frigesce, dicam oris calore educi alios atque subinde alios frigidos spiritus ex gemmâ, qui extremas nervorum linguae & palati fibrillas plures & plures constringendo maiorem frigoris sensum excitent; cum tamen in gemmâ pauciores sint.

Maur. Meâ quidem sententiâ à summâ veritatis similitudine non recedes.

Grad. Illud sanè, quod paulò antè ex Plinio indicabas, Maurocene, *es omne frigore magno meliùs fundi*, satis apertè indicare videtur, non solum à frigido aëre circumfluo calidos spiritus abesse, verùm etiam in illo aliquid esse, quod igniculorum dissipationi aduersetur, ideoque ab illis confertim irruentibus in metallum eius particulas solui: quæ amoto igne ad nativam figuram paulatim redeunt, seque inuicem complectentes, crescunt. *Iam audiui*, inquit Plutarchus lib. de Oraculorum defectu. *qui de Igne dicerent, byeme illum meliùs ardere, plusque habere virium, frigore in sese coactum atque stipatum; in aestu autem raritate contractâ imbecillum reddi atque languidum; & sub sole accensum remissiùs agere, materiamque molliter inuadere, ac tardius consumere.* Id quod confirmatum legi à Scaligero exercit. 73. sic scribente. *Ignis quoque in castris coquinis, si Solis radijs feriatur, minùs validus: dissipatur enim in aëre similiore atque tenuiore.* Sic igniculos, ne dispergantur, cohibent, fur-

nuli latera, non contemnendo ab œconomis rei lignariæ compendio. Aristoteles quoque Sect. 2. Probl. 29. *Cur, inquit, in caldarijs tum magis sudamus, cum tempus frigidum sit? An quoniam calor propter frigoris obfistentiam foras euadere non potest? arceatur enim: verum intus se peruoluens, ac insidens, humorem soluit interiorem, sudoremque ex ea producit.* E conuerso autem in Atlante Sinico, in XIII. Prouincia Quangsi pag. 145. *Hæc mons ad Tolin est; frigidus dicitur, eo quod propter frigus nimium ab hominibus inhabitari non possit, cum tamen intra Zonam Torridam sit.* Quid igitur montanum illum aërem Solis ardoribus æquè expositum, ac reliqua circum regio, adeò frigidum facit? nisi quia frigida montis expirationes aëri commiscuntur: quid enim prohiberet, quin aër saltem intepesceret? nisi quia tam multi sunt huiusmodi halitus, tamque valida vis eorum elastica, vt illos agitare, & distorquere nequeant spiritus calidi à Sole immissi.

Dand. Huiusmodi frigidos spiritus eâ figurâ præditos esse, quæ calore commouente nonnihil præter naturam mutari possit, mihi faciliè persuades: Non solum enim mirari desino cum quibusdam, Cur Hæmatites atque Ephestites in lebetem depositus aquam feruentem refrigeret, quia scilicet calore urgente educti ex lapide halitus complectuntur igniculos aquæ permistos, neque eos agitari permittunt; adstringendi quippe vim hæmatiti inesse non est dubium, nam coti madefactæ attritus facultatem habet sistendi sanguinem, vt ex Galeno, Dioscoride, & Plinio constat: & fortasse huiusmodi halitus ita se insinuant in venas & in sanguinem gestantis hunc lapidem, vt sanguis non incalcescat ultra modum, & potuerit Mylius scribere gestantes Hæmatitem à feruore Solis non lædi. Verum etiam mihi videor non obscure intelligere, quo artificio Natura varias species componat, & misceat in vno corpore, dum igniculi primo impetu irruentes luxant frigidos spiritus & intorquent, hi verò se restituentes virtute elasticâ manum injiciunt igniculis, quò non adeò celeriter, aut omnino non agitentur: sic virgultum à profluente infecti primum videmus, seque postea erigere contra vim aquæ currentis. Neque aliter accidere videtur, quod Argentum Viuum concreseat & solidetur, vbi combiberit calidum vaporem metallicum, quem expirant liquidum & fusum cuprum; aut ferrum, aut stannum,

num, aut plumbum; particulæ enim metallicæ in vaporem solutæ particulis Mercurij penitus commistæ, dum cessante calore extrinsecus assumpto redeunt ad ingenitum frigus, complicantur, & nativam duritiem sibi reparant, permistas Mercurij particulas cohibent, ne fluant. Cum itaque naturæ omnes simplices, sint aut calidæ, aut frigidæ, & pro diversâ earum specie varijs sint præditæ magnitudinibus & figuris, aliæ præ alijs ad se validius & celerius agitandum aptæ sunt tum mobilitate suâ, tum figurâ & mole minus impediementi inueniente à particulis, in quas incurrun, prout calidiores censentur: & vicissim prout frigidiores sunt, aliæ præ alijs se difficiliores præbent, ut igniculorum impulsu distorqueantur, atque si multâ vi impetitæ fuerint, se postmodum validius restituunt, & quamproximè priorem figuram recipientes intercludunt spiritum, quem arctè constringunt inclusum, ne auolet. Quemadmodum si ferream lamellam in circulum (non tamen ferruminatis extremitatibus) contortam, in chalybem temperaueris, tum illi ex cupreis filis paulo crassiorem fasciculum celeriter intruaseris, illa quidem aliquantulum dilatatur recedentibus à se inuicem extremitatibus, sed ingesta fila arctè complectitur. Quoniam verò initio Naturæ huiusmodi calidæ cum frigidis complicatæ adhuc luctantur, atque ab alijs igniculis pelluntur & agitantur, in similes alias calidorum & frigidorum complexiones incurrunt; ex quo impulsu, conflictu, ac tritu in tenuiores particulas comminutæ exquisitiùs permiscantur, & in vnam naturam temperantur. Porro ubi in molem satis conspicuam, ut sensu tactus percipi queat, coaluerint naturæ illæ permistæ, tum calorem, tum frigus habent insitum, quo carere non possunt, quin tota compages, pereunte specie, dissolvatur: Sed & præterea igniculos atque frigidos halitus continent, quos ad rerum vicissitudines ex Naturæ instituto efficiendas pro renatâ expirent; prout illi aut sponte suâ agitati erumpunt, aut extrinsecus excitati euocantur. Ab harum aut illarum expirationum copiâ, quatenus ex contactu sensum mouere possunt, calidi aut Frigidi nomen inuenerunt corpora. Hinc si duæ manus, altera calida, gelida altera, idem corpus tepidum contingant, illi frigidum, huic calidum apparet; cum enim ex tepido corpore erumpant vna cum frigidis expirationibus languidiores & pauciores igniculi non admodum agitati, non valent concitatio-

res calentis manûs igniculos ad celeriore motum extimulare, sed potius eorum agitationi moram inferunt frigida expirationes, quæ neruorum fibrillas dum vellicant, sensum frigoris efficiunt; contra verò in gelidam manum, quam spiritus languidè pererrant, vbi se insinuauerint igniculi illi paulo concitatiores, iuuant spirituum motum, & vincula laxant, quibus fibræ arctius constringebantur; adeoque sensus caloris efficitur. Neque fortè aliunde petenda esset causa, *Cur Demophon, qui Alexandro mense structor erat, cum ad Solem stabat, aut in balneo erat, algebat, in umbrâ autem calecebat, vt refert Sextus Empiricus lib. 1. Pyrrhon. Hypot. cap. 14. §. de secundo modo.*

Maur. Nimij esse mus, si persequi singula vellemus, quæ de frigore explicari possent ex hac, quam innui, hypothesi petita ex virtute elastica se constringendi. Vtique nemo ignorat, quantum igniculorum Salis insit, & Aquæ ardenti ex Spiritu vini rectificato, vt aiunt: si tamen (vt in æstate consueuimus ad sedandos sitis feruores) niui congestæ circa vas plenum aquâ, vt congeliet, commistus fuerit Sal, & multo magis si nix illa Aquâ ardente aspergatur, aqua in vase, vt plurimum metallico, in solidiorem glaciem concreuit, quàm si solâ niue obrueretur. Acui vim frigoris in niue, asserunt omnes; Id autem vt explicem, si quis me vrgeret, dicerem, à Salis & Aquæ ardentis igniculis spiritus in niue frigidos agitari, & propelli in vasis poros, quos faciliùs subeunt, cum à figurâ secundum Naturam curuatâ in quasi directam fuerint reflexi per vim ab igniculis illos commouentibus, secumque rapientibus intrâ aquam; à cuius naturali frigore dum cohibentur igniculi, tanto validiùs niuales halitus ad pristinam figuram redire conantur, quanto maiorem passi fuerant vim ab igniculis Salis & Aquæ ardentis: ac propterea validiùs constringunt aquæ particulas extrudendo igniculos; qui vagè disiecti, & in paruulos quosdam manipulos coacti, dum collatis viribus motum tentant, interclusi bullas plurimas immiscent glaci, quæ idcirco in molem maiorem excreuit, quàm esset aquæ solutæ magnitudo. Hinc aiebat Cicero de Nat. *Aqua neque congeliares frigoribus, neque niue pruinaque concresceres, nisi eadem se admisto calore liquefacta diffunderet.* Sic & Aristoteles lib. 4. Meteor. summ. 3. cap. 2. *Corporum, inquit, quacunque concrescunt, & indurantur, hæc quidem à calido patiuntur hoc, hæc autem à frigido:*

gido: à calido quidem exiccante Humidum, à frigido autem exprimente calidum. Neque verò ab igniculis commotis tantummodo perturbari posse frigidorum halituum figuram, quam cessante vi externâ recipiant, existimo, verum etiam ex impulsu id contingere posse; flante enim Aquilone delati spiritus frigidi, & magno impetu in obiectum lutum impacti facillè flectuntur aliquantulum, & intruduntur; vbi, dum suam sibi reparantes figuram proximas particulas constringunt, humorem exprimunt, quem secum rapit ventus, & exsiccatur lutum. Similiter citrorum & aurantiorum folia cum fructibus, nisi accuratè custodiantur, penetrabile frigus adurit, adèd humorem omnem exprimens, ut videatur non procul abfuisse ignis. Verum alia quædam ad caloris naturam spectantia, cum nos frigoris consideratio abripuerit, satius erit in sequentem diem differre, & hanc dissertationem abrumpere nimis fortasse vobis molestam.

DISSERTATIO SEXTA.

De his quæ Virtute Calida dicuntur.

MAur. Non pauca de Calore disseruimus; omnia examinare nec Vobis otium est, nec mihi facultas: nullus enim dubito, quin aliqua obijci possint, in quibus mihi hæreat aqua. Nonnulla tamen supersunt attingenda, quæ dissimulanda non videntur, ut propositæ quæstionis *De Exarssione* solutioni viam sternamus, quoad fieri possit, planissimam.

Grad. Verum, nisi graue fuerit, scrupulum mihi prius eximi velim, ut inoffenso pede progredi valeam. His, quæ calefiunt, ingeri igniculos, eosque agitari corporis incalescentis particulis imistos dicebamus. Quare, si vera sunt, quæ de Succino narrata legi, illud scilicet *molle instar luti euadere, si in ceram effervescentem & despumatam proijciatur, nam illinc adèd tractabile educitur, ut etiam ad sigilla commodè adhiberi possit*; hoc idèd contingere dicendum est, quod igniculi in cerâ sordibus liberatâ solutè mouentur, cumque non facillè auolent à ceræ pinguedine coerciti, se in succinum iniectum insinuant, quod propterea molliitur. Si igitur calor ex cerâ in succinum migrat, nonne Accidens se de subiecto transfert in subiectum? id quod Peri-

pateticorum, scholis assueti ne audire quidem sustinebunt. Ego verò cum illis pacem habere quam maximè cupio; vt enim aiebat Cícero, *Nomen pacis dulce est, & res ipsa salutaris.*

Dand. Neque nos bellum aduersùs Peripateticos suscipimus; ita eorum placitis acquiescimus, vt officias veritati offundi non patiamur. Accidentia solum vertere non iubemus; immò, vbi non in alieno degit calor, inde nunquam migrare permittimus. Insitus est igniculis calor, videlicet innata vis se agitandi, & cetera commouendi; neque ab igniculis ad alias naturas transit hæc facultas, vt accidens de subiecto in subiectum transferri dici queat: esto, igniculi ipsi plura subinde corpora quasi inquilini peruagentur, quæ ex hac igniculorum immissione incalescere dicuntur. Sic & aridam tellurem decidentibus pluuijs humescere dicimus, quin ab aquâ recedat humiditas, vt in terram transferatur. Albario parietum tectoria illinuntur, glasto cæruleum colorem pannis inducunt infectores; saccharo imbuuntur amari immaturorum aurantiorum cortices, vt dulcescant; odoramentis vina condire antiquis placuit: Colorem igitur, saporem, odorem corpora accipiunt absque hac, quam times, accidentium transmissione, sed sola corpusculorum, quibus aut color, aut sapor, aut odor congruit, immistione: quidni pariter idem in calore contingat? Certè Aristoteli non est visum absonum, calorem ad interiores corporis partes compelli, quando non est adeò validus, vt frigori resistat: Nam in lib. de admir. auditionibus num. 48. ait. Τὸν Κασσίτερον τὸν Κελτικὸν τήκεται φασὶ πολὺ τὰχιον μολύβδου. σημεῖον δὲ τῆς εὐτηξίας, ὅτι τήκεται δοκεῖ καὶ ἐν τῷ ὕδατι. χρώζει γοῦν, ὡς εἴοικε, τὰχύ. τήκεται δὲ καὶ ἐν τῷ ψύχεισι, ὅτε γένοιτο πάγη, ἐγκατακλειομένων ἐν τῷ, καὶ σωωθουμένου τοῦ θερμοῦ ἐνυπάρχοντος αὐτῷ, διὰ τὴν ἀδύνηαν. Stannum Celticum liquefcere dicunt multo citius plumbo. Signum autem facili liquefactionis, quod liquefcere videtur etiam in aquâ; colorat enim, vt constat, celeriter. Liquefcit verò etiam in algoribus, quando fit gelu, incluso intus & compulso calore ipsa inexistente, propter debilitatem. Quomodo autem intus compelleretur & includeretur calor, si non essent corpuscula, quæ ad interiores partes commigrarent? Et lib. 4. Meteor. cap. 2. definiens Putrefactionem Philosophus ait, *Putrefactio est corruptio eius, quæ in vnoquoque humido propriè & secundùm naturam, caliditatis ab alie-*

nâ caliditate : hæc autem est, quæ ambientis . Et paulo inferius . Exeunte enim proprio calido coëuaporat quod secundum naturam humidum . Vtique corruptio caliditatis à caliditate non potest esse expulsio qualitatis à qualitate eiusdem generis : contraria enim se vicissim expellunt : neque diceretur exire calor, si periret . At igniculos exire ab igniculis alijs validioribus protrusos, nihil habet difficultatis .

Maur. Ambiguum mihi videtur *Accidentis* vocabulum, & notio duplex . Si quid enim naturæ cuiuspiam accedere intelligatur, siue proprium, quo carere illa neutiquam possit, siue aliunde assumptum, id illi accidere dicitur : eam videlicet vtrumque communem habent notionem, *alienius esse*, quod illis affici dicatur ; ideò in Scholis Accidens audit *Entis ens* . Sic ab Aristotele *Potentia* inter Qualitates idcirco refertur, quia *Potentia* notio euolui nequit, quin aliquid intelligatur, cui *potentia* tribuatur, qua potens sit : esto, re ipsa nequeat *potentia* auelli à naturâ, cuius est *potentia* . Item *Accidentia* recensens Philosophus numerauit *Habitus* ; vestis enim non est nisi ad aliquem induendum instituta ; quæ tamen ita alicuius est, vt etiam per semetipsam consistere possit, si nemo eam induat . Quæcunque igitur aliquid quoquo modo afficiunt siue propria, siue aliunde assumpta, illius *accidentia* dici possunt . Hinc apud Quintilianum lib. 5. cap. 10. *Causa, tempus, locus, occasio, instrumentum, modus, & cætera sunt rerum accidentia* . Quapropter calor, quem diximus in igniculis esse vim & facultatem sese agitandi ac cætera commouendi, accidens vtique est igniculorum, quorum in potestate est agitatio & commotio, quamuis ab illâ naturâ facultas huiusmodi seiungi nequeat, cuius est proprietas . In ferro autem assumptus ex igne calor, accidens pariter est, non tantum quia ferro tribuitur, sed etiam quia ferrum ita calore imbuitur, vt eo carere possit . Quæ ad primum illud genus spectant *Accidentia*, à subiecto in subiectum migrare nequeunt ; propterea ferrum calidum non habet facultatem se agitandi, quæ ab igniculis in ferrum transierit : ex secundo vero genere *Accidentia* aliunde assumpta, ex vno in aliud corpus commigrandi potestatem habent . Lorica ferreæ accidit sanè figura, si ferri natura spectetur (quamuis lorica, quâ lorica est, figuram necessariò quasi formam contineat) quæ quidem figura ex ferro in aliud quidpiam transire nequit ; at

lorica ipsa, quæ accidit homini, quem lorica tum constituit, Therfiti primum, deinde Achilli potest accidere. Primum Accidentium genus *Metaphysicum*, secundum *Physicum* indigitare aliquibus placet. In vocibus non hæreo; modò inter nos conueniat utrumque genus cum naturâ coniunctum & *Physicum* quid esse, nec alterum solâ mentis intelligentiâ fingi, alterum reipsa consistere; quamuis primum fortasse aliquando solius rationis opificio seiungatur à Naturâ, cui catenus inesse intelligitur, quatenus illius notio cum naturæ notione quasi consequens iungitur, secundum autem genus (quod *Physicum* dicitur, quia propriam habet naturam, cui nexu non solubili cohæret) si ad aliam naturam referatur, cui adueniat, & à qua recedat, possit ab illâ separari.

Dand. Hic, si satis intelligo, Naturas ipsas simplices & primas, ex quibus postmodum corpora mista temperantur, consideras, quatenus aliæ quidem suapte naturâ præditæ sunt illa mobilitate, quam calori tribuimus, aliæ verò huiusmodi mobilitatis expertes ob id ipsum calidæ fieri dicuntur, quia cum illis sociantur. Quod si nexu nullo inter se copulentur, ita ut à se inuicem facillè disiungantur, quemadmodum in aquâ feruenti obseruamus, illa naturarum simplicium commistio non ex ijs est, quæ decretis Naturæ primario loco statutæ sunt, sed quæ secundum locum obtinent; ideoque, quarum particularum propria non est mobilitas, per accidens incaluisse dicuntur: assumpto extrinsecus calore quasi fortuito. Sin autem particulæ illæ eo nexu non sponte suâ dissolubili ex Naturæ instituto iungantur, ut in tertiam speciem coeant, licet, quæ calidæ non sunt, singularitatem acceptæ, calorem suscepisse videantur, quia tamen, singularibus notionibus depositis in vnam coaluere notionem, quæ cunctas illas diuersi generis naturas complectitur, non assumptus dicendus est calor, sed ingenuus corpori misto, quod particulis suapte naturâ calidis omnino carere non potest. Quapropter tunc solum corpori misto accidit incallescere, quando igniculorum mensuram accipit, quæ cæteris particulis non pro ratâ portione respondens cum illis non necitur, quamuis inter patentia corporis interualla soluti vagentur igniculi.

Maur. Ita sanè, quod quidem spectat ad Accidentis rationem, quod abesse potest citrà interitum eius, cui accidit. Cæterum,

rùm, quemadmodum præter diuersi generis particulas, quas inuicem complicatas in vnum corpus Natura coagmentauit, alias etiam illis inseruit, quas pro suo vnumquodque ingenio exhalaret (vt multorum corporum odore expirationes testantur) citrà corporis ipsius dissolutionem; ita quoquè, si quæ sint corpora à Naturâ constituta, vt sensum tactûs illicò calore feriant, ac attrectentur (cuiusmodi sunt animalium viuientium carnes) præter igniculos, è quibus illorum temperatio constat, alios particulis immistos continent, quos in proxima corpora immittant, quin vlla corporis misti particula pereat. Hos igniculos, quos appellare liceat Abundantes, atque Effluentes, si quis corporis misti Accidentia esse dixerit, eo quod illorum discessionem Natura permittat, non repugnabo; nunquam tamen corpori illi *per accidens* & præter Naturæ institutum, quasi fortuito & casu, inesse concesserim.

Gråd. Inire posses gratiam non mediocrem à Philosophis illis, qui vim efficiendi esse aliquid asserunt naturæ additum, & corporibus inanimatis facultates effectrices statuunt accidentales: ex illis scilicet, quas indicasti, expirationibus initium habere videtur mutationes, quæ tanquam efficienti tribuuntur corpori, ex quo expirationes illæ prodire. Neque graue, vt ego quidem arbitror, illis esse deberet huiusmodi accidentibus tribuere facultatem gignendi corpora, quorum causam ægrè assignamus. Sed plerisque eorum non placet hanc, qua nos progredimur, philosophandi semitam terere, tardis quidem & hebetibus, vt ipsi aiunt, satis commodam, ingeniosorum autem acumine minimè dignam.

Dand. Suis se compungant acuminibus Metaphysici, dum contorta & aculeata sophismata vltro citròque vibrantes diu pugnant absque victoriâ. Delectabar & ego aliquando hoc certamine, in quo sinè cunctatione verba dare difficile non erat, modò præcurrentibus consequentia afferrem; vacuus scilicet periculo & metu, ne me falsitatis redargueret Natura. At vbi mentem ad res naturales Physicè examinandas transtuli, rem difficultatis ad eò plenam ac laboris inueni, vt non rarò effectum cum causâ consentientem non inueniens animum abiecerim; desperatio siquidem, vt aiebat Tullius, est *agritudo sinè ullâ rerum expectatione meliorum*. Quare satius fuerit his de Accidente siuè Metaphysicis, si-

ue Dialecticis commentationibus non immorari diutius, sed inuestigare & perscrutari ea, quibus in caloris cognitionem pro nostro instituto deueniamus.

Maur. Non tamen frustra & inutiliter digredi à proposito visum sumus: cum enim id quod re, ab eo quod virtute calidum dicitur, aliqua tandem ratione secernere opus sit, vsui esse possunt, quæ de Insitis, Abundantibus, atque Effluentibus igniculis indicauimus.

Grad. Celeberrima hæc est tum apud Philosophos, tum apud Medicos Diuisio: Nam *Actu* calida dicuntur, aut frigida, quæ id, quod esse dicuntur, actu quasi absoluto & præsentè obtinent adeò expromptâ energiâ, vt primo quoque contactu sensum afficere possint eâ qualitate, qua prædita sunt: sic actu frigida glacies, actu calidum ferrum candens. *Potestate* verò calida aut frigida sunt, quæ primo contactu potiùs contrariè affecta videntur, ac dicantur, nec eorum vis percipitur, nisi excitetur, vt in actum prodeat: sic vinum Creticum ex lagenâ niuibis obsitâ depromptum, tangenti frigidum est, in ventriculo demum calorem excitat: è conuerso calida ex cucurbitis pulmenta æstate comedimus ad refrigerandum; propterea & calidum vinum, & frigidam cucurbitam pronunciamus Virtute & Potestate. Quo quidem in vocabulo consentimus omnes: sed cum ex Philosopho quodam non inerudito aliquando quærerem, quî fiat, vt epoto liberaliter vino generoso (non tamen admodum frigido, ne mihi antiperistasis aliquam obtruderet) adeò quis incalescat, id quod non contingit eadem copiâ dilutius bibenti: postquam multa dixisset de Causis Vniuocis & Æquiuocis, vinumque non formaliter calidum causam caloris æquiuocam esse statuisset, inæqualem efficiendi facultatem meraco atque diluto inesse pronunciauit, quemadmodum neque æqualiter sensum tactûs proritant, aut calefaciunt, quæ calida dicuntur *Actu*, si alia intensiùs, alia remissiùs ferueant. Meracissimo tamen hoc vocabulo *Causa æquiuoca* depulsa non est sitis cognoscendi proximam causam familiarissimi effectus: familiarissimè, inquam, nam qui mæx cymbæ ad puppim præest nauicularius, in proximo ænopolio, ne me otiosus expectet, cum suis combibonibus hanc horam terit, vt quotidie solet.

Dand. Si quem hoc vocabulo *Causa Aquiuoca* contentum esse oport-

oporteat, medicamenta omnia Hydrotica sudorem prouocantia; Diaphoretica, quæ materiam morbosam resoluentia & discutientia per tenuissimos corporis meatus occultâ perspiratione educunt; Errhina, quæ pituitam circa meninges hærentem in nares proliciunt; Ptarmica, quibus ad sternutamenta irritatur cerebrum; Vesicantia, quæ cuticulam à cute diuellunt, & in vesicam attollunt; Escharotica, quæ cutim adurentia crustam inducunt; Caustica, quæ etiam carnem aliquando arrodunt; Psilothra, quæ pilos extirpant, & si cuti diutius adhæreant, eam exulcerant; atque huiusmodi non pauca, quæ inter calida recensentur, non quidem *Actu*, sed *Potestate*, vbi Causas caloris Æquiucas esse responderit, factum satis putabit quærenti, Qua ratione effectus illi eueniant. At si interrogando vrgeas, quomodo calor i le genitus non proximas tantum particulas afficiat, sed ad remotas progrediatur, vix tandem probabile aliquid afferet, nisi in hanc eandem particularum calidarum perreptentium hypothesim deueniat.

Maur. Haud equidem causis æquiucis generatim acceptis litterem intendo; res enim esset infinitæ quæstionis: sed quod ad Calorem attinet, omnia, quæ incalescunt, ab igniculis calefieri existimo in illo corpore comprehensis, quod virtute calidum dicitur, non *Actu*; dicitur autem calidum virtute, non quia igniculis careat, sed quia illi ita à reliquis particulis cohibiti, vt pro suo ingenio agitari nequeant, sensum non mouent, mouebunt autem illico, ac libertate donati se agitare valebunt: atque adeo idem est calefaciendi modus, videlicet per immisionem igniculorum; siuè quid Re, siuè Potestate calidum dicatur.

Grad. An corporibus, quibus caloris potestatem attribuimus, ita igniculos Natura ingenuit, quemadmodum silicibus & chalybi semina flammæ inseruit? Nullus enim dubito, quin ignis tanquam ex promptuario educatur è venis silicis, aut ex chalybis poris, aut ex utroque, quando ex eorum collisione excitantur scintillæ. Neque mihi quisquam persuadeat ex attrito aëre ignem gigni, cum non raro emicantes scintillæ sulphur manifestè redeant, inclusum utique in saxi visceribus: quinimmo etiam ex chrystallo, si chalybe percutiatur, scintillas erumpere sulphureum quid redolentes sæpius deprehendi; cumque chrystallus in hexagonum prisma exurgat, deinde in pyramidem hexagonam de-

definat, obseruauit ex pyramide percussâ admodum paucas scintillas emicare, ex prismate aliquanto plures, sed ex basi seu radice admodum frequentes, & acriorem sulphuris odorem emittentes: si verò ex aëre attrito ignis ille gigneretur, multo magis id contingeret, quando durior, & magis compacta, atque perfecta chrystalli pars, scilicet prismatis, aut pyramidis angulus à radice remotior, percutitur. Nam quod aëris attriti ea sit vis, vt plumbeas sagittarum cuspides liquefaciat, vt scribit Aristoteles lib. 2. de Cœlo text. 42. nobis credibile non est, qui plumbēos (immò ne cereos quidem) globulos è fistulis ferreis vi ignis euibratos non liquefieri, licet velocius impulsos, quàm sagitta ab arcûs neruo excussa, quotidie videmus: sed vel sycophanta aliquis immoderate abuti voluit Philosophi facilitate, vel ineptus quispiam auctops calamum videns priuatim mucrone, qui fortè in motu excidit, satis insulse existimauit liquefactum plumbum perijsse. Cœterùm aliquando ex solo silice scintillas exilire posse constat, quia illas ex mutuâ duorum silicum collisione absque vlllo ferro erupisse testantur plurimi (mihi quippe id videre non contigit) neque creditu difficile est, nam idem pyritibus collisis accidit, atque, si Aristoteli lib. 2. de part. anim. cap. 9. adhibenda est fides, ex percussis leonum ossibus quasi ex silice elicitur ignis: Aliquando ex solo chalybe, nam memini vberes scintillas emanasse ex chalybeâ rotâ antiquiori sclopo affixâ, quoties siuè casu, siuè consultò, cum præclaram ferri temperationem vellem pueriliter experiri, laxato è latere rota ipsa excurreret, nec omnino pyritem tangeret: id quod etiam passim obseruare licet, quando circumactâ velocius cote restituitur acies obtusis nouaculis, sæpè enim plurimæ emicant scintillæ, quemadmodum & in acuendis ensibus; nam lapis è cotariâ erutus non abundat huiusmodi igniculis. Ex silice autem pariter & ex chalybe, cum vterque igniculos contineat, in vulgari igniario excitari scintillas proclive est opinari: siquidem si lapidem ferro aliquoties percutias ad excutiendum ignem, & subiectâ mundâ papyrò excipias minutissimas particulas, quæ ex illa collisione separantur, adhibito microscopio non solum lapideas arenulas videbis, sed & ferreas particulas cum exiguo foramine vt plurimum in speciem globi excavati, aut scaphij, efformatas, cuiusmodi sunt, quas Bombas vulgariter appellamus; quasi illa fuerint conceptacula ignis, qui ex ijs à reliquo ferro diuulsis, aperto ostiolo,

eruperit. Mihi verò nihil negotij facessit, quod tenuissimæ sint in silice, & in ferro, illæ angustix, scintillæ autem tot & tantæ appareant, vt videantur, non potuisse tantillo spatio comprehendî: propterea enim tantâ velocitate exiliunt, quia ibi per vim congesti detinebantur igniculi, qui libertatem nacti dum se celerimè agitant, maiorem sui speciem nostris oculis ingerunt; quemadmodum titio si velociter moueatur, modò rectam regulam ignitam, modò circularem, modò ellipticam zonam sui speciei in oculo æmulatur, prout rectâ, aut in orbem mouetur.

Maur. Aptissimâ argumentatione, in re cæteroqui per se satis perspicuâ, vsus mihi videris, Gradonice, ad statuendos inquilinos in silice & in chalybe igniculos, antequam ex collisione erumpant: dum enim gigneretur lapis, & potissimum ex Sale, Terra, & Sulphure, congruo humore atque spiritu permistis, concreveret, particule aliquæ sulphureæ, quasi illius permissionis reliquæ, interclusæ auolare nequiverunt; ibique tandiu conclusæ detinentur, quàm effracto ex collisione repagulo prosilire valeant. In chalybe quoquè, quia candens ferrum igne imbutum non sponte suâ refrigerescere permittitur, vt, qua viâ ingressi sunt, eadem euadant igniculi, sed in aquâ extinguitur, ideo illi se ad interiora recipientes confertim in cavernulis constipantur, vnde & diffractæ chalybeæ laminæ granosæ apparent. Hi tamen igniculi in poris latitantes atque inclusi, qui solâ percussione eliciuntur, non satis esse videntur, vt silex & chalybs Virtute calidi dicantur: Siquidem cum Galeno Medici non ignobiles ferrum inter frigida & sicca recensent. Quod si ferrum in eorum, quæ Virtute calida sunt, numerum referre malueris, cum calidam temperationem indicare videatur facultas, qua superfluos ventriculi humores absumit, & contumaces obstructions referat, id tribuendum erit non scintillis, quæ nullæ sunt in minutissimâ scobe chalybis, sed particulis sulphureis, quibus ferri natura constat ita ex artis præcepto præparatis, vt animalis calor illas excitare valeat, & extimulare in motum. Sulphur autem ferro inesse deprehendet, qui Aquam Fortem, aut Spiritum Vitrioli scobi ferri affuderit, materia enim incallescet, aut etiam flammam concipiet graueolentem; cuius odoris causa non nisi sulphuri adscribenda est. Sulphur verò cum particulis salinis (cuiusmodi reperiuntur in Aquâ Forti, & in Spiritu Vitrioli) commistum acuitur, & vim habet maiorem calefacien-

ciendi. Sic, vt aliquando legi apud Georgium Marcgrauium lib. 1. Hist. rerum Natural. Brasiliæ cap. 19. in Annotatione Ioannis de Laët, *Semen plantæ Milhilli adeò est acre, vt cauendum sit, ne quis digitos ad oculos ferat, cum illud confricit. Insigniter vrit linguam & guttur, præsertim cum sale mixtum.*

Gradon. Cum multa sint, quæ mutuo tritu calefcunt, nam duo Onychis frustra si confricentur, ita calida fieri dicuntur, vt digitis tangi nequeant, & ferreus stylus super lignum aliquandiu ductus ac reductus; & ferreus modioli rotæ circulus axem terens, & ferrum limâ diutius perpolitum, & alia huiusmodi calorem concipiunt; rectène *Virtute* calida dixerò?

Maur. Si meo suffragio acquiescere quis vellet, haud grauâtè multis vocabulum permetterem: si enim calida fiunt, vtique calorem exerunt, aut quem vtrumque habet, aut qui in altero tantùm excitatur, ibique manet, aut quem alterutrum ab altero recipit: cum autem ante tritum calor nullus appareret, qui postea manifestus fit nullâ aliâ interueniente causâ, quid aliud desiderare oportet, vt vis & potestas caloris aut vtrique, aut alterutri inesse censeatur? Et primò quidem Onychina frustra sese inuicem atterentia eiusdem sunt naturæ, ideoque calor vtrique conuenit, laxatis illo tritu repagulis, vt igniculi valeant agitari, quos Onychi inclusos non negabunt, qui in locis calidis atque sulphureis hos lapides inueniri tradunt, quamuis coeteroqui frigidam temperationem Onychi adscribant, qui spiritus vitales ab illo constringi putant, adeoque robur addi eum gestanti, & vires confirmari. Cui lapidi si plus non tribuant, quàm res & veritas ipsa concedat, non videtur habere igniculos nisi quemadmodum silex; idcirco si hic propter hospitantes igniculos *Virtute* calidus non censetur, par esse debet Onychis conditio. Quod deinde ad ferrum attinet, duo sunt in allatis exemplis, quæ sibi aduersari videantur, quando quidem quiescente ligno, quod teritur, incalescit ferrum, quod mouetur, contra verò non incalescit lima, quæ adducitur, & reductur, calidum tamen est ferrum, quod limatur: Sed rectè consentiunt omnia, si attentè perpendantur. Nam (præterquam quod durior est limæ temperatio quàm ferri, quod limæ subijcitur atterendum, ideoque facilius luxantur subiecti ferri particule, vt agitari valeant excitati igniculi) ferrum à recurrente limâ perpetuò tangitur, limæ verò partes à contactu ad liberum aërem transeunt:

seunt: ex quo fit excitatos subinde in ferro igniculos à superpositâ limâ cohiberi, ne auolent, atque adeò plures congregari; si qui autem igniculi superficièi ipsius limæ adhæserint, liberè statim exilire posse. Id quod pariter ligno quiescenti contingit; quando ferreo stylo diutiùs teritur; ferri enim pars, quæ incaluit, ligno semper in motu adhæsit, & factus est eiusdem partis ferri perpetuus tritus, vnde noua igniculorum excitatio; ligni autem partes eadem non semper ferro terenti subiectæ igniculos auolare permiserunt; & si qui residui sunt igniculi, propter rariorem staminum ligni texturam non eo impetu erumpunt, vt in sensum tactûs irruant adeò vehementer, sicut qui ex angustioribus ferri poris exiliunt; ideò minor in ligno quàm in ferro calor percipitur. Ex rhedarum diutiùs velocissimè concitatarum rotis hæc confirmata videntur: quamuis etenim, etiamsi currus lentè moueatur, fiat axis & rotæ conflictus, tamen in tardâ illâ conuersione antè excitati igniculi auolant, quàm noui excitentur, neque possunt plures coire, atque insignem calorem efficere: at in velocissimo rotæ motu, tam citò posterior attritus priori superuenit, vt multiplicentur igniculi, qui ex ferro in axis lignum se insinuantes, postquam absumperint axungiam, aliquando ignem excitant: quapropter vbi odoris grauitas monuerit imminuere inflammationis periculum, expertus sum præsens auxilium esse, si detractam lacerato cutem rotæ & axi interponat auriga, quia non solum attritus prohibetur, sed vi caloris liquata pinguedo hiantes axis poros sensim ingreditur, & celerem igniculorum motum retardans exarisionem arcet: immò quotiescunque vehementiùs incaluerit axis, satius est illum vnguine aliquo illinere, quàm aquam aspergere; nam licet aqua subitum ardorem auertat, igniculi ad interiora repulsi fragile efficiunt lignum: Sic, quemadmodum Plinius lib. 34. cap. 14. obseruauit, *tenuiora ferramenta oleo restingui mos est, ne aquâ in fragilitatem durentur*. Periculum hoc declinant Mexicani plaustrorum rotas & axem illinentes succo foliorum Tunarum (Tunæ sunt, quas Ficus Indicas vulgo appellamus) quibus frigus & humiditas in secundo gradu tribuitur, vt olim legi apud Georg. Marcgrau. lib. 3. cap. 15. Hist. Nat. Brasiliæ annotat. ex Franc. Ximenez.

Ne tamen à communi loquendi consuetudine recedamus, sub hæc voce *Calidi Virtute* non ea est subiicienda sententia, vt inter calida

calida illico recensetur, quicquid ex motu atque tritu incalescit; incertum quippe esse potest, si duobus diuersæ naturæ confligentibus alterutrum caleseat, ab utro prodeant igniculi, quos fortasse ab altero recipit corpus illud, quod naturâ frigidum est. Sic vitreâ phialâ vino plenâ intrâ frigidam agitâtâ, vinum refrigeratur, ipsum tamen Virtute frigidum non est; & quamuis agitâtâ eâdem phialâ intra aquam calidam, vinum inclusum caleseat, non propterea vinum dicitur virtute calidum; quia siue incalescat, siue refrigeret, extrinsecus assumit calorem, aut frigus: Hæc autem agitatio intrâ aquam est quidam tritus atque confectus cum aquâ. Quod si aquæ, quam frigidam esse constat, aliquid injicias, de cuius naturâ ambigas, calidane sit? an frigida? & citrà antiperistasis suspicionem augeri aquæ frigus percipias, corpus illud aquæ iniectum *Virtute Frigidum* pronunciabis, maximè si tunc calidum tactui apparebat, cum injceres. Ea igitur Calida Virtute dicuntur, quæ licèt solitariè accepta caloris speciem tangenti non exhibeant, vim tamen habent excitandi calorem absque eo, quod opus sit illa affricare corpori, quod incalescit, sed satis est ea aptè congruenterque applicare: Ex qua applicatione deinde oritur sopitorum igniculorum excitatio, & hanc sæpè comitatur corporis eiusdem dissolutio; quicquid sit, an aliquando opus sit illud in minutas particulas conterere, ut validiùs calefaciat. Sic alij integrum piper deglutiunt, alij solùm ruditer contusum, alij omnino contritum adhibent, prout agere cupiunt in ventriculo calorem, erumpentibus ex pipere igniculis aut sensim, si integrum fuerit, aut confertim, si comminutum: Spiritus enim per ventriculum vagantes dum mouentur, sollicitant in motum igniculos piperis, adeò ut demum piperis natura solvatur, & igniculi illi in stomacho tumultuantes atque agitati calorem maiorem efficiant ad concoquendos grauiore & difficiliore cibos, quibus permisti eos comminuunt, & temperant in chylum. Idem de vinò dicendum, quod calore ventriculi resolutum in suos spiritus & igniculos miscetur ingestis cibis, & ad eorum reliquias in languente stomacho adhuc hærentes vtiliùs exterendas atque fermentandas aliquando prodest; quemadmodum non pauci sibi persuadent fidem adhibentes Plinio lib. 23. cap. 1. scribenti, *vinum ieiunos bibere, no-nitio inuenio, viliissimum est.*

Grad. Ex his manifestum est, quare impij cuiusdam Sophistæ,

vt habemus in Actis S. Luciani Mart. 7. Ianuar. Crudelitas exco-
gitârit crassum nescio quod malagma potissimum ex sinapi, quod
duorum puerorum Christum eiurare constanter renuentium abra-
so capiti imposuit, eosque in feruente hypocauſto conclusit. Ibi
enim, quasi fulmine icta essent puerorum capita, primum in-
clinati, in solum deinde corruerunt, nec multo post ætate minor
occubuit prior, vehementiam flammæ in capite accensæ ferre diu-
tius non valens. Igniculi nimirum, quibus plenus erat hypocau-
ſti aër, agitantés acerrimas sinapis particulas, eas in nudati capitis
caluam confertim intrudebant, quibus statim corrupta fuit spiri-
tuum animalium in neruis harmonia, & factâ maximâ cerebri dy-
scrasia demum perierunt: prior autem cecidit, cui per ætatem
nondum adedò obduruerat calua, vt difficiliorem aditum relinque-
ret igniculis ex sinapi excitatis à calore hypocauſti. Sic sæpè illi-
tum vnguento aut oleo membrum calentibus pannis fouendum
præscribunt Medici; vt scilicet & cutis pori recludantur, & atte-
nuatæ ab intercurrentibus igniculis medicamento particulæ se in-
sinuantes, atque validius agitatae, discutiant humores no-
xios.

Dand. Non semper externo calore opus est, sed satis est ipsius
animalis calor, vt quasi sopiti igniculi excitentur, & in carnis po-
ros se insinuantes eiusdem animalis calorem augeant. Herba est,
quæ quia longa folia Nouena habet, Enneaphyllon dicitur, lum-
borum doloribus, & coxendicum, vtilissima; sed quia causticæ
naturæ est, imponitur lanâ circumdata, ne vrat latus; continuò
enim pustulas excitat, vt apud Plinium legi lib. 27. cap. 9. Narrat
etiam Ioan. de Lery apud Fournier Hydrogr. lib. 9. cap. 27. se vi-
disse sæpiùs mari innatantes immunditias quasdam rubras similes
cristæ galli gallinacei adedò venenatas, vt manus tangens statim ru-
besceret. Adde S. Augustinum lib. 21. de Ciui. Dei cap. 5. scriben-
tem *Pyritem lapidem Persicum tenentis manum, si vehementiùs
premat, adurere, propter quod ab igne nomen accepit*. Si quis
Daphnoidis baccas è nigro rufescentes gustauerit, os atque gut-
tur accenditur; ipsarum videlicet baccarum humor igniculis fæ-
tus dum palato & gutturi adhærescit, ex animalis calore attenua-
tur, eiusque igniculi se in carnem insinuantes eam accendunt; ni-
mirum celerius perreptantes, quàm par sit, carnis particulas exa-
gitant, atque neruorum fibras acris pungunt. Sic de Pocinco-

bâ (herba est vulgari nostræ Persicaræ omnino similis) meminî me legisse apud Guillelmum Pisonem de Medicina Brasiliensi lib. 4. cap. 64. radicem quidem mansam intensiore feruore & acrimoniâ inficere linguam, quàm Europæum Hydropiper, herbam verò recentem primas tenere inter caustica, ideoque à Chirurgis adhiberi aduersùs vlcera putrida. In Zeilan insula, teste Scaligero, lapis est, qui à febribus cognomen accepit, quia carnem attingens febrim excitat: Cui lapidi cognatus videtur piscis eiusdem regionis accola, vt alij tradunt, cognomento Febrius; qui enim illum manu apprehendit, illicò febre corripitur; illapsis ex contactu in venas igniculis sanguinem inficientibus & ad cor delatis, vbi febrilis ardor accenditur. Et de Mucunâ apud Brasilienses hæc habet Georgius Marcgravius lib. 1. cap. 10. *Mucuna planta fert siliquas spithamam longas, aut etiam longiores, tres digitos circiter latas, exterius rugosas, utpote setis pungentibus rufis præditas; quæ non solum adherent, & pungunt, sed etiam pustulas ardentes excitant, quæ vix octiduo sanantur, & insignem excitant pruritus.*

Grad. In hoc admodum delector, quod exoticis & peregrinis nostratia confirmare possimus; modò quis fabellas non obtrudat similes Plutarchi narratiunculæ, qui lib. de tuenda sanitate post med. ait, *Cerebrum Phœnicis dulce admodum est, sed dolores capitis inducere fertur.* Si mihi non nisi esitato Phœnicis cerebro dolendum esset capite, satis diu dedolerem: quamuis non negauerim apud nos aliqua esse dolorem capitis nimis ex vero inferentia. Coëterum vt ad propositum reuertar, an ego poteram inficiari, satis esse animalis calorem ad excitandos medicamenti igniculos, quem non rarus dentium dolor cogit pyrethri radicem mandere?

Dand. Quandoquidem exoticis delectaris, Pyrethri vicem apud Brasilienses supplet laborandi radix, quæ dentibus modicè contusa *alisdè pituitam è capite ad os deriuat, oculosque à perpetuis catharris vindicat*, vt loquitur laudatus nuper Piso cap. 59. Et de eadem plantâ laborandi scribit Marcgrau. lib. 2. cap. 8. *Radix nullius odoris aut saporis videtur dentibus incisa; at si paululum masticeatur, vris linguam, & magis, quàm pyrethrum. Trahit maximam copiam pituitæ è linguâ, liberat caput à catharris, & mitigat dolorem dentium.* An quia vi igniculorum à pyre-

pyrethri, aut à laborandi radice emissorum amplificatis poris attenuatus humor faciliùs exprimitur ex particularum commotione, & in abeuntis humoris locum alius succedit defluens ex capite: quemadmodum haustâ ex puteo aquâ, nouum laticem vena suppeditat. Sed & illud mihi videtur probabiliter adijciendum, quod huiusmodi igniculi penetrantes in neruos. motum spiritibus concilient, adeoque illi recurrant in cerebrum, cui propterea vigor addatur ex hac spirituum commotione & accessione; spiritus autem suâ virtute attenuant in cerebro pituitam, atque commouent, vt faciliùs per destinatos meatus expellatur. Refluos verò in cerebrum spiritus per neruorum ductus mihi suadet subitum illud robur, quod confestim ab assumpto vino generoso, aut cardiaco aliquo, experimur quantumuis languidi: neque enim assumpti cum cardiaco spiritus videntur permeare posse tantâ celeritate à stomacho ad cor: sed si hi peruadentes ventriculi neruos repellant in cerebrum inclusos spiritus, vt indè maiore copiâ & aliquantò validiore impulsu suppeditari possint cordi, faciliè intelligimus, quomodo tam citò caput, & cor corroborentur, quibus fit spirituum viuidorum accessio. Quod si spiritus à cerebro in neruorum ductum transmissos ad suum fontem redire non admittas, satis est, si non cogatur cerebrum novos spiritus neruis subministrare iam refertis alijs spiritibus; hinc enim oritur maior spirituum copia in cerebro ipso. Non negârim tamen suauitate odoris, qui afflatur è vino & cardiacis, atque ex ore per palati foramina ascendit, recreari statim cerebrum; nam hoc quoque contingit, vnguentis & floribus ad nares admotis. Quod si odoratus halitus vnâ cum spiritu, quem ducimus, ad pulmones venerit, faciliorem aditum ad cor cum sanguine per arteriam venosâ inueniet: Sed glutire cardiacum, simulque spiritum ducere nemo potest, epiglottide asperam arteriam occludente.

Grad. Plurimum sanè odoriferæ expirationes valent ad reficiendam aut vitiandam cerebri aut cordis temperationem. Ex amico semel ingressio Amstelodamensia Societatis Indicæ horrea pipere referta non minùs, quàm apud nos sint tritico plena, audiui se indè quàm citissimè proripuisse, tam acrem odoris vim ferre non valentem. In Æmiliâ & in Campaniâ, vbi in foueis frumenta conduntur, si post aliquot menses recludatur fouea, cauendum est, ne quis statim ab egestâ terrâ in foueam descendat, vt frumentum

inde eximat, ne tetra expiratione perimatur. Incautos inducit in somnum Mandragoræ odoratus, & non pauca huiusmodi. Immo verò etiam si aut nullus aut tenuissimus odor percipiatur ex ijs, quæ in os ingeruntur, si tamen in ore vel modicè detenta intepescant, per palati spiracula, aut etiam per neruorum ductus, ascendunt ad cerebrum expirationes. Sic obseruamus eos, qui pitissando multum vini absument, faciliùs ebrios fieri, quàm qui ex eodem mero eisdem cyathos vno continuo haustu exhauriunt: quia ex defluente in guttur vino vix in transitu calorem experto paucule tantùm expirationes separantur; at si per partes in ore incaluerit, plures utique excitantur halitus, qui caput tentant. Hoc fortassis exemplo admoniti quidam, quos Americana potio, Chocolate dicitur, delectat, aut iunat, paulatim sorbillant, vt vberiores expirationes ad refocillandum caput ascendant.

Maur. Rem huc à vobis disputando adductam fuisse gaudeo: hoc siquidem illud est, quod paulo antè sub hodiernæ nostræ dissertationis initium innuebam: faciliè quippe iam, vt opinor, dabitur plurimis saltem corporibus mistis, præter particulas, in quibus est vis omnis perfectæ atque integræ eorum naturæ, alias quoquè intersitas quasi permissionis reliquias, suorum quidem mistorum naturam redolentes, sed non perfectè atque integrè assecutas, multum tamen auxilij conferentes ad conuenientiam conseruationemque naturæ. Nam piperis acruus tam vehementem spirans odorem, utique aliquid exhalat à piperis naturâ minimè alienum, quod neque poma, neque balsamum expirarent; ita tamen huiusmodi halitibus cum pipere conuenit, vt illi integram piperis naturam sortiti non fuerint: Sed neque omnibus omnino huius generis spiritibus carere potest piper, quin effectum fiat, vacuum viribus & eneruatum, atque adeò non valdè à corruptione remotum. Huic rei fidem facere videtur minimè dubiam ipsum vinum, cuius utique complexionem nemo prudens dixerit illico dissolui, ac tenuissimo oris calore vix ceperit intepescere, aut leuiter in cyatho agitaturn ad nares admoueatur: Manente igitur integrâ adhuc vini naturâ, particule aliquæ ad vinum pertinentes, quibus vini notio non congruit, segregantur, & caput petunt. Quod si omnibus hisce particulis faciliè auolantibus viduaturn vinum singas, vappam habes, & vinum viciatum corruptioni.

ni proximum. Ex his, quæ manifesta sunt, & quotidiano experimento confirmata, de cœteris non leuem coniecturam capimus, atque (ne à calore, quem proposuimus examinandum, digrediamur) igniculos quosdam Abundantes, non tamen redundantes & superuacaneos, agnoscimus, qui excitati erumpunt ex Mixto antè, quàm ipsius Mixti compages dissoluatur, quandoquidem procliuiiores sunt in motû, vtpote non adeò tenaciter ligati, eo quod ipsi perfectè compacti & coagmentati non fuerint cum omni genere particularum, quæ in vnam Mixti naturam temperantur. Hi primè effluentes vim caloris exercent, soluto deinde Mixto, qui eierant Insiti igniculi, libertatem nacti ipsi quoquè agitantur, & calorem augment. Mixti autem dissolutio faciliùs & citiùs contingit, si illud fuerit in exiguas particulas comminutum, & cum aliquo humore permistum, vt satis constat. Porro, licèt omnia mixta coalescant ex igniculis rite permistis cum naturis alijs diuersorum generum, & potissimùm frigidis, ea inter calida recensentur, quæ in sui complexione habent igniculos frigidorum spirituum copiam & virtutem superantes: hanc verò exuperantiam in Mixti temperatione indicant, inter cœtera, permissionis reliquæ, igniculi illi effluentes, quos Abundantes vocare placuit; quibus scilicet quis abundat, ea dispergit. Ex huiusmodi igniculorum multitudine atque efficacitate, prout validiore impetu agitari possunt aut remissiore, caloris gradus à Medicis designantur; neque enim par est omnibus facultas se mouendi, & in proximum corpus penetrandi. Hinc inter ea, quæ extrinsecùs applicantur à Medicis, & commune vocabulum Pyrotica obtinent, mitissima sunt, quæ, quia cutem calefaciendo rubefaciunt, Phænigmi dicuntur, ad materiam altiùs in corpore delitescentem euocandam in superficiem, ad quam dilatatis poris, & irritatis spiritibus, faciliùs expellitur. Fortiora se exhibent, quæ phlyctænas excitant, pustulas videlicet vesicæ in morem intumescentes (ided vulgus Vesicatoria nominat) dum igniculi ex fermento, puluere cantharidum detractis alis & Capitibus, (quando intus assumendæ essent Cantharides, integræ sumendæ sunt, ne noceant, quia extrema, quæ rescantur, sunt alexipharmacum ventris) euphorbio, aceto scillitico, & similibus commistis, erumpentes vbi cuticulam peruaserint, suo motu cutem atterentes exulcerant, ac ab eâ cuticulam auellunt, quæ tum à tumultuantibus igniculis, tum

à confluente, per aperta arteriolarum, fibrillarumque neruearum, extrema capita, humore tenui attollitur, atque intumescit. Vehementiora adhuc sunt Escharotica, quæ, quia igniculos crassiori naturæ alligatos habent, non adeò citò penetrant, cutem tamen ipsam non exulcerant solùm, abstractâ cuticulâ, sed velut ignis adurunt, & non sinè dolore crustam inducunt. Horum autem vim superant Caustica, quæ & repente adurunt, & crustam densiorem efficiunt, nec in solâ cute hærent, sed altius in subiectam carnem penetrant, acrioremque dolorem excitant. Quibus subnectenda videntur tùm Cathæretica, quæ excrescentis carnis mollis extimam superficiem sensim attenuantia absumunt, & quasi corrodunt; tùm Septica, quæ acriori calore prædita duriorem carnem, non inductâ crustâ, colliquefaciunt, & natiuo calori insensissima, cuius symmetriam destruunt, atque radicale humidum diripientia, ita partem debilitant, vt cadaueris in morem putredine vitietur; & idcirco Septica, quasi Putrefacientia appellantur.

Grad. Totum igitur discrimen Calidi in ea comparatione positum videtur, vt *Calidû Actû* illud sit, cuius igniculi commouentur, & agitantur, atque cuicunque animalis parti, in qua tangendi sensus vigeat, obijciatur aut applicetur, primo contactu irrumpentes sensum caloris mouent: *Calidum verò Potestate* igniculos quidem habeat, sed aut omnino quiescentes & irretitos, aut adeò languidè commotos, vt primo contactu non valeant sensum tactûs afficere, sed concitatione aliquâ indigeant, vt libertatem nacti possint & ipsi agitari, atque commouere particulas corporis, quod ab illis calefieri dicitur; siue demum huiusmodi Calida Potestate extrinsecus applicentur, siue intus assumantur. Quapropter eodem modo & de *Frigidis Potestate* philosophandum erit, à quibus auulsi frigidi spiritus, & permisti agitatæ igniculis, eorum celerem commotionem, quasi iniecto fræno, cohibent: sic pepones esitando æstate sanguinis feruorem mitescere omnes nobis persuademus, quia resolutis vi caloris in ventriculo partibus, commistæ sanguini particulæ illæ frigidæ nimiam spirituum & particularum sulphurearum agitationem impediunt: sic incipientibus oculorum, aliarumque partium inflammationibus aquam rosarum adhibemus, vt opprimantur.

Dand. Nollem in certamen descenderemus, in quo pugnaciter contendunt Authores non ignobiles, vtrum Rosæ calidis, an frigidis

gidis annumerandæ sint. Si enim propterea frigida censentur rose, quia eos iuuant, quos animi ægritudo aut ægrotatio corporis somno priuat, sedandis inflammationibus vtilis sunt, laborante ex caloris redundantia capite multas habent opportunitates, siuè in coronas flexæ imponentur, siuè applicentur contusæ, siue aqua ex illis destillando expressa, aut oleo ijs condito, oblinatur caput: Calidas rosas indicat & sapor manifestè amarus, & vis purgandi non languida earum succo insita, & odor fragrantissimus, & spiritus ardens satis copiosus, qui ex illis extrahitur methodo, quam indicat Beguinus Tyrocinij Chymici lib. 2. cap. 2. Rosas enim, quas Incarnatas vocat, cœlo sereno, vbi ros euauerit, collectas accuratissimè teri iubet, & in vitreo vase optimè clauso repositas tandiu in cellâ seruari, vt fermentescant, donec acidum quiddam redolere videantur. Tum huiusmodi florum pars aliqua balnei calore soluenda est in stillas, & aqua inde extracta, amotis fecibus, affundenda parti florum nondum alembicum expertæ, vt iterum simul cum recenti vapore extilletur: id quod simili ratione vsque eò toties perficitur, dum rosæ vniuersæ fuerint destillatæ. Demum aqua ex rosis elicita balnei calori exponitur, & duodecima pars destillando abstrahitur, quæ rectificata odorem gratissimum exhalabit, & flammam æquè concipiet, ac Spiritus vini. Sed & illud calidam rosarum temperationem indicare videtur, quod succus ex rosis expressus si dimidiatim in aquam præstantissimi odoris resolutus fuerit, reliqua pars dimidia Soli exposita accescit, & in acetum mutatur; resolutis enim sensim calore Solis non minima ex parte Spiritibus atque Sulphureis particulis, quibus interiectis particule salinæ disiungebantur, hæ dominantur reliquis spiritibus, quos figunt, simulque confluunt nouâ quadam permissione, & acidum efficiunt succum: quæ verò frigida sunt, non abundant Sale, sed, vbi ad corruptionem vergunt, mucorem potius contrahunt, quàm acorem; sic non acqua accescit sed vinum, & quò fuerit generosius, eò acrius in acetum degenerat, vnde factus prouerbio locus, ex optimo vino optimum acetum; quia scilicet pluribus & acrioribus abundat salinis particulis; atque quemadmodum sale, ita & aceto, non pauca, ceteroqui corruptioni faciliè obnoxia, aliquandiu seruantur.

Grad. At nostri rei bellicæ tormentariæ Præfecti non exiguam aceti vim congerunt, vt post excussos continenter septies, aut

oſties, ferreos globos refrigerari poſſit bombardæ : ex quo fit roſarum calorem non ſatis indicatum videri ab acore ſucci ex ijs expreſſi.

Non tamen ex hoc, quod acetorefrigerentur maiora tormenta, quæ ex multo intus concepto igne incaluerunt, illicò conſequens eſt frigidam eſſe aceti naturam : quare enim aquâ, quam ſemper in promptu habere poſſunt nullo, aut leuiſſimo diſpendio, non vtuntur? Sed quia niſi Sal intercedat, qui in aquâ faciliſſimè ſoluitur, & cum Sulphure affinitatem habet, Sulphur aquæ non facilè cohæret (ſic liquoribus extillatis, in quibus cum Spiritu Sulphur aſcendit, ſi aquam affundas puram, Sulphure præcipitato, liquor velut turbidus apparet, Spiritus autem ſinè Sulphure aquæ miſcetur) ideò ad detergendas pinguioreſ quaſdam ſulphureas particulas, quæ tubi lateribus ex toties iteratâ exploſione adhæſerint, adhibendus eſt latex aquoſus, qui ſalinis particulis foetus poſſit Sulphuri cohærere, & illud ſecum rapere; id quod acetum præſtare valet, non aqua. Cœterùm ſi aceti facultatem, calidane ſit? an frigida? accuratiùs examinare placeret, aut otium pateretur, plura fortasſe pro calore, quàm pro frigore argumenta ſuppeterent. Memini certè me legiſſe quoſcunque lapides mirum in modum molleſcere poſſe, ſi in calido ſanguine bouis, & pinguedine veruecis, additâ portione aceti acerrimi, pernoſcent; habet ſiquidem acetum vim penetrandi, & propterea multis medicamentiſ additur, vt faciliùs penetrent; hoc autem frigidis naturis non conuenit, quibus non mollitur lapis, ſed dureſcit humor.

Maur. Si in hiſ, quæ explicationiſ gratiâ incidunt, immorari voluerimus, ex aliâ in aliam quæſtionem delapſos deficiet dies: illud vnum diſputationi noſtræ congruit, quod non continuò inter frigida numerari oporteat ſiue roſas, ſiue acetum, quia in morbis calore excitatiſ adhibentur ad calorem ſedandum: ſicut enim nonnunquam frigida calorem augent, quia cum feruentiſ particulae ad interiora repulſæ nequeant exhalare, ſimul coactæ vehementiùs tumultuantur: ita ſepè calida refrigerare dicuntur, quia incluſiſ igniculiſ exitum parant, quibus imminutiſ ardor ceſſat. Certè Ariſtoteles ſect. 24. Probl. 13. quærens, *Cur ampliùs in Sole res calida, quàm in umbrâ refrigerentur*, concludit, *In Sole, vi nullâ arcente, calor effluit, atque oculiſ euaneſcit.* Sic Campho-

phoram inter calida recensendam esse suadet partium tenuitas cum summâ vi penetrandi, odor vehemens, sapor amarus, acer, & potens, natura facilis ad exardescendum etiam in aquâ, nec frigida esse posse videtur, si ex Auicennæ sententia ventriculi, iecorisque concoctionem iuuat, pituitam incidit, flatus discutit, atque vigilias parit: & tamen ardorem faciei ex diuturnâ sub Sole morâ contractum curant foeminæ dissolutâ in aqua rosarum Camphorâ; hæc collyrijs ad calidas oculorum lippitudines permiscetur, dolores capitis à calore provenientes mitigat, inflammationibus medetur, subsidio est in Erisipelate, ambusta sanat. Has autem refrigerationes ob idipsum efficit Camphora, quia, calida cum sit, suis igniculis poros referat, per quos pars malè affecta noxios igniculos facilius expellat; aut etiam cum sulphureis camphoræ particulis se insinuant Spiritus, qui sulphureas aut salinas partis inflammate particulas ad auolandum proritent, secumque rapiant; his verò abeuntibus, quæ insunt frigida particule, plus habent virium aduersus reliquos igniculos. An non ad leniendum partis ambustæ dolorem, præstantissimum remedium est, igni, quam proximè ferre quis possit, partem læsam admouere? nec tamen quis ignem, à quo primùm vstus est, frigidum deinde factum dixerit, quod igniculos vstulatam cutem ferientes foraseuocet, dum poros suis igniculis recludit: Similiter succus cæpe, olea calida, Petroleum, & huiusmodi, ambustis applicantur; Neque enim semper contraria contrarijs, sed non rarò similia similibus curantur. A lapide Bufonite cutim aduri, si materia venenata præsens sit, narrat Michaël Mercatus; idèò ad hanc vtilitatem percipiendam, eum annuli palæ perforatæ inserunt, vt accedente veneno cutis calefieri possit: Calidum igitur Virtute lapidem hunc nemo negârit: Bufonitis tamen solo contactu, ictas à venenatis bestijs partes liberari asserit Lævinus Lemnius, adèò vt, quando ictibus Crabronum, Vespærum, Apum, & Araneæ, membra tumescunt, & inflammantur, lapide partibus admoto, non solum mitescat dolor, sed etiam tumores atque inflammationes dissipentur, ac penitus soluantur.

Dand. Hæc fortassis non insulsè explicare quis posset attendens (quod multi mirantur) qua ratione ex salitis carnibus felicius extrahatur Sal, si in aquâ falsâ, quàm si in dulci, macerentur: Sal videlicet sibi viam aperit, seque vnâ cum aquâ, cui iungitur, insi-

insinuat in carnem, cuius salis particulę dum aque coherescunt, à carne separantur: at aqua dulcis iungitur quidem sali, quem tangit, non tamen tantam vim penetrandi obtinet, sicut aqua salſa; quamvis & ipsa postquam est imbuta sale, quem ab extimis carnis salitę partibus abstraxit, aliquam nacta sit vim penetrandi. Haud dissimili ratione calida quędam possunt calorem euocare, & secum abducere; iungitur siquidem in Mixtis Sulphur cum Spiritibus, sunt enim principia inter se valdè cognata, vtpote agilia, & facilè dissipabilia, hoc tamen inter se differentia, quod Spiritus, volatici sunt, & sui iuris, semperque auolare nitentes, Sulphur verò paulo crassioris substantię non facilè auolat, si Spiritu destituatur. Si igitur in animali plures sulphureę particulę fiant inuicem propiores, atque incipiant collatis viribus paulo concitatiùs, quàm par sit, agitari, iam fit inflammatio ad membri dissolutionem vergens. Quare si medicamentum aptum non immodicè calidum apponatur, quod vim habeat penetrandi, & simul cum huius sulphureis, aut salinis, particulis etiam Spiritus in partem affectam penetrent, Spiritus à suo corpore misto separati, iamque sui iuris facti auolantes secum rapiunt aliquas sulphureas particulas, ex quarum copiâ oriebatur inflammatio, &, quā data porta, reliquę paulatim subsequuntur, vrgentibus potissimùm particulis mixti frigidis, quę depulso hostilium igniculorum manipulo pares esse incipiunt hosti repellendo, seque suā virtute elasticā constringentes motum cohibent igniculorum, quos complectuntur, adeo vt tumor subsidat, & sensim inflammatio extinguatur. Hinc huiusmodi calida medicamenta dicuntur *Per accidens* refrigerare, quia calorem minuunt, quamvis nihil frigidum intillunt.

Maur. Equidem de hac re non magnopere pugno: quia tamen horum, quę aduersus inflammationes adhibentur, medicamentorum temperatio calida ea est, vt cum igniculis coniunctas habeant particulas aliquas suapte naturā frigidas, non negarem in ipsius mixti dissolutione, particulis omnibus agitatis, etiam frigidas aliquas permistim cum calidis peruadere posse in locum inflammatum, ibique suas vires exercere, vbi deponuntur à Spiritibus auolantibus. Vrtica (quę Gręcis *Acalephe* rectè dicitur, quasi non commodum tactum præbens, est enim obsita duris & acutissimis spiculis vt Microscopio deprehenditur, secundum longitudinem

dinem perforatis, atque enascentibus ex vesiculâ acri humore plenâ, quæ dum tactu comprimitur, humor per fistulam spiculi exprimitur, in vulnus à spiculo inflitum, vnde pruritus molestia oritur, & pustula concitatur) in cibis cocta tam multas, vt Phisici scribunt, affert vtilitates, vt non nisi inter calidas herbas recensenda sit; eius tamen succus arterijs illitus febrium ardores compescit, si Mizaldo memorab. cent. 2. num. 63. credimus. An idè tantùm, quia vrticæ igniculi aperiant arteriarum oscula, per quæ accensæ decurrentis sanguinis sulphureæ particulæ exiliant, & feruor minuatur? An potius, quia ex vrticæ succo in arterias influant cum Spiritibus particulæ aliquæ (fortassis etiam salinæ) quæ effrenatam sulphuris accensi ferociam compescant? Particulas huiusmodi fortassè Salinas dixi, quia sal quidem calidus est, non autem inflammabilis, immò particulas sulphureas implexu suo detinens, & ab eruptione prohibens, inflammationi resistit, atque eorum, quæ ardent, flammam minuit: ac propterea, cum Vrticæ tertius caloris gradus assignetur, eiusque sulphureis particulis tribuenda non sit vis compescendi flammam in sanguine excitatam, abundare Sale dicenda est: Cuius rei non obscurum argumentum esse potest, quod, si aqua, in qua fuerint decoctæ vrticæ, aut ex earum cineribus lixiuium, nocturno hyemis frigori exponatur, vt gelascat, ipsa glacies apparet conformata in ramos & folia vrticæ.

Si quis verò tam subitam salium traiectionem ægrè recipiat, ego Spiritus Frigidus facillè concederem. Quemadmodum enim tria Calida principia suâ sponte se commouentia & agitantia in mixtis agnoscimus Spiritum, Sulphur, & Salem (calidis principijs Salem annumerandum ipsæ Diuinæ literæ docent, vbi Deuteron. 29. 23. dicitur Deus affligere terram, *Sulphure*, & *Salis ardore comburens*) Primum quidem celerrimæ mobilitatis volaticum, & volubilem, Tertium fixum & stabilem, particulas inter se arctè cohærentes habentem, si reliquorum consortio destituatur; in permixtione tamen (præterquàm si cum terrâ solâ commisceatur) vnâ cum Spiritu & Sulphure permeantem per corpus vniuersum, materiam variè exagitando, Secundum verò Mediæ cuiusdam naturæ, & paulò crassioris consistentiæ, quàm Spiritus. Ita quoque tria suapte naturâ quiescentia, nec nisi externo impulsu commota, non incongruè statuere possumus. Vnum quidem

dem crassum & ponderosum, quod omnium maximè resistit impulsui, & difficilè agitur, quod demum in corporum dissolutione remanet quasi inutile pondus, & Terram dicimus; ubi enim vi ignis ascenderint Spiritus, & Phlegma, & Sulphureæ particulae, atque ex foecibus in calcem redactis extractus fuerit Sal, remanet terra, quam *Terram damnatam* appellare Chymistis placuit, quippè quæ, cœteris libertatem nactis, nequit discedere. Alterum est Aqua, commotionem quidem non habens in suâ potestate positam, ut vltro agitur, faciliùs tamen, quàm Terra cedit impellenti, aut secum rapienti, eamque, utpote tenuiorum partium, fusque deque permiscenti. Tria illa Calida, Spiritum, Sulphur, & Salem, Motus Originem sibi insitam habentia, Principia Actiua aptè vocamus: Terram & Aquam, quæ per se ipsæ ac suâ sponte non mouentur, sed illorum incursionè atque incitatione agitantur ad consentientem coagmentationem, Principia Passiua dicere possumus. His tertium Principium Passiuum addendum existimo, partium subtilissimarum aquæ tenuitatem longè superantium, vi quidem suâ non procliuuium in motum, facillimè tamen agitabilem vel leuissimo impulsu (neque hoc absonum, nam & terreos puluisculos exiguo flatu excitari, dissipari, rapi, diuque per aëra agitari videmus) propterea, ut ab inani vocum nouitate abstineam, Spiritus Frigidus voco, *Spiritus*, quia subtilissimi sunt, *Frigidos*, quia virtute elasticâ se contrahentes vim habent alias particulas constringendi, atque impediendi, ne dissipentur, & auolent. Quemadmodum verò Spirituum Calidorum exuperantia efficere potest, ut in mixti dissolutione Sales suapte naturâ fixi fiant volatiles, hos enim illi carcerem dedignati, auolantes secum rapiunt; ita pariter Spirituum huiusmodi Frigidorum copia figere potest ac firmare, aut saltem retardare particulas alias cœteroqui in motum pronas, seque incitaturas, primum quidem Salem, deinde Sulphur, demum Spiritum, prout multitudine & virtute antecellunt. Liceat ne mihi apud amicos (nam, ut aliquando aiebat Cicero in Tusc. *Philosophia paucis contenta iudicibus, multitudinem consultò fugiens*) custoditam diu suspicionem proferre in lucem?

Gradon. Licet, sanè; neque enim hîc contentiosè agimus,

mus, vt præiudicatas sententias mordicûs tueamur, sed veritatis vestigia indagamus.

Maur. Linteum Spiritu vini imbutum si candelæ quis admo-
ueat, flammam erumpentem videbit, aliquando quidem inco-
lumi linteo, aliquando verò illo absumpto: si enim Spiritus non
fuerit phlegmate liberatus, intactum permanet linteum, quia
exardescantis Spiritûs vim eludit aqua, qua illud imbuitur; at
si Spiritus vini fuerit optimè rectificatus, linteum pariter incen-
ditur, nullo præsidio munitum aduersus ignem. Spiritus igitur
ad conflagrandum aptus, artis ministerio, ab aquæ naturâ separa-
tur. Illud autem est omnibus manifestum, quod Spiritus vini in
vase positus, si nullo appposito operculo vel lenissimo balnei ca-
lore sollicitaretur, prorsus in auras abiret dissipatus, aciem ocu-
lorum fugiens; at ab operculo coërcitus dum ascendit, in laticem
cogitur, & fluit. Cum itaque ex Chymicorum Canone, *Vitra*
quò altiora, ed meliora; sic enim una destillatio plus præstat, quàm
tres rectificationes, vt docet Beguinus Tyrocinij Chymici lib. 2.
cap. 1. can. 2. idè iubet, *Sint autem cucurbitæ vt plurimum alta*
duos cubitos; ad eam enim altitudinem non facilè attollitur phleg-
ma: Hinc mihi suborta est suspicio, in corporis dissolutione Spi-
ritus Calidos ascendere simul cum Spiritibus Frigidis, quò perti-
nere non potest ex tanto interuallo, tamque blando calore, neque
terra, neque aqueus vapor, & in illo operculi fastigio, maximè
remoto à subiecto caloris externi fomite, à Spiritibus Frigidis vi
suâ elasticâ se restituere conantibus, Spiritus Calidos in laticem
cogi: qui tamen latex, nisi in vase occluso, cohibetâ Spirituum
Calidorum explicatione, custodiatur, in auras solutus auo-
lat, vas inane relinquens. Quando autem Spiritus, specie fu-
mi aut nebule, prodeunt ex corpore, in Recipiente liquor ali-
quis aqueus apponitur, vt illi misceantur nebule expirantes
aut fumi, & concrecant: demum Spiritus à liquore sepa-
rantur.

Grad. Certè hyeme, quando tempestas maximè sicca lutum
comminuit in puluerem, nec aqueas expirationes aërem peruagari
vllum argumentum suadet, aspera arteria, quam exceperat, ani-
mam spiritu ductam à pulmonibus respirans ac reddens, per os &
nares fumum exhalare videtur: non nisi quia Spiritus Frigidi,
quibus refertus est aër, calidi halitûs ex ore, aut naribus erum-
pen-

pentis impulsu excipientes, statimque reluctantes vi suâ elasticâ halitum expansum constringunt, & quasi captiuum antè oculos sistunt. Spiritus huiusmodi frigidos in aëre agitados, sed naturâ suâ desides atque inertes, tandem corporibus actu frigidis adhærescere faciliè dixerim, vt marmori, metallo, chrystallo, & similibus; quemadmodum & puluisculi demum subsidunt, qui in corporibus scabris propter superficieî asperitatem latent, sed sub aspectum cadunt in maximè læuibus, cuiusmodi sunt specula, & mensæ ex lapide Lydio. Hinc difficile non fuerit explicare, cur marmora, etiam mediâ æstate, si tangantur, frigida appareant, quin opus sit ex marmoris ipsius naturâ aliquid auelli, quod in mânu tangente sensum frigoris efficiat; in illius enim poris licet exilibus recondi possunt vagi quidam Spiritus frigidi, qui à mânu calore excitantur, & peruenientes ad curem fibrillas neruorum vellicant. Immò velum illud, quo obducitur & infuscatur Lydius Lapis politus, aut etiam exudare videtur, si calens vola, non tamen madida, illi applicetur, quid aliud est, nisi exspiratio à manu in marmor emissâ, ibique à frigidis Spiritibus coacta? quia autem calidi Spiritus à manu immissi eluctantur, & quem secum aduexerant, halitum secum pariter rapiunt, sponte suâ dissipatur nubecula illa, atque suus marmori redditur nitor; nisi fortè puluisculis fuerat antè aspersum, ex quibus & ex halitu immisso commistum fuerit quasi tenue lutum; hoc enim faciliè non abit, nisi detergatur.

Dandi. Non quoslibet tamen Spiritus Frigidos, perinde vt nihil intersit, cui libet marmori indiscriminatim adhærescere concederem; sed quemadmodum non quarumlibet arborum, folijs adhæret ros, ille melleus, quem Manna dicimus, in quernis enim potissimum frondibus, obseruatur; ita ex vniuersâ Spirituum Frigidorum aërem peruagantium turbâ, alios alijs corporibus, pro diuersâ tum Spirituum, tum corporum naturâ, insidere existimarem. Siquidem ex Ophite (marmor est Serpentum in morem maculis distinctum) parantur globi, qui à febrientibus contrectati ardorem mulcere perhibentur, atque pestilentiam arcere, & affectiones illas, in quibus exanthemata apparere consueuerunt. Cum igitur id peculiare sit Ophiti, nec cœteris quibusque marmoribus commune, etiam diuersam Spirituum Frigidorum Ophiti adhérentium naturam statuere oportet.

Maur. Spiritibus Frigidis, æquè ac Calidis, alijs aliam esse naturam, ac proinde aliam magnitudinem, aliam figuram, non est negandum: Corporum autem mistorum, duriorum præsertim, pori, pro variâ Salsum, Sulphuris, & Terræ temperatione, nec æqualiter patent, nec similiter conformantur. Ex quo fit neque quoslibet spiritus, siue pauci sint, siue plures congesti, quibuslibet poris congruere posse, vt inde vel ipso ætæis motu non exturbentur, sed procul à calore ibi quieti resideant. Propterea etiam contingere potest, vt certi quidam spiritus frigidi certo corpori adhærescant peculiaris efficacitatis, maximè si ex corpore ipso, cui adhærent, aliæ expirationes prodeuntes collatis viribus agant. Quamuis enim (vt ab Ophite non recedam) non resolui vllam ipsius marmoris particulam, ex manûs febrientis calore, existimem, relinquitur tamen ambigendi locus, an intrâ ipsius marmoris interiores poros delitescant aliquæ permissionis reliquæ, atque Spiritus, quos diximus, Abundantes, qui erumpere valeant excitati acri illo manûs calore. Quapropter ex vno aliquo effectu decerni non semper potest, vtrum corpus aliquod sit Virtute Calidum, an Virtute Frigidum: sed plura attendenda sunt. Et vt aliquid exempli causâ proferam; apud Antonium Mizaldum Memorab. centur. 1. num. 2. 1. aliquando hæc legi: *Ranarum cor, & maximè fluuiatilium, febricitantibus spinæ adalligatum febrilem algores minuit. Sunt qui cordis regioni etiam admoueant ad mitigandos causonum æstus & incendia.* Ecce ab eodem corde ranæ minuitur frigus pariter atque calor. Si alterutrum effectum singillatim duò Philosophi considerent, alter cordi ranæ calorem tribuet, quippe in algidâ febrî opitulatur, alter frigidum pronuntiabit, cum æstuanti febrientis cordi succurrat incendium minuens: Vtrumque simul consideranti, atque inuicem comparanti, apparebit calidum, immittendo quippe igniculos, quando spinæ adalligatur, in nervos, spirituum motum iuuat, ne extremæ membrorum partes inalgescant, aut ne tam validè totum corpus horrore correptum intremiscat; nam & *allij nucleolus ante accessionem quartanæ comessus calorem mouet, qui, Celfo auctore, horrorem non admittit*, vt idem scribit centur. 1. num. 44. Cordis autem regioni applicatum igniculos ipse ingerens aperit exitum interiori sulphuri accenso, quo expirante cor minùs exæstuat. Tunc verò non multum hæsitantes respondere poterimus calidam

virtutem corpori alicui inesse, si effectus non nisi à calore, hoc est à Spiritibus calidis, originem ducere potest. Sic quoniam quartanâ laborantium sanguinem ita vitiatum existimare possumus, quemadmodum vinum coacescens (propterea adhibitis remedijs vtri- que incommodo ægrè subuenitur, difficillimè enim & quartana depellitur, & vinum deponit acorem) videlicet spiritibus multis destitutum, ijs autem, qui reliqui fuerunt siue in sanguine, siue in aceto, fixis cum sale vtriusque liquoris: ideò opus est exaltatum salem deprimere, additâ congruente spirituum copia & virtute, qui Salem volaticum efficiendo, sanguinem aut vinum suę restituant integritati. Quapropter Virtute Calidos nemo temerè pronunciauerit Lapides in Caymani prægrandis lacerti ventriculo ortos, fluuiorum calculis similes, quos Indi & Hispani ad exterminandam febrem quartanam temporibus febrientis alligant. Ex huiusmodi nimirum lapide excitati spiritus prodeunt, qui arteriam penetrantes sanguini decurrenti subinde commiscuntur, illiusque particulas agitando demum sanguineos spiritus à salium captiuitate liberant, ipsasque salinas particulas interiecti disiungunt, & suppeditatis ex meliùs concocto alimento nouis spiritibus, sanguinis dulcedo redintegratur, ac demum quartana depellitur.

Grad. Amico quartanâ laboranti succurrere libentiùs tentarem huiusmodi lapide, quàm Cantharidibus telæ aranearum inuolutis, à quibus quartanario suspensis eum perfectè liberari tradunt aliqui apud Mizaldum, quem nuper laudasti, cent. 3. num. 24. vim etenim illius lapidis testati sunt iteratis experimentis Indi atque Hispani; cum verò & apud nos non infrequentes reperiantur cantharides, & aranearum telis abundemus, mirum valde est à nemine, quod sciam, tentatum adhuc isthuc remedium; experiri autem nolo, quod me assequi posse diffidam, præsertim cum ex altera parte non vacet periculi suspitione venenatis vti, cuiusmodi esse cantharides notum est, *quoniam ipsæ venena sunt potæ*, vt loquitur Plinius lib. 29. cap. 4. & confirmatur exemplo Caij, qui *accusante L. Crasso cantharidas sumpsisse dicitur*, quemadmodum scripsit Cicero ad Pætum Epist. lib. 9: ideò *Theodorus Lyfimacho mortem minitanti, Magnum verò, inquit, effecisti, si cantharidis vim consecutus es*, teste eodem Cicerone in Tuscul. Ex altera verò parte telas aranearum astringendi facultate præditas esse argumento est,

est, quod ancillulæ, si quando fallente cultro leuiusculum vulnus digito insigunt, telas aranearum imponunt, vt sanguinem sistant. Calidis annumerandas esse Cantharidas docet earum vsus in Vescicatorijs; Frigidis fortasse aranearum telas indicat vis astringendi: an autem hæc duo ita inter se congruant, vt ex cantharidibus erumpentes igniculi, secumque ex telis aranearum, quas permeant, frigidos spiritus abripietes temperentur in calorem aptum ad exaltandos in arteriâ, cui applicantur, sanguineos spiritus, adeoque ad profligandam quartanam, affirmare non ausim.

Dand. Haud dubium, quin diuersorum corporum Spiritus complicati se inuicem temperare valeant ad certum aliquem effectum: neque solum quando naturæ sunt oppositæ, vt si calida frigidis misceantur; infractis enim & concisis vtrinque viribus igniculi tardius mouentur, & spiritus frigidi languidiùs stringunt; verum etiam quando ad idem genus pertinent, vt si ad curandam fistulam emplastrum componatur ex auripigmento, calce, sulphure, & sapone, iuxta peruulgatum Scholæ Salernitanæ decretum, *Auripigmento Sulphur miscerememento, His decet apponi calcem, coniuge saponi. Quatuor hæc misce; commissis quatuor istis Fistula curatur, quater ex his si repleatur.* Satis autem manifestum est hæc omnia inter calida recenseri; quia tamen non æqua vis omnibus inest, nimia enim vis erodendi esset Auripigmenti aut solitariè, aut vnâ cum Sulphure accepti (ab his duobus siquidem additis omnia metalla præter aurum consumuntur) calx verò & sapo non satis essent ad viciatam fistulæ materiam exterminandam; ideò simul permiscentur, vt ex variâ salium atque spirituum complexione temperentur vires medicamenti, & qui igniculi suapte naturâ remissiùs agitentur, ab acrioribus atque vehementioribus incitentur, hi verò illos tardiores impellendo aliquid de suo impetu & motu deperdant, mitiusque agant morbosam quidem materiam absumendo, non tamen carnem adhuc integram exulcerando. Nam si, vt obseruauit Palladius de re rustica lib. 2. tit. 16. de nuce iuglande, *Nuces seruantur cepis mistæ, quibus hanc vicissitudinem reddunt, vt eis acredinem tollant;* multo magis Spirituum & aliarum particularum commutatio intercedit inter ea, quæ comminuuntur, vt misceantur.

Maur. Neque mirum, si plurium complexio vires singulorum

moderetur; quandoquidem eiusdem corporis misti facultas, quatenus ex calore pendet, aliquando acrior, aliquando languidior apparet. Certè Chalcitidis acrimonia tanta est, vt carnem vrat, & escharam inducat, idè inter venena, quæ viscera erodendo interimunt, collocatur; combusta tamen mitescit, atque à Galeno lib. 4. de Compos. medic. sec. gen. cap. 5. enumeratur inter alia, *quæ ignem non experta, acria sunt; combusta, moderata; lota post combustionem, lenia, mordacitatisque expertia sunt*: quia scilicet combustionem partes aliquæ sulphureæ absumuntur, & spiritus vnâ cum sale volatili saltem ex parte auolant; lauatioue verò adhuc non exiguam sulphuris cum sale coniuncti partem secum rapit aqua saltem dissoluens. Quamuis autem (vt notauit Dioscorides lib. 5. cap. 78. vbi de Calchanto, Chalcitide, Misy, Sory, & Melanteriâ egit) communiter, quæ vstionem experta non sunt, perustis validiora esse existimandum sit, tamen aliqua sunt, vt Sal, Vini fæx, Nitrum, Calx, & similia, quæ cruda remissiora sunt, combusta autem viribus efficaciora redduntur: idè nimirum quod, præter sulphureas particulas in vstione immixtas, vi ignis comburentis separantur partes aliquæ potissimum aqueæ, quibus vis silium infirmabatur; absumpto autem humore aqueo, sales validius exerunt suam acrimoniam. Quanta sit vis salis ab humore aqueo sciuncti, patet, si lixiuium, ex quo sapo niger coquitur, excipias sartagine, & excoquas non ad omnimodam siccitatem, sed vsque eò, dum materia humore absumpto spissior facta crassitudinem contrahat, & vbi refrixerit, concreseat in lapidem, qui in tesseris scindi potest; atque loco sicco seruandus est in vitro clauso, ne humidus aër sales concretos liquefaciat. Hic autem lapis vini habet erodendi breui temporis spatio, & citrà dolorem inurit cauterium: id quod lixiuium illud omnino præstare nquiret.

Dand. Quam inieciimus calidorum aliquot medicamentorum mentionem, scrupulum mihi obijcit, qui alicui fortasse non nihil facesset negotij: Multa enim etiamsi calida sint, cuiusmodi est Chalcitis, Cadmia fornacum, sal, quo in cibis vtimur, & similia, de quorum calore non dubitatur, pollent facultate astringendi, vt vnâ mente, vnaque voce, Medici docent: At calor dilatat potius, frigus verò constringit; astrictio autem videtur esse impedimento calori, hoc est igniculorum agitationi. An, quia,

cum

tum mixta omnia non ex igniculis tantum, verum etiam ex frigidis particulis siue terreis, siue aqueis coagmententur, igniculi, quibus in corpore supra mediocritatem calido vis maior inest, penetrantes secum aduehunt frigidas aliquas certæ cuiuspiam naturæ particulas, quæ faciliè coherentes cum animalis particulis, quibus applicantur, demum suam astringendi vim exercent, ubi auolauerint igniculi?

Maur. Sed etiam insuper, quia igniculos superuacaneum humorem suâ agitatione comminuentes, & exturbantes, secumque rapientes, consequitur siccitas; & quæ interiecto humore intentæ erant carnearum fibrarum, se contrahunt, humore vel in auras abeunte, vel cum terreis aut salinis cataplasmatum particulis commisto. Fibrarum autem contractione coniunctâ cum humoris expiratione, aut expressione, extenuari molem corporis, eiusque particulas constringi, & quidem vi caloris, non ea solum manifestum faciunt, quæ succo cæteroqui plena torrentur in clybano, aut Solis ardoribus exposita arefcunt; sed etiam fructus aliqui ex arbore decerpti, quos in umbrâ sponte suâ sensim arefcere, quin putrescant, videmus: & sanè relictum super mensam citrum post aliquot menses ita aridum inueni, & mole diminutum (vt nihil de grauitate insigniter extenuatâ dicam) vt vix esset prioris magnitudinis suboctuplum; valde conspicuâ fibrarum contractionem.

Grad. Sol quidem admonet inueniendum esse huius dissertationis exitum: sed quia inter ea, quæ cruda remissiora sunt, combusta efficaciora redduntur, cum Dioscoride calcem quoquæ enumerasti, Maurocene, superioribus autem diebus, cum de Ignis grauitate disputarem, allatum à Dandulo memini experimentum, quo calcem viuam recentissimam, iterum in catino vehementi igni expositam, auctam fuisse pondere non contemnendo deprehensum est; quod ponderis incrementum non nisi immixtis igniculis tribuendum videbatur; Calcis combustæ efficacitas maior adscribenda erit immixtis igniculis. Ex hoc verò dubitare quis possit, an calcis viuæ, cui aqua affunditur, calor oriatur pariter ex fornacis igniculis, qui lapidis meatus occupauerint, cum ille in calcem excoqueretur, non autem ex sulphure ingenito ipsi lapidi; cum tamen non nihil intersit, ex quo lapide calx fiat, vt ædificiorum soliditati consulatur: id quod ex sulphureis particulis

plurimum pendere existimo. Habent Romani, ut nōstis, arenæ loco puluerem, quem Puteolanum (fortasse quia extrahitur è puteis in Arenariam descendantibus) vocant; hic calci permistus tenacissimè copulat tophos, lateres, & saxa, insignem duritiem acquirens. Id miratus Belga nescio quis artis Spagyricæ non ignarus, ut ex Viro fide digno accepi, dissoluit puluerem illum in sua principia, & certam sulphuris portionem arenæ permistam deprehendit. Quare in patriam redux carbonem fossilem (sulphure procul dubio redundantem) comminutum, iuxta obseruatam Rationem, arenæ permisceri iussit optimo euentu, quem animo destinauerat. Hinc inferre licet validiorem calcem, si arena minimè sulphurea sit, & cœtera omnia sint paria, abundare maiori sulphuris copiâ, pro lapidis melioris naturâ, ac proinde calcis calorem non omnino tribuendum igniculis in fornace conceptis.

Maur. Quod ad maiorem calcis viuæ iterum combustæ efficacitatem attinet, non videtur admodum difficile explicatu: vbi scilicet calx è fornace exempta refrixerit, utpote maximè sicca, facilè vnitur humido vaporì, quo refertus est aër, præsertim quia Sali nullo negotio coniungitur aqua; lapides autem ex sale potissimum & terrâ coagmentatos negare nemo potest. Quapropter si calx viuâ humorem huiusmodi aqueum combiberit, vtiq; Salis diluti acrimonia retunditur: Nouâ igitur combustionē dissipatur vapor aqueus, & Salinæ particulæ vim suam obtinent integram, quam exercere non potuissent antè vstionem. Non diffiteor tamen etiam sulphureas aliquas & salinas particulas, immò etiam Spiritus ex Ignis materiâ exeuntes, addi in combustionē: Nam lateres nouos quantumuis frigidos si in vas aquâ plenum immerferis, non solum bullas excitabit aqua (id quod fortasse aëri poris incluso tribui posset) sed etiam incalescet, aut saltem intepescet, id verò non nisi igniculis adhuc reliquis ex fornacis incendio est adscribendum. Simile quid lapidi in calcem excocto contigisse arbitror: cum enim ita compacta sit lapidis materia, ut vehementi fornacis igne non dissipetur, quemadmodum cum ardent ligna, & ea, quorum rara est textura, adeoque, licet humor lapidis elementa connectens expirauerit, maneat adhuc eadem lapidis figura particulis vix cohærentibus (nam friabilis est calx) plurimæ sulphureæ & salinæ particulæ in fornace conce-

ptæ (quidni etiam aliqui coniuncti cum Sulphure Spiritus?) adhuc hærent in calceis refrigeratæ cauernulis, & aliquæ etiam amico quodam fœdere adhærent sali lapidis. Affusâ igitur aquâ liquefcit sal; tunc non ipse solùm, sed etiam sulphuræ lapidis calcarij particulæ, vnâ cum sulphureis particulis ab igne ingestis, quibus non est proximè & immediatè cum aquâ commercium (sicut nec Sali cum Spiritibus) solutæ omni vinculo agitantur, atque seipsas & reliquas calceis particulas commouendo efficiunt, vt calx intumescat, & vehementiùs ab illis exagitatus humor abeat in fumum, qui si congruo Recipiente excipiat, cogitur in liquorem subdulcem; sale nimirum factò volatili ex Sulphuris atque Spirituum Sulphuri coniunctorum consortio. Hinc si calx iteratis vicibus lauetur, ita sale omnem in aquâ deponit, vt demum puluis remaneat acrimoniæ penitus expers, qui tutò adhiberi possit, vbi opus fuerit multis mitigationibus lenire medicamenta. Quod si aquæ loco, aut aquei humoris, oleum calci affundas, non excitatur calor, neque fumus, quia oleo sal non liquefcit: atque adèò sulphuræ particulæ non liberantur vinculo, quo tenebantur, sed potiùs obstructis tenaciter poris impediuntur, ne simul congregentur, & agitentur. Calcem sanè admirandum esse Naturæ opus, negari non potest, & vt obseruauit S. Augustinus lib. 21. de Ciui. Dei cap. 4. si de aliquo lapide in India ea narrarentur, quæ in calce quotidie videmus, vix fortasse fidem adhiberemus, & ferè pro miraculo haberemus; sed lapis calcarius, vt ille quidem loquitur, *occultissimè ab igne ignem concipit; Cumque iam gleba tangentibus frigida sit, tam latenter ignem seruat, vt nulli nostrosensui prorsus appareat; sed compertus experimento, etiam dum non apparet, sciatur esse sopitus*: Ex quibus S. Doctoris verbis non parùm confirmari videntur, quæ de igniculis sopitis atque excitatis diximus.

Verùm, antequam inuicem digrediamur, vnum adhuc mihi videtur non prætereundum per dissimulantiam; quod, vt verum fatear, mecum ipse tacitus miratus sum à vobis hætenus intactum relinqui: nisi fortè idcirco, quia hîc Naturæ scrutatores agimus, non mysteriorum interpretes, alienam à nostro instituto disputationem existimâstis. Quia tamen Philosophiam ita Diuinæ scientiæ ancillari oportet, vt ne quid Catholicæ Fidei effatis, vel per umbram, minùs consonum videri possit ijs, qui minùs attentè

nostram philosophandi methodum perpenderint, vbi de Accidentibus differimus; ideo operæ pretium censeo, quæ à me huius dissertationis initio, atque in præcedenti, indicata sunt, ita dilucidè ac distinctè exponere, vt nulli calumniæ sint obnoxia.

Grad. Quorsum tua tendat dubitatio, mihi videor satis perspicere. An putas ita perperam à nobis, aut ab alijs intelligenda esse, quæ dixisti, vt illa demum cum Eucharistico mysterio non satis coherere deprehendantur?

Maur. Rem acu, vt aiunt, tetigisti. Hoc illud est, quod me anxium habere posset: mallem scilicet in Philosophiâ planè cæcus haberi, quàm nimis oculatus in Fide: hoc enim uerò esset miserè cœcutire. Diximus multa corpora immixtis extrinsecus igniculis incalescere; multorum ingenitos igniculos excitari in motum, atque caloris sensum in tangente efficere: Quidni pariter (dixerit aliquis) saporum sensus à Salibus linguæ & palati neruos vellicantibus seu ferientibus, colorum sensus à Sulphuribus immixtam lucem temperantibus ac repercutientibus, oriri dicatur? Hinc verbar, ne quis absurdam nobis sententiam impingeret, quasimitteremus post Sacra Verba adhuc aliquam panis aut vini substantiam manere, cum sapor & color idem permaneat, atque cœtera omnia, quæ sensum mouentia, panis aut vini speciem ingerunt.

Grad. Suborta est mihi quidem aliquando hæc eadem dubitatio; sed vix leuiter animum aduertebam. Cum enim Theologum quendam, nec sanè imperitum, semel audierim perpudentem à Patribus in Synodo coactis non vsurpari Accidentium vocabulum, ne fortè Catholicum dogma videretur peculiari cuiquam Philosophorum Sectæ alligatum, sed tantum doceri, manentibus duntaxat speciebus, panis & vini substantiam conuerti in Corpus & Sanguinem Christi Domini; non admodum interesse putabam, quam demum ratione Accidentis notio explicaretur, modò, manentibus ijs, quæ panis aut vini speciem ingerunt sensibus, nullam ibi esse panis aut vini substantiam fateamur, sed integrum Christum Dominum. Si intactis armis, sago, & baltheo, fulmine ictus periret cataphractus miles, quis eadem insignia sibi nota cernens non sibi persuaderet militem adhuc hære in statione? cum tamen vacua essent arma. Simili igitur quadam ratione, si quis existimet ea, quæ sensus nostros mouent, ita quidem na-

turaliter connecti cum panis aut vini naturâ, vt tamen ad panis aut vini substantiam constituendam nullatenus pertineant; quamuis illa essent corpuscula non apta, vt per se sic complicata subsistant seiuncta à corpusculis panis aut vini naturam constituentibus, possent Diuinâ virtute contineri in illâ eadem complexione, qua panis aut vini speciem præferrent, quin tamen panis aut vini natura cum ijs permaneret.

Maur. An particulæ naturam panis aut vini constituentes aded inertes sunt, vt nullum sensum mouere valeant? nullus Sali sapor, nullus sulphuri odor aut color, nullus Spiritibus calor? nemo id facillè admittat. Quorsum igitur corpuscula illa sensus nostros mouentia, neque tamen ad panis aut vini naturam constituendam pertinentia, si ipsi naturæ vis inest, qua sensum moueat? Quod si cum panis aut vini substantiâ simul periret vis illa mouendorum sensuum Sali, Sulphuri, atque Spiritibus insita; non satis intelligo, quomodo post Sacra Verba mancant species panis aut vini immutatæ: hæc scilicet vis ingenita substantiæ coniunctim cum illis, quæ adstruis, corpusculis sensum mouens, causam vnâ componit, quæ vtique validiùs feriat, aut vellicet neruos, quàm, cum corpuscula illa solitaria remanent, hac pereunte. Quapropter facultates illas mouendorum sensuum (quas aut Colorum, aut Saporum, aut Odorum, aut Caloris, aut Frigoris, cœterorumque eiusmodi, vocabulis indigitamus, vocum compendio vten-tes) ita cum naturis, quibus tanquam proprietates conueniunt, connexas statuo, vt nullâ vi naturali auelli queant, sed perpetuò illis cohæreant, quamuis ex aliorum corpusculorum alijs facultatibus (intrâ idem genus) præditorum admittance, earum efficacia temperetur. Cœterum illas easdem facultates, seu qualitates, Diuinâ vi separari posse à naturis ipsis, atque separatas conseruari, nullus ambigo. Quamuis enim hanc qualitatum à naturâ disunctionem nullo Pnyfico experimento valeat Philosophia probare, neque vnquam absque corpusculorum immittance, aut expiratione fiat vlla naturalis qualitatum mutatio; illas tamen facultates à substantiâ, non mentis opificio, sed re ipsa distingui, satis est, si Fides doceat: neque enim Physicis ratiocinationibus fas est Diuina metiri. Et quemadmodum Naturæ Vnitatem cum Hypostaseon Trinitate cohærere, naturalis ratio Fidei lumine destituta non assequitur, ita nil mirum, si hæc, de qua sermo est,

qualitatum à naturâ distinctio non nisi ex Fidei dogmate innotescat. Neque igitur Catholicum dogma quicquam officit nostræ philosophandi methodo; neque Physicæ, quas consecretamur, rationes quicquam detrahunt Fidei effatis, si à corpusculis sola Diuina vis separare valeat qualitates illis cœteroqui perpetuò affixas, neque vlla naturali virtute perituras.

DISSERTATIO SEPTIMA.

Quomodo Ignis accendatur.

MAur. Quamuis me nihil dicturum expectatione vestrâ dignum pro certo habeam, obsequi tamen voluntati vestræ, & meam fidem demum liberare necesse est, explicando, qua ratione contingat Ignem excitari; & ardere, quin vlla gignatur natura, seu substantia, quemadmodum iam constituimus. Et quidem quæ de Calore heri & nudius tertius disputauimus, satis indicare possunt, quid de exarsione dicendum sit; si enim, dum comburitur lignum, nulla natura gignitur, sed lignum destruitur propter exuperantiam caloris, illud vnum examinandum superest, quomodo ligni compages dissoluatur, ut ignescat. Verum ne quid progredientem disputationem remoretur, hoc mihi concessum velim, ea in corpore misto inesse, in quæ proximè & immediatè dissolui potest.

Grad. Res mihi semper visa est non in opinione dubia, sed ante oculos posita, vnumquodque corpus ex iisdem partibus coagmentari, in quas postmodum resoluetur, vbi primùm, siuè Naturæ vitio, siue Artis industriâ, corrumpetur: adeò ut, quemadmodum disiectæ domûs rudera contemplans, si lateres, saxa, marmora, cæmenta, calcem aquâ sabuloque subactam, tegulas, ligna, & huiusmodi deprehendam, non dubito asserere, ex his iisdem domum fuisse constructam, & vicissim ruituram domum in hæc dissoluendam, si ex his viderim illam ædificari; ita pariter, quas in particulas dirimi distrahique corpus obseruamus, absquæ cunctatione affirmem ex naturis illis constatum fuisse corpus.

Dand. Neque mihi videtur relictus vllus à vobis dissentienti locus: cui enim causæ tribuerem virtutem nunc primùm efficiendi

aut aquam inspidam, aut spiritum, aut oleum, aut salem, aut tincturam, quæ à Chymistis igne ritè administrato, ex corporibus mistis extrahuntur? Accenditur sulphur sub vitreâ campanâ fumum ascendentem excipiente, & ex orâ vitri stillat guttatim in subiectam patinam oleum sulphuris. Quis illud gignit? si non inerat Sulphuri natura illa, quæ Sulphuris spiritus est; quamvis per Catachresim Oleum dicatur. Si quem ex crumenâ nummos aureos (& quidem potiùs quàm argenteos) omni præstigiarum & fallaciarum suspicione remotâ, educentem videro, quidni, absque vllâ temeritatis notâ, illico pronunciem in crumenâ aureos nummos fuisse? Neque quantiscunque argumentationibus mihi persuaderi vnquam posse puto, vinum in vuis, aut oleum in maturis oliuæ baccis non esse, sed à calcantium in torculari rusticorum pedibus vinum, & à trapete oleum gigni: licèt enim non diffitear succum illum tunc demum vini aut olei vocabulo donari, cum fuerit expressus in fluidum liquorem (quia non est in folliculo quasi in vase, vt in vtre, aut dolio, sed tanquam pars vuam constituens, aut oleam) illius tamen liquoris particule omnes educte sunt ex vuis, aut ex oleis. Simili ratione, quas in naturas abit corpus mistum, cum primùm eius textura soluitur, ex ipsdem illud coaluisse libens, volensque concedo: nec tamen vel leui coniecturâ ducor ad suspicandum me à formâ veritatis abesse. An autem in primas simplicesque naturas, permistionis prorsus expertes, dissolutio corporum fiat, hoc enūnerò illud est, de quo subdubito.

Maur. Non nihil fanè hoc habet dubitationis; quantumvis enim ars conetur id, quod vtile est, ab inutili dirimere, hoc vnum præstare valet, quod alienæ particule quam paucissimæ immiscèantur, ita, vt facilè contemnendæ sint, cum iuxta propositum scopum nihil afferant incommodi. Coëterùm omnino sinceram naturam aliquam simplicem exhibiturum se esse spondeat nemo prudens & peritus artifex. Ex Spiritu vini (quamvis optimè rectificato ita, vt totus deflagret) si, illum Sali Tartari affundendo, artificiosè separetur Sal volatilis vini & Sulphur, remanet aqua inspida, & quidem eâ copiâ, vt ex librâ vnâ Spiritus vini, vix semidrachma concretorum Spirituum, hoc est pars quæ sit ad totum vt 1, ad 256 (vt obseruârunt peritissimi artifices, quibus libra est vnciarum 16) habeatur.

Grad. Quid verò obesse possit illa omnem sensum fugiens alienarum particularum permixtio? Vt simplicium naturarum genera innotescant, satis est, si, quæ naturæ ob particularum exilitatem & paucitatem delitescunt intrâ aliam quampiam naturam, aliquando auctæ, & multiplicatæ, conspicuæ fiant. Quod enim pauxillum argenti in cupri massâ inuoluatur, non continuò argenti notitia sublata est, siquidem & argentum exhibetur, cui exigua aliqua cupri particula permiscetur. Sic quoquè in corporibus mistis & Phlegma reperiri & Spiritum comperimus, licèt nec sincerum sit phlegma omni Spiritu vacuum, nec planissimè defæcatus sit Spiritus ab omni vel tenuissimâ phlegmatis guttulâ, aut Sale volatili, liber. Impendere fortasse posset inter nos contentio de simplicium naturarum numero, si suas in partes vniuersum genus tribuatur: in hesternâ scilicet dissertatione visus es, Maurocene, sex statuere principia, tria Actiua Spiritum, Sulphur, & Salem, tria Passiua Terram, Aquam, & Spiritum Frigidum: quibus procul dubio Elementi notio congrueret, cum ex illis Mixtum coalescat: quatuor autem tantummodo Elementa omnes agnoscunt.

Maur. Si Corporis Misti & Elementorum notiones à rebus ipsis mentis opificio abstrahamus, & metaphysicè, vt aiunt, consideremus, vtique Elementi genus primum quadruplex differentia partitur: Aliæ nimirum particule reliquas naturas agitant, seque cum illis confundunt, & permiscunt; Aliæ permixtas apprehendunt, & coërcent, ne diffluant: Aliæ faciles se præbent ad coëundum cum reliquis; Aliæ se cum illis commisceri, aut ab illis contineri, ægrè patiuntur. Hinc non nisi quatuor complexiones oriri possunt; quæ enim naturæ suâ mobilitate alias permiscunt, hæc quidem facili, illæ autem difficulter miscuntur; Ecce duas species: quæ verò naturæ vim habent reliquas continendi, ipsæ pariter duas in species distribuuntur, quarum altera complectitur eas, quæ facili, altera eas, quæ difficulter cum reliquis miscuntur, & cohererent. Verùm nisi res ad Physicam trutinam reuocetur, nil dare possumus præter vocabula: Quapropter ad Artem confugendum est, quæ mixtas naturas dissoluens, ad simpliciorum naturarum notitiam nos deducit. Simpliciorum, inquam, hoc est, minus permixtionis habentium, non verò simplicissimarum nihil prorsus compositionis admittentium; cum enim illæ Artis labori fines terminosque.

nosque constituent, satis esse possunt Physicæ contemplationi. Idcirco tria Principia Actiua & Calida Salem, Sulphur, atque Spiritum, tria Passiua & Frigida Terram, Aquam, atque Spiritum Frigidum admittenda esse existimo. Et quidem ex vino generoso, si per octiduum digeratur in vasis circulatorijs, quinque illa priora (quoad maximam partem) separatim haberi possunt. Nam si refrigerato vase, in quo facta est digestio, effundatur vinum in cucurbitas altas, quibus impositi sint alembici rostrati, rimis omnibus accuratè obstructis, per balneum Maris elicietur primùm Spiritus: deinde mutato Recipiente, & vrgente calore habebitur Phlegma, vsque dum deueniatur ad similem melli liquido crassitiem. Tum per Retortam, seruatis ignis gradibus, destillatæ fæces dabunt oleum pingue. Demum ex Capite Mortuo habebitur Sal affuso phlegmate, digerendo, filtrando, & coagulando. Et obtento Sale, si phlegma, quod fortasse residuum fuerit in Capite Mortuo, abstraxeris, Terra remanebit. At Spiritum Frigidum exhibere spectabilem separatum à Spiritu Calido nulla ars potest, siquidem Spiritus Calidus ob admissionem Spiritus Frigidi cogitur in liquorem, alioquin in auras abiens, nisi fortè cum humore aqueo iungeretur, se oculis subduceret. Cœterùm Spiritus Frigidus esse aliquos manifestum videtur, & quando penetrabile frigus adurit, & quando cadens aliquandiu aqua ex fontis fistulâ super phialam aquæ eiusdem plenam eam ita refrigerat, vt multo frigidior sit, quàm aqua ipsius fontis, è quo desumpta fuit: neque enim aqua, aut terra penetrat in corpus, quod frigescit: est igitur alia tenuior natura, quam Spiritum Frigidum voco.

Dand. Nisi illa aquæ refrigeratio contingeret ex immissis per vasis poros ab aquâ cadente tenuissimis particulis, quibus referta, quæ vase continetur, aqua vim concipit excitandi acriorem frigoris sensum, vix intelligi potest, quomodo cadentis aquæ frigus, æquè lene ac remissum cum frigore aquæ in phialam inclusæ, gignere valeat qualitatem magis intensam; quandoquidem huiusmodi virtute prædita non esset illa eadem aqua quiescens; quas enim frigefaciendi vires adderet motus ille? Fatendum est igitur frigidas particulas (quibus, quia frigida sunt, vltro commoueri non conuenit, quemadmodum calidis) ex impetu cadentis aquæ ingeri in vasis poros adeò, vt alijs atque alijs vrgentibus, demum
ad

ad aquam ipsam vase contentam deueniant: impulsus quoque, quo aqua cadens percutit phialam, iuuat ad aliquos saltem eiusdem phialæ poros dilatandos. Quantum autem ad insinuandas particulas iuuat liquoris cadentis motus, testantur Medicorum Embrochæ, siue sit continuata irrigatio proluendo membrum liquore ex vasculo proboscide inclinatâ, siue sit stillicidium guttatim decidente liquore ex gutturnio; Porro idem contingit, si phiala quiescat, & moueatur aqua, ac si intrâ aquam stagnantem moueatur phiala: id quod optimè nôrunt Benaci lacûs accolæ, qui cœnaturi scapham ingredientes, lagenas vino plenas scaphæ adalligatas pendere sinunt intrâ aquam, & remigibus scapham agentibus, vinum refrigeratur: tunc enim pariter aqua mouetur, & tenuissimæ particulæ aqueo latici permixtæ Spiritûs naturam subtilitate æmulantes penetrant per vasis poros in vinum.

Grad. Ac ne hoc quidem mihi videtur silentio prætereundum, quod multa habemus citrà controuersiam, & omnium consensu, Virtute Frigida iuxta varios gradus frigoris, quod re ipsa vim suam exercens in actum deducitur: vis autem illa frigefaciendi nec Terræ damnatę, nec Phlegmati insipido tribuenda est, sed particulis multo tenuioribus & Pneumaticis, quæ leni calore facilè separantur. Quod si ex huiusmodi corporibus stillati humores igne admoto ferueant, omni suâ facultate destituuntur, Spiritibus nimirum frigidis abreptis à Calore; ideoque faciliùs mucorem contrahunt, atque putrescunt, quàm communis aqua decocta.

Maur. Constituto hoc Principiorum Physicorum numero, quorum nomina ex quadam analogiâ mutuamur ab ijs, quæ oculis subiecta sunt (neque enim Salis aut Sulphuris Communis proprietates omnes conueniunt cuicunque Sali, aut Sulphuri,) obseruandum est Spiritum quidem Sulphuri, quasi cognatæ naturæ, promptè cohærere, at non ita facilè Sali commisceri; videmus nimirum Salem, aut Saccharum, iniectum Spiritui vini rite liberato ab omni phlegmate, ægrè dissolui, Spiritum autem, dum ex vino extillatur, secum trahere plurimas sulphureas particulas, quæ flammam concipere possunt; nam vt notauit Beguinus lib. 3. Tyrocinij Chym. cap. 2. *quod inter Spiritum & Phlegma destillatur, aqua ardens est*; primùm scilicet exeunt Spiri-

Spiritus Abundantes, deinde alij Spiritus (nam vinum dissoluitur) secum rapiunt sulphureas particulas, quas indicat ipse odor non ingratus. Similiter spiritus, si careat sulphure, aquæ facillimè miscetur, sed & facillimè auolat; si verò admistum habeat sulphur, & aqua communis iniiciatur, aliquando turbatur liquor, & præcipitatur Sulphur; siquidem pingua & oleosa non miscentur aquæ, nisi fortè imbuta sint Sale (ideò cum exhibendum est in liquore oleum ex herbis aut aromatibus, ne supernatet, misceri cum pauxillo sacchari albissimi iubent Medici, & saccharum, vbi oleum combiberit, dissolui in liquore) Sal enim dum in aquâ soluitur, cum eadem commiscet sulphureas particulas sibi coniunctas: quemadmodum vicissim Sulphur medium inter Salem atque Spiritum illos coniungit, cum vtrique adhæreat, vt indicant aliqua (cuiusmodi est Terebinthina) ex quibus quod primum extillatur oleum limpidum, ob Sulphur cum Spiritu mixtum, est grati odoris, quod verò posterius, ob Salem cum Sulphure commixtum, foetorem redolet. Demum Salem Terræ arctè coniungi, argumento est cinis; & lapides atque metalla produnt, quàm tenaci vinculo cohæreant Terra, Sal, & Sulphur; cuius rei experimentum non vulgare sumere licet ex Cohobatione, si ex metallo aliquo Spiritus acidus eductus super Caput Mortuum contritum affundatur: namque in Capitis mortui meatus plures vi ignis apertos liquor ille salinus ita se insinuat, & illum terra arctè complectitur, vt si eliciendus iterum fuerit Spiritus acidus, multò vehementiori igne opus sit.

Grad. Verùm, vt exarSIONis initium vestigem, inter tria illa Principia, quæ Actiua vocas & Calida, cuinam præcipuus locus tribuendus sit, ambigo. Quamuis enim singulas species solâ generis communione cum alijs consentire facillè concedam, adeò vt Spiritus notio (quemadmodum & Salis, & Sulphuris) ad plures differentias pertineat, & alij alijs Spiritibus præstent virtute se ipsos & cœtera commouendi, atque idcirco alij alijs calidiores sint, acidem in Sulphuribus & Salibus contingat: dubitare tamen me posse video, Vtrum Spiritus, an Sales, in genere suo calidiores censendi sint. Quandoquidem, si Calor est virtus illa, quam diximus sese agitandi, & cœtera commouendi, longè celeriori agitatione cientur Spiritus naturâ suâ volatici, quàm Sales, qui non nisi ex Spirituum copiosè circumfluentium consortio

uap

vola-

volatiles fieri videntur, cum ab illis abripiantur: eâ ferè ratione, qua plumbeus globulus pluribus vesiculis inflatis, aut suberis corticis fragmentis connexus ex altissimâ aquâ emergit. Contra verò, si Aquæ Stygiæ, quæ sunt liquores salini, conferantur cum Spiritibus quibuscumque vehementioribus, longissimè acriores sunt, cum metallum erodant, ac soluant. Audiui sæpius commemorantes, in Sicilia hoc edulij genus aliquando parari; in ahenum, ubi excoquitur saccharum, immittunt Capum, aut lactentem porcellum, & (tanta vis est succi illius feruentis) post exiguam temporis moram extrahunt benè coctum, & conditum: hoc sanè tribuendum est Sali. Mihi autem spectanti ingens caldarium, in quod aquæ salis riuulum deriuabant, ut ope ignis in vaporem abeunte aquâ reliquus esset sal regionis illius ciuibus distribuendus, narrauit operarum præfectus, infelicis cuiusdam infortunium, qui dum circa supremum vasis labrum nescio quid pro suo munere incautiùs ageret, casu pedem in liquorem illum feruentem immisit, & illico abstracta est ab ossibus caro: id quod utique non præstitisset quilibet Spiritus etiam inflammatus. Ex quibus hoc probabiliter inferri potest, quod acrior sit Salium, quàm Spirituum calor.

Maur. Duplex mobilitas Principijs Calidis ingenita attendenda est: altera spectat positionem in sphaerâ elementari, prout iuxta suam quodque speciem leuitatem habet, aut grauitatem; altera respicit corporis misti compactionem. Primam non exercent ascendendo aut descendendo, nisi priùs extrà locum sibi debitum delata fuerint; sublatâ enim externâ vi, in locum suum contendunt rectâ, quoad fieri potest, viâ, ibique conualescunt: quapropter motus ille rectus in quietem naturæ debitam desinens non est absolutè & simpliciter naturalis, sed tantùm comparatè, & ex hypothesi; namque si per vim abstracta non fuissent à loco secundum naturam sibi constituto, neque ascendere, neque descendere conarentur. Altera mobilitas ad corporum temperationem instituta, non ad locum, aut ad medium circumstans refertur, sed tantummodo ad naturas, quas vnumquodque proximè attingit: si enim non fuerint specie dispares, sed eiusdem planè rationis, ut si fuerint Sales ad speciem eandem vltimam pertinentes, non est cur se ad motum incitent, qua commotione inter sese commisceantur, nihil quippe emolumenti perciperetur, neque
quid

quid nouum confurgeret ex illâ permiffione particularum prorsus homogenearum, cum idem haberetur etiam, si omnes quiescerent: *Natura* autem, vt illam vocat Cicero lib.2. de Nat. *Consultrix & prouida utilitatum opportunitatumque omnium* nihil agit nisi cum vtilitate coniunctum, quia frustra & sinè causâ quid facere, sicut Deo dignum non est, ita abhorret à Naturæ (quæ vtrique nil aliud est præter Deum iuxta rerum exigentias operantem) prouidentia, qua omnia in mundo administrantur: ideo, vbi nulla sensibus obijciuntur motûs argumenta, neque menti vlla apparet motûs vtilitas, motum adstruere non debemus; quia, vt iterum cum Cicerone loquar lib.3. Offic. *Nihil tam est secundum Naturam, quàm vtilitas*. Sic obseruatum est ea, quæ omnino similes habent particulas, minimè fermentescere; ideo nec aquæ destillatæ, nec olea Chymica, nec Spiritus Vini, nec alij simplices huiusmodi liquores commouentur. Quod si proximæ fiant naturæ specie differentes, siue ad idem genus, siue ad plura genera pertineant, iam cum vtilitate aliquâ contingere potest permiffio, ex qua in tertiam aut inchoatam, aut perfectam naturam plures diuersæ particulæ temperentur: propterea tunc omnes mobilitatem suam exercentes se vicissim, & quas obuias habent motûs expertes particulas, atterunt, atque comminuunt, vt facilius minima commisceantur. Hinc si oleo Terebinthinæ inspergas in cyatho Spiritum vini defæcatissimum, innatabunt quidem olei guttulæ, sed quasi æstro agitate discurrent per superficiem Spiritûs vini; vtrique enim vis caloris inest; id quod non contingit, si aquæ fontanæ oleum illud inspergatur. Similiter si Nitro liquenti in crucibulo inijcias Sulphuris Communis particulam, hæc vi caloris dum soluitur, igniculos emittens nitri pinguedinem absumentes, huc illuc discurrit. Motus hic agitationis, quo Principia Calida se omnem in partem versant, simpliciter & absolutè naturalis dicendus est; naturæ quippe simplices ad mixta componenda iam tum ab ortu rerum destinatæ sunt: quamquam fieri non possit, vt singulæ careant omni resistentiâ; vel enim commouentur & luxantur Principia Passiua & Frigida, quæ motui moram inferunt, vel occurrunt alia Principia Actiua Calida diuersæ mobilitatis, & inæqualis aut oppositi motûs, adeoque se vicissim vrgent, aut repellunt. Hæc est celebris illa Elementorum discordia concors, & concordia discors, qua gene-

re disiunctæ, & motu dissidentes naturæ consentiunt ad formanda & fingenda corpora.

Huiusmodi mobilitas naturarum Calidarum (quæ ob idipsum solum quia calidæ sunt, per se quidem non habent definitam aliquam regionem aut positionem) nullam peculiarem habet affinitatem cum gravitate potius, quàm cum leuitate, sed illi cum vtralibet æquè conuenit: Nam Sali & Sulphuri gravitas inesse videtur, Spiritibus verò, saltem aliquibus, fortasse leuitas tribui potest, si cum Sale & Sulphure comparentur, aut cum Terrâ & Aquâ: propterea, dum commistio perficitur, accidere potest graues naturas sursum pelli, leues deorsum reflecti, motuque composito particulas agitari; id quod maximè confert ad illas exquisitiùs confundendas. Cœterùm quando naturas aliquas volatiles dicimus, hoc est vi caloris externi separabiles, nec permanentes, vt fixæ, non continuò illas etiam leues statuimus; fieri enim potest, vt à corpore euolent, quia, cum celerissimæ mobilitatis sint, neque valeant omnes pro suâ ingenitâ vi agitari intrâ corporis angustias, aliquas erumpere necesse est. Quemadmodum si in aulâ hominibus refertâ omnes inuaderet subita quedam libido huc illuc velociter excurrendi, fieri non posset, quin plures, quâ data porta, erumperent, vt pauciores vacuâ in aulâ se iactarent; nam etiamsi neminem illorum teneret cupiditas eundendi in atrium, illis tamen incumberet exeundi necessitas, si concepto vehementi discurrendi studio satisfactum vellent. Simili ferè ratione, si corpus Spiritibus turgescens, cuiusmodi est vinum generosum, aggrediatur proximi ignis calor, soluto cum alijs particulis vinculo, sollicitati in motum spiritus agitari nequeunt omnes intrâ spatium, quo priùs continebantur, atque adeò, dum plures simul conantur moueri, aliqui erumpant ex illis angustijs necesse est; cumque ij, qui reliqui sunt, sublato saltem ex parte impedimento valeant celerius agitari, semper maius spatium exigunt, ac proinde alij subinde spiritus partim extruduntur, partim suâ agitatione se ex illis angustijs proripiunt: in aërem autem liberum venientes dum illum agitant, etiamsi suo pte nutu sursum non ferantur, ab agitato aëre ob suam tenuitatem abripiuntur sursum, deorsum, vtrò citroque commeantes, sicut terrenis puluisculis accidere passim obseruamus. Hinc Sales aliquos naturâ suâ volatiles esse censeo, tametsi graues, quatenus præ ijs, quos, quia ignem susti-

sustinent, & in cineribus relinquuntur, Sales Fixos dicimus, & mole tenuiores sunt, & motu concitatiores; ideoque ignem & calorem non sustinent, sed auolant, & calcinatione discutiuntur, atque euanescent. Ex quo fit posse huiusmodi Sales, dum igne stimulantur agitantur, sponte erumpere ex corpore, atque à simul exstantibus Spiritibus deferri longius, quàm insita Salibus grauitas coeteroqui pateretur. Agitari autem Sales Volatiles suapte naturâ, illud indicat, quod si cum sanguine è venis educto permisceatur Sal Volatilis, fluidus permanet sanguis, neque concrescit, vt multiplex docuit experimentum. An quia, dum Sal ille in omnes partes agitur, non sinit particulas sanguinis quiescere, vt concrecant? Certè in venis sanguinem fluere, nec coagulari, sapientiores tribuunt tenuissimo halitui, vi cuius sanguineæ particulæ incitantur; cohærescunt verò, vbi halitus ille expirauerit. Porro *ex sanguine adhuc calente exhalare vaporem quendam, qui linguam palatumque acri, ac propè salsâ mordacitate perstringit*, testatur Thomas Cornelius progymn. 7. & addit, *Quin salsilago hæc manifestò se prodit in sanguine intrâ viui, & palpitantis etiam tum cordis conceptacula contento; quæ mox euanescent, concretum sanguinem gustatui dulciorem reddit.* Huiusmodi verò halitum, ex quo sapor habetur, quis neget esse Salem Volatilem? His Volatilibus Salibus refertus est aër, quibus non paucorum effectuum origo tribuenda est, & virtute soluendi præditi sunt, in ijs maximè, quæ diuturno tritu dissoluantur.

Iam verò quod ad vim ipsam caloris attinet, maior ne Spiritibus? an salibus? insideat; in tantâ Spirituum & Salium varietate, aliquid quasi definitum aut certum asserere, temeritatis notâ fortasse non careat; quid enim, si languidiore Spiritus cum acerrimis Salibus, aut vicissim mitissimi Sales cum vehementissimis Spiritibus comparentur? An idèò tantum, quia pars generi Spiritûs aut Salis subiecta est, natura quæpiam pollet virtute maiore commouendi reliquas naturas? Celeres sunt, fateor, Spirituum motus, tardi Salium; illis mira gracilitas facilem in tenuissimos poros aditum præbet, hos prohibet paulo crassior moles: Sed, si validiore impetu tardi Sales, quàm celeres Spiritus impellant obuias particulas, nonne hæ à Salibus faciliùs, quàm à Spiritibus dissipantur? Certè si in quiescentem nauim celerrimè acta scapha

incurrat, multò leuiorem ictum infligit, quàm oneraria lento motu delata: & postea validius quatit aries non admodum velociter commotus, quàm globus velocissimè excussus à balistâ. Quapropter si genus vniuersum spectetur, Spiritibus magis promptam & expeditam calefaciendi virtutem, Salibus validiorem efficacitatem tribuendam esse censerem.

Dand. Haud dubium, quin Sales multâ caloris vi sint præditi. In calce qualibet plurimum inesse Salis, nemo negare potest: Sale igitur abundat etiam calx Coralliorum: nam ex Plinio lib. 36. cap. 19. multum ignis incst Coralio: Sed si huic calci affundatur Spiritus vini, calx hinc redditur acerrima, atque instar ignis vrens; non nisi, quia Sal volatilis Spiritûs vini iunctus cum sulphure, se cum illo Sale fixo vnit.

Grad. Coralio vis caustica faciliè tribuenda est, siquidem, vt haud ita pridem legi apud Fournier Hydrographiæ lib. 4. cap. 27, cum primum ex aquis eximitur, molle est (quamuis Gorgonia dictum sit, quia ex aquis exemptum protinus in duritiem lapideam conuertitur, quemadmodum illi, qui Gorgonas aspexerunt) &, si digitis prematur, ex illo exprimitur albus succus lacti ficuum simillimus, qui est valdè causticus, & aliquid solidum tangens est velut semen coralij. Ex quo video mirum non esse, si quando ostreorum testis innatos coralij ramusculos obseruamus; fieri enim potuit, vt agitatum fluctibus ostreum incurrerit in coralij fruticem, & expressus (qua saltem anni tempestate succo illo spermatico corallium abundat) ex fracto ramo humor adhaferit testæ. Si igitur Sali diluto & permisto cum aqueo humore, hoc est succo illi, vis vrendi conuenit, multò magis coralio in calcem redacto, cui incrementum virium addiderit Spiritus vini.

Dand. Quis præterea non obstupescat facultatem adeò causticam in Oleo, quod fuerit ex Calchanto, seu Vitriolo, destillatum? Quòd gustatum feriat linguam non secus, ac si ferro candente illa tangeretur, ideoque à Chirurgis in vlceribus putridis & deploratis, atque in præsciindendis cancris ac membris corruptis adhibeatur, non multum habet admirabilitatis; sed, quod lignum huiusmodi oleo immisum perinde, atque si in igne conflagraret, fumum emittat, hoc enim uerò non caret admiratione. Oleum autem hoc rubicundum, & acerrimum, illud est, quod in Retortâ demum remanet, postquam, omni phlegmate abstracto,

cto, extillauit Spiritus Vitrioli clarus & albus. Neque cuiquam dubium esse potest, an pars illa residua in Retortâ sit maximè salina; quandoquidem priùs ex Spiritu rectificando abstractum est per Balneum phlegma vsque eò, dum acidæ guttæ defluere inciperent, tum acidus liquor, utique salinus, inditus est in Retortam, vt Vitrioli Spiritus clarus & albus eliciatur ex illo: id verò, quod remanet, separatis scëcibus terreis, ad salis naturam pertinet, quamuis Olei nomine donetur. Hoc Oleo lapidis Turchesiacutim exedunt aliqui, vt subiectus color appareat elegantior, quando iam extimus color euauit. Quid? quod olea, partes scilicet pingues, quæ extrahuntur ex herbis, & floribus siccis, ex seminibus, ex aromatibus, non sinè salis ope educuntur, cuius congrua mensura illis additur, vt longiore, aut breuiore digestionem dissoluat Mixti particulas, & destillatione eliciatur aqua & oleum, quod deinde separatur. Hinc satis innotescere videtur salis efficacia in dissoluendis corporibus; ideoque & calci, & cineri quæ inest propria virtus caloris, non nisi Sali potissimum tribuenda est, cum reliqua fuerint ab igne absumpta: πάντα γὰρ ὅσα πεύρωται, vt cum Aristotele loquar lib. 2. Meteor. cap. 3. ad med. ἔχει δυνάμει θερμότητα ἐν αὐτοῖς. ὁρᾶν δ' ἔξῃσι καὶ τὴν κοινὰν καὶ τὴν τέφραν. Omnia enim quæcumque ignita fuerunt, habent potentiâ calorem in seipsis: videre autem licet. & calcem & cinerem.

Maur. Petenda est igitur exarsionis explicatio non aliundè, quàm ex naturis illis, quæ in conflagrante corpore insident, & igniculos appellauimus, quadam vocabuli communione, siue Sales sint, siue Sulphureæ particule, siue Spiritus. Cum autem exarsionem omnem efficiat exuperantia caloris corpus absumentis, calorem verò, siue lenis, siue acer ille sit, incitationem igniculorum siue blandam, siue vehementem, esse olim constituerimus, manifestum est exardescere non posse corpus aliquod, quin eius igniculi vehementi concitatione agitentur: pro suâ igitur quisque naturâ dum commouetur, corporis coagmentationem solui necesse est, vt ignescat..

Grad. At quærenti, Vtrùm in ligneo huius cubiculi laqueari prorsus integro & incolumi insit ignis, si inesse respondeam, non tamen ardere, nonne ignem ab ardore seiungens pugnantia loqui videbor, & vulgo risum mouebo? si negem, continuò

vrgeor , vt nouam naturam gigni admittam , si quando ardeat.

Maur. Similes in angustias conijcere Paulum quendam, altiora mysteria nimis curiosè scrutantem, tentauit S. Isidorus Pelusiota lib. 1. epist. 100. *Ignis ille; ait, à quo artes scaturiunt, non modò à ferro, & ære, ac lapidibus, sed etiam ab aquis, & lignis, naturæ vi exilit. Hoc ergo miraculum mihi expone: ligno ne insitus est? quin igitur illum absumit? At non insitus est: quoniam igitur modo ex eo creatur? Cum igitur ignis, sine quo nihil pendè, quod alicuius pretij sit, homines machinantur (nam & frigori succurrit, & tenebras propulsat, & ad omnem artem ac scientiam adiumento est) nemo explicare queat, quonam pacto in lignis quidem delitescit, nec tamen ea absumit, cum autem foras profilierit, materias eas, ex quibus procreatus est, absumit; desine, quæso, ea perscrutari, quæ nec comprehendi possunt, &c.* Multa sunt, fateor, in Naturâ per se quidem admirabilia, sed quia assiduitate quotidianâ, & consuetudine oculorum assuescunt animi, mirari desinimus. Huiusmodi est in corporibus mistis contrariarum naturarum complexio, quæ suas inuicem vires retundunt, tranquillamque pacem tandiu trahunt, dum nexu permanente coherent; sed tumultus oritur, vbi primùm natura aliqua dominationem, aut libertatem affectat. Ignis igitur, si substantiam ipsam spectemus, ligno est insitus, feruida quidem natura, sed, quandiu incolume est lignum, nondum feruens. Quia verò ignis non est nostris vsibus aptus, nisi ferueat, atque Ignis nomine audito vulgus illicò intelligit Ignem hunc ministratorium, qui sine ardore non est; idcirco cum vulgaris hic ignis ad ligni naturam constituendam non pertineat, sed illam potius corrumpat, in ligno non insidere ignem dicimus: tunc autem solùm igne corripi, quando insita ligno substantia feruida feruere incipit. Neque magis pugnantia loquitur affirmans Ignem non semper ardere, quàm si dixerit naturam mobilitate præditam, nonnisi amoto impedimento, commoueri. Quapropter quæcunque conflagrant, non alio igne (quasi naturâ recens genitâ) exardescunt præter eum, quem in visceribus fouebant; à quo tamen non absumebantur, quia nondum concepto feruore agita batur, sed inductis in permissione compedibus, aliarum naturarum complexione detinebatur, ac feruidam naturam proderet.

Grad. Quis ergo illum vindicat in libertatem?

Maur. Non vna est ignis accendendi forma : aliquando enim materia admoto extrinsecus igne ignem concipit , vt quotidie experimur ; aliquando intus inclusum periculum est , & sponte suâ materia exardescit , vt fœno non satis exiccato contingit : aliquando verò vehementi tritu elicitur ignis , ex quo non rarò pro ratione corporis ortum habet eiusdem corporis , aliqua saltem ex parte , conflagratio .

Grad. Ignem è silice excutere inuenit Pyrodes Cilicis filius , si Plinio lib.8. cap.56. credimus , eundem asseruare in ferulâ , Prometheus . Pastoribus autem tam vtile inuentum attribuit Ouidius lib.4. Fast. *cum saxis pastores saxa feribant , Scintillam subito profiluisse ferunt . Prima quidem perijt , stipulis excepta secunda est ; Hoc argumentum flamma Palilis habet .* Sed non ardet filex , quantæcunque excutiantur scintillæ : cum tamen ex lignorum tritu accendatur aut vtrumque , aut alterum . *Ignis Vesta* , vt ait Festus Pompeius lib.9. *siquando interlinctus esset , Virgines verberibus afficiebantur à Pontifice , quibus mos erat tabulam felicitatis materiae tandiu terebrare , quousque exceptum ignem cribro anco Virgo in adem ferret .* Cuiusmodi verò esset lignum illud terebrandum , non commemorat Festus , quia fortasse definitum non fuerat , modò esset felix materia , hoc est , utilis & opportuna . Neque enim ex quolibet ligno indiscriminatim ignem tritu elicere possumus , sed aliquæ arbores ad hoc potissimum aptæ sunt & accommodatæ , quibus scilicet vis caloris inest . Hinc Plinius lib.16. cap.40. scripsit calidas esse arbores , morum , laurum , hederam , & omnes , è quibus igniaria fiunt . *Exploratorum* , inquit , *hoc usus in castris , pastorumque reperit , quoniam ad excutiendum ignem non semper lapidis occasio est . Teritur ergo lignum ligno , ignemque concipis attritu , excipiente materiâ aridi fomitibus , fungi , vel foliorum , facillimè conceptum . Sed nihil bederâ præstantius , quæ teratur lauro , laurumque terat .*

Dand. His adde (quoniam exoticis nostratia confirmari libenter audis , Gradonice) Brasiliensium morem eliciendi ignem ex lignis se vicissim terentibus : nam teste Guillelmo Pisone de medicina Brasil. lib.1. pag.5 : *è collisis lignis Caragua-âguacû , & Imbaiba aliisque ferulaceis plantis ibidem nascentibus , ignis luculentius , quàm ex concusso Silice , à Barbaris elicitur .* & lib.4. cap. 22.

pag. 72. *ex radice arboris Ambaiba ignem in desertis peregrinantes collidendo, aliisque artibus, egregie eliciunt.* Qua autem arte id præstent, describit Georgius Marcgrau. in *Histor. rer. nat. Brasil.* lib. 3. cap. 1. pag. 92. *Ex Ambaiba, inquit, ignem sine pyrite & chalybe ita eliciunt Brasilienses. Frustum ligni, aut potius radicis huius arboris sumunt exsiccatum; in eo faciunt foraminulum, huic immittunt bacillum fastigiatum ex duro aliquo ligno, & quasi terebrando circumagunt, pedibus frustum illud immotum detinentes, ac applicantes folia sicca arborum, seu gossypium: sic eliciunt ignem, prout libet.* Loquens verò lib. 2. cap. 8. de ligno Caraguatâ-guacû ait illud siccatum instar funiculi sulphurati ardere, atque ex eo ignem elici posse durior ligno applicato. Et apud eundem lib. 2. cap. 3. in Annotat. Io: de Laët ex Francisco Ximenez, *Achiot* (idem est cum Vrucu Brasiliensium) *est arbor mole, trunco, figuraque omnino Aurantia similis: materies spinosa & candida, quæ utilis est ad ignem eliciendum instar silicis confricando inter se.* Quantum autem frictus valeat, etiam si non sint ferulacea & exotica ligna, satis docet id, quod legimus in *Diario Nautico* Iacobi le Maire anno 1615. die 6. Decembris, sub altitudine Poli gr. 47. min. 25. ad latus Septentrionale Portus *Desire*; vbi hæc habentur: *Atque hic consultum iudicauimus aliquandiu subsistere, nec in apertum nos Oceanum dare, ne Maris aestu retroferremur, qui hic loci tantâ rapiditate in Austrum fertur, ut demissus funis anchorarius, veloci naui raptu, foraminis, per quod ruebat, latera marginesque accenderet, ut fumigans lignum aquâ restingui necesse esset.*

Maur. Hæc omnia, & multa huiusmodi, quæ possem facile congerere, nisi res esset extra omnem controuersiam experimentis plurimis testata, satis ostendunt, non aliunde, ignem petendum esse, à quo lignum accenditur, quàm ex ipso ligno, quod teritur; adeo vt præclare dixerit D. Gregorius Nazianzenus à S. Dorotheo laudatus serm. 10. ante med. *Ignis, materia factus & germem est, & ipsam materiam consumit, velut malitia malos perdit.* Neque enim audiendi sunt, qui in illo lignorum conflictu ita aërem confesi existimant, vt ex eo ignis gignatur, aëre scilicet in ignis naturam transeunte. Nam illa aëris in ignem conuersio non temerè, & nullâ ratione asserenda, sed validioribus argumentis stabilienda prius esset; siquidem durissimam glaciem si te-

rat ligneus bacillus, siue ex hederâ, siue ex lauro desumptus, utique aër non minùs comminuitur, quàm si lignum aliud siue laurum, siue hederam, idem bacillus tereret, nec tamen aër in ignis naturam transit.

Dand. Non quæcunque, delectu omni & discrimine remoto, incendi possunt; sed ut Aristoteles docet lib. 4. Meteor. summa 3. cap. 2. post med. ἔσι δὲ καυσά, ἔσα ἔχει πόρους δεκτικούς πυρός, καὶ ὑγρότητα ἐν τοῖς κατ' ἐνθυωρίαν πόροις ἀδενεστέραν πυρός. ὅσα δὲ ἢ μὴ ἔχει, ἢ ἰχυροτέραν, οἷον κρύσαλλος, καὶ τὰ σφόδρα χλωρά, ἀκαυσά. *sunt autem combustibilia, quaecunque habent meatus susceptibles ignis, & humiditatem in ijs, qui secundum directum, meatibus debiliorem igne: quaecunque autem aut non habent (poros capaces) aut fortiolem (humiditatem habent) velut glacies, & quæ valdè uiridia sunt, incombustibilia.*

Maur. Idèò sicca esse oportet ligna, ut ex eorum tritu accendi possit ignis: si etenim humore redundant, lentorem habent particulæ, & flexibilitatem, cum potiùs friabiles esse conueniat, ut in illo conflictu luxatione dissolui incipiat compages, tùm Spiritus vnâ cum Sulphure eluctantes Terræ permixtæ vincula, atque poros ligni peruagantes (quos utique humore non obstrui necesse est) suo impulsu concutiant obuias particulas, & coagmentatos in illis cum aquâ & terrâ igniculos ad defectionem sollicitent: ubi enim & Sulphureas particulas, & Spiritus, & Sales Volatiles plures libertatem nactos fuisse contigerit, collatis viribus proximas ligni partes impetunt, atque illas celerrimè commoti dissolunt: Qua in agitatione spatia ampliora quærentes profiliunt, & proximum fomitem, si quem repperint, corripunt. Citò autem in fomite propagatur, atque amplificatur ignis, quia materia arida est, & rara adèò, ut immissi igniculi facillimè per tam multos illius meatus excurrere, & plures subinde particulas sulphureas commouere, ac dissolvere valeant. Hinc fomite, stipulâ nimirum, folijs aridis, paleis, papyro, & similibus utimur ad accendenda sarmenta, atque his ad crassiora ligna comburenda, ut multi igniculi, potissimùm sulphurei atque spiritus, è fomite vno impetu erumpentes aggrediantur plures sarmentorum particulas, & in eorum meatus per vim se insinuent, ubi simili agitatione tumultuantes horum Sulphur, atque Spiritum, ac Salem volatilem impellunt, commouent, exagitant vsque eò, dum & isti in libertatem

vindicati ad interiora ligni proserpant pro suâ quisque mobilitate, & incendium promoueant. Sic apud Virgilium lib. 1. *Æneid.*.....
primum silicis scintillam excudit Achates, suscepitque ignem folijs, atque arida circum Nutrimenta dedit, rapuitque in fomite flammam.

Dand. Satis dilucidè explicata mihi videtur incensio ex tritu, eiusque propagatio in fomite & in materiâ, neque aliquid circa ignem nostrum vulgarem contingere videmus, cuius explicationem hinc petere nequeamus. Quamvis autem tuæ sententiæ fidem, & auctoritatem, & firmamentum adiungere meâ oratione non sit opus, si per vos licet, quid mihi antè aliquot annos à præsentî disputatione non alienum acciderit, exponam.

Maur. Auidissimè excipio, quæcunque ad me docendum, vel dedocendum, opportunitatis aliquid aut adiuventi habent.

Dand. Iusseram carbones in minutissimos pulvisculos contundi; tùm illis in acervum aggestis ardentem prunam admoui ita, vt proximæ carbonum particulæ extinctæ ignem aliquatenus conciperent; sed, amotâ prunâ, non serpebat ignis ad consequentes carbonum particulas depascentas, verùm extinguebatur. Carbonum pulveri immiscui ferè tantundem cerussæ comminutæ, & mixturæ color subobscurum cineris colorem æmulabatur. Admoui denuò candentem prunam; & mixtura adeò feliciter ignem concepit, atque servauit, vt diu durauerit, & nihil demum reliquum fuerit præter massulam subalbicantem ruditer concretam, quam proclive est existimare coaluisse ex cerussæ particulis vi caloris coëuntibus. Mirabantur autem, quicumque aderant, quid causæ fuerit, quare, cum neque pulvisculi carbonum, neque cerussa separatim arderent, permisti atque confusi arderent; neque enim videbant, cur ad gignendam (vt ipsi quidem opinabantur) ignis formam non satis esset carbo comminutus, qui integer easdem particulas effectrici causæ subministrâset opportunam materiam ad nouæ formæ ignis educationem: Nam de cerussâ ex plumbo vapore aceti genitâ facilè constabat, seorsim ineptam esse ad concipiendum ignem: quid verò hæc cum pulvisculis carbonum ruditer confusa tribuere posset, non satis intelligebant. Verùm si nihil gigni oporteat in exarsione, sed solum ab immixtis igniculis opus sit.

sit carbonum Sulphur atque Spiritum concitari in motum, adeoque particulas dissolui, res videtur carere difficultate. Si enim, ut superioribus diebus innuebam ex Aristotele Probl. sect. 23. quæst. 22. *vix illa eliquant, quæ faciliè transmeant, contra celerrimè dirimunt, quæ per vim se intrudunt*, id quoque in vñtione dicendum videtur, videlicet igniculis commotis exarsionem promoueri non posse, si illis pateat multo facilior exitus ad auolandum, quàm aditus in poros corporis comburendi, siue id ex meatuum angustia, siue ex igniculorum paucitate contingat: Fieri siquidem potest, ut amplior quidem sit exitus, quàm meatuum oscula, multitudo tamen, aut vehementia igniculorum sibi ipsa moram inferat, ne omnes simul erumpant, adeoque interea, dum in molliendâ eruptione momentum temporis teritur, igniculi aliqui se per vim in poros corporis angustiores intrudant, & compagem dissoluendo, corporis eiusdem igniculos ad similem commotionem proritent. Hinc quia singulorum puluisculorum pori exiliores sunt intercapedine, qua puluisculi ipsi disjunguntur, igniculi profluentes ex puluisculis illis, quos primùm proxima pruna incendit, cum pauci sint, facillimè permeant per huiusmodi interualla, quin subeant poros aliorum puluisculorum, qui propterea non accenduntur. Quando verò cerussa permixta est carbonum puluisculis, illa plumbeam adhuc naturam redolens, virtute igniculorum à candente prunâ transmissorum liquata complectitur puluisculos aliquot carbonum, adeò ut ab ardentibus iam puluisculis erumpentes igniculi, & in hos puluisculos, quos cerussæ liquatæ particula complectitur, incurrentes non valeant transmeare; ac propterea carbonum puluisculos incendant: ex quibus similiter exilientes igniculi alias subinde cerussæ particulas proximas eliquant, & eadem ratione carbonum comminutorum exarsionem propagant. Ignis autem amplificatus & facilius, & vberius peruagatur interiores acerui partes, nam carbonum plures puluisculos circumplexus illos incendit, & proximas cerussæ particulas eliquat.

Maur. Hoc tamen animaduertendum, interiores illas cauernulas non modò non semper obesse conflagrationi, sed etiam adiumento esse; cum enim in eas deuenerint tumultuantes igniculi, ibi se liberiùs explicant, ac celeriùs agitati inuadunt proximas particulas maiore impulsu, faciliùsque dissolutâ compage earum igniculos

culos dissipant, & incendium augent. Hinc ligna, cuiusmodi buxum & ebum esse omnes nōrunt, quorum flamina nimis spissa, & partes densè coagmentatæ, non adeò feliciter ardent, quia igniculi difficulter penetrant in interiores poros, nec illis in angustijs celeriter agitari possunt: ideo de Buxo loquens Plinius lib. 16. cap. 16. ait, *in igne quoquè duritia, quæ ferro, nec flammâ, nec carbone utili*. Contrà verò quæ tenui constant texturâ, ut minus habent salis fixi & terræ, ita Sulphure atque Spiritibus abundant, pro ratione corporis; propterea facilius conflagrunt, igniculis libere perreptantibus, ac celerius commotis.

Dand. Res est ita aperta & manifesta, ut exempla adiungere superuacaneum sit; illud tamen, quod de cauernulis aptissimè animaduertisti, videtur illustrari posse ijs, quæ de Iaracatiâ scripsit Guillelmus Piso de Medicina Brasil. lib. 4. cap. 63. pag. 100. *Trunco est, inquit, admodum spinoso, eoque rectissimo Iaracatia. Caudicis medulla est Sambuci medullâ facilè mollior; quæ scetâ arbore continuè exiccatur. abique in leuissimum puluerem, qui decidit; moxque ablato spinoso cortice relinquitur scapus concavus arundine leuior, miris cancellis quasi ex arte mirè fabricatus: qui si ab igne accendatur, flammam luculenter fouet, facisque loco nobis iter facientibus de nocte inseruiebat. Lignæ scilicet particule cancellatim positæ à peruagante flammâ corripuntur, cui spatium patet, in quo se explicet; ac dilatet. Sic aliquando à rusticis quibusdam obseruari nocturnum lumen in suo mapali, absque olei dispendio, nutrirî accenso super laterem frustulo ligneo vix nucem æquante, quod valdè claram emittebat flammam; & vno post non modicum tempus absumpto aliud substituebant: Cum autem interrogâsses, quid illud esset, accepi nil aliud esse quàm seruatos ex concisâ quercu nodos contusos, & optimè exiccatos: Ex illâ nimirum contusione factum est, ut partes disiungerentur, & absumpto humore aqueo relinquerentur inanitates, in quibus flamma pererrans conflagrationem promoueret. Subueor tamen, utrū fuerint illæ nodosæ ligni partes, an potius pilulæ, de quibus ait Plinius lib. 16. cap. 7. *Nascuntur in eo* (scilicet in Robore) *& pilulæ nucibus non absimiles, intus habentes foccos molles lucernarum luminibus aptos, nam & sine oleo flagent*. Sed quæcunque tandem fuerit materia illa, certè intersita habebat spatiola, in quibus flamma perreptare posset. Neque alia subest*

causa, cur sæpè sarmenta in falcem colligata solui iubemus atque laxari, vt citiùs vberior flamma exiliat, nisi vt erumpentium ex vno ligno igniculorum agitationi amplius spatium pateat, quò validiùs commoti irrumpant in proxima ligna.

Grad. Cum itaque illa facilè ignem concipiant, quæ patentibus poris excipiunt immisos igniculos, atque celerius conflagent, si dissoluti Spiritus vnâ cum Sulphure in omne corpus liberè permanere possint; ex contrario agrè ignem admittere dicenda erunt illa, quorum obstructi sunt pori, quamuis cæteroqui non sint ad exardescendum difficilia. Sic materiam visco illitam non ardere affirmat Theophrastus: & Plinius lib. 29. cap. 3. de ouorum gallinæ præstantiâ loquens ait, *Vis verò tanta est, vt lignum persusum ouo non ardeat, ac ne vestis quidem contacta aduratur*: in obstructos scilicet visco, aut oui albumine, poros non facilè se insinuat ignis. Sic pariter æqualibus partibus Aluminis & Ichtyocolæ cum aceto permistis siquid imbutum fuerit, non comburi dicitur. Huc fortasse spectat medicamentum (eo nomine, vt docet Caius Iureconsultus de Verborum significatione, omne continetur, quod adhibitum naturam eius, cui adhibitum est, mutat) quod mihi nescio quis aliquando præscripsit, ne literæ possint comburi. Accipe, aiebat, acetum acerrimum, & ouorum albumina; in quibus dilue, & coagita hydrargyrum; eaque miscellanè papyrum ter inunge, ac toties resicca: postea ibi scribe, quicquid visum fuerit, & in ignem proijce: videbis absque vllâ combustionem resilire. Hæc ille. Dubitanter tamen soli meatuum obstructioni hoc tribuerem, sed resilientis chartæ motus, quo exarsionem declinat, adscribendus potius videtur particulis Mercurij, & salibus ab aceto relictis in papyri poris.

Dand. Haud temerè suspicaris petendam esse causam à particularum poros obstructiui naturæ; nam si oleo imbuta fuisset charta, vtique pori fuissent oleo pleni, nec quicquam impedimenti attulisset conflagrationi; hydrargyrum verò neque albumen oui ea sunt, quæ ignescere possint: sed neque acetum, quod, vtpote acerrimum, salem valdè exaltatum continet, atque Spiritus ita à Sale comprehensos, vt quasi fixam naturam induerint: propterea sicut in destillatione aceti, vt omnibus acidis contingit, primum Phlegma, deinde Spiritus elicitur, ita quando charta aceto illo delibuta leni aëris calore resiccata est, in vaporem abiit pars aceti

aceti phlegmatica, & Sal reliquus fuit. Porro Sal inflammabilitati resistit, quatenus partes sulphureas detinet illis implexus, & prohibet, ne erumpant: igitur charta vnitus sal simul cum particulis hydrargyri & albuminis, efficere potest, ne charta ignem concipiat, sed potius vi hydrargyri in flatum abeuntis, ab igne resiliat. Non poteram satis mirari, quæ de herbâ nescio qua narrat Atlas Sinicus in Præfatione pag. 22. vbi de Tartaris Orientalibus loquitur. *Est herba quedam*, inquit (longè dissimilis Ariandis herbæ, quam ex Democrito refert Plinius lib. 24. cap. 17. *in Arianis gigni igneam colore, colligi cum Sol in Leone sit, huius tactu peruncta oleo ligna accendi*, excitatis fortasse ex olei contactu Spiritibus & Sulphure in herbâ existentibus, suaque agitatione oleum ipsum tenuiter ligno inductum, simulque cum eo ligni illiti particulas dissoluentibus) *quam supra lapides nasci aiunt: hæc incombustibilis est, tametsi in ignem iniecta diutissimè in eo hæserit: rubescit quidem, & ignescit aliquomodo; at educta ex igne quàm mox pristinam albedinem recuperat, nonnihil in cineritium colorem declinantem. Haud ita longè excresecit, sed instar cannabi breuioris fert capillitium, non tamen illi par est robore ac firmitate, sed longè citius frangitur. Aquæ imposta in lutum abit. statimque corrumpitur. Et paucis interiectis addit. Ex hac herbâ Tartari ellychnium concinnant perpetuum, quod nunquam emungendum est; sed cum sordibus concrecentibus oppletur aliquantum, tantum conijciendum in ignem, putresque illi adherentes fungi post usionem abstergendi, cum incorrupta igni illius perstet materia.* Verùm hæc paulo attentius perpendens coniecturâ ducor ad suspicandum herbam illam potissimum ex plurimo Sale fixo & terrâ compactam, cum exiguâ admistione Sulphuris Spirituum, & humoris, quorum nexum soluere non valet externus ignis, cui tantummodo datur igniculos immittere in particularum interualla, quemadmodum cum incandescit ferrum. Suadet enim plurimum Salem terræ iunctum in herbâ illâ statuere tum natale solum, quippe lapidibus, quibus innascitur, cognata est hæc materia; tum natiuus color subalbicans, quem igne amoto recuperat, hoc scilicet indicium est modici Sulphuris à terrâ & Sale arête comprehensi, ideoque nullum ab igne detrimentum passi: tum caulis minimum lentus aut flexilis, cum sit cannabi fragilior; tum maximè quòd in aquâ statim corrumpitur, & abit in lutum, Sale ni-

mirum in aquâ soluto, terra admista subsidit. Quod verò hinc el-lychnium perpetuum conficiatur, consequens est, cum pingua & oleosa salem non soluant, sicut aquea, flamma verò erumpens non tantæ sit efficacitatis, ut valeat arctum Salis & terræ complexum soluere: id quod fortasse Chymicus artifex in Retortâ, administratis ex artis præscripto caloris gradibus, obtineret.

Grad. Ista ne eadem est causa, cur Larix, ut scribit Vitruuius lib.2. cap.9. *flammam ex igni non recipit, nec ipse potest per se ardere, nisi (uti saxum in fornace ad calcem coquendam) alijs lignis uratur; nec tamen tunc flammam recipit, nec carbonem remittit, sed longo spatio tardè consumitur?* Nam grauitas ligni non innatantis aquæ Salem & terram in Larice abundare indicat, & meatuum obstructio, quos angustos implet resina, igniculis facilem ingressum atque progressum negat: ideò subdit Vitruuius, *Humore ex terreno est materia spissè solidata, & non habens spatia foraminum, quâ possit ignis penetrare, rejicitque eius vim, nec patitur ab eo sibi citò noceri; propterque pondus ab aquâ non sustinetur, sed cùm portatur, aut in nauibus, aut supra abiegnas rates collocatur.*

Dand. Non aliam equidem arbitror subesse causam, præter hanc, quod Salis fixi particulae terram arctè complexæ interclusas sulphuris particulas (quibus, atque humore resina plurimum constat) prohibent, ne faciliè pro suâ naturâ commoueri & agitari valeant ab ijs, qui primò immittuntur, igniculis: propterea isti irritò conatu irrumpentes in laricis lignum resiliunt, flammamque reflectunt, adeò ut hoc videatur flammæ dedignari, & velle à se discutere; quemadmodum facili experimento constare potest, & in illum Vitruuij locum obseruârunt Barbarus, & Philander. Cœterum ubi incurrens ignis iteratis impulsibus demum tot particulas abstraxit, ut iam Spiritus atque Sulphureæ Laricis particulae ab ingredientibus igniculis concitatæ spatium inueniant, in quo agitari possint, incipit lignum dissolui & ardere: quia tamen non profiliunt exardescentes particulae tam vehementi impetu, quantus ad flammam excitandam requiritur, & sensim calor sibi viam aperiens ad interiora serpit, idcirco larix lentè consumitur, contra quàm accidat abieti, quæ celeriter accenditur, quod, quæ inest in eo corpore raritas aeris patens, accipit ignem, & ita vehementem

sem. ex se mittit flammam, vt ibidem loquitur Vitruuius. Neque his, quæ de Larice ille scripsit, obstat, quòd ad excoquendas ferri venas larigni carbonis vsus sit tum in Valle Solis Tridentinæ ditionis, tum in Vallibus Brixienfibus Cammonicâ & Tropiâ: ibi enim in vstrinâ continuo flatu excitatur ignis, & accensi carbonēs (minus habentes humoris aquei, quàm integrum lignum) pluri-
mi proximi sunt: Vitruuius verò loquitur de Larice, quatenus lignum in structuris vtile est ad liberanda periculò ædificia ab traiectionibus incendiorum. Nimirum vbi in struem congesti sunt carbonēs, & follium flatu extimulatur ignis, non solum in vno carbone serpit ardor ex proprijs igniculis sponte suâ agitatis, sed etiam erumpentes repelluntur à flatu, & ad alias partes non accensas propelluntur, immò in illum eundem irrumpunt exilientes à proximis carbonibus alij igniculi: Ex quo fit, vt alacrius ardeant omnes mutuo quodam transmissorum igniculorum commercio, seque vicissim foueant; follium scilicet flatus dum erumpentibus è prunâ igniculis occurrit, illos repellit, & in interiores carbonis poros adigit, vt validius & citius dissoluant compagem. Propterea nil mirum, si larignis carbonibus vtantur in excoquendâ ferri venâ; cui sanè vtilis est copia salis, quo larix abundat: nam si salinæ particule in aquis stygijs metalla in minutissimas particulas soluunt, eadem cum flammâ permixtæ vim similem habebunt ad separandum ferrum à terrâ. At larignæ trabes aut tabulæ in ædificijs non ita sunt collocatæ, vt sibi inuicem, quemadmodum accensi carbonēs, igniculos transmittere possint, neque conceptum ab vna trabe ardorem flatus extimulat. Quod si flamma reliquam materiam corripuerit, nemini dubium est, quin & larigna materies sicca, & resinæ reliquijs abundans, accendatur: neque illam prorsus exarsionis expertem pronunciauit Vitruuius, sed solum *non pati ab igne sibi citò noceri*.

Grad. Non igitur commentitia tibi, sicut non paucis, videbitur narratio, qua ibi ille fidem dictis adiungere conatur; de turri antè portam castelli, quod vocabatur Larignum; ex hac materiâ alternis trabibus transuersis (vti pyra) inter se composita altè, vt possent de summo sudibus & lapidibus accedentes repellere. Cum enim Cæsar imperâsset fasciculos ex virgis alligatos, ac faces ardentes ad eam munitionem accedentes mittere, & celerimè milites congestissent, *postquam flamma circa illam materiam*

virgas comprehendisset, ad cælum sublata, effecit opinionem, ut videretur iam tota moles concidisse. Cum autem ea per se extincta esset, & requieta, turrisque intacta apparuisset, admirans Caesar iussit extra telorum missionem eos circumuallari. Cum enim simile vero videatur illos virgarum fasciculos non ita fuisse turri proximos, ut ab illâ nullo intervallo abessent, extra probabilitatem non erit materiæ aduersus ignem contumaci nullum importatum fuisse conspicuum detrimentum à flammâ in cælum subuolante, nec in ipsam vicinam turrim impulsâ à ventorum flatibus.

Dand. Non is ego sum, qui inter fabulas illicò censeam reijcienda, quæcunque præter consuetudinem eorum, quæ quotidie cernimus, aliquando contigisse narrantur. Si autem in mediâ flammâ ex virgis sub camino excitatâ larignam tabulam aliquandiu incolumem perstare videmus, quidni in patente campo sub dio à flammâ passus aliquot distante (neque enim fasciculos comportando accesserunt milites intrâ proximi teli iactum) non fuisse correptam turrim ex larignis trabibus compositam faciliè crediderim? si maximè, quo tempore hostes ignis materiam struebant, propugnatores, ut credere par est, affusâ largiter aquâ lignum aduersus ignis iniurias præmunierunt. Non ita promptè fidem adhibeo ijs, quæ de Ombriâ gemmâ narrata sunt Plinio non omnino credulum se præbenti, sed cautè scribenti lib. 37. cap. 10. *Ombria, sicut Ceraunia, & Brontia, cadere cum imbribus & fulminibus dicitur, eundemque effectum habere, quem Brontia, dicitur* (Brontiâ autem fulmine icta restingui putant, ut ibidem scribit) *præterea in aras additâ eâ, traditur libamenta non amburi.* Nisi enim istiusmodi gemma polleat virtute ignem extinguendi, aut illum ex omni parte dissipandi, ne libamenta contingat (modo absint præstigiæ, de quibus in antiquis Dæmonum sacris, nec verò temerè, suspicari licet) non video quid in libamentis ipsis præstare valeat, ne calorem nimium concipiant, & amburantur. Verba mihi dari libentiùs patior ab ijs, qui periculo facto testantur modicam telam, in qua Amethystus fuerit inuolutus, supra lucernæ flammam, vel supra prunas positam non comburi, nisi qua parte lapidem non tetigerit: fieri enim posse intelligo, ut vi caloris per telæ meatus irrupentis in lapidem particulas aliquas Amethystus illico emittat, quibus imbutâ filâ ignis viribus resistent,

stant, nec admittant igniculos. Sic non pauci putant deprehendi posse, an adulterina sit Ceraunia gemina; nam si genuina fuerit, filum ita illi applicatum, ut nullo duplicatum omnes illius partes tegat, ab ardentibus prunis non vritur, sed tantum madescit; excludente scilicet ex gemmâ, vi caloris, humore, qui filum inficiens arceat igniculos. Sic Droselitus lapis igni admotus sudorem emittit, ut scribit Isid. lib. 16. cap. 2. Hæc autem, ut vera fortasse non sint, à veri tamen similitudine non longissimè abesse videntur: quandoquidem plumbum igne liquefcere nemo ignorat, adeò ut in fornace additum alijs metallis eorum sordes abstergens secum rapiat auolando (propterea Græcis *μολυβδός* dicitur, quasi inquinamenta rodens) nihilominus vasa plumbea, quibus alicubi aqua salsa excoquitur in salem, quandiu liquorem continent, integra perseverant in igne vehemente, modò caueatur, ne calculus in aquam illam incidat, tunc enim vas perforatur. Ideò Columella lib. 12. cap. 19. ubi de coctione defruti in vasis plumbeis agit, sic monet, *subinde fœniculo peragitet, ne quid subsederit quod possit plumbeum perforare*. Immò (quod magis mireremur, nisi res obuia esset) charta supra craticulam subiectis prunis imposita non comburitur, dum oleum continet, quo piciculi torrentur. Nimirum liquor vase inclusus ita obstruit plumbi & chartæ meatus, ut, licet non neget igniculis transitum ad calefaciendum liquorem, non tamen locum det illis, quo agitati & commoti possint vasis compagem soluere: Quod si aliquid, ut calculus aut quid simile, fundum tangat impediens, ne igniculi transmeant, neque liquor influere valeat in poros vasis, si fortè vi caloris plus iusto pateant, tunc igniculi in calculum incurrentes, & non transeuntes, ita se commouent, ut plumbum liquefaciant, & perforent, aut chartam comburant. Nec dissentiet Aristoteles, qui Probl. sect. 24. quæst. 5. ait, *Calor in fundum vasis contractus extinguì ab aquâ potest. Quo fit etiam, ut eliquari res nequeat eliquabilis, si quid humoris admittatur*.

Maur. Miror, nec nisi de industriâ factum suspicor, à vobis ea, quæ igni resistunt, enumerantibus præteritum fuisse omnium ferè sermone celebratissimum Linum Asbestinum, quod nascitur in desertis, adustisque Sole, Indis locis, ubi non cadunt imbres, inter diras serpentes, assuevitque vivere ardendo, ut loquitur Plinius lib. 19. cap. 1. & ignibus non absimitur, ideò vinum vocatur:

catur : testaturque ibi Plinius se vidisse ex eo arduentes in focis conuiuorum mappas , sordibus exustis splendescentes igni magis , quàm possent aquis . Regum inde funebres tunicae corporis fauillam ab reliquo separant cinere . Similes telas in igne incorruptas ex Amianto lapide ab antiquis contextas memorant passim Authores , quibus inuoluta cadauera cremabantur , ne quid extraneum mortuorum cineribus sacco Amiantino conclusis admisceretur . Hinc Brachmanes ex Amianto vestes suas conficere solitos , vt de se quoddam Diuinitatis specimen ederent , ex antiquo scriptore Hierocle refert Matthiolus in Dioscoridis lib. 5 cap. 113 . Sed multo melius S. Athanasius apud Leonem Castrum in illa Isaia verba cap. 43 . *cum ambulaueris in igne , non combureris , & flamma non ardebit in te* , dixit , Sic ex Amianto lapide telae sunt igni inuolabiles , ita Beata Virgo Agnum peperit , cuius glorioso vellere facta est nobis vestis immortalitatis . Id quod idem S. Athanas. lib. de Incarn. Verbi . tanquam rem testatissimam assumpsit , *Si quis* , inquit , *stipulam copioso Amianto vestiatis , cuius natura dicitur igni resistere , nihil iam inde ignem metuet , utpote munita re , quae comburi nequeat* . Ego verò cum perspectum habeam à Sepiasarijs non raro pro Amianto supponi Alumen scissile , periculum facturum , an , qui apud me erat lapis in villos dissolutus , Amiantus esset , primum gustu tentavi , & omnis acrimoniae expertem deprehendi , cum tamen alumen scissile linguam mordicet , & tandem exulceret ; deinde ardentibus prunis imposui , quas & flatu excitaui , & in medio foco diu detinui , nihilque passus est detrimenti , immò vix intepuerat ; alumen verò scissile in igne liquefcit , & bullas excitat . Aquà experiri nequiuì , quia lapis integer non erat , Amiantus enim mergitur , Alumen scissile aquae innatat . Sed mihi visus sum satis habere argumenti , vt Amiantum esse existimarem .

Dand. Quod ad Amiantum à me silentio pratermissum attinet (syncerè , quod res est , eloquar) non solum declinandam putaui quaestionem , Vtrum ab Amiantone distinguendus sit Amiantus , quamuis vterque igni resistere concedatur à Leonardo in Speculo lapidum . lib. 2 . pag. 70 . & 72 . , verum etiam non mihi magnam admirationem mouebat lapidis particulas incolumes perstare in igne , cui lapidem ipsum ex iisdem particulis coagmentatum resistere ,

non pro magno Naturæ miraculo habetur. Illud est in Amianto fortasse singulare, certè rarum, quod lapis cum sit, in fila diuiditur, &, quemadmodum lana aut linum, *lauatur, pectitur, netur, textitur*, vt laudatus nuper Matthiolus obseruat: vulgus autem quasi lineam telam videns miratur non comburi; si lapidem putaret, quamuis extenuatum, cessaret admiratio. Asbestini verò lini mentionem facere non sum ausus, quia, quæ de illo narrantur, fabulam nonnihil redolere videntur; & suspicari licet mappas igne mundatas non ex alio filo, quàm ex Amianto fuisse contextas. Cur autem lino illi *Asbestino* cognomen sit, quasi *inextinguibili*, cum neque accendi possit, non video; nisi fortè etiam immortalem dixeris eum, qui nondum natus est. An per antiphrasim, quemadmodum Bellum quia minimè bellum, & Parcæ quia nemini parcut, Asbestinum, hoc est inextinguibile, dicitur linum, quòd semper est ignis expers? Aptè quidem, congruenterque Asbesto, hoc est inextincto, nomen fecerunt lapidi, quem Plinius lib. 37. cap. 10. memorat, ferrei coloris, in Arcadiæ montibus nascenti, qui cum ignem non habeat proprium, tamen sic ardet, vt non possit extinguì: de quo cecinit Marbodeus, *Nam semel accensus conceptos detinet ignes, Extinguique nequit collucens perpete flammâ*: & S. Augustinus lib. 21. de Ciui. Dei cap. 5 scripsit *Asbeston Arcadiæ lapidem propterea sic vocari, quòd accensus semel iam non possit extinguì*.

Maur. Quid si linum Asbestinum eiusdem esset naturæ cum herbâ illâ apud Tartaros, quam ex Atlante Sinico paulò antè commemorasti? Quamquam, vt ego pariter subuereor, ab impostore quopiam efficta ad emungendos argento simpliciores fabula de linò Asbestino inter diras serpentes nato in desertis, adultisque Indiæ remotissimæ locis inualuit, quia nemo prudens adeò curiosus esse potuit, vt tanto periculo, tantisque incommodis vellet imposturam detegere inuestigando, num verè ibi crescat linum huiusmodi, vt certior fiat, Vtrum ex illo, an verò ex Amianto lapide deductum fuerit filum, quod ad texendas mappas offerebatur. Verum, vt vt est, vnâ comprehensione omnia complector. Illa Ignem omnino reiiciunt ita, vt nec in flammam, nec in prunas accendantur, quæ plurimum constant sale fixo & terrâ, minimumque habent Sulphuris cum Spiritibus & humore permisti, quo partes conglutinantur: illa verò, quæ non parum habent Sulphuris atque.

atque Spirituum, sed tam spissâ coagmentatione cum Sale & terrâ facta est permistio, vt exigui & pauci meatus pateant ad excipiendos immisos à proximo igne igniculos, agrè accendantur: quod si ea sint, quæ sulphure quidem abundant, sed angustos habeant poros, tardè ignem concipiunt, quem diu retinent: sin autem Sulphuris atque Spirituum copiam rara textura coniungat, illa facile exardescunt, & citò absumuntur. Ex quo patet non eandem omnibus esse conflagrandi rationem; nam de arboribus ipsis habemus Ecclesiastici 28. 12. *secundùm ligna sylua, sic ignis exardescit.* Hinc arbores sponte emortuæ, quia euanescentibus vnâ cum optimâ Sulphuris parte Spiritibus pingui humore destitutæ contabuerunt, non satis aptam ignibus materiam subministrant: Contrâ verò terra Viterbiensis, quippe sulphurea, igni admota ardet. In Siciliâ locus est, quem indigenæ vocant *la Cremata*, quia sulphureo olim concrematus incendio. in Lyciâ, teste Plinio lib. 2. cap. 106., *Hephæstij montes adâ flammante tacti flagrant adeò, vt lapides quoquè riuorum & arena in ipsis aquis ardeant, aliturque ille ignis pluuijs.* Baculo si quis exijs accenso traxerit sulcos, riuos ignium sequi narrant: id quod bitumine refertos illos montes manifestè indicat, cum tam facile ignem concipiant: bitumen verò accensum & liquefcens per sulcos ab accenso baculo in simili materiâ similiter incensâ excauatos deduci quasi riuum ignis, non superat fidem: quemadmodum neque illud à probabilitate longè abest, quod in medijs aquis igniti lapides ardeant, quando quidem pinguibus & oleosis aqua non adhærescit: pluuijs demum cadentibus ignem quodammodo ali nemo mirari potest, qui quotidie intueatur à fabro ferrario asperfas aquâ prunas, vt validius ardeant; aqua enim ac pluuiæ guttæ occurrentes Spiritibus atque Sulphuri ex valdè accensâ materiâ erumpentibus, illos reflectunt, & ad interiores partes adigunt, vbi acius agitantur plures igniculi coniuncti, qui aquam asperfam in vaporem resoluentes Spiritibus & Sulphuri erumpentibus permistum, nouâ hac flammâ ignem augere videntur. Sulphure pariter refertam fuisse terram in subiectis Ariciæ aruis. necesse est, cum arderet, si carbo decidisset, vt ex Authorum testificatione refert Plinius lib. 2. cap. 107. Neque famæ refragandum est, quæ percrebuit de incensis aliquando in Brabantia integris iugeris; abundat scilicet regio illa carbone fossili, hoc est terrâ bitumine

plenâ; cuius quidem duplex quasi species obseruatur; altera ex ipsâ superficie telluris abscinditur in laterculos; altera magis compacta effoditur ex cauernis, quæ est valdè grauis, & calorem habet vehementem, vbi semel ignem conceperit, adeò vt Leodienes de suo lithanthrace (Tourbam vocant Belgæ) loquentes glorientur, *se habere ignem igne calidiorem, & ferrum ferro durius*; quod enim ferrum effodiunt, huiusmodi lapideis & bituminosis carbonibus funditur. Sed & tertiam speciem fortasse quis addat, quæ ex aquis stagnantibus in Hollandiâ alicubi eruitur: Nam minuto reticulo limus ex fundo extrahitur, qui nauiculæ impositus demum in terram ex aquis prominentem exponitur, & explanatur, vbi æstiuo calore aquâ expirante lutum illud ita solidatur, vt hominem ferat, qui massam adhuc tractabilem apto instrumento tessellatim in laterculos diuidit; hi verò in struem cancellatim aggesti Sole & vento siccantur, atque aptissima sunt ignis materia. Verùm non tertia species Tourbæ hæc esse videtur, sed pertinere ad primam speciem, quæ superfusâ aquâ in limum abiit. Ad idem genus reuocari potest concretio quædam *Dauri* vocata, vt author est Læuinus Lemnius, quæ in Zelandiâ gignitur; nam, velut ex fodinis, glebas nigras, & pinguedine imbutas eruunt, quæ accensæ calorem ingentem excitant.

Dand. Admirabili sanè prouidentiâ mundum administrat Deus, consulitque rebus humanis, nec solum vniuersis, sed & singulis; eum enim humana societas igne carere nequeat, tum ad depellendum frigus, tum ad coquendos cibos, tum ad artium opificia, quibus regionibus lignorum copiam non tribuit, succedaneum aliquid concessit; modò solertiam non opprimat incuria, & suis nòrint homines vti bonis. Equidem suspicor fieri posse, vt ex urbanis nostris canalibus eductus limus, & in patente areâ Soli expositus atque exsiccatus, materiam igni subministraret, quemadmodum de Hollandiâ commemorâsti. Quod verò hic in Europâ, idem etiam apud Sinenfes contingit: nam vt legi in Atlante Sinico pag. 32. de Vrbe Peking, *Carbonem pro lignis adhibent ex Kie monte effossum*; & pag. 37. de Prouinciâ Xansi eundem carbonem fossilium vsum commemorans, *prius contusos*, inquit, *adhibent* (*lapides enim sæpè ingentes, ac nigerrimos effodiunt*) *tum, uti & in Belgio moris est, aquâ per fusos miscent, massæque conficiunt*: *difficulter quidem ignem concipiunt, ac conceptum semel,*

diutissimè vegetum, vrentemque fortissimè, retinent.

Grad. Lapidès hi bituminosi, carbonum nigredinem æmulantes; ex montibus eruti satis ostendere videntur, non eandem ubique in Naturâ esse carbonis fossilis gignendi rationem, quam Simon Stevinus Cosmographiæ lib. 2. qui est de Hylocinesi, prop. 6. & 7. indicauit. Terræ nigræ in vitream phialam injectæ puram aquam affudit: tum ita aquam terræ permiscuit vehementi agitatione, ut aqua nigresceret; & post breue temporis interuallum, quantum satis esset, ut quis quinque aut sex passus conficeret, aquam nigram effusam excepit vale ad id parato, nouamque aquam puram reliquæ in phialâ terræ addidit, iterum agitauit, & turbidam factam priori adiecit, hoc idem toties iterando, quousque mera arena reliqua fieret in phialâ. Cum verò humor ille omnis in vaporem abiisset, & quod subsederat, exsiccatum fuisset, hoc admotum ignem ita excepit, ut haud secus arserit, ac funiculus sulphuratus sclopetariorum, aut fomes igniarius paratus ex fungis arborum, detractâ parte lignosâ, in lixiuio coctis, addito sulphuris sextante, hoc est vncijs duabus in singulas fungorum libras. Hinc ille intulit inundationibus aquarum abreptam esse ex superioribus locis terram nigram, quæ cum in aquâ dissoluta fuisset, & primum arena, utpote grauior, deposita fuerit, deinde retardato aquæ campos inundantis cursu, etiam hunc linum subsedisse, qui demum exsiccatus conflagrare possit. Ut enim hæc vera esse possint in depressis regionibus mari proximis, certè in montibus locum habere non possunt. Huiusmodi Lithanthraci parum absimile videtur lignum fossile, quod antè non multos annos effossum est ex agro Tudertino in Vmbriâ, præcipuè circa duo Castra, quibus Colli Sicco, & Rosaro nomen est: Materia est grauis, quæ in aquâ mergitur, multis venis summâ varietate distinguitur: aliquando in vno frusto pars est Creta dura, altera lignum, tertia Carbonem refert. Lignum recens è terrâ defossum deflagrat quidem, sed lentè, cum multo fumo & fetore; siccum verò non adeò insuauiter olet, & calorem ita acrem emittit, ut neminem proximè adstare permittat; nec citò consumitur, sed ignem diu alit: quod si lignum lapidescere cœperit, in igne persistat biduum aut triduum, quin consumatur: de quo plura me legisse memini in Francisci Stelluti Opusculo Romæ impresso 1635. Verùm cum multum temporis in istâ vnâ disputatione consumple-

rimus, quomodo admoto igni ignem materia concipiat, temporis aliquid impertiendum videtur illi quoque accensioni, quæ nullo extrinsecus assumpto igniculo contingit, quemadmodum fœni non satis exsiccati acervos suâ sponte exarsisse non raro dolemus colorum negligentiam frustra inculantes.

Maur. Sicut ignis adeò promptè materiam ad exardescendum facilem corripuit, ut nisi illâ deficiente non extinguatur, & pastu semper indigens satietur nunquam; haud absimili ratione de materiâ ipsâ, quæ ab igne depasci potest, differentes tam amplam ingrediuntur sylvam, ut disputationis exitum vix reperiant: id quod nobis contigit ex aliâ in aliam questionem dilapsis. Morem igitur tibi geram, Gradonice; quandoquidem non admodum difficile erit, ut opinor, rem hanc explicare, si fermentationis perfectæ methodum perspectam habeamus: fermentationis, inquam, perfectæ, quæ scilicet ad naturæ alicuius perfectionem atque absolutionem progreditur; hic etenim quidam fermentationi similis motus intercedit, est tamen corruptela: & fœnum ipsum putrescere indicat fœtor, qui exarsionem præcedit. Animumne vnquam ad fermenti munus retulisti?

Grad. Nihil vnquam me in eam mentem impulit, ut fermentationem satis attentè perpenderem: vix enim aliquando, cum mihi venanti cibarius in casâ panis oblatus fuisset (quo tamen, ut Ptolemeo peragranti Ægyptum, comitibus non consecutis, ut Cicero refert in Tuscul. nihil visum est iucundius) atque stomacho postea leuiusculè laboranti dictitarent socij non fuisse satis fermentatum, capi mecum ipse exquirere, quid nocere posset stomacho inchoata tantum panis fermentatio: verum Lepores persequenti non licuit diutiùs philosophari. Memini tamen mihi tunc, ipso statim illius commentationis initio, hoc peculiari animadversione dignum visum fuisse, quod, cum fermentum sit massa quædam corrupta, & acida, non solum panis gratum saporem tribuat omnium planè consensu (non enim hic, ut singularibus quibusdam palatis magis arrident perdices putredini proximæ) verum etiam illum salubrem efficiat, futurum alioquin sine fermento coctum difficilem, ponderosum, crassum, glutinosum, crudis humoribus aprissimam materiam; nisi forrè athletica corpora, quæ multo labore & graui contentione ætatem traducunt, azymo pane vescantur, ut solidiore alimento, minusque dissipabili utantur.

Acorem illum fermenti pertinere ad conciliandum pari saporem non multum habet difficultatis, nam sæpè cibos acidis condimus: sed acori fermenti cum cœteris panis proprietatibus quid commercij intercedat, non statim apparet.

Maur. Fermentum ex eâ parte quatenus massa illo imbuta feruendo crescit (sic apud Poëtam, qui irâ turgescit & inflatur, in fermento esse; aut iacere dicitur) acorem necessariò non exposcit, nam & oua conquassata si addantur, panis fermentescit ampliùs, & spongiæ in morem magis excuatur: præterquam quod & medicamenta non pauca, & vinum fermentescendo deducuntur ad debitam suarum partium complexionem, & maturitatem (vt nihil interim dicam de plantis & animalibus, in quibus fermentatio est, *omnia enim, que aluntur, & crescunt*, vt obseruauit Cicero de Nat. continent in se vim caloris) & tamen nihil acidum reperitur, cui vis fermentandi tribuenda sit. Est autem Fermentatio generatim sumpta, intestina quædam commotio particularum heterogenearum, ex quibus constat corpus fermentescens; quæ dum opportunè agitantur; se vicissim atterunt, comminuunt, permiscunt, apprehendunt, atque in vnâ naturam temperant. Quia verò aliquando huiusmodi motus est paulò concitator, & corpus in motu plus occupat spatij, quam repleat quiescens, dum multæ sunt particule, quæ varijs motibus cientur, necesse est corpus ipsum turgescere & inflari, bullas excitare, & feruere. Hæc manifestè deprehenduntur in pane & vino. Et quidem, quod ad panem spectat, primum fermentum pistorum, quos interrogaui, sic parant. Farinæ ad pultis modum subactæ salem tantummodo aliqui addunt, plerique opportuniùs etiam acetum: in loco non frigido dimittunt ad horas aliquot, post quas inflatam ac turgidam pul-tem illam inueniunt, cui deinde farinam aliam adijciunt cum aquâ congruâ, & massa, ne à frigore lædatur, custodita sensim intumescit: hanc verò iterum aquâ additâ dissolutam cum nouâ farinâ commiscunt; & vbi massa hæc turgida facta fuerit, idem tertio repetunt: demum massam ipsam depsumt, in panes dirimunt, & antequam detumescant, in furnum calidum condunt. Ex massâ illâ fermentatâ & incoctâ partem aliquam sale addito ad acorem seruant, tanquam fermentum ad conficiendum iterum panem. Si primi illius fermenti intumescentiam consideremus, illa vtique ad particulas salinas referenda est, quæ dum aqueis particulis vniun-

tur, ab admixtæ terræ vinculis soluantur, & in motum concitata impetunt proximas farinæ particulas, easque tandiu exagitant, vt etiam insitos farinæ Spiritus, & Sulphur, & Sale laxatâ eorum compage demum excitent ad motum iuxta ipsorum indolem; adeoque vniuersa moles, cuius partes agitantur, nec tamen subtiliores auolare possunt ob materiæ glutinosæ tenacitatem; intumescat interiectis cauernulis. Neque salinas particulas tantum intelligo, quæ ex Sale communi separantur, sed etiam quæ in aceto insunt: liquores enim acescunt, quando eorum salinæ particule exaltantur, videlicet non iam languidiùs singulæ mouentur; quippe quæ non ampliùs separatæ interiectis Spiritibus, & Sulphure, & terrâ; sed dilapsis magnâ ex parte Spiritibus & Sulphure coitionem faciunt, & rerum potiuntur huc illuc discurrentes, quasi factæ fluidæ.

Dand. Acorem ex hoc salinarum particularum concursu, nullâ aut tenuissimâ terræ Spirituum ac Sulphuris admixtione, oriri mihi facillè persuadebis; quippe qui satis scio vehementi ignis calore ritè administrato liquorem destillatione elicitem ex Sale communi valde acidum esse, & Caput mortuum insipidum, si iterum liquore eodem affuso imbuatur, fieri denuo salsum: in liquore enim illo particule salinæ non disiunguntur interiectâ terrâ: hæc verò illarum agitationem aliquo modo impedit, cum permiscuntur. Similiter si Spiritus Salis, & Vini partes æquales misceantur, & ten vel quater per Retortam destillentur, vniuntur, & quodammodo dulcescit Spiritus. Quapropter non procul abessem ab eorum sententiâ, qui potissimum Naturæ ignem elementarem in acidis statuunt; illa nimirum plus habent salinarum particularum exsolutum vinculo terræ & Sulphuris. Sed non est hic locus ad ista digrediendi; pergendum potius in fermentationis explicatione, vt propositæ quæstionis exitum inueniamus.

Maur. Paratum itaque fermentum cum farinâ in massam subigitur, & sopiti in farinâ Spiritus, simul cum Sulphure & Sale, excitantur in motum à cognatis fermenti particulis, quæ omnes dum sese variis in partes agitant pro sibi ingenitâ mobilitate; inter se quoque configunt; quo fit, vt crassiores particule attenuentur, viscidæ dissoluantur, aperianturque meatus, per quos agitati Spiritus & Sales volatiles vnâ cum Sulphure penetrare valeant, atque multo liberiùs commoueri. Hoc verò in motu ita fit minimarum

particularum coagmentatio atque complexio, vt soluti Spiritus peruagantes dum illas propellunt, excauent in massâ cauernulas, quæ quidem licet aliquanto minores fiant, dum massa depfitur, si tamen panes calido furno condantur antè, quàm fermentatione cessante subsidant partes, absumpto vi caloris humore superuacaneo, qui rarefcit primùm, deinde auolat, relinquitur panis spongiæ in morem plurimis patentibus meatibus excauatus, & leuis, atque adeò in ventriculo coctu facilis, quemadmodum etiam iure aut vino conspersus illo imbuitur. At contra accidit pani azymo, aut non rite fermentato, cuius substantia viscida est, tenax, arctè constipata, ponderosa, & difficillima ad concoquendum, quia particularum apta commistio, vt conficiatur chylus nutritioni congruus, vniuersa perficienda est calore ventriculi, qui nisi abundet Spiritibus & substantiâ aliquâ fermenti vicem supplente, nequit huiusmodi cibum exterere; vel saltem diuturno tempore indiget, vt demum in stomacho permissionem illam obtineant particule, quam per fermentationem pridem consecutæ fuissent, antequam panis furno committeretur coquendus. Præterquam quod, quando dentibus manditur, extenuatur, & mollior cibus, cum illo permiscetur salua, quæ ex Tonsillis linguæ assidentibus expressa vim quandam habet fermentatiuam, est enim excretio, cui materiam suppeditat partim coctio prima, quæ fit in ventriculo, partim tertia, quæ fit in cerebro. Cum igitur pani fermentato melius quàm azymo commisceatur salua, satis apparet illum præ hoc facilius in ventriculo fermentari.

Sed ad institutum nostrum in hoc diutius immorari non est opus: transeamus, si placet, ad vinum, quod musti efferuescentiâ, & continenti quadam fermentatione, ad perfectam maturitatem perducitur. Vt mature succum, acinorum folliculis inclusum, abundare tum Spiritibus & Sulphure, tum Sale, indicat Aqua ardens ex vinoeducta à Chymicis, & Tartarus adhærens dolijs, in quo multum Salis reperitur coniunctum cum non exiguâ terræ copiâ. Hæc igitur omnia in Musto confusa non indigent extranei alicuius fermenti stimulo, vt agitentur, sed sponte suâ efferuescunt, vt satis omnibus manifestum est: immò non minùs cauendum, ne in loco ardoribus Solis exposito collocata vasa concipiant calorem, quo mustum plus æquo ferueat, quàm ne in loco nimis frigido reponantur, quo compressis particularum motibus mustum ebullire pro-

prohibeatur; Amicus mihi erat vir nobilis, qui adeò dulci potione delectabatur, vt recens mustum recondi iuberet in dolio, quod perpetuò custodiebatur in cryptâ seruandis niuibus destinatâ; & planè mustum, etiam vsque ad sequentis anni vindemiam, vt ipse expertus sum, videbatur. Suam tamen valetudinem ita prudens curabat, vt vix aliquid de eo aliquando gustaret permiscens in cyatho cum vino defæcato: intelligebat nimirum mustum huiusmodi liberaliùs haustum posse intra venas efferuescere, & prauâ fermentatione sanguinem inficere; quemadmodum si aliquid istius liquoris per fistulam superno dolij osculo immisam infundatur vino in vappam declinanti; tum leni baculi agitatione illi commisceatur, musti denuo fermentescentis commotione agitur vinum, & ita vires resumere videtur, vt in vitro exiliat. Contrà verò si in loco nimis calido vasa, quibus recens expressum ex vuis mustum continetur, collocata fuerint, periculum imminet, ne efferuescentiâ nimia, ob externi caloris additamentum, Spiritus maximâ ex parte auolent, neque in tam celeri partium omnium commotione fæces omnes subsidant, partesque inutiles secernantur, atque adeò neque vinum satis defæcatum hauriatur, neque sanè diu permanere possit, quin exole scat, neque grato sapore palatum afficiat. Idcirco aliquos noui, quibus in more positum est musti valdè generosi feruorem interrompere, innatantes vix expressæ reliquias aliquoties demergendo affusâ modicè aquâ; quo fit, vt suauitas quædam permanens vino concilietur (quod cæteroqui ad nimiam austeritatem vergeret) prohibitâ scilicet multorum Spirituum expiratione, & diluto Sale. Sic de tertio quodam Sinapis fatiui genere, semine albo, minusque acri, nec adeò excalfaciente, scripsit Matthiolus in Dioscor. lib. 2. cap. 148. *Tritum hoc, mustoque recenti commissum, diutiùs eius dulcedinem tuetur, atque eam deficere prohibet, quod ebullitionem reprimat. Eaque propter qui ex Tridentino agro in Germaniam mustum comportant, hoc Sinapis genere cadis imposito, dulcedinem musti conseruant.* Quando enim mustum temperato quodam & æquabili feruore ebullit, particulæ, non præter modum agitatae, commiscentur, seque vicissim apprehendunt illæ, quæ copulatæ in vnâ naturam temperari possunt, reliquæ autem congrui nexûs expertes aut in fundo vasis, si graues fuerint, amurcæ instar, subsidunt, si verò leues, ad supremam liquoris partem emergunt; intermedius humor minimè turbidus.

bidus eximitur per inferius epistomium ad vasis latus positum paulo supra fundum, ne fœces secum rapiat, & in dolijs reconditur. Nondum tamen cessat fermentatio, nam lentâ quidem, sed continenti, commotione cum Sulphure & Sale volatili exquisitiùs permilcentur Spiritus, & vniuntur, reiectis terreis particulis, & Sale fixo, ac redundant Sulphure, ex quibus potissimum, modico spiritu adiecto, coalescit Tartarus dolijs adhærens. Hic autem Sulphure & Sale abundans, est quasi fermentum, quo vinum ad maturitatem sensim perducitur, quandiu æquabilis est commotio particularum: at si vel Australibus ventis, vel externo calore, vel vasis agitatione, excitentur fœces, ac vino permisceri incipiant, hoc efferuescit immodicè, vinumque turbatur; &, nisi statim è vase educatur, atque à fœcibus seiungatur, vinum fugiens dimittet Spiritus, siue rancidum factum ob sulphuris exaltationem, siue coalescens ob salinarum particularum concursum. Neque enim i sem vino contingit, quod aquæ, de qua Guillelmus Piso de Medicinâ Brasil. lib. 1. pag. 2. hæc scribit. *Sub Æquatore nauigantibus aqua bis, terue fœtorem ac putredinem concipit in vasis, antequam durabilis, omnisque corruptionis tandem expers fiat*: subsidentibus videlicet fœcibus, & purâ factâ aquâ: at vinum corruptum non restituitur.

Quamuis autem plura adhuc explicanda superessent ad rectam, aut prauam vini fermentationem pertinentia, hæc tamen nobis satis esse possunt ad intelligendam intestinam particularum commotionem, vt ex eâ innotescat, cur fœnum non satis siccum & coaceruatum sponte suâ accendatur: id enim contingit ex peruersâ quadam fermentatione, qua non commilcentur particulæ, sed dissoluuntur. Fœnum siccum abundare Sulphure atque Spiritibus manifestè ostendit non inluavis odor, quem exhalat absumpto humore, quo obruebantur, & continebantur in herbâ virente. Ex hac nimirum recisâ in fœnifecio, atque sensim tabescente, cum Sol immissis radijs, aut saltem ventus leni impulsu, euocaret humorem minùs arètè cum terreis particulis copulatum, ac propterea in minorem molem herba arefcens contraheretur, multæ sulphuris atque Spirituum particulæ factæ sunt inuicem propiores, idèò efficaciores, & quasi sui iuris, cum, ampto humoris intermedij impedimento, reliquisque minusculis meatibus, faciliè commoueri valeant, si excitentur, immò aliquæ sponte expirent, quæ

quæ non iniucundo odore nares titillant. At si fœnum nondum probè exsiccatum, seu pluuiâ madidum, loco nullis ventis peruiro, congeratur in grandem acruum; à Sulphure ac à Spiritibus exsolutis attenuatus & propulsus humor ille superuacaneus ex medio acruo expirare non potest (spissius quippe densantur flaccidæ, quàm aridæ herbæ) idcirco inuadit ingenitum herbæ humorem, & salinas particulas soluit; à quibus, dum extraneo huic humori vniuntur, dimittuntur Sulphur atque Spiritus: hi verò liberati vinculo, quo copulabantur cum Sale, nihil obstat, quin tumultuentur, & facto impetu similes particulas, naturâ suâ in agitationem pronas, ad defectionem sollicitent, eas urgendo. Porro aucto sensim tumultuantium numero, atque conflata seditione, malum serpit vsque eò, vt odoris tetri fœditas fidem faciat intestinæ efferuescentiæ, erumpentibus cum Sulphure Salibus; atque demum agglomeratis plurimis Spiritibus vnâ cum Sulphureis particulis, vehementiusque agitat, flamma exiliat.

Grad. Non ante multos annos similem calamitatem valdè notabilem in insigni Galliæ Cisalpinæ vrbe accidisse memini: Cum enim ad quadringenta, & eo amplius, fœni plaustra congesta fuissent sub porticu fornicatâ, post hebdomadas àliquot grauis quidam odor, deinde vix tolerabilis fœtor expirabat: rei nouitate excitatus supremus stabuli præfectus iussit furcâ tentari acruum, & fœni manipulos aliquot eximi; sed vix opus aggreditur famulus, cum illico flamma ex modicè excauato acruo erumpit ineluctabili incendio. Ne autem proximum ædificium flamma nimia corripere, si fortè in aream eijceretur fœnum, satius esse duxerunt acruum illum non fodicare, sed accensum ignem sub porticu sibi permittere, donec vniuersa materia congesta suas flammæ resorbens à fornice reflexas absumeretur: opportuno sanè consilio, non enim tam citò conflagrauit, sed non nisi post quatuordecim dies soli relictæ sunt cineres, inter quos repertæ sunt massulæ aliquot, quæ in vitrum fluxerant. Ne verò fornix vi caloris vitium faceret, superius pauimentum affusâ abundè aquâ ad cubiti altitudinem munitum est: id quod egregiè, & ex sententiâ successit.

Maur. In his itaque, quibus exardescendi causa est humor externus & aduentitijs, opus est plurimum Spirituum atque Sulphurearum & pinguium particularum inesse; quæ quândiu discretæ inui-

inuicem manent interiectis salibus, quibuscum permiscè implicantur, agitari nequeunt pro suâ naturali mobilitate; vbi verò sales humori superuacaneo copulantur, mixti compages laxatur, nec particulæ fixæ valent retinere volatiles, quin fugiant, & plures vnum in locum congregentur, ibique efferatæ collatis viribus mixtum discerpant, ac dissipent. Porro ex hac salium discessione huiusmodi conflagrationes oriri, non obscurum argumentum suppeditant permissiones quædam corporum arte paratæ, quas pluuia, aut affusa aqua excitat ad exardescendum. Nam si Pix naualis, & Græca, Sulphur, Tartarus, Nitrum, & Petroleum æquis portionibus miscantur, iisque ad duplum pondus omnium Calx viua addatur, & cum Vitellis ouorum misceantur, tum diebus aliquot in fimo equino, aut balneo digerantur; eam misturam pluuiâ accendi perhibent non ignobiles Authores; idemque affirmant de globis efformatis ex Calce viuâ, Sulphure, modico gummi Arabico, & oleo lini, qui aquâ accenduntur. Gassendus pariter in Vita Epicuri in Meteorologiâ pag. 1054. notum esse ait, ex Nitro intermixto Sulphuri, bitumini, & Calci viuæ, misturas fieri quasdam, quæ aspersione humidi, vel etiam sputo accendantur. Cum enim in huiusmodi misturis, alijsque similibus, aqua non adhæreat naturis pinguius, oleosis, & resinosis, satis constat illam potissimum inuadere Salinas particulas in Calce viuâ, Tartaro, Nitro, quorum Spiritus & Sulphuræ particulæ liberè comneantes sollicitant reliquorum admistorum corporum similes particulas faciliè volatiles, postquam digestionem, & ouorum vitellis quasi fermento (Spiritu enim & Sale volatili abundant) adiectis laxata est eorum compages. His addite, si placet, quæ adnotauit Io: Rodolphus Glauber Furnorum Philosophicorum part. 3. pag. 43. vbi hæc habet. *Accipe minerale aliquod, & inuolue linteomadiu aliquantisper, & experieris lapidem illum mineralem ab aquâ accensum, atque aded calefactum, ac si fuisset in igne, ita ut vix manu illum tenere possis: qui tandem etiam, diuturniore actione aquæ instar calcis viuæ fatiscet, & consumetur.*

Grad. Vnum mihi superesset hîc interrogandum, Cur ex fœno illo, quod paulo antè commemorauimus, non eruperit flamma, nisi cum illud fodicare voluerunt. Sed fortasse iusto longiorem sermonem protraheremus.

Maur. Ita planè: res esset non paucis verbis expedienda; videlicet

et examinare oporteret, cur aliqua in flammam abeant, alia quasi lentâ tabe absumentur, & his similia, quæ opportuniùs in sequentem dissertationem reijciuntur.

DISSERTATIO OCTAVA.

De Flamma & Fumo.

DAnd. Post explicatam Ignis accensionem, ad eiusdem extinctionem proximè gradum facere consequens videbatur: verùm de istâ interrogare paratum animaduertere contigit ex postremis hesternæ collocutionis verbis, non eandem omnibus esse exardescendi rationem: alia quippe ita in flammam abeunt, ut ex igne nihil reliquum fiat, ut oleosa & pingua: alia soluntur in cinerem, ut ligna atque stipulæ; alia non ardent nisi flammam concipiant, ut Sulphur; alia contabescunt, & vix flammulam eiaculantur; si flatu excitentur, ut prunæ. Quapropter, nisi vos aliter, atque ego existimo, statuitis, hæc priùs examinanda sunt, ut postea clariùs innotescat, quomodo accensus ignis, etiamsi pabulum, quo alatur, non sit procùl positum, extinguatur.

Maur. His profectò passibus progrediendum, ut elucescat veritas eorum, quæ à nobis hætenus disputata sunt: ubi enim omnia sibi consentire deprehenduntur, nullum certius expectandum est in rebus Physicis veritatis vestigium, in quibus apodicticæ argumentationes non suppetunt. Præterquam quod erumpentem ex fœno, quod incaluerat, flammam ne postremâ dissertatione explicaremus, permisit Gradonicus, tum breuitati consultum volens, tum angustijs temporis parcens. Si tamen illa omnia, quæ indicasti, accuratiùs perpendere noluerimus, ne minuta quæcunque persequamur, non omittenda est saltem flammæ consideratio, ex qua facilè patet, quid in cœteris dici oporteat.

Grad. Quò attentius ad institutam hanc nostram de Igne disputationem animum aduerto, eò ampliorem philosophandi sylvam mihi videor ingredi. Ecce, quæ ex occasione conflagrantis fœni innuebas, Maurocene, de mixturis quibusdam pluviâ accensis, statim mihi suspensionem iniecerunt, non omnia fortasse tribuenda esse

esse Dæmonum præstigijs, quæ apud Antiquiores scripta legimus, sed aliquando ex Naturalis Magiæ promptuario, a Sacrificulis sub religionis velamine sua venditantibus, desumi potuisse imposturæ materiam, ut opinione prodigij, superstitio hominum mentes latius occuparet. Sic Pausanias se rei visæ testem profitens, Eliacorum libro priore, ad fin. Sunt, inquit, in Lydis, qui Persici cognomine vocantur, urbes Hiero-Cæsarea, & Hypææ. In templo utriusque urbis amplissimo, cella cum aris; super his cinis alio longè colore à vulgari cinere. Huc ingressus Magus, ubi, foco lignis impostis, tiarâ caput uelârit, implorat cognomen Dei, quicumque ille sit: ex libro enim carmen recitat barbaricum, linguâ planè ignotâ Græcis: ubi perorauit, sponte suâ è lignis, nullo igne admoto, purissima emicat flamma. Quibus autem lignis vterentur, habemus apud Strabonem lib. 15. non longè à fine. De Magis apud Persas sacrificantibus scribentem in hæc verba, *Carnibus super myrto lauroue impostis, eas Magi subtilibus uirgis comburunt.* Quid autem prohibet, ne cinerem illum artificiosè compositum existimemus, qui aquâ lustrali aspersus (aut saliuâ, quasi per dissimulantiam, aut guttâ aliqua cruoris ex victimâ decidentis) ignem conciperet, quo correptæ subtiles & aridæ virgæ myrtæ aut laureæ inflammarentur? Idem facillè dixerim de eo, quod, eodem Pausania teste lib. 1. in Atticis, contigit Seleuco, cui haud obscura prodigia felicitatem significârunt. Cum enim ex Macedoniâ cum Alexandro profecturus Pella Ioui sacrificaret, ligna aris imposta ultro ad Dei simulacrum accesserunt, nullisque subiectis ignibus accensa sunt: potuit scilicet ab assentabundo fani antistite excogitari latens aliquod artificium, quò ligna ad simulacrum accurrere viderentur vsque ad locum, ubi lapis esset, qui accenderetur àliquo humore conspersus.

Maur. Memini me apud Ortelium, ubi de Scotiâ disserit, legisse constantem famam esse, in Argadia (regio est ad Meridiem posita) nasci lapidem, à quo, si aliquandiu relinquatur sub paleis aut stuppâ, illæ accendantur: fortasse quia ex lapide exeunt expirationes sulphureæ atque subtiles, quæ recipiuntur à paleis atque à stuppâ (qua ferè ratione vestes lanæ incalescunt ex igniculis, quos per cutis poros emittimus) hæc verò congestæ post aliquod tempus, sollicitant sulphureas particulas palearum at stuppæ, quæ propterea accendantur.

Dand. Hanc lignorum sponte suâ ignescentium in aris accensio-
nem, nomine fabulæ aut præstigiæ, suspectam mihi sæper fuisse
non diffiteor: Nam & Gyraldus de Dijs Gëtium Syntagm. 17. *Apud
Siculos, ait, in colle Vulcanio iuxta stagnum, dum sacrum fieret, Sar-
mentorum fascies super aras suâ sponte ignem concepisse, & nullo
stante halitu incendium fecisse fabulati sunt.* Et de laxo quodam
sacro in Salentino oppido Egnatiâ (hodie Iuuenatium dici aliqui
putant) de quo scribit Plinius lib. 2. cap. 107. *imposito ligno protin-
us flammam existere*, sic cecinit Horatius lib. 1. serm. sat. 5. *de-
binc Egnatia, lymphis Iratis extructa, dedit risusque iocosque,
Dum, flammâ sinè thura liquefcere limine sacro, Persuadere cupis
&c.* Idcirco aliquando curiosius euoluere capî eorum scripta, qui
multa artificiosè componere docent, si fortè in aliquid inciderem,
quod huiusmodi narrationes à fabulæ suspitione vindicaret; cum
enim Ars Naturam imitetur, si quid artificiosum deprehendissem,
quod ligna ultro accenderet, facilè potuisse à Naturâ quid simile
conformari concederem. Ex Serapione in Tract. de Mineral.
cap. 394. Magnes sepeliatur calce viuâ in vase testaceo diligenter
cretâ clauso, & in fornace figulorum locato, donec cætera vasa
percocta fuerint: Nam hic lapis extractus, sputo vel aquâ madefa-
ctus flammam concipit. Ad mentem Alberti, Accipe calcis viuæ,
Salnitri purissimi, Tutix Alexandrinæ non præparatæ, Calamitæ,
singulorum partem vnâ; Sulphuris viui, Caphuræ, singulorum
partes duas: redigantur in puluerem tenuissimum omnia, cribren-
turque; deinde pulvis in panno lineo nouo probè constringatur,
atque in crucibulo ponatur; mox aliud crucibulum superimpona-
tur, atque filis ferreis ac luto sapientiæ optimè concludatur, ne
vlllo modo respirare possit, & ad Solem siccetur. Quibus factis po-
nantur crucibula in fornace laterariâ, vel figulinâ, donec combu-
ratur materia; quibus deinde ablatis, inuenies materiam lateritio
colore, & perfectam: quæ cum guttâ aquæ, vel sputo, madefacta
erit, statim adhibito sulphure flammam edit, quæ flatu deinde ex-
tinguitur. Lapis, qui saliuâ accenditur, apud Cardanum lib. 18.
de subtil. pag. 727. constat ex libris tribus calcis viuæ, picis Græcæ
vncijs tribus, & Magnetis vnciâ vna: trita coquuntur in ollâ fictili
lateribus conclusâ: tum lapis sepelitur in oleo laurino per dies
quindecim; inde seruatur in sicco: addit tamen Cardanus, *Hoc mi-
nus habet veritatis, quia non semper accenditur.* Porta verò multi-
plicem

plicem tradit methodum, vt similem lapidem acquiras. Primo. Viui sulphuris, Salnitri vocati repurgati (quod scilicet est sine parte volatili) pari pondere, Caphuræ duplum, Nouæ Calci addatur, ac omnia mortario conterantur vsque adeò attenuata, vt in auram euolare possint. Simul stricte linteolo deligata conuoluantur, testaceo vase clausa super illitâ argilla, feruenti Sole desiccentur: figulorum imponantur fornaci; cumque figulinum vas fuerit excoctum (in quo maxima adhibenda est diligentia) in lapidis duritiem coeunt, & rediguntur: extracta ad vsum ministrantur. Secundò. Magnetem lapidem in ollam vel aliud consimile vas conijce viuâ calce immersum; meliusque fuerit, si Colophoniam adieceris cum calce pari. Cùm vas expleueris, figulari cretâ circumlito spiramento, fornaci immittito, alternis eadem prosequendo, dum vehementer inalbuerit, & torrefiat: Cum opus fuerit, aquâ vel saliuâ super infusâ flammam eleuabit; qua sopitâ, loco calido ad vsum recondito. Tertiò. Sumatur Magnetis lapidis prænarata calx, Salnitri sæpè purgati quadruplum, æquali pondere Caphura, viui Sulphuris nondum ignem experti, & Terebinthinæ resinæ Oleum, & vini fœcis concretæ, quam Tartarum dicimus. Hæc omnia molâ vel pilâ trita cribrentur, quæ infracta sunt, denuo terantur, cribrenturque. Insuper austeri vini ardentem aquam paratam habeas, eamque infundas, vt superemineat. Vitreo vase condito, & operculato, ne halitum expiret, fimo supponatur duobus vel tribus mensibus, denis vicissim diebus innouando, donec mellis spissamentum imitetur, nec vllum diuisionis indicium præbeat: flagranti inde carbone inferuescat, dum humiditas omnis auolet, & penitus siccata in lapidem coeat. Si hoc cognoueris, vas frange, & exemptam iterum terito compositionem: aquâ vel humore aliquo leuiter superinfuso, flamma erigetur: & inter omnes principem hæc sibi vendicat locum, si afferenti Portæ credimus. An hisce Authorum cogitatis (quæ non alijs ferè verbis, atque legerim, afferre placuit) experimentum respondeat, fateor me ignorare: obseruo tamen semper Calcem viuam adhiberi permissam materię aliqui pingui & oleosæ, vt humore aqueo affuso calx excutitur, à cuius salibus irritatæ particule sulphuræ erumpant in flammam. Cæterum imposita lapidi ligna nullo irritamen-

dit Butyro Antimonij dicto, si confertim Spiritus Nitri infundatur. Cuius quidem accensionis ratio inde petenda videtur, quod in ferro sunt sulphureę particule non pauce, & ferri compages plurimum constat vinculo Salino: Cum igitur Aquę Forti, in qua solutum est ferrum, affunditur Oleum Tartari, huius partes Salinę dum commouentur, vt cum salinis ferri particulis inuicem vniantur, agitant sulphureas ferri particulas, & à suo sale disungunt, quę propterea vinculo solutę erumpunt in flammam: id quod accidit quoquę scobi ferri; nam grauis odor indicat Sulphuris cum Sale misti eruptionem. Nec dissimili ratione philosophandum de Butyro Antimonij (qui est liquor gummosus instar butyri adherens collo retortę, dum conficitur Mercurius Virę ex Antimonij crudi puluere & duplo Mercurij sublimati; idcirco liquor ille etiam vocatur Spuma Venenata duorum Draconum, scilicet Mercurij & Antimonij) cuius partes Salinę dum abunde affusi Spiritus Nitri Salibus vniuntur, deserunt sulphureas; hę verò concitate in motum emicant in flammam, cuius apta materia est substantia illa pinguis; nam ea est, vt, quemadmodum butyrum, apposito carbone viuo fluat.

Grad. Cum Spiritus Nitri confertim affundendus sit Butyro Antimonij, atque Oleum Tartari non guttatim; sed paulò liberalius immittendum sit in Aquam Fortem ferro soluto grauidam, mihi videor intelligere id fieri, vt plures simul particule sulphureę agitari valeant, & erumpere in flammam, quę si solum particulatim commouerentur, ebullitionem tantummodo efficerent. Sic in foco, vbi duę tantummodo aut tres exiguę prunę reperiuntur, si nullo flatu excitentur, impositam quidem chartam sensim comburunt, sed illa non abit in flammam: quod si prunę folliis spiritu stimulentur, & flammulam concipiant, non iam charta merum fumum exhalat, sed in flammam dissolutę particule attolluntur; quandoquidem plures simul sulphureę particule cum impetu exiliunt. Porro impetum celeriter exilientium igniculorum indicat ipsę bombus, quando follium flatu irritantur prunę, quem strepitum non edunt extincti carbones, si in eos similiter immittatur flatus; aërem scilicet secat velox flammula; id quod etiam obseruare contingit in Rifu Vuleani, vt eum vocat Aristoteles, quando flatus accenso ligno inclusus erumpit, & flammeam lingulam cum strepitu impellit.

Maur. Nihil amplius à te dici puto, quàm ipsa veritatis ratio seruat; est nimirum ferox atque effroenata Sulphuris indoles, nisi aliarum particularum permixtione penitus implicatum insideat in corpore, quod constituit; idcirco statim, atque se à reliquarum naturarum vinculis vel leuiter laxatum inuenit, omnem in partem se agitare conatur, donec compedibus omnibus excussis expeditum ac solum cognatas particulas in motum concitet earum pariter vincula soluens, dum terrenas atque salinas particulas, quasi adacto cuneo, à sulphureis disiungit, adeò vt constata seditione plures simul coactæ in manipulum, validiore adhuc impetu vniuersam corporis compagem dissoluere nitantur se quoquouersum agitantes. Tumultum huiusmodi Sulphurearum particularum, quem fouent auxiliares copiae Spirituum & Salium volatilium, dupliciter contingere docet ipsa experientia: aliquando enim intra ipsius corporis exardescantis terminos exercetur illa commotio, quandiu sulphurearum particularum multitudo congregata nondum ea est, quæ vim obtineat vno impetu discutiendi repagula omnia, quibus coercetur à terrenis particulis immotis, & à Salibus fixis; propterea circa extimam superficiem intra cinerum cancellos excurrunt, & corpus paulatim absumunt: aliquando verò vis ferè innumera bilis collecta Spirituum, Salium Volatilium, atque Sulphurearum particularum liberè discurrentium denso agmine erumpit, repagula conuellens atque perfringens, neque rarò, sed semper, aliquid eorum secum per vim asportans, perinde ac fugitiua mancipia diffractæ catenæ reliquias. Crassiusculis lignis si quis candentes aliquot carbonēs subijciat, primum omnium fumum exilire conspiciat, igniculi enim ex carbonibus sensim expirantes se in ligni meatus insinuant, & humorem extenuatum in vaporem è ligno extrudunt: deinde lignum subiectas prunas imitatur, & accenditur, quia alijs atque alijs Spiritibus ac Sulphureis particulis ab ardente carbone sensim immixtis in lignum, huius compages dissolui incipit in extima superficie; iamque plures sulphureæ atque aciduolatiles particule, tum quas iniecit subiectus carbo, tum quæ ex ligni naturâ diuulse sunt, conglobatæ discurrant inter terrenas particulas Salem fixum arctius complexas, atque inde per ipsa ligni viscera peruadentes iteratis concussionibus impetunt cognatas naturas sulphureas, quas à partibus fixis seiungunt, & exarsionē propagant. Denum post aliquid spatij illicò multo impetu erumpen-

tem flammam videmus; nam toto eo tempore tam ingens multitudo Spirituum, Salium Volatilium, atque partium Sulphurearum separata est à partibus fixis, vt illis libertatem nactis non satis fit per ligni meatus discurrere, sed confertim ex illis angustijs magnâ copiam exiliant vnâ cum vapore fumî.

Grad. Hancine Philosophiam edocti sunt, qui ad focum accedentes toleranter expectare nequeunt flammæ eruptionem? siquidem aut pede imposito sarmentis, aut batillo ferreo, illa premunt atque succutiunt, vt eiusmodi motu atque flexione apertis ligneis poris, omni cunctatione remota, confertim erumpant in flammam agglomerati intus igniculi.

Dand. Plurima sunt, quæ primùm casus obtulit; postmodum tentatum est, an cum naturâ connexa sint, si eadem sæpius contingant: demum notatio Naturæ & animaduersio peperit artem seu scientiam, qua quis felici exitu vsus cœteris exemplo fuit, quod imitarentur quantumlibet causæ ignari, nec vel leuissimo ad philosophandum studio concitati: adeò autem frequens est ignis accendendi vsus, vt ad excitandam flammam sarmenta concutere discant vel pueri, omnem maiorem motum obseruantes. Prima itaque illa flammæ eruptio, nec sine strepitu, postquam ex subiectis prunis satis incaluerint ligna, manifestum facit impetum prosilientium igniculorum, quos alij subinde atque alij consequuntur, quandiu ea suppetit copia igniculorum à particulis fixis dissiuctorum, vt confertim erumpant; illâ autem imminutâ cessat flamma, & reliquæ fiunt prunæ, discurrentibus circa superficiem sulphureis particulis, quarum aliquæ licet cum Spiritibus auolent, non tamen tot sunt, neque eo impetu erumpunt, vt flammam constituent. Quod si crassioribus lignis, extinctâ flammâ, detrahantur partes extimæ, quæ in carbonem transierunt, & quamuis accensæ impedimento erant, ne igniculi liberè confertim erumpere possent, etiamsi intimas ligni partes penetrauerint, facile iterum accenditur flamma: id quod manifestè constat, quando ferro aut baculo validiùs attritus stipes accensus innumerabiles ei aculatur scintillas, & demum flammam emittit, apertis valido illo tritu poris, ex quibus erumpunt igniculi. Hinc si plura sint proxima ligna ignita, flammam multo diutiùs fouent; quia ex vno ligno exilientes igniculi in aliud lignum incurrunt, qui cœteroqui in auras obirent, & non solum carbonem absument, atque

cinerem decutiunt, verum etiam alterius ligni igniculos iuuant suo impulsu, vt validius ad interiores partes peruadant, & maiore copiâ dissolutæ sulphureæ particulæ vnâ cum Spiritibus vehementius erumpant.

Maur. Pertinet etiam ad flammæ speciem exhibendam fumosa exhalatio sulphureis illis particulis atque spiritibus commista; nam multo maiorem flammam ex accensis lignis ascendere obseruamus, quàm ex candentibus carbonibus, etiam si follium flatu excitentur; quia videlicet lignum humore abundat, quo caret carbo. Si enim animum aduertitis, non videtur ignis per se lucere, multa quippe comburit, quin ad ea pertingat flamma conspicua, aut tangantur à carbonibus: an non sæpè cremantur carnes in craticula, aut in veru, quin à subiectis prunis ardentibus tangantur? & tabula, à candelæ flammâ ascendente distans quatuor aut quinque digitos, non ne ignem æquè concipit, ac si flammæ admoueretur? & ferrum ex igne eductum, postquam lucere desijt, adhuc tamen ignitum, si ligneam materiam tangat, vti que nigra vstionis vestigia in eâ imprimit multò citius, quàm si ardens pruna adhibita fuisset. Hinc manifestum est ad flammæ rationem pertinere fumum, *est enim flamma spiritûs sicci ardor*, vt ait Aristoteles lib. 1. Meteor. summ. 2. cap. 1. & Meteor. lib. 4. summ. 3. cap. 2. *Flamma, spiritus aut fumus ardens est*: ideò corpora inflammabilia dicit *quæcunque non humida existentia, exhalabilia sunt*, *maximè autem quæcunque fumum emittunt*: superius verò dixerat, *exhalatio est à calido viliuo communis excretio sicci & humidi simul*. *Est autem lignei quidem corporis exhalatio Fumus*.

Grad. In rem tamen præsentem, vt opinor, non est opus scrupulosè hære in vocabulis, cum eodem Aristotele asserente, *Lignorum igitur exhalatio, Fumus; cere autem, & iburis, & picis, & talium, & eorum, quæcunque habent picem, aut talia, Fuligo; olei autem, & eorum quæcunque oleosa sunt, Nidor, & quæcunque minimè ardent sola, quia paucum sicci habent*. Sed Fumi vocabulo complecti possumus eas omnes expirationes, quæ flammæ speciem induere possunt, ex quacunque tandem materiâ halitus ille expiret, In Diario Nautico Nauigationis Hollandorum ad Arcton part. 3. die 27. Octobris 1596, quando coacti sunt hyemem transigere in Nouâ Zemblâ, longamque noctem tolerare,

re, memini me legisse apparatus ab ijs lucernam, quæ noctu lucem præberet, & ad eam rem fuisse usurpatam vrsi pinguedinem liquefactam lampadi impositam; & die 12 Februarij 1597 ex vrsi cadauere aperto penè centum axungiarum libras exemptas, quas reliquarunt ad lucernarum usum. Quin & bitumen ipsum ab aliquibus adhibitum ad depellendas tenebras memorat Aldrouandus de Miner. lib. 3. cap. 14. pag. 388., nam alicubi in Saxonia bitumine ad currus inungendos & ad lucernarum lumina vtuntur, atque ex caulibus aridi Verbasci bitumine imbutis faces nuptiales efformant: immò in Valachiâ bituminis quandam speciem reperiri narrat odoris cerei, ex quo optimæ candelæ pro vsu regionis conficiuntur. Sic ex Atlante Sinico pag. 114. in X Prouinciâ Chekiang, Pinguedo quædam est ex arboribus nata, ex qua, veluti ex sebo, optimæ atque albæ fiunt candelæ, quæ manus non inficiunt, etsi tangantur, nec foetorem exhalant, dum extinguuntur. A Sinis Kieu yeu vocari solet. Arbor est satis magna, pyros nostrates & folijs & formâ refert; florem album emittit, vt cerasi: florem excipit bacca rotunda omnino, ceraso mole æqualis: tegit hanc subniger, & tenuis cortex, alba intus caro est, quæ, cum bacca matura est, disrupto cortice apparet. Has baccas colligunt, ac aquâ calidâ excoquunt, tum caro liquefit; at frigida iterum omnino, vt sebum solet, spissatur: Nucleus dein remanet; hunc oleo plenum, vt oliuas nos, macerant, & oleum non ad cibos, sed ad lucernas aptum exprimunt. Hyberno tempore arboris folia, quasi cuprea essent, omnino rubescunt: demum folia decidunt, & quia pinguedine quadam prædita sunt, gratissimum ouibus, ac vaccis cibum præstant, ex quorum esitatione egregiè pinguescunt. Hæc ibi. Si igitur ex Aristotele, *Flamma fumus ardens est*, quidni fumus sit exhalatio, in quam resoluitur accensa pinguedo, aut bitumen, cum flammam emittunt? Certè *lignei corporis exhalatio, Fumus*; Piceam autem, & Pinum, simileque resinofas arbores, ex quibus vi ignis elici potest pix naualis, lignea esse corpora nemo neget, ideoque incensa fumum exhalare: & Betulla arbor utique lignea est; accensa igitur fumum emittit; ex eius verò delibrato & contorto cortice, ad nocturna lumina, faces concinnant, quæ instar tædæ flagrant, & resinofum quiddam nigrum simile pici sudant; idcirco ex Betullâ in Gallijs bitumen excoquebatur, vt docet Plinius lib. 16. cap. 18. Non video autem

quid intersit inter flammam ex bitumine, aut oleo, aut pice, atque flammam ex lignis bituminosâ, aut oleosâ, aut piceâ pinguedine redundantibus; vt illorum exhalatio Fuligo aut Nidor dicatur, horum verò Fumus.

Dand. Mittamus omnem de vocabulis quæstionem. Spiritus Terebinthinæ, cucurbitæ inclusus, & balneo arenæ impositus, si calore modico vrgeatur, leniter ebullit; si autem calor intendatur, liquor magno impetu efferuescit, donec in flammam erumpat. In metallis ipsis aliquid esse, quod possit in flammam abire, docet illorum solutio artificiosa: ideò Io: Beguinus Tyrocinij Chymici lib. 2. cap. 14. editionis Quintæ anni 1619 studio & operâ Christophori Gluckradi scripsit, *Si quis dubitat, an etiam metalla in sulphur redire possint, is sciat omnia metalla in liquoribus conuenientibus aliquoties soluta, tandem in liquorem vntuosum, facillè flammam concipientem, resolui, vt sæpè meo damno expertus sum.* Nonne huiusmodi flammæ, fumi ardentes sunt, neque tamen ex ligno? Certè Antimonij partes quædam adeò imperfectè mixtæ sunt, & solutæ, vt in menstruo quouis oleoso, aut à communi lixiuio educantur; aliæ ita pertinaciter cohærent, vt aquâ forti non soluantur, sed solâ aquâ regiâ, quæ id ita violenter præstat, vt fumus indè excitatus cubiculum obscuret. Non itaque admodum laborandum est, an sit propriè fumus, quo sensu accepit Aristoteles lignorum exhalationem.

Maur. Neque mihi placet in hæc vocabulorum tricas me conijcere: quanquam in ligno, vtpote re maximè familiari, fumi, qui in flammam accendi possit, naturam liceat faciliùs contemplari; admoto scilicet igne (nefas non sit iterum dicere) excitantur quidem in ligno, & commouentur particulæ Sulphureæ, atque Spiritus, erumpentes vnâ cum particulis aqueis attenuatis in vaporem mistum cum particulis terreis, atque Salinis: Sed quandiu pauciores aliquot Sulphureæ particulæ sensim, nec multo impetu prorumpunt, halitus ille est merus fumus: Sin autem aliquanto plures sulphuris particulæ circa superficiem discurrant agitanter alias particulas, & earum nexum dissoluentes, sit pruna ardens: vbi demum confertim agglomeratæ plurimæ sulphuris particulæ, quasi instar turbidi torrentis, exiliunt permixtum secum rapientes alias particulas aqueas, terreas, salinas, & pneumaticas, tunc est flamma: quæ deinde cessat, siuè quia non iam plures sulphuris

par-

particulæ confluentes coniunctim auolant ex accensis titionibus, siue quia non secum rapiunt particulas aqueas mistas cum terreis, quæ flammam reddunt conspicuam, prout contingit, vbi plurimæ ardentes prunæ congestæ fuerint; magnam enim igniculatorum eruptionem indicat vehemens calor, quem illæ excitant, immò & multum vaporis attenuati ex prunarum congerie ascendere manifestò prodit umbra, quàm ex Solis radijs projicit in pavementum; non tamen flamma vlla consurgit, nisi fortè aliquando exigua quædam & brevis flammula quasi perspicua, maximè si flatu incitentur.

Dand. In fumo salinas particulas inesse, non ex eo solùm constat, quod oculos pungit & vellicat lacrimas ciens, verùm etiam ex carnibus, alijsue subiecto fumo exsiccatis, quæ & ab humore aqueo, haud secus ac sale salita, liberantur, ne corrumpantur, sed vt diutius seruentur, & gustata falsum quid sapiunt. Terram verò simul esse permistam docet tum Cadmia fornacum, tum fuligo caminis adherens, & lebetibus aut ollis flammam excipientibus non ex lignis tantummodo, sed & ex oleo ac pinguibus liquoribus excitatam. Demum ad flammam requiri humorem satis persuadent odorati quidam pastilli ex siccis aromatibus compositi, qui, nisi pingue aliquid contineant, prunis iniekti, aut subiectâ candelâ accensi non abeunt in flammam, sed in fumum soluuntur, & sensim extabescunt in cinerem.

Grad. Aristoteles pariter hanc particularum permissionem in fumo agnouit Problem. sect. 12. quæst. 1. 2. 4. & 9. quærens, Cur thymiamata, seu suffitus, suauius è longinquo oleant, quàm propè; eamque affert potissimam causam, quòd ignis materiam illam accendens expirare faciat cum odoratis halitibus (nos Sulphureos diceremus) etiam terreas particulas, quæ cum illis permiste minùs gratum in naribus excitant odoris sensum: in motu autem progredientes particule terreæ ob suam grauitatem secedunt ab halitibus odoratis, qui propterea magis sinceri suauius sensum titillant.

Dand. Maneat sua Aristoteli sententia, quam non improbo: ego autem ad hæc duplicem adderem causam: Prima est, quia exilientes è thymiamate halitus propè ignem adhuc sunt plure confertim coniuncti, qui postmodum explicantur, & dilatantur; ac proinde plures in sensum odoratûs incurrentes illum vehemen-

mentius irritant, pauciores verò leniter titillant; ideoque suauius olent: sic quoque pauciores igniculi blandè afficiunt sensum tactus, quem plures lædunt. Altera causa petenda est ex ipsorum halituum impetu, quo feriunt sensum; cum enim in primâ eruptione eluctantes repagula, ac deficientes, validiorem impressionem faciant, sensum verò in progressu languescat impetus, mitius commouentur nerui appulsu languidioris halitus: Sic etiam libentius tubicinem tubam instantem procul audimus, quàm si vno tantum aut altero passu abesset: Neque in odæo æquè grata accidit musica, atque in mediocri distantia; impetus siquidem aëris sonum deferentis lenius ferit aures, vbi aliquantulum elanguerit.

Maur. Contemnenda tamen non est illa Philosophi doctrina, ex qua satis aptè explicari videtur, Cur aromata calentibus cineribus imposita oleant magis, quàm si in prunas ardentes iniicerentur: mitis enim cinerum calor non adeò validâ agitatione dissoluens aromatum particulas efficit, vt cum sulphure atque Spiritibus erumpentibus vix aliquid terræ aut Salis misceatur, quod fragrantiam obtundat, aut corrumpat; Contrà verò ignitorum carbonum calor, aromatum particulas vehementius concutiens, cum odoratis halitibus etiam terreas & Salinas particulas erumpere cogit, immò & cum illis carbonum pariter expirationes commiscetur, quibus obtunditur, aut inquinatur, aromatum odor. Ideò etiam huiusmodi aromata, siue pastilli, plenius ac diutius suum seruant odorem, cum cinere calido suffiuntur, quia lentius absumuntur, quàm à viuis carbonibus. Hic autem nobis funi naturam contemplantibus sermo est de odore, qui in suffitu prodit, non verò de eo, qui etiam sine igne effunditur, de quo visus est dubitasse Aristoteles ibidem quæst. 10., an quemadmodum in fumo fit particularum dissolutio, ita quoque odor propagetur effluentibus corpusculis; quæ enim odoratissima sunt (vt ille quidem ait) minui atque decrescere necesse esset tam multis corpusculis effluentibus; videmus autem eandem planè magnitudinem perseverare. Verùm huiusmodi corpusculorum expirationes odoratas aliquod molis decrementum conspicuum efficere non est necesse; Nam licet amplissimam aulam replere videatur odor rosarum, aut similium, effuentes halitus in minimas particulas ita dissipantur, vt per aërem vsque quaque dispergantur; quemadmodum aliquan-

do corpus in plurimam aquam immersum vniuersam colore inficit, quin eiusdem corporis moles diminuta appareat, quamuis re ipsa aliquid ex illo in aquam transferit. Certè pastilli ex aromatibus, Moschus, Ambar, si diu in aperto, ac ventis peruiò, loco maneant, demum vix olent, quia iam effoeta est virtus, & ferè omnes halitus odorati expirarunt, contra quàm accidat, si in clausa pyxide seruentur: immò quis nesciat Moschum post aliquot annos ita fieri inodorum, vt vix nares feriat? cum tamen ille idem recens & sincerus (cuiusmodi ad nos non deferitur) tam acutos halitus emittat, vt sanguinem è naribus eliciat. Coeterum odorum effluuia ille vnus neget, qui ignorat alijs odöribus caput grauari, alijs cerebrum ad sternutamenta irritari, alijs hystericas passiones excitari.

Grad. Si venatici canes respondere possent, nullus dubito, quin assererent ex ferarum corporibus effluxisse corpuscula, quorum indicio feras vestigant; nam aëre frigido aut gelido corporum meatus constipante, quin & ipsorum Spirituum motum cohibente, multo pauciores expirationes odoratas percipiunt, quàm æstate. Sed & nos ipsi, si fortè contingat eadem progredi viâ, qua paulò antè rustici hircum olentes præcesserint, satis docemur, quid fieri possit, vt tam multi halitus ex corpore exeant, quin conspicuo decremento minuantur. Hinc mihi constare videtur, non perpetuo effluxu emanare odores, neque tandiù emitti à pastillis aut Moscho corpuscula, quandiù illorum odor percipitur, hic siquidè est aliquid aliquandiù permanens etiam absente corpore, cui odoris ipsius originem tribuimus; ac proinde contingere potest semel emissos halitus diutiùs consistere circa idem corpus nullo nouo effluxu, nisi aut calore, aut frictione, irritetur ad nouas expirationes: idcirco odoratissima diu permanere possunt, quin eorum moles notabiliter decreseat. Immo, si per vos licet, audeo suspicari corpus ipsum translatum secum deferre ex alio in alium locum maximam suarum expirationum partem, quasi suam atmosphæram, perinde ferè atque malo Persico, aut Cydonio, adhærens sua lanugo illud comitatur: quandoquidem odoris vehementia illicò hic, vnde recessit, debilitata dignoscitur, & acrior ibi percipitur, quò secessit corpus, ex quo odor emanauit. Si igitur aliqua solùm, non autem omnia effluuia in priore loco permanent, neque, præter hæc relictà vestigia, coeteras expira-

tiones statim euanuisse vlllo probabili argumento suaderetur, consequens esse videtur sulphureos illos cum Spiritibus commistos halitus odoratos (aut cum Salibus implicitos, si foetorem redoleant) occulto quodam tenuis pinguedinis nexu adhuc coherentes corpori, ex quo prodire, cum illo pariter transferri.

Dand. Hanc Sulphuream, sed tenuissimam ac raram odorum quasi atmosphæram corpori circumfusam haud grauatè admitte-rem: Cum enim Naphtham adeò facile igne corripì obseruem, vt non opus sit illam ab igne proximè contingi, vt accendatur, sed, vt cum Plinio lib. 2. cap. 105. loquar, *huic magna cognatio ignium, transiliuntque protinus in eam undecunque visam*, & lib. 24. cap. 17. à Pythagora *Aproxis appellatur herba, cuius radix è longinquo concipiat ignes, vt Naphtha*; id non aliâ ratione contingere existimo, nisi quia pinguis halitus circa Naphtham consistit, qui vbi ignem contigerit, protinus accenditur, serpitque ignis per halitum illum vsque eò, vt ad Naphtham ipsam perueniat, quæ inflammata ignem ad se rapuisse videtur: quemadmodum si candelam recentissimè extinctam atque fumantem ita colloques infra alterius accensæ candelæ flammam, vt in hanc fumus nondum dissipatus incurrat, illa iterum accenditur, flammâ corripiente sulphureas ascendentis fumi particulas, à quibus pariter inferiores particule incenduntur, & demum ipsum candelæ ellychnium, tantâ celeritate, vt inferior candela videatur ignem ad se rapere. Sic Creulam (si sat memini) Creontis Corinthiorum Regis filiam incendio extinctam historiæ produnt, cum ad aras sacrificatura accessisset coronam in capite deferens à Medæâ secretò illitam Naphthâ, quod propterea Oleum Medæ à Græcis dictum volunt. Et sanè vaporem Naphthæ facillimè inflammari, non semel alieno periculo didicimus; cum enim ingredientes in specum, vnde Naphtha promanat, aut in puteum, ex quo aqua salia hauritur Naphthæ permista, descendentes, aliquid instauraturi, lumen, licèt in laternâ diligenter clausum, intulissent, incendio perire; vapore scilicet easdem rimas subeunte, per quas necesse est fumum ex laternâ erumpere, ne lumen extinguatur, aut certè igniculis cum fumo exilientibus, & vapori Naphthæ commistis: tantoque impetu erupit ex puteo flamma, vt bombardæ explosionem fragore imitaretur, & ea, quæ puteo imminabant,

nebant, ac tectum disijceret. Quapropter cautiùs operantur, qui speculo plano excipientes Solis radium, illum in aliud speculum intorquent, ex quo in puteum reflectitur: Mihique contigit aliquando hac arte obseruare aquæ motum in puteo alto cubitos octoginta, excepto per fenestram solis radio. Non omnes tamen puteos, ex quibus aqua salsa hauritur admistam habere Naphtham, constat ex salinis fontibus Hallæ Saxonum, vbi operarij, vt aduenis fontium profunditatem commonstrent, in eos demittunt stramineas faces, sinè tamen vllò vaporum incendio.

Grad. Non longè à probabilitate abest inferiorem putei partem repletam fuisse vaporibus illis pinguibus, qui subitâ flammâ exardescientes tanto impetu eruperunt. Cœterum si naphthæ guttas aliquot aquæ innatantes admota candela accendat, obseruatum est illius ardorem in aquâ aliquanto diutiùs perseuerare, quàm si in sicco vase eadem naphthæ quantitas incendatur: id quod fortasse tribuendum aliquis putet aquæ cohibenti, ne sulphureæ particule toto suo impetu agitentur, & naphtham citiùs dissoluant; in sicco autem vase nihil prohibet: At aqua non complectitur guttarum innatantium nisi tenuissimam partem, quæ mergitur pro ratione grauitatis specificæ. An idèò diu durat, quia subiecta aqua suo frigore nititur constipare sulphureas particulas naphthæ sibi proximas, quæ propterea languidiùs agitentur?

Dand. His aliud adnecte in artificiosis ignibus, qui in aquis conflāgant, obseruatum, videlicet eos ampliore flammâ collucere; plerunque autem ex Naphtha, Sulphure, & cerâ parantur. Non negārim quidem aliquid Optici Phænomeni intercedere; qui enim ea, quæ lucent, & noctu maiora apparent, quàm interdium, & remota maiorem in oculo sui imaginem imprimunt, quàm vicina, huiusmodi verò ignium artificiosa spectacula in aquis exhibentur noctu, & à spectatoribus absunt, idcirco nil mirum si amplior flamma videatur: præterquam quod ad spectantium oculos non soli radij directi, sed etiam ab aquâ reflexi veniunt, & maiorem lucis speciem in oculi retinā pingunt. Re tamen verâ flammam ipsam augeri existimo, calore scilicet accensi sulphuris aqua in vaporem soluta miscetur erumpentibus igniculis, & amplior flamma gignitur; adeoque cum nequeant tam celeriter auolare sic permixti exilientes igniculi, diutiùs flamma durat, quasi
fomi-

fomitum ex aquâ accipiens. Sic memini me legisse apud S. Ambrosium in cap. 3. Ecclesiastici serm. 2. *Sapè quidem videmus hoc fieri, ut aqua effusa flammarum restinguat incendia; sed & è contrario interdum videmus, quod immensi ignium globi aquarum fluentia consumant, & veluti ab aquis acceptâ escâ vehementius rediuiuis ardoribus conualescant, ita ut videatur aqua non extinxisse incendia, sed auxisse.* Quod si non immodica aqua in magnum ignem iniecta flammam excitat ampliorem, non videtur absolum idem contingere, vbi conflagrat in aquis materia sibi assumens ex proximo aliquid, quod in vaporem rarefcens augeat fumum, adeoque & flammam.

Maur. Non est ab hac doctrinâ alienum id, quod me aliquando amicus monuit, cum iussissem lateres in fornace excoqui, ad ædificium nescio quod excitandum. Monebat, inquam, vbi fornax incensis virgis in fasciculos colligatis ita probè iam incaluerit, ut paulo crassiora ligna immittenda sint, consultius accidere hæc nec adhuc viridia, nec penitus arida esse, sed medio quodam modo se habere; quia viridia multo humore superuacaneo abundant, nec flammam perennem nutriunt, sed prius in fumum sinè flammâ soluantur; arida citissimè quidem comburuntur, sed non tam ampla flamma serpit per omnia laterum interualla (nam & flamma ex prunarum congerie assurgens, ut dicebamus, minor est eâ, quæ ex sarmentis excitatur, quamuis acrior sit) atque caloris vehementia nimia alios lateres quasi in metallicam massam conflat, alios inæqualiter excoquit. At si ita exsiccata sint ligna, ut adhuc aliquid redundet humoris, flammam, quam in ardenti iam fornace facilè concipiunt, amplificat vapore sulphureis particulis permisto, ita ut neque tam citò absumantur, neque tam efferata sūt igniculorum vehementia à vapore aqueo cohibita, ut lentius excocti lateres in æquabilem duritiem solidentur, flammâ mitiore vniuersos fornacis recessus permeante. Et sanè multa sunt, quibus suadetur ad flammam opus esse humore; nam si Aristoteli credimus lib. de admir. audit. num. 34. *Circa Atitaniam iuxta consinia Apolloniatis saxum quoddam inesse autumant, ex quo quidem emissus ignis non percipitur, cum verò oleo desuper respergitur, inflammatur.* In candelis etiam & lucernis, ex quibus non adedò anomalè, sicut ex lignis, flamma consurgit, prope ellychnium flammam maiorem obser-

namus

uamus, quæ deinde extenuatur in apicem, quia in obstante aëre diuidendo viam sibi querit exacutus in cuneum vapor cum igniculis erumpens: si tamen ex illa flammâ ignem petere quis voluerit, multò facilius & citius accenditur candelâ immissa in flammam non prope ellychnium, sed versus apicem, immo supra apicem ipsum, si flamma non fluctuet; quia prope ellychnium humor terreis particulis permixtus nondum est adeò attenuatus, sicut in progressu ex concepto calore raritatem maiorem induit; ac proinde in candelâ accendendâ ellychnium se facilius insinuat flammæ apex, vbi maior est vis igniculorum; quippe qui minùs ab admixto humore cohibentur, quando hic est valde rarus, ac quando nondum est satis attenuatus. Hinc ignis, quem Reuerberij vocant, est validissimus, quia percussa flamma à furni fornice ita reflectitur; vt apex ipsius flammæ incurrat in corpus dissoluendum. Cum igitur ibi desinat flammæ apex, vbi humore satis attenuato libertatem nanciscuntur igniculi, manifestum videtur ad flammam requiri humorem vi caloris dissolubilem. Propterea, vt ante me dicere memini, amplior flamma ex lignis, quàm ex carbonibus excitatur, quia plus humoris in ligno inest, quàm in carbone. Hic tamen carbonum duplex genus distinguendum est; alij scilicet sunt prunæ post flammam extinctæ in foco relictæ, alij verò sunt lignorum fragmenta, quæ dum admoto igne comburi incipiebant, super iniectâ humo prohibita sunt, ne conflagrarent, adeò vt vix aliquid præter humorem aqueum redundantem expirauerint. Hi autem posteriore loco recensiti carbones, si accensi extimulentur flatu, maiorem reddunt flammam, quàm illi priores, quippe qui longè maiore copiâ sulphurearum particularum, humoris, & Salium volatilium referti sunt præ illis, quos subsidens flamma reliquit: propterea sicuti horum efficacia in calefaciendo ob igniculorum multitudinem vehementior est, ita expiratio (maximè in loco clauso) est multò nocentior.

Grad. Idetiam in Lithanthrace, seu carbone fossili, suo damno experti sunt Hollandi, qui in Nouâ Zemblâ hyemârunt anno 1596, vt in Diario Nautico part. 3. die 7. Decembris narrant. Vesperis, inquit, ex dictis carbonibus luculentum ignem struximus, qui quidem magnum calorem præbuit; sed ab infortunio nobis non cauebamus; nam, quandoquidem calor ita nos reficiebat, consilium querebamus, quo illum multo tempore retineremus

remus. Propterea consultum censuimus, ut omnes ianuas, & caminum obstrueremus ad gratum illum calorem intrâ ædes retinendum; & singuli concessimus cubitum hilares ob receptum calorem. Sed tandem oborta est nobis magna vertigo, vni tamen maior, quàm alteri, quam primùm deprehendimus in quodam, qui æger erat, quique propterea magis offendebar; atque etiam in nobis deprehendimus magnam anxietatem oboriri, sic ut, qui robustiores erant, ex suis cubilibus desilientes primùm caminum aperuerint, deinde ianuam; qui verò ianuam aperiebat, animi deliquio correptus concidit cum magno strepitu supra niuem. Ianuis apertis, omnes illo frigore fuimus resecti; quodque nobis tam acris hostis antè fuerat, tum salutis occasionem attulit. Sic illi. Neque mirum videatur huiusmodi expirationes sulphureas ex Lithanthrace adeò fuisse noxias; siquidem multa sunt, quæ vi ignis in fumum soluta alijs nocent, alios iuuant, pro sulphurum & Sallium varietate. Nuperrimè audiui suadentem, ex thure & Saccharo permixtis fumum apprimè salutarem ijs esse, qui rheumate laborant; nam qui in asperam arteriam defluxit ex capite humor, illique adhæret, nisi aliquid cum spiritu, quem ducimus, hauriatur, rarò educitur tam multis Eclegmatis, quæ Medici præscribunt, cum eorum potissima pars in ventriculum descendat. Sic Sandaracha, authore Dioscoride lib. 5. cap. 81. *suffitur cum resina, aduersus veterem tussim, raptò per fistulam nidore*. Et scio me legisse Sulphuris communis suffitu surditatem curari, lethargicos excitari, Paralyticos iuuari, paroxysmo Epileptico detentos liberari; fumo sulphuris cum bdellio, styrace, & assâ foetidâ, culices & cimices perire, aut sulphuri additis tantum myrti folijs, & bdellio.

Dand. Quin addis & Sycophantas Sulphuris fumo faciem decolorare, atque addito palæ combustæ fumo os macilentum mentiri? Sed quod ad Epilepticos attinet, legi Gagatem (vocamus Succinum nigrum) suo nidore Comitibus opitulari; Apuleius verò, in Apologiâ propè med., notauit huius suffitu exploratos seruos venales in foro expositos, nùm Epilepsia paroxysmum incurterent, *cum incensus Gagates lapis, ut apud Physicos lego, pulchrè & facilè hunc morbum exploret; cuius odore etiam in venalis ijs vulgo sanitatem, aut morbum venalium experiantur*. Quia fortasse morbi comitialis causa est tenuis & vaporosa quædam

dam materia subito motu cerebrum totumque neruosum genus peruadens, quæ etiam paulo-post nullo ferè relicto sui vestigio discutitur, vt placuit Sennerto Instit. Medic. lib. 2. par. 3. sect. 2. cap. 6.; ideoque in motum excitatur ab eodem fumo, & nunc corripit cerebrum, nunc ab illo discutitur.

Grad. Hoc etiam habet eiusdem Gagatis fumus, quod serpentes fugare censetur, omnesque ferè vires cum bitumine communes habere: Nicander autem in Theriacis ad necanda animalia venenata suffimentum prædicat ex bitumine, ad quod opus laudat Nigellam, Sulphur, & Bitumen: atque ex Anatolij mente bitumen suffitum plurimum valet aduersus erucas, ne herbas atque olera depascantur. Similiter Palladius de re rusticâ lib. 1. tit. 35. ait *Campas* (campe est vermis hortensis herbis & arborum frondibus infestus) *feritur euincere, qui fusticulos alij sine capitibus per horti omne spatium comburens nidorem locis pluribus excitârit*; & post pauca. *Nasci quæque prohibentur, si circa arborum vel vitium crura, bitumen & Sulphur incendas.* Styracem suffitu omnia ferè insecta animalia pellere docet Cardanus lib. 7. de Variet. cap. 30. Pennas Vpupæ, quot volueris, si in cubiculo accenderis, ita vt fumum sentiant, Muscas, Araneas, Scorpiones, aliaque animalia domo expelles, vt notauit Aldroandus de Insectis in Prolegomenis ad finem pag. 19.

Maur. Ego quoque pennarum combustarum tam tetro odore fugatus abirem multo certiùs, quàm Cornu Ceruinum antè serpentes adustum illos ad fugam adigat, sicut pulices odor crematæ calcis, si Mizaldo credimus Memorabil. cent. 2. num. 93. aut Vaccarum vngulæ ex prioribus pedibus, carbonibus ardentibus impositæ suffitu eneçant mures, aut aliò abigant, vt idem Mizaldus scripsit cent. 1. nu. 75.

Dand. Mures fugari, & fruges aduersus cicadas custodiri, suffitu lapidis Hematitidis, aut Myricæ viridis, aliquando quidem audiui, sed non maiorem dicenti fidem adhibui, quàm Camillo Leonardo in Speculo lapidum. lib. 2. pag. 131. scribenti, ex Magnete trito, prunis ardentibus per domûs angulos iniecto fumum excitari, quo fugantur morantes in eâ domo, quia domus videtur corruere, quo artificio latrones postmodum eorum bona diripiunt, dominis fugientibus: Nos enim & Magnete, & furibus abundans, neque tamen scio illos aliquando vsos hoc artificio: quem-

admodum neque timeo horribilia illa monstra, quæ in ædibus apparere fabulantur aliqui, si quis Magnetis puluerem prunis inspergat; modò absint Dæmonum præstigæ; tunc enim veriùs Magnes Lithodæmon, quasi lapis Dæmonis, vocaretur, quàm hoc vocabulo donandus esset Gagates, cuius suffitu Dæmones fugari perhibent, qui arreptitias temerè pronunciant foeminas, quas hystericae passiones inuadunt, & ex incensi Gagatis fumo leuamen accipiunt. Faciliores aures præbeo Plinio lib. 24. cap. 8. ad fin. asserenti Iuniperum accensam fugare serpentes: certè ex Iunipero fumum in peste salutarem esse omnium ferè consensione opinamur; quemadmodum *aërem pestilentem absque ulla noxâ emendant teterrimi odoris pleraque* (vt loquar cum laudato nuper Mizaldo cent. 2. num. 74.) *cuiusmodi sunt Castoreum, Galbanum, Sagapenum, Sulphur, Coriorum, Cornuumque suffitus, & puluis bombardicus; qui, ceu præstantissimum discutiendæ pestis remedium superioribus annis adhibitus fuit* (inquit Lemnius) *cum apud Tornacenses pestis totâ urbe grassaretur: Nam milites præsidiarij, qui in arce excubias agebant, tormenta bellica puluere bombardico, sed absque globis, repleta urbi obuertebant, illaque sub diei & noctis crepusculum explodi curabant. Hinc factum est, ut sonitu violento, fumique odore teterrimo contagium aëris discuteretur, & aliud depelleretur.*

Maur. Hæc omnia si attentè perpenderent ij, qui odores propagari non per corpusculorum effluvia, sed per Species quasdam Intentionales, vt vocant, vix, puto, non erubescerent se diu meris vocabulis adhæsisse. Particulæ sulphureæ, atque salinæ, quæ ex huiusmodi corporibus incensis exeunt in fumum, ac dissipantur, pungunt ac vellicant animalia, quibus infesta dicuntur, proinde illa aufugiunt, aut intercepto Spirituum animalium ac vitalium motu pereunt; nam & arbores suffitu Chalcanthi aut Arsenici enecantur; id quod vtique non contingit nisi propter ipsas expirationes, quæ arborum meatus peruadentes debitam particularum temperationem corrumpunt, aut illarum motum ad nutritionem necessarium impediunt, aut nexum dissoluunt, quo illæ copulabantur. Antiqui rei rusticæ peritissimi Oleo maximè cauebant à fumo: Nam Columella lib. 12. cap. 52. ait, *Neque fumus, neque fuligo, quandiu uiride oleum conficitur, in torcular admittatur, aut in cellam oleariam; nam est utraque res inimi-*

ta huic rei, peritissimique olearij uix patiuntur ad unam lucernam opus fieri. Quapropter ad eum statum cæli & torcular, & cella olearia constituenda est, qui maximè à frigidis ventis auersus est, quoniam minimè vapor ignis desideratur. Nec dissimilis est Palladij sententia lib. 1. tit. 28. de oleari cellâ loquentis: At si quis, inquit, maiori diligentia studeat, subiectis hinc inde cuniculis pauimenta suspendat, & ignem suggerat fornace suspensâ. Ita purus calor, olei cellam sine fumi nidore vaporabit, quo sæpè infectum, colore corrumpitur, & sapore. Si igitur non Species Intentionales, sed particulæ sulphureæ atque salinæ arbores enecant, & olei saporem vitiant ac colorem, quidni eadem, cum feriunt nares, excitent sensum odoratûs, neruorum fibrillas vellicando?

Dand. Quando Galenus lib. 2. cap. 4. de Arte curat. ad Glaucōnem. ad tollendos tumores scyrrhosos suffitum Pyritis proponit, docetque oportere Pyritem candefactum aceto inspergere, & partem affectam mox super lapidem mouere, ut ab eleuato sursum vapore durus tumor dissoluatur (hoc idem suffimen extenuando lieni aptissimum prædicat Cardanus) non utique dissimili vapore ægroti tumorem afflari, ac Medici nares existimauit; atque adeo sulphureæ Pyritis particulæ iunctæ salinis particulis aceti, quæ scyrrhi particulas dissoluere, ac secum rapere possunt, vim etiam habent efficiendi odoratûs sensum. Carbo ille fossilis, cuius paulò antè meminimus, adeo grauem exhalat odorem, ut qui assueti non sunt, sæuissimos capitis dolores patiantur; an Species Intentionales cephalalgiam excitant? Quid autem est, quod illius graueolentia purgatur iniecto pauxillo salis? habetne Sal virtutem cohibendi Species intentionales? Sed, si dixerimus Salem commisceri Sulphureis atque Salinis particulis Lithanthracis, adeoque prohibere, ne sulphureæ particulæ auolantes secum rapiant tam multas carbonis salinas particulas; & odorem habemus mitiorem, & sublata est magnâ ex parte causa doloris, quem in capite excitarent sales illi, si cum Sulphure per nares ascenderent.

Maur. Quandoquidem ad tam multa de fumo disputanda nos deduxit flammæ consideratio, liceat ex S. Augustino lib. de hæresibus ad Quod vult deum. hæ. 46. ridere ineptiam Manichæorum quinque elementa statuentium, Fumum, Tenebras, Ignem, Aquam,

Ventum. In fumo nata animalia bipedia, unde homines originem ducere, censent; in tenebris serpentina; in igne quadrupedia; in aquis natatilia; in vento volatilia. His quinque elementis malis debellandis, alia quinque elementa de regno & substantia Dei missa esse, & in illa pugna fuisse permixta Fumo Aëra, Tenebris Lucem, Igni malo Ignem bonum, Aqua male Aquam bonam, Vento malo Ventum bonum. Et inferius. Adam & Euam ex parentibus principibus fumi asserunt natos, cum pater eorum, nomine Saclas, Sociorum fœtus omnium deuorasset, & quicquid inde commixtum Diuinæ substantiæ ceperat, cum uxore concumbens in carne prolis tanquam tenacissimo vinculo colligasset. Quibus utique dici potuit, quod idem S. Doctor lib. 2. contra Faustum cap. 3. ait, *An in fumo vestra mendacia, tanquam fumus ipse, euanescent, atque deficiunt?* Immò illis congruisset exitus Vetronij Turini, quem conuictum, quod accepisset pecuniam, quasi cuiusdam causam Imperatori commendasset, cum tamen nihil dixisset (ut scriptum reliquit Lampridius in Vita Alexandri Seueri) ipse Alexander in foro transitorio ad stipitem ligari præcepit, & fumo appposito, quem ex stipulis atque humidis lignis fieri iusserat, necauit, præcone dicente, *Fumo punitur, qui vendidit fumum.* Aut potius quia *Ausi*, quod liceat tunicâ punire *Molestâ*, ut loquitur Iuuenalis Satyr. 8., induendi fuissent, quippe hæreseos rei, tunicâ alimentis ignium illitâ & intextâ, quam propterea *Molestam* dixere Antiqui; non enim fumo, sed flammâ digna erat tanta impietas. Verùm non æquæ acres sunt omnes flammæ, tum quia inæqualis est Sulphuris copiam, neque eadem cuiusvis sulphuris natura, tum quia non æquæ sinceræ sunt flammæ: Nam si carbonum flamma cum flammâ lignorum comparatur, hæc, cœteris paribus, est languidior, plus etenim habet fumi admixtum; & quemadmodum vinum aquâ dilutum imbecillius est mero, ita igniculi fumo permixti, quasi distracti & dissipati, minus habent virium: contra verò flamma ex congestis prunis vel sponte exiliens, vel follium flatu excitata, multo acrior est, quam scilicet non inficit aqueus humor superuacaneus, quo redundant ligna, etiamsi arida videantur.

Grad. Aëra quidem carbonibus est species; sed eorum naturam attendentes non pauca habent, quæ mirentur. S. Augustinus lib. 21. de Ciu. Dei cap. 4. de carbonibus loquens, Nonne miranda res est,

inquit, & tanta infirmitas, vt ictu leuissimo frangantur, & pressa facillimè conterantur; & tanta firmitas, vt nullo humore corrumpantur, nulla ætate vincantur, vsque adeò, vt eos substernere soleant, qui limites figunt, ad conuincendum litigatorem, quisquis post quantalibet tempora extiterit, fixumque lapidem limitem non esse contenderit? Quis eos in terrâ humidâ infossos, vbi ligna putrescerent, tandiu durare incorruptibiliter posse, nisi rerum ille corruptor ignis, effecit? Ideo ex mente Vitruuij lib. 5. cap. 9. in Ciuitatibus ambulationes, vt sint semper sicca, & non luteæ, sic erit faciendum. Fodiantur, & exinaniantur quàm altissimè, & dextrâ atque sinistrâ structiles cloacæ fiant, inque earum parietibus, qui ad ambulationem spectauerint, tubuli instruantur inclinati fastigio in cloacis. His perfectis compleantur ea loca carbonibus, deinde insuper sabulone ea ambulationes sternantur, & exaquentur: ita propter carbonum naturalem raritatem, & tubulorum in cloacas instructionem, excipientur aquarum abundantia, & ita sicca & sine humore perfectæ fuerint ambulationes. Hinc fortasse aliqui desumpserunt methodum construendi sicca pauimenta in cubiculis, sub quibus excuari nequeunt hypogæa: fodiunt enim ad mediocrem quandam altitudinem, & solo fistucato statumen inducunt silicibus, atque exaquant; tum carbonibus congestis, & spissè calcatis imponunt, vt moris est, lateritium pauimentum. Sic Theodorus Samius, teste Hesychio Milesio in lib. de ijs, qui famâ eruditionis claruere, consuluit, vt templi Ephesini fundamentis carbones substernerentur, quòd loco vliginoso carbones ligneam exuti naturam soliditatem acciperent aquis inexpugnabilem. Occultam autem putredine non vitari carbones humi defossos, ideò contingit, quòd sublato multo humore aqueo, qui ligno insitus erat, vix tantum humoris reliquum est, quantum satis est ad terreas particulas cum Salibus & Sulphure conglutinandas (ex quo carbonum fragilitas oritur) circumfistentis autem terræ calor non valet humorem illum exiguum attenuare, atque particularum carbonem componentium nexum dissoluere, quemadmodum ligni alicuius humorem abundantem attenuans euocat etiam Spiritus, & reliquæ partes minus arctè complicatæ concitantur in motum, vnde fit putredo. Hæc humoris aquei inopia carbonem efficit facilem ad exardescendum, & flammam, si paria sint cœtera, puriorem reddit,

magisque perspicuam, quam quæ prodiret ex ligno, quod in carbones perustum fuit.

Dand. Quod ad flammæ ex carbonibus perspicuitatem maiorem attinet, quæ sæpius aliquid habet cærulei, non obscuram Sulphuris notam, nihil nunc de luce disputemus, res enim est, quæ tenebris fortasse non caret; sed subtilitas illa flammæ ex carbonibus magis perspicuæ nos in cognitionem deducat, cur illa validior sit, quippe quæ ob suam tenuitatem, ac minorem cum humore aqueo permissionem, facilius se in corporum meatus insinuat; idè carbonibus potius, quàm lignis, vti placet in liquefaciendis metallis. Porro in tanto fornacum ardore satis constat etiam multos sales à particulis sulphureis abripi, atque commisceri liquenti metallo, quod pro carbonum varietate aliquando flexile euadit, aliquando nimis durum, ac fractioni obnoxium. Cuius rei argumentum suppeditat Atlas Sinicus pag. 131. in XII Provincia Quangtung. *Fusa*, inquit, *ex hoc ferro fistula pro bombardis*, quod sanè mirum, nunquam dissiliunt in frustra, sed, si nimium infarciuntur puluere, aut ignis vim nimiam aliàs ferre non possint, ut summum finduntur, aperiunturque aliquantum absque adstantium noxâ; ex eo fortasse, quod ligneo carbone illi liquefiat ferrum, qui lentitudinem aliquam illi conciliet, ac viscositatem relinquat, non fossili, qui nimium induret ferrum, atque constipet. Nam sulphur soli iunctum tribuit ferro duritiem, sed & fragilitatem.

Maur. Hic verò, vbi de tenuitate flammæ sermo est, nobis non excidat discrimen, quod inter vim vrendi, & virtutem calefaciendi, hoc est sensum caloris in tangente excitandi, intercedit; flamma etenim licet exilis paleas & stuppam breui momento comburit, aqua quantumvis feruens nunquam illas accendit; contrà verò per ascendentem ex stramine aut stuppâ ardentibus flammam celeri motu trajicies manum innocuam, at non item absque doloris sensu per aquam feruentem; ac propterea flamma ex paleis comburit ea, quæ accendere nequit aqua feruens; hæc autem citius caloris sensum infert, quàm illa flamma. Exarsio nimirum est partium sulphurearum atque Spirituum vehementius concitatorum eruptio è corpore, quod ignescit; idcirco recepti ex flammâ igniculi in paleis, aut stuppâ, harum particulas dissolvere atque agitare valent, ut confertim exiliant, neque illas erumpen-

tes circumstans flamma opprimit; at ignei spiritus, quibus extrinsecus receptis aqua feruens scatet, licet stuppam imbuentes calefacere valeant, quia tamen cum humore permisti in illam penetrant, non valent stuppæ particulas dissolvere, vt turmatim erumpant, immò, si erumpere conarentur, a circumstante aquâ comprimerentur. Contra verò manum traiciens per flammam à superioribus partibus auolantibus nihil recipit, ab inferioribus, quæ in manum incurrunt, in tantâ motûs celeritate vix paucissimos recipit igniculos, quibus intepestat manus; at si æquali motu per aquam feruentem deducat manum, tum anteriores aquæ partes, quæ propelluntur, tum posteriores, quæ subsequuntur, tum quæ ad latera manum complectuntur, suos igniculos immittunt, quibus neruorum fibrillæ acrius vellicantur, cum maximè aqua manui adhærens calorem foueat & augeat, flamma autem ex palcis sit valdè rara, nec hæreat.

Grad. Simile quid fortasse dicendum erit, si fidem adhibeamus tum Aristoteli lib. de admir. aud. num. 35. scribenti, *In Pitbecusis ardentem ac supra modum calidum ignem reperiri aiunt, verum non adurentem*; tum Plinio lib. 2. cap. 106. loquenti de igne in Megalopolitanorum agro, quem *lucundum* vocat, cum frondem densi supra se nemoris non adurat, & iuxta gelidum fontem semper ardeat; & sequenti cap. 107. flamma, quæ *exit ad Aquas Scantias*, *inualida est*, cum transit, nec longè in aliâ durans materiâ. *Vires aternò. hunc fontem igneum congens fraxinus*. Cum enim fraxinus sit ex ijs arboribus, quæ Sale abundant cum mediocri sulphure, & exiguâ Spirituum copiâ, ideoque vt plurimum longæuæ sunt, & sub cortice succum, quo nutriantur, etiam hyeme seruant, sicut & quercus, & vlmus (licet apud nos frondibus spolientur) fieri potuit, vt fraxinus illa nullis pateret hyemis iniurijs, quam blandus subiecti ignis calor foueret, nec tamen adurerentur frondes, ad quas procero trunco altiùs sublatas non peruenirent acriores igniculi aut flatu aliquo dissipati, aut (vt tibi aliquando, Maurocene, placuit) post modicum in eruptione ascensum suâ grauitate deorsum recidentes. Si autem flamma illa inualida est, cum transit, nec longè in alia durat materiâ, manifestum est illam tenuibus & languidis constare igniculis, qui vix alienæ materiæ, in quam incurrunt, irritare possint particulas, & in motum concitare, adeò

vt absque vehementi eruptione Sulphurearum particularum ad summum non nisi extimâ superficies ignem breuem concipiat. Idem quoque affirmarem de Iucundo illo Megalopolitanorum igne innoxie ardente sub densi nemoris fronde. Ne verò in Sapientissimi Philosophi mentem nimis facile credulitatem irrepsisse dicam, cum ignem calidissimum, nec tamen adurentem in Pithecusis dignum esse censuit, qui literis consignaretur, fortasse ex igne illo acerrimi spiritus prodibant, qui citissime ac vehementer ferirent tangentis neruos, adeoque molestissimum caloris sensum excitarent, nimiam tamen velocitate præteruolarent materiam, quamuis ad conflagrandum facilem, sed eam vix lamberent, non penetrarent, quemadmodum de Ætnæâ flammâ, quæ scit niuibis seruare fidem, Poëta cecinit.

Dand. Poëticè profectò: sicuti de nauigantibus dicitur, *Turresque urbesque recedunt*, ita de Ætnæâ flammâ canitur, *Lambit contiguas innoxia flamma pruinas*: ijs videlicet, qui procul montis verticem spectant, erumpens ex cratere, cuius amplitudinem non vident, flammam sui imaginem oculo imprimit proximam imagini niuis, qua extimus crateris margo conuestitur; propterea flamma procul aspectanti oculo apparet niui proxima: ceterum ex intimis Ætnæ visceribus erumpens flamma abest à niue tanto interuallo, quanta ferè est crateris semidiameter: adeoque non miror, si flammâ à niue, distans centenos aliquot passus, sursumque ascendens, niuem ad latus positam intactam relinquat; quis enim hostem absentem, nec ad se venientem, sed aliorum magnis itineribus progredientem reformidet? Ego verò (pace tua dixerim, Gradonice) non adeò benignum interpretem me exhibeo Aristoteli; cum enim Pithecusæ non sint à nobis admodum remotæ, sed in Sinu Puteolano, quam insulam Ænariam, Homero Inarimen, hodie Ischiam, ab oppido coxendicis formitum referente vocant, nullum tam mirandi in Naturâ prodigij vestigium retinere nouimus. Quapropter suspicor ab aliquo fictilia dolia (quæ Pithecusis nomen dederunt) inde in Græciam aduehente fabulam exisse, atque in vulgus emanasse tam constanti famâ, cui non putârit Philosophus operæ pretium reluctari. Quoniam autem vt plurimum, sicuti tritici grana in Lolium vitio deprauati nutrimenti degenerant, ita veritas aliqua commentis fucata tranût in fabulam; idcirco contingere potuit adueniam illum baculo

baculo flammam tentasse, sed cum vim caloris ferre nequiret, celerrimè manum retraxisse; cumque in baculo, præter opinionem, nullum ignis vestigium cerneret, ac miraretur in tanto incendio non statim conflagrâsse lignum, in patriam redux confidenter pronunciauit flammam illam vehementer quidem calidam, non tamen adurentem esse. Iubeat quis famulum ex ingenti flammâ accendere candelam, nullus dubito, quin seruus nimio calori ferendo impar statim ad dominum rediens sanctè assuecet id à flammâ præstari non posse.

Grad. Ego verò famulum huiusmodi non redarguerem omnino; nimio scilicet calore liquescens cera, aut sebum, affatim ellychnium obstruit, nec igniculis celerrimè agitatit aditum permittit: quemadmodum enim accensa candela si deorsum inclinetur, affluens in ellychnium, & circa illud, cereus liquor flammam suffocat, ita illud imbuens & complectens prohibet, ne flammam concipiat. Quod si ellychnium calido cineri prius immittat, tum illud flammæ admoueat, facilè accenditur candela, adhærent siquidem ellychnio cineres permisti ceræ, quam diuisam subeunt igniculi, & accendunt. Neque enim ijs assentire possum, qui putant pinguis & oleosa ideò seorsim non ardere, quia non nisi ardenti corpori iuncta accendantur, & cereis atque Lucernis ellychnia addi, vt accenso ellychnio oleum pariter aut cera ardeat. His, inquam, non assentio, ellychnia enim sæpè parantur ex materiâ, quæ comburi neque accendi potest, satis tamen sunt, vt materia pinguis, qua imbuuntur, flammam concipiat: ideò igitur pinguis non accenduntur solitaria, quia eorum particule cohærescunt; quæ si diuidantur interiectis ellychnij particulis, ab igne corripuntur, atque his in flammam abeuntibus aliæ succedunt, quandiu inter ellychnij particulas commisceri valent. Cineres itaque candelæ illis immixtæ ellychnio adhærentes locum præbent igniculis, in quem se insinuent.

Dand. Satis quidem, quæ de flammâ hætenus disputauimus, cohærere videntur cum experimentis; Sed nobis nullum veritati fucum induci patientibus dissimulandum non est vehementem hanc sulphurearum, Salium volatiliū, atque pneumaticarum particularum eruptionem, quæ flammam constituit, ægrè conciliari cum celebratissimis antiquorum lucernis perpetuis; neque enim perpetua fieri potest huiusmodi particularum separatio, quin

tandem aut exhauriatur, aut euanescat corpus, quod fuit inflammatum.

Maur. Non est nobis peculiaris hæc difficultas: etiam si enim materiam accensam mutari in ignem, factâ illâ, quam communiter Peripateticæ Scholæ adstruunt, substantiali conuersione, quis dixerit, nemo tamen dubitat, an ea consumatur, si ignescat: quomodo igitur perpetuam lucernæ flammam subministrare poterit?

Grad. Posse carbones ignescere, nec tamen consumi, aliqui putant: iubent ollam fictilem satis validam, ut ignem ferre possit, impleri extinctis carbonibus, tum imposito operculo rimas omnes luto obstrui: Exsiccato luto imponatur olla fornaci, atque igne circulari tota ignescat. Carbones fuisse accensos constabit, si ollam à fornace extractam frangas, omnes enim apparebunt igniti; at carbones non consumi affirmabis, si ollam similem carbonibus plenam & ignitam permittas sponte suâ refrigerescere; ubi enim frigida ollæ operculum detraxeris, integros carbones deprehendes.

Maur. An sint carbones accensi, quandiu integra & clausa manet olla, si dubitare velim, quis prohibet? Non nego plurimos igniculos per ollæ meatus intrusos se insinuasse in carbonum extimam superficiem aëre exeluso, qui propterea in angustiore locum per vim coactus aptus esset suâ virtute elasticâ vas diffringere, nisi satis validum esset. Ob illas tamen angustias agitari non possunt immissi igniculi, neque sulphureæ carbonum particulae; ideo nulla fit, saltem notabilis, accensio, neque partium dissolutio: cumque per exemptâ è fornace ollæ meatus eosdem, per quos ingressi fuerant igniculi, iterum exiliant, & refrigerescere ollâ sensim inclusus aër qui fuerat constipatus, dilatetur, neque permittat sulphurearum particularum agitationem; propterea in frigida ollâ, qui nunquam fuere accensi, integri carbones reperiuntur. At, inquiet aliquis, fractâ ollâ ignitâ carbones omnes videntur accensi. Ita planè; sed momento eodem, quo, egrediente aëre, datur igniculis immissis spatium se agitando, agitantur pariter Sulphureæ carbonum particulae, & prunæ fiunt: quemadmodum enim non rarò contingit ignem in loco clauso contineri sine flammâ, & ubi primum exitus aliquis aperitur, illico flamma erumpit; ita fieri potest, ut carbonum pori pleni sint immissis ignicu-

lis, quibus non suppetat spatium se agitandi, quia comprimuntur, & ubi primum sublata fuerit illa violenta compressio, confestim se in motum concitent, & fiat accensio. Quapropter materiam aliquam accendi, & non consumi, mihi velim validioribus argumentis persuaderi. Neque omnino leuem esse censeo propositam de Lucernis perpetuis difficultatem, si illas fabulis non adnumerandas esse concedamus. Ex Bonfinio lib. 2. Decad. 2. habemus, Leone Pontifice à Normannis capto, Pallantis corpus stupendæ magnitudinis inuentum Romæ adhuc incorruptum, cuius hiantia quoquæ vulnera cernere erat. Præterea lucerna ad caput ardens, quæ neque vento, neque aquâ, nec quouis alio liquore extingui poterat: verum adactò stylo, per foramen ingruente aëre lumen euauit. Si igitur lumen vasi inclusum erat, quid mirum, si vento vas perflante, aut aquâ alioue liquore vas extrinsecus perluente, inclusa flamma non extinguebatur? Si autem flamma lucernæ conspicua erat, vasis materiam perspicuam fuisse necesse est: igitur aut ex vitro, aut ex lapide speculari, aut ex cornu in lamellas dissecto, cuiusmodi nostratibus Laternis opponitur, vas illud erat. Sed neque de vasis materia, neque de inclusi ignis fomite perpetuo, ex antiquorum monumentis quicquam constat, quod quidem apud probatos authores legirim. Quod si flamma non erat in vase conclusa, neque statim aperto sepulchro extincta est, non facile crediderim voluisse illius ætatis viros tam nobile artis aut Naturæ prodigium extinguere iniectâ aquâ, alioue liquore, ita vt eam non posse extingui experirentur.

Grad. Lucernæ inextinguibilis in fano Veneris sub dio, quæ neque vento, neque pluuiâ extinguebatur, meminit S. August. de Ciui. Dei. lib. 21. cap. 6.; non tamen scribit id contigisse manente semper eodem fomite; sed potuit igni suppeditari nouus semper fomes ex bituminosis & pinguibus materijs; nam & apud nos nocturnæ faces viatoriarum parantur, quas nec ventus, nec pluuiæ extinguunt; non tamen sunt perpetuæ. Neque aliter intelligendum puto, quod Strabo lib. 9. de templo Mineruæ in quadam Atticæ vrbe loquens ait; *Saxum est in plano quaquauersum habitato, quo in saxo vetustum Mineruæ Poliadis templum surgit, in quo lucis inextincta lychnus est, & virginum domus, quam Icinius condidit, ubi Palladium est ex ebore perfectum,*

opus Phydæ: ille etenim lucis inextinctæ Lychnus non continuo censendus est habuisse lucem inextinguibilem; siquidem Plutarchus in Vita Numæ scribit, *ignem perpetuum à mulieribus matrimonio solutis seruari consuevisse in Graciâ, ut Pythia & Athenis: ubi si quando exstinguebatur, ex Solis flammâ peregrinum ignem elici oportebat.* Ignis igitur perpetuus ac inextinctus erat; & tamen extinctioni obnoxius; erat scilicet ignis, cui fomitem subministrabat oleum; nam idem Plutarchus tùm in Vita Numæ tùm Problem. cap. 75. tradit Lychnum in arce Athenis Mineræ consecratum fuisse, qui oleo semel repletus assiduo luminis alimenta sufficiebat ad insequentis anni eundem diem. Sic & æternos, adiectâ subinde ad exardescendum materiâ, Vestæ ignes dicebant Romani; & inextinguibilem lucernam in templo Ammonis, quia adiecto semper fomite ardebat, vocabant, ex qua eius templi Sacerdotes, vt scriptum reliquit Plutarchus lib. de defectu oraculorum, annorum inæqualitatem probare volebant, cum in illâ ignis singulis consequentibus annis minus olei absumeret. Id quod si à figmento absit, & fabulæ suspitione prorsus careat, fortasse non incongruè tribuatur fœcibus olei superiore anno relictis, quæ permixtæ oleo deinceps iniecto efficerent, vt hoc minùs feliciter arderet, adeoque minor olei copia diutius duraret, non crumpentibus in flammam tot sulphureis particulis per singula momenta, quot erumperent ex oleo omninò defœcato. Sic minor lignorum copia in fornace pari tempore absumitur, si illa adhuc aliquid humoris aquei retineant, quàm si arida fuerint.

Dand. Quidni fœcibus olei idem contingat, quod Salis? Si ex Sale Communi contrito, misto oleo fiat meta cum ellychnio, multo diutius flamma durat in modico oleo, quàm si nulla facta fuisset Salis permixtio. *Cares, qui Ægyptum incolebant, vt scribit Herodotus lib. 2. Vbi in Saim urbem conuenerant sacrificaturi, noctu sub dio uniuersi circum mœnia frequentes lucernas accendebant imbutas Sale, & Oleo plenas cum multo lychno, ut totâ arderent nocte: cui festo nomen impositum est, Accensio lucernarum.* Ex Georgio Marcgrauio lib. 1. Hist. rer. nat. Brasiliæ cap. 22. pag. 47. Ghandiroba fructum producit magnitudine pomi maioris, in quo est nucleus oleaginosus ex albo flauescens pelliculæ inclusus. Ex hoc nucleo oleum parant Brasilienses, quo in lucernis vtuntur, cla-

clarissimum & optimum, tardè enim consumitur: in cibo non potest usurpari, quia amarum est, quemadmodum & totus fructus. Amarum sapor videtur satis indicare non modicam Salis copiam sulphureis particulis implicitam, quæ propterea illis manum iniecit, ne tam celeriter commoueantur, & auolent in flammâ. Certè iterato sæpius experimento comprobatum est, iniecto in Lucernæ oleum Sale communi, flammam longè diuturniorem esse; non quia Sal sit ardoris fomes, sed quia olei particulis implicitus prohibet, ne illæ tam celeri motu, ac si solitariæ essent, soluantur in flammam. Hinc valdè hallucinantur quidam sibi persuadentes Oleum ex Sale communi elicited subministrare posse materiam flammæ perpetuò duraturæ, atque huiusmodi oleo instructas fuisse lucernas sepulchrales antiquorum, quas inextinctas perennasse tradunt. Nam oleum ex Sale destillatum non esse opportunum flammæ nutrimentum manifestò constat: An verò si Oleum hoc Salis cum oleo oliuarum (aut simili oleo ex amygdalis, ex nucibus, ex seminibus lini, vuarum &c. expresso) misceatur, efficere queat, quemadmodum Sal ipse, vt oleum illud lentius ardens diutius flammam emittat, nihil ausim affirmare, quippe nullo nixus experimento: sed perennaturam flammam prorsus non sperarem.

Maur. Quod ad perennes illas sepulchrales lucernas attinet, si fas est sincerè eloqui, quod sentio, primùm anceps hæreo, quantum fidem adhibere oporteat historijs, quæ passim circumferuntur, cum videantur alij ex alijs exscripsisse, & à quibusdam quandoque aliqua addantur, quæ, vtpotè minùs probabilia, scribentium fidem eleuent; quemadmodum de Pallante, cuius paulò antè memini, hastâ quidem transfixo, legi, non sinè risu, tam amplam vulneris cicatricem in incorrupto cadauere fuisse deprehensam, nempe pedum quatuor & dimidij (vt ex Krantzio narrat Beyerlinck in Theatr. Vit. Hum. V. Gigas) quantâ vix relinquere potuisset validus ictus bipenni inflictus. Deinde lucernas quidem cadaueribus apponi solitas non inficior, cum non pauca præ multorum manibus habeantur fictiles lucernulæ in cryptis inuentæ, ac potuisse tam exiguo ellychnio illas instrui; vt tenuem flammulam, quæ, pro sepulchri amplitudine, suo ipsius fumo non præfocaretur, emitteret aliquandiu duraturam fomite lentius absumpto. Verùm si fuisse perpetuas lucernas admittamus, adhuc

in dubium reuocari potest; vtrùm lucerent solùm, an verò etiam arderent. Si enim arsisent, vix aliter flammam illam perennare potuisse intelligo, quàm si fieret quidam materiæ in orbem reditus, quemadmodum in vasis Chymistarum Circulatorijs, vt in Pelicano; ascendens scilicet fumus ad summum vasis apicem ibi iterum cogeretur in Liquorem, qui per recurua vasis brachia descendens ad lucernæ fundum, fomitem flammæ denuo subministraret. Hic tamen exardescentis atque postmodum concrefcentis materiæ circuitus suis non caret difficultatibus: propterea verosimilius videtur lucem fuisse ab ardore seiunctam, cuiusmodi in Cîcindelâ, & quernis lignis putridis obseruatur, aut in succo expresso ex vermiculis, quos vulgus Ballaros vocat, innascentibus saxo marinæ aquæ immerso in Portu Anconitano; huiusmodi enim vermiculos contusos, & in vitream phialam iniectos tantum luminis emisisse, vt in obscuro cæteroquî cubiculo potuerit literas legere, mihi sanctè affirmavit non semel vir fide dignissimus. Et Plinius lib. 37. cap. 11. de gemmis loquens ait, *in Phlegontide intus ardere quædam videtur flamma, quæ non exeat. In Anthracide scintillæ discurrere aliquando videntur*. Sed mihi ægrè persuadeo, quo tempore Pallas extinctus est, tantam fuisse in Latio artis Chymicæ notitiam, vt liquorem ex salibus volatilibus condensatum pararent, aut materiam aliquam lucibibulam, ex quibus lumen perpetuò emicaret. Certum quoque est non fuisse appositam Phlegontidem gemmam, hæc enim suam flammulam non amississet, neque in illam adigi potuisset stylus, quo adactò, & per foramen subeunte aëre, flamma euanesceret.

Grad. Proclive est omnibus (nemo enim vult nescire) eorum, quæ præter communem naturæ consuetudinem contingunt, causas venari, si fortè in illas incurrat: idcirco aliquando mentem subiit & de hisce perpetuis lucernis aliquid comminisci. Narrauerat mihi Amicus ille noster, qui tam acres nobis subdidit stimulos ad hanc de Igne commentationem; aliquid, cui ipse interfuerat, & proprijs oculis admirabundus spectauerat adhuc puer, sed iam tum in illâ ætatulâ satis curiosus. Consueuerant in patriâ illâ nobiles pueri plures progredi simul ad deambulandum, instituto quasi conubernio ad iacienda inter familias amicitie semina; ijque pro discipulâ parentum indulgentiâ, bacchanaliorum tempore, quibus diebus ab studijs feriabantur, sub noctem in alicuius ex illis domum,

mum, comitibus pedagogis, se recipiebant honestæ animorum
 remissioni operam daturi vsque ad tertiam noctis horam, cum ex
 singulis cuiusque domibus famulus aduenisset facem prælaturus,
 quam, habitâ rationis valdè niuosæ & tempestatis hyemalis ratio-
 ne, tam esse oportebat, cuius flammam neque ventus neque plu-
 uia faciliè extinguere valeret. Contigit autem semel ex famulis
 vnum, cum aduenisset herilem filium domum reducturus, & ad-
 huc aliquandiu illum præstolari necesse esset, voluisse facem extin-
 guere, ideoque illam appressisse angulo, quem scalarum gradus
 cum pariete constituebant: compressâ flammâ retraxit facem,
 & ne quid foetoris exhalaret ellychnium fumigans & adhuc accen-
 sum, iterum facem ad angulum eundem applicuit: & ecce ex ino-
 pinatò flamma corripuit ellychnium; obstupuit primum; tum lu-
 dibundus iterum facem in angulo eodem graduum extinxit, ite-
 rumque accendit: id quod puer vnus illac fortuitò transiens ob-
 seruauit, & pueros aliquos, inter quos Amicus, ex proximo
 conclaui euocauit, atque interfuerunt ludo aliquoties iterato.
 Non aliam rei huius causam agnosco præter hanc, quod scilicet in
 angulo illo hærebant sulphureæ & bituminosæ particule raræ atque
 calentes; quæ admotâ face adhuc valdè calente faciliè nouo impetu
 agitari incipiebant atque inflammari, & vicissim sulphureas facis
 particulas excitabant, vt confertim in flammam erumperent. Sic
 obstupescunt rudiores, siquando viderint candelam recens extin-
 ctam iterum accendi admotam pavimento aut parieti, ignorantes
 fuisse latenter conspersum contrito sulphure, quod faciliè accensum
 (ideò viuum & viuax dicitur, namque vt cecinit Ouidius, *Ad-
 motas rapiunt viuacia sulphura flammæ*) etiam candelam ac-
 cendit. Hinc suspicari cæperam, an fortè materia aliqua inflam-
 mabilis parari posset, quæ vase in conum fastigiato conclusa, &
 accensa, ita flammæ reliquias ad angulum compelleret, vt illæ
 iterum à residuo ellychnij calore accenderentur, & reciprocan-
 te motu (sicut faci illi contingebat) ad ellychnium redirent: pro-
 pterea exiguus flammæ fomes requireretur, ne nouâ materiæ ac-
 censione flamma præfocaretur: id autem si fieret, manifestum est
 aperto vase flammam illico expiraturam. Mihi tamen ineptè blan-
 diri nolui, quasi eâ facilitate in praxim deduci possent hæc, qua
 lieuit ea mentis intelligentiâ complecti; quæ enim erit materia illa?
 quæ vasis amplitudo? quæ fomitis mensura?

Dand. Quod de vase in conum fastigiato innuisti, conuenit cum eo, quod aliquando excogitare placuit super hoc eodem argumento. Siquidem enim Oleum Sulphuris, vt vocant, ex campahâ vitreâ stillat, sub qua accensum sulphur comburitur; nil prohibere videtur, quin pariter, si purissimo œnostagmate ellychnium imbuatur, & in vase conico accendatur, id, quod in flammam ascendit rarum, per vitri latera descendat concrefcens, & addatur reliquo œnostagmati, quod basi incumbens sensim per ellychnium attrahitur: si videlicet & tam amplum sit vas, vt flammula non præfocetur, & ellychnium tenue ex amianti filis ita emineat supra œnostagmatis superficiem, vt illud non incendat. Verùm subuereor, ne nostris huiuscemodi cogitatis operam ludamûs; rem enim, si flamma accendenda est, ad praxim deducere non leuibus, vt video, scatet difficultatibus. Quapropter in Mauroceni sententiam facilè venio, nempe lucem fuisse sinè ardore; quandoquidem, vt ad cap. 6. lib. 21. de Ciu. Dei Ludouicus Viues scripsit, *Erutum est sepulchrum memoriâ patrum, in quo ardebat lucerna condita ibi, vt ex inscriptione apparebat, supra millesimum & quingentesimum annum; eaque tota, ex templo ut contrectari cœpta est, inter admotas manus friata in tenuissimum abiit puluerem.* Cum ergo nulla liquoris fiat mentio, immò in puluerem abierit tota materia, quæ manibus potuit innoxie contrectari, non temerè suspicemur lucidum quid fuisse citrà flammam, & fluiditatem liquori debitam. Addo me legisse scriptum, Valentix in Delphinatu anno labentis sæculi 53 in Campo, vbi magna sepulcrorum antiquorum ex lapidibus & marmore constructorum copia inuenta fuit, repertum pariter globum vitreum, in quo lux quædâ circulabatur: quæ tamen illico extincta est, ac rupto globo admissus est aër. Audiui Serenissimo Electori Brandenburgico haud ita pridem exhibitum duplicem Phosphorum, alterum quidè fulgurantem & colore atque duritie non absimilem succino flauo, alterum verò liquidum (quem & Ignem frigidum indigare aliquibus placuit) qui, si vitrum aperiatur, in densum fumum abit, Maur. forè Allium redolentem.

Grad. Apud Alderquandum de Mineral. lib. 3. cap. 6. pag. 348. Caneparius in lib. de Atramētis. Liquorem, qui sit fomes ignis perpetui in Lucernis sepulchralibus, sic parat. Sumantur, inquit, tres situlæ Lotij putrefacti, in quo sex libræ Chalcanthi Romani

solutę triduo infundantur: deinde leui igne organis vitreis destil-
lentur; nam egredietur pars tenuior, & halituosa instar spumę,
quę rursus destillatione leui igne rectificanda est: quia tunc exibat
Spiritus Lotij cum Spiritu Vitrioli instar Salis, qui in nouā ampul-
lā reponatur alteri subiectā stipatis iuncturis; & ignis augeatur,
donec Sal ascendat; septiesque huius salis sublimatio repetatur.
Deinde libra huius salis addatur vncijs tribus Talcı minutim mo-
liti, cum lapillis fluminis in sacculo, vt moris est; postea ter subli-
metur per balneum maris, & soluetur instar olei viridis, quod per-
petuò ardere perhibetur. An liquor istę ex salibus volatilibus lucet,
quin tamen ardeat?

Quęcunque demum fuerit perennis illa lucernarum lux (de qua
omnino non consentiunt Authores, præterquam in hoc, quod
aperto sepulchro illicò euanuerit, fortasse quia ad eò languida erat,
vt admissā Solari luce omnino non appareret) vt ad ea, quę oculis
nostris subiecta sunt, redeamus, in ijs, quę inflammantur, va-
rietas quędam obseruanda est. *Ecquando-ne vidistis*, vt Apuleij
in Apologiā. verbis vtar, *flamınam stipulā exortam, claro crepi-
tu, largo fulgore, cito incremento? Sedenim materiā leui, cadu-
co incendio, nullis reliquijs.* At verò si crassiuscularum virgarum
fasciculis admouetur ignis, nec ad eò promptę exurgit flamma,
nec in tantam amplitudinem excrescit, nec tam celeri impetu au-
getur: Sed, quia solidiorem materiam pluribus terrenis particu-
lis & Salibus fixis constantem ægrę permeant, atque dissoluunt
igniculi, adeoque exilientes sulphurearum particularum mani-
puli turmas minores constituunt, minor quidem excitatur flam-
ma, verum diuturnior; & quia non omnes confertim exilire pos-
sunt sulphureę particule penitiùs implicitę salibus fixis & terrę,
relinquuntur prunę, quę lento incendio extabescunt in cineres,
vix exiguis aliquot carbonibus relictis. Id eò ex incensis stipitibus
& crassioribus lignis, quę terrā & Sale abundant, vbi flamma
resederit (relinquuntur titiones ac prunę crassiores, quę auolan-
tibus igniculis iam dissolutis extinguuntur, pluresque carbones
ex ijs supersunt: ex paleis verò atque stipulis, quas flamma vs-
quequaque corripit, vix fauilla relinquitur, cū earum sulphur
exiguo sale modicaque terrā contineatur. Porro oleosa & pingua,
si fuerint sincera, nullis reliquijs exardescunt, & flammam non
quidem amplam, sicut ligna aut stipulę, alunt, sed multò diu-

turniorem; quia eorum particulae, ex quibus coaluerunt, ita fuere à Naturâ minutatim concisæ, exquisitè permixtæ, inuicem complicatæ, atque tenaci vinculo coagmentatæ, vt nequeant Spiritus & Sulphur auolare, quin secum rapiant, quicquid terreum atque Salinum illis admiscetur. Hinc flamma perennis videtur indiguiffe fomite pingui & oleoso, qui totus paulatim absumeretur, & iterum subinde concrefceret in vase occluso; alioquin euauisset dissipatus in auras incensus vapor, nisi cohibitus fuisset in vase.

Dand. Sed neque illud dissimulare possum, quod flammæ motus velocissimus est, & multo impetu propellit incumbentem sibi atque aduersantem aërem, vt in caminis experimur, si cubiculum fuerit clausum; ascendens quippe flamma per camini tubum, & suo calore rarefacit, leuioremque efficit obuium ac proximum aërem, & suo impetu ita illum propellit, vt per ianuæ & fenestræ rimas alium externum aërem attrahat, qui in aëris camino proximi, atque in tubum attracti, locum succedat; quantoque maior est flamma, eò validiùs siue attrahitur, siue irrumpit aër per rimas clarissimo murmure, nec sinè sensu acuti frigoris, si quis ad rimam proximè accedat.

Grad. Ideò nescio quem aliquando audiui, ioco-ne? an serio? suggerentem amico methodum refrigerandi in summo æstu vinum aut aquam ope ignis: iubebat scilicet rimas omnes fenestrarum & ianuæ accuratè obstrui præter vnam, cui intrà cubiculum, aut aulam, opponeretur vitrea phiala vino plena; tum sub camino accendi sarmenta, quorum flamma vberior celeriter ascendens aërem per patentem rimam attraheret in speciem venti valdè frigidi, qui perinde frigidum efficeret vinum vitreæ phialæ inclusum.

Dand. Cum itaque flamma & proximum aërem calefaciens rarum, faciat amplioris spatij indigum, & suo motu obuium aërem impellat, si fuerit in vase penitus clauso, fieri non potest, quin reliquus aër comprimatur; hic verò vi suâ elasticâ compressioni reluctans, expansionem flammæ impediat, necesse est, atque demum illam extinguat. Contigit mihi aliquando, templum ingredienti, cum humandum esset cadaver, & recens apertum fuisset sepulchrum, videre rem tunc prorsus inopinatam: etenim cum vespillo in sepulchrum inferre vellet facem, accensam, illa, quam-

quamuis esset ex maioribus, & amplam flammam emitteret, ubi aëre illo sepulchrali circumfundebatur, illicd' extinguebatur; id quod, multis mirantibus, aliquoties euenit, neque nisi post aliquod temporis spatium licuit illam inferre accensam: aëri siquidem crassiori, flammæ expansionem impediendi, tribuendam omnes censebant facis extinctionem, quæ, attenuato aliquantulum aëre, accensa illata est in sepulchrum. Contra verò memini me legisse in Experimentis Physico-Mechanicis Roberti Boyle exper. 14. in aëre admodum raro ampliores apparuisse flammam; nam, ut ipse testatur, Sclopetto immisso (in amplum illud recipiens vitreum, ex quo aërem exsuxerat antlia) cum puluere pyrio in excipulo, semel successit, ut scintillæ ex filice excussæ eum corripere; visus est accensus puluis in maiores expandi flammæ, quàm in aperto aëre, & more solito sursum ascendit; facta autem prius fuerat exantlatio: hæc ille. Quapropter, si in vase prorsus occluso flamma contineatur, nisi valde amplum illud fuerit, aëris compressio aliqua contingit: in aëre autem compresso flammæ perennitatem adstruere non audeo.

Maur. Flammæ extinctionem, ne longiores simus, in aliam dissertationem, si placet, differamus, atque perennium huiusmodi Lucernarum fidem penes Authores dimittamus; vix enim mihi persuadeo Philosophos interfuisse, cum sepulchra antiqua aperirentur, qui omnia ad lucernas hæc pertinentia accuratè obseruarent; sed operarum dictis adhibita est fides. In Boyleo, quod attulisti, experimento, animaduersione dignum existimo flammæ motum in superiora contendentis, etiamsi reliquus in Recipiente aër valde rarus & explicatus esset; ex quo flammæ raritas maior innotescit, atque leuitas: nam licet in flammâ particulæ aliquæ singillatim sumptæ sint aëre grauioræ, illa tamen particularum omnium complexio molem constituit minus materiæ continentem, quàm aër pari mole respondens flammæ. Hanc autem non ab aëre circumfluo, secundum speciem grauiore, sursum extrudi (quasi aër inferior à superiore compressus, virtute suâ elasticâ se explicans atque dilatans propelleret sursum flammam minùs grauem, ut aliqui opinantur) sed sponte suâ ascendere, & obstantem aërem percurrere indicat in lucernis ipsa flammæ figura in cuspidem desinens: quandoquidem virtus elastica eò validius se prædit, quò magis corpus à debitâ secundum Natu-

ram partium positione remouetur, atque comprimitur; si verò ab incumbente aëre constiparetur aër, ille utique, qui flammæ basi adiacet, validius conaretur se explicare, quàm qui flammæ apicem complectitur, ille quippe præ hoc constiparetur magis, utpote à longiore aëris prementis cylindro compressus: infima igitur flammæ pars à circumfluo aëre ad latera vrgeretur magis, quàm suprema pars; ideoque non in conoidem, sed in calathoidem desineret flamma confurgens ex lucernâ, ut aliàs nos dicere memini.

Grad. Etiam si verò in flammâ prodeunte ex vnico ellychnio aliquid comminisci liceret extrusioni illi aliquatenus fauens, certè in lignorum incendio, vbi flamma fluctuans in plures apices diuiditur, nihil video magis rerum naturæ accommodatum afferri posse, quàm si dicamus flammam ex particulis heterogeneis constare, atque illi ex lignis erumpenti obsistere aërem diuidendum, propterea subtiliores aliquas, & in motum concitatiores particulas præ coeteris velocius præcurrere; atque facilius tenui rimâ aërem findere, quas aliæ tardiores subsequuntur, & in cunei speciem aërem penetrant. Quia autem ex diuersis lignorum partibus exiliunt huiusmodi velociores particulae, ideo plures cuspides flamma emittit, atque in eo tot flammularum vndequaue erumpentium, seque vicissim collidentium, atque cum aëre colluctantium, tumultu fieri nequit, quin flamma perpetuo fluctu agitur. Quemadmodum verò si breuiori flammula ex lucernæ ellychnio exilienti maiorem candelæ flammam ita admoueas, ut se contingant, illam confestim altius assurgere videmus, & maioris flammæ altitudinem exequare, immò ex duabus vnica ampliore atque altiore flammam fieri, collatis siquidem viribus aërem facilius diuidunt, seque vterius promouent; ita ex maiore lignorum strue incensâ ampliore exurgere flammam ex tam multis compositam necesse est: Nam sicut multæ confluentes aquæ rapidiorem fluuium constituunt, plures quoque sulphureæ particulae ex pluribus lignis vnâ erumpentes, atque in vnâ flammam coeuntes celerius agitantur, aëremque validius repellunt, ac findunt.

Dand. Hinc sanè ridenda vana atque futilia Pyromantum & Capnomantum dogmata, qui flammam ignis, quo victima absumenda erat, obseruabant, si enim illa in vnâ coiret pyramidem,

dem, prosperum euentum portendere dicuntabant, si diuidetur, aduersum: similiter in accensâ quâdâ ex flammâ in vnum apicem ascendente prosperum, ex diuisa infelicem, ex tricuspide gloriosum euentum ominabantur; si variè dispersa, in egro mortem, in sano morbum; Si crepitans, infortunium; si subito extincta, ingens periculum timebant. Sed mittenda sunt hæc delirantium somnia.

Grad. Considerandi potiùs viderentur flammæ colores, qui iuxta variam materiæ accensæ naturam ipsi quoque varij sunt; si enim materiæ comburendæ adijciatur Camphora, flamma exurgit pallida, lactea; si addatur sulphur, cærulea est flamma; si pix Græca, fit rubea; si pix naualis, atra; addito Antimonio crudo, flamma est buxea, ex Sale Ammoniaco viridis: Id quod fumorum ex huiusmodi rebus erumpentium admistioni cum Luce ignis propriâ adscribendum omnes quidem statim intelligimus; verùm ab hac disputatione nobis abstinendum iudico, ne nimis obscuram lucis naturam longiore dissertatione persequamur.

DISSERTATIO NONA.

De Ignis extinctione.

DAnd. Viuum in flammâ, & in prunis, Ignem hætenus contemplatos, de eiusdem interitu, & quomodo extingui contingat, nunc demum differere opportunum videtur; sic enim fiet, vt, quemadmodum in dissecatis cadaueribus viuentium animalium motus explorant Medici, ita ex ignis extinctione eiusdem conflagratio nobis clariùs innotescat.

Grad. *Heraclitus dicebat*, vt est apud Plutarchum lib. de æ apud Delphos, *Ignis mors, aëri est ortus; & aëris mors, aqua ortus.*

Maur. Aristoteles verò, si meministis, lib. 2. de Gen. & Corr. text. 21. ait, *Nihil ex glacie gignitur, neque ex igne.* Vtri assentiendum? alter ex igne aërem oriri, alter ex igne nihil gigni affirmat.

Dand. Philosophos conciliemus, ne dissideant inter se, & cum vtroque pacificè philosophemur. Nulla gignitur noua natura, quando ignis accenditur, vt iam constituimus; nulla pariter

oriatur natura, quando ille extinguitur; & cum Aristotele sentimus: particulæ eadem, quæ luce suâ in oculos incurrebant, & calore sensum tactûs sollicitabant, auolantes ac dissipatæ nullam ampliùs ignis speciem præferant, sed aëri immisceantur; & satis habet Heraclitus, ut aërem ex ignis interitu oriri dicat, cum particularum illarum adiectione augeatur; quemadmodum & vapores, qui attenuati ad aërem spectabant, iidem concrebrescentes atque densati sciunguntur ab aëre, & aquæ formam induunt, quæ propterea ex aëris morte ortum ducere censetur. Maluissem ab Heraclito explicari, quibus modis adducatur ignis ad interitum; neque enim semper fame perire, deficiente alimento, constat, quamvis multiuor sit.

Maur. Non vnum est igni mortis genus, sicut neque animantibus, quæ sæpè quidem sponte suâ, non rarò tamen vi extrinsecus illatâ pereunt. Idem quoquæ igni accidere obseruamus; aliquando enim pabulo deficiente, aut viribus extenuatis elanguescens in auras sensum dilabitur; aliquando autem, licet præferox grassetur, hostilem manum inuenit, à qua extinguitur. Quinimò neque eadem semper deprehenditur flammæ, atque ardentibus prunis extinctionis causa. Id quod familiari experimento compertum est. Nam si rimæ, per quam ventus ingreditur, candelam accensam opponas, extinguitur; si ardentem prunam, accenditur magis. Similiter ex sebaceâ candelâ, cuius ardens ellychnium opus esset emunctorio castigare, si flammam exsuffles, illa extinguitur; at si validiore flatu pergas ellychnium ardens irritare, ne prodiens fumus longam molestiam naribus suo foetore inferat, quandoque iterum exilit flamma, quæ postmodum leuiore flatu dissipatur. Ellychnium scilicet post dissipatam flammam adhuc ardens perinde se habet, atque candens carbo, qui flatu extimulatus flammulam emittit.

Dand. Cum primùm in lucem prodire ingenio sissimi, atque ad excogitandas Naturam perscrutandi vias solertissimi, Roberti Boyle Noua Experimenta Physico-Mechanica de Vi aëris Elasticâ, & eiusdem effectibus, auidissimè perlegi, & viuידam non sanè vulgaris ingenij vim admiratus delectabar tam multiplici & vario experimentorum genere confirmari illa eadem Philosophorum placita, quæ ille nititur conuellere, aliâ hypothesi corundem effectuum causas explicare conatus. Memini autem instituta ab eo fuisse ali-

quot experimenta, quæ in præsentem rem nostram faciunt, ubi de Ignis extinctione disputamus.

Grad. Opportunam in rebus Physicis philosophandi methodum inire mihi videtur, quisquis à viris doctis, sed in diuersam sententiam abeuntibus, experimenta mutuatur, quibus opinionem suam stabilire valeat; caret enim omni subleste fidei suspitione non sua venditans, sed aliena exponens experimenta alium in scopum destinata. Quapropter si doctissimi illius Viri experimenta, quæ inuis, consentiant cum his, quæ hætenus à nobis disputata sunt, magnam utique fidem faciunt. Neque verò, vtrum experimenta illa fuerint a Nobilissimo Viro sincerè exposita, in dubium reuocare quisquam prudens possit (familjare quippe est aliquibus fidem temerè abrogare experimentis, quæ eorum sententiæ non fauent) cum maximè & hic apud nos pleraque à curioso Naturæ scrutatore, in quo & patritij generis claritas, & eximij ingenij vigor emicant, non paucorum oculis fuerint exhibita. Exprome igitur, quæ in rem nostram facere existimas, Dandule, mihi enim fortasse memoriam reficabis eorum, quæ apud eundem Authorem legi: à Mauroceno autem, quàm aptè illa cum nostris placitis consentiant, si id illi graue non fuerit, audiemus.

Maur. Morem vobis pro meâ tenuitate gerere non grauabor: meum tamen non fuerit rem ipsam definire: satis enim habeo, si quasi manu tentans in probabilem aliquam causam incurram. Memoria autem ne excidat Boyleæ illius Machinæ Pneumaticæ experimenta omnia pendere ex aëris raritatem assumentis motu: amplum siquidem vitreum Recipiens ferè octoginta nostratium librarum aquæ capax, collo adnexum habens epistomium (ubi superius foramen, per quod immittuntur ea, quæ sunt ad examen adducenda, fuerit accuratè occlusum, & aëri imperuium) inferitur antliæ; huiusque embolo reducto, Recipientis aër explicatur, vt non solum Recipiens, verum etiam Modiolum impleat: deinde clauæ versatili epistomium clauditur, ne adductus embolus aërem Modioli impellat in Recipiens, sed per valvulam expellat: iteratâ autem sæpiùs agitatione antliæ, reclusoque epistomio, nouus & nouus aër è Recipiente educitur, ad cò vt, qui reliquus est, spatium idem repleat valdè rarus.

in dubium reuocari potest, vtrum lucerent solum, an verò etiam arderent. Si enim arsisent, vix aliter flammam illam perennare potuisse intelligo, quàm si fieret quidam materiæ in orbem reditus, quemadmodum in vasis Chymistarum Circulatorijs, vt in Pelicano; ascendens scilicet fumus ad summum vasis apicem ibi iterum cogeretur in Liquorem, qui per recurua vasis brachia descendens ad lucernæ fundum, fomitem flammæ denuo subministraret. Hic tamen exardescentis atque postmodum concrefcentis materiæ circuitus suis non caret difficultatibus: propterea verosimilius videtur lucem fuisse ab ardore seiunctam, cuiusmodi in Cincidelis, & quernis lignis putridis obseruatur, aut in succo expresso ex vermiculis, quos vulgus Ballaros vocat, innascentibus saxo marinæ aquæ immerso in Portu Anconitano; huiusmodi enim vermiculos contusos, & in vitream phialam iniectos tantum luminis emisisse, vt in obscuro cœteroqui cubiculo potuerit literas legere, mihi sanctè affirmavit non semel vir fide dignissimus. Et Plinius lib. 37. cap. 11. de gemmis loquens ait, *in Phlegontide intus ardere quadam videtur flamma, quæ non exeat. In Anthracitide scintillæ discurrere aliquando videntur.* Sed mihi ægrè persuadeo, quo tempore Pallas extinctus est, tantam fuisse in Latio artis Chymicæ notitiam, vt liquorem ex salibus volatilibus condensatum pararent, aut materiam aliquam lucibibulam, ex quibus lumen perpetuò emicaret. Certum quoque est non fuisse appositam Phlegontidem gemmam, hæc enim suam flammulam non amisisset, neque in illam adigi potuisset stylus, quo adactò, & per foramen subeunte aëre, flamina euanesceret.

Grad. Proclive est omnibus (nemo enim vult nescire) eorum, quæ præter communem naturæ consuetudinem contingunt, causas venari, si fortè in illas incurrat: idcirco aliquando mentem subijte & de hisce perpetuis lucernis aliquid comminisci. Narrauerat mihi Amicus ille noster, qui tam acres nobis subdidit stimulos ad hanc de Igne commentationem, aliquid, cui ipse interfuerat, & proprijs oculis admirabundus spectauerat adhuc puer, sed iam tum in illâ ætatulâ satis curiosus. Consueuerant in patriâ illâ nobiles pueri plures progredi simul ad deambulandum, instituto quasi contubernio ad iacienda inter familias amicitie semina; ijque pro disceptâ parentum indulgentiâ, bacchanaliorum tempore, quibus diebus ab studijs feriabantur, sub noctem in alicuius ex illis domum,

mum, comitibus pedagogis, se recipiebant honestæ animorum
 remissioni operam daturi vsque ad tertiam noctis horam, cum ex
 singulis cuiusque domibus famulus aduenisset facem prælaturus,
 quam, habitâ rationis valdè niuoscæ & tempestatis hyemalis ratio-
 ne, eam esse oportebat, cuius flammam neque ventus neque plu-
 uia facillè extinguere valeret. Contigit autem semel ex famulis
 vnum, cum aduenisset herilem filium domum reducturus, & ad-
 huc aliquandiu illum præstolari necesse esset, voluisse facem extin-
 guere, ideoque illam appressisse angulo, quem scalarum gradus
 cum pariete constituebant: compressâ flammâ retraxit facem,
 & ne quid foetoris exhalaret ellychnium fumigans & adhuc accen-
 sum, iterum facem ad angulum eundem applicuit: & ecce ex ino-
 pinato flamma corripuit ellychnium; obstupuit primum; tum lu-
 dibundus iterum facem in angulo eodem graduum extinxit, ite-
 rumque accendit: id quod puer vnus illac fortuito transiens ob-
 seruauit, & pueros aliquos, inter quos Amicus, ex proximo
 conclaui euocauit, atque interfuerunt ludo aliquoties iterato.
 Non aliam rei huius causam agnosco præter hanc, quod scilicet in
 angulo illo hærebant sulphureæ & bituminosæ particule raræ atque
 calentes; quæ admotâ face adhuc valdè calente facillè nouo impetu
 agitari incipiebant atque inflammari, & vicissim sulphureas facis
 particulas excitabant, vt confertim in flammam erumperent. Sic
 obstapescunt rudiores, siquando viderint candelam recens extin-
 ctam iterum accendi admotam pauimento aut parieti, ignorantes
 fuisse latenter conspersum contrito sulphure, quod facillè accensum
 (ideò viuum & viuax dicitur, namque vt cecinit Ouidius, *Ad-
 motas rapiunt viuacia sulphura flammæ*) etiam candelam ac-
 cendit. Hinc suspicari cæperam, an fortè materia aliqua inflam-
 mabilis parari posset, quæ vase in conum fastigiato conclusa, &
 accensa, ita flammæ reliquias ad angulum compelleret, vt illæ
 iterum à residuo ellychnij calore accenderentur, & reciprocante
 motu (sicut faci illi contingebat) ad ellychnium redirent: pro-
 pterea exiguus flammæ fomes requireretur, ne nouâ materiæ ac-
 censione flamma præfocaretur: id autem si fieret, manifestum est
 aperto vase flammam illico expiraturam: Mihi tamen ineptè blan-
 diri nolui, quasi eâ facilitate in praxim deduci possent hæc, qua
 lieuit ea mentis intelligentiâ complecti; quæ enim erit materia illa?
 quæ vasis amplitudo? quæ fomitis mensura?

Dand. Quod de vase in conum fastigiato innuisti, conuenit cum eo, quod aliquando excogitare placuit super hoc eodem argumento. Siquidem enim Oleum Sulphuris, vt vocant, ex campahâ vitreâ stillat, sub qua accensum sulphur comburitur; nil prohibere videtur, quin pariter, si purissimo œnostagmate ellychnium imbuatur; & in vase conico accendatur, id, quod in flammam ascendit rarum, per vitri latera descendat concreescens, & addatur reliquo œnostagmati, quod basi incumbens sensim per ellychnium attrahitur: si videlicet & tam amplum sit vas, vt flammula non præfocetur, & ellychnium tenue ex amianti filis ita emineat supra œnostagmatis superficiem, vt illud non incendat. Verùm subuereor, ne nostris huiuscemodi cogitatis operam ludamûs; rem enim, si flamma accendenda est, ad praxim deducere non leuibus, vt video, scatet difficultatibus. Quapropter in Mauroceni sententiam facilè venio, nempe lucem fuisse sinè ardore; quandoquidem, vt ad cap. 6. lib. 21. de Ciu. Dei Ludouicus Viues scripsit, *Erutume est sepulchrum memoriâ patrum, in quo ardebat lucerna condita ibi, vt ex inscriptione apparebat, supra millesimum & quingentesimum annum; eaque tota, ex templo ut contrectari cœpta est, inter admotas manus friata in tenuissimum abiit puluerem.* Cum ergo nulla liquoris fiat mentio, immò in puluerem abierit tota materia, quæ manibus potuit innoxie contrectari, non temerè suspicemur lucidum quid fuisse citrà flammam, & fluiditatem liquori debitam. Addo me legisse scriptum, Valentie in Delphinatu anno labentis sæculi 53 in Campo, vbi magna sepulcrorum antiquorum ex lapidibus & marmore constructorum copia inuenta fuit, repertum pariter globum vitreum, in quo lux quædâ circulabatur: quæ tamen illico extincta est, ac rupto globo admissus est aër. Audiui Serenissimo Electori Brandenburgico haud ita pridem exhibitum duplicem Phosphorum, alterum quidem fulgurantem & colore atque duritie non absimilem succino flauo, alterum verò liquidum (quem & Ignem frigidum indigitare aliquibus placuit) qui, si vitrum aperiatur, in densum fumum abit, Maur. ferè Allium redolentem.

Grad. Apud Aldrouandum de Mineral. lib. 3. cap. 6. pag. 348. Caneparius in lib. de Atramētis. Liquorem, qui sit fomes ignis perpetui in Lucernis, sepulchralibus, sic parat. Sumantur, inquit, tres situle Lotij putrefacti, in quos sex libræ Chalcanthi Romani

solutę triduo infundantur: deinde leui igne organis vitreis destillentur; nam egredietur pars tenuior, & halituosa instar spumę, quę rursus destillatione leui igne rectificanda est: quia tunc exhibit Spiritus Lotij cum Spiritu Vitrioli instar Salis, qui in nouā ampullā reponatur alteri subiectā stipatis iuncturis; & ignis augeatur, donec Sal ascendat; septiesque huius salis sublimatio repetatur. Deinde libra huius salis addatur vncijs tribus Talcı minutim moliti, cum lapillis fluminis in sacculo, vt moris est; postea ter sublimetur per balneum maris, & soluetur instar olei viridis, quod perpetuò ardere perhibetur. An liquor istę ex salibus volatilibus lucet, quin tamen ardeat?

Quęcunque demum fuerit perennis illa lucernarum lux (de qua omnino non consentiunt Authores, præterquam in hoc, quod aperto sepulchro illicd euanuerit, fortasse quia adeò languida erat, vt admissā Solari luce omnino non appareret) vt ad ea, quę oculis nostris subiecta sunt, redeamus, in ijs, quę inflammantur, varietas quędam obseruanda est. *Ecquando-ne vidistis*, vt Apuleij in Apologiā. verbis vtar, *flamınam stipulā exortam, claro crepitu, largo fulgore, cito incremento; Sedenim materiā leui, caduco incendio, nullis reliquijs*. At verò si crassiuscularum virgarum fasciculis admoueaturn ignis, nec adeò promptę exurgit flamma, nec in tantam amplitudinem excrescit, nec tam celeri impetu augeatur: Sed, quia solidiorem materiam pluribus terrenis particulis & Salibus fixis constantem ægrę permeant, atque dissoluunt igniculi, adeoque exilientes sulphurearum particularum manipuli turmas minores constituunt, minor quidem excitatur flamma, verum diuturnior; & quia non omnes confertim exilire possunt sulphureę particule penitiüs implicitę salibus fixis & terrę, relinquuntur prunę, quę lento incendio extabescunt in cineres, vix exiguis aliquot carbonibus relictis. Ideò ex incensis stipitibus & crassioribus lignis, quę terrā & Sale abundant, vbi flamma resederit (relinquuntur titiones ac prunę crassiores, quę auolantibus igniculis iam dissolutis extinguuntur, pluresque carbones ex ijs supersunt: ex pakeis verò atque stipulis, quas flamma vsquequaque corripit, vix fauilla relinquitur, cū earum sulphur exiguo sale modicaque terrā contineatur. Porro oleosa & pingua, si fuerint sincera, nullis reliquijs exardescunt, & flammam non quidem amplam, sicut ligna aut stipulę, alunt, sed multò diu-

turniorem; quia eorum particulae, ex quibus coaluerunt, ita fuere à Naturâ minutatim concisae, exquisitè permixtæ, inuicem complicatæ, atque tenaci vinculo coagmentatæ, vt nequeant Spiritus & Sulphur auolare, quin secum rapiant, quicquid terream atque Salinum illis admiscetur. Hinc flamma perennis videtur indiguisse fomite pingui & oleoso, qui totus paulatim absumeretur, & iterum subinde concresceret in vase occluso; alioquin euauisset dissipatus in auras incensus vapor, nisi cohibitus fuisset in vase.

Dand. Sed neque illud dissimulare possum, quod flammæ motus velocissimus est, & multo impetu propellit incumbentem sibi atque aduersantem aërem, vt in caminis experimur, si cubiculum fuerit clausum; ascendens quippe flamma per camini tubum, & suo calore rarefacit, leuioremque efficit obuium ac proximum aërem, & suo impetu ita illum propellit, vt per ianuæ & fenestræ rimas alium externum aërem attrahat, qui in aëris camino proximi, atque in tubum attracti, locum succedat; quantoque maior est flamma, eò validius siue attrahitur, siue irrumpit aër per rimas clarissimo murmure, nec sinè sensu acuti frigoris, si quis ad rimam proximè accedat.

Grad. Ideò nescio quem aliquando audiui, ioco-ne? an serio? suggerentem amico methodum refrigerandi in summo æstu vinum aut aquam ope ignis: iubebat scilicet rimas omnes fenestrarum & ianuæ accuratè obstrui præter vnam, cui intrà cubiculum, aut aulam, opponeretur vitrea phiala vino plena; tum sub camino accendi sarmenta, quorum flamma vberior celeriter ascendens aërem per patentem rimam attraheret in speciem venti valdè frigidi, qui perinde frigidum efficeret vinum vitreæ phialæ inclusum.

Dand. Cum itaque flamma & proximum aërem calefaciens rarum, faciat amplioris spatij indigum, & suo motu obuium aërem impellat, si fuerit in vase penitus clauso, fieri non potest, quin reliquus aër comprimatur; hic verò vi suâ elasticâ compressioni reluctans, expansionem flammæ impediat, necesse est, atque demum illam extinguat. Contigit mihi aliquando templum ingredienti, cum humandum esset cadauer, & recens apertum fuisset sepulchrum, videre rem tunc prorsus inopinatam: etenim cum vespillo in sepulchrum inferre vellet facem, accensam, illa, quam-

quamuis esset ex maioribus, & amplam flammam emitteret, ubi aëre illo sepulchrali circumfundebatur, illicd' extinguebatur; id quod, multis mirantibus, aliquoties euenit, neque nisi post aliquod temporis spatium licuit illam inferre accensam: aëri siquidem crassiori, flammæ expansionem impediendi, tribuendam omnes censebant facis extinctionem, quæ, attenuato aliquantulum aëre, accensa illata est in sepulchrum. Contra verò memini me legisse in Experimentis Physico-Mechanicis Roberti Boyle exper. 14. in aëre admodum raro ampliorem apparuisse flammam; nam, ut ipse testatur, Sclopetto immisso (in amplum illud recipiens vitreum, ex quo aërem exsuxerat antlia) cum puluere pyrio in excipulo, semel successit, ut scintillæ ex filice excussæ eum corripere; visus est accensus puluis in maiores expandi flammæ, quàm in aperto aëre, & more solito sursum ascendit; facta autem prius fuerat exantlatio: hæc ille. Quapropter, si in vase prorsus occluso flammæ contineatur, nisi valde amplum illud fuerit, aëris compressio aliqua contingit: in aëre autem compresso flammæ perennitatem adstruere non audeo.

Maur. Flammæ extinctionem, ne longiores simus, in aliam dissertationem, si placet, differamus, atque perennium huiusmodi Lucernarum fidem penes Authores dimittamus; vix enim mihi persuadeo Philosophos interfuisse, cum sepulchra antiqua aperirentur, qui omnia ad lucernas hæc pertinentia accuratè obseruarent; sed operarum dictis adhibita est fides. In Boyleo, quod attulisti, experimento, animaduersione dignum existimo flammæ motum in superiora contendentis, etiamsi reliquus in Recipiente aër valde rarus & explicatus esset; ex quo flammæ raritas maior innotescit, atque leuitas: nam licet in flammâ particule aliquæ singillatim sumptæ sint aëre grauioræ, illa tamen particularum omnium complexio molem constituit minus materiæ continentem, quàm aër pari mole respondens flammæ. Hanc autem non ab aëre circumfluo, secundum speciem grauiore, sursum extrudi (quasi aër inferior à superiore compressus, virtute suâ elasticâ se explicans atque dilatans propelleret sursum flammam minùs grauem, ut aliqui opinantur) sed sponte suâ ascendere, & obstantem aërem percurrere indicat in lucernis ipsa flammæ figura in cuspidem desinens: quandoquidem virtus elastica eò validius se prædit, quò magis corpus à debitâ secundum Natu-

ram partium positione remouetur, atque comprimitur; si verò ab incumbente aëre constiparetur aër, ille utique, qui flammæ basi adiacet, validius conaretur se explicare, quàm qui flammæ apicem complectitur, ille quippe præ hoc constiparetur magis, vtpote à longiore aëris prementis cylindro compressus: infima igitur flammæ pars à circumfluo aëre ad latera vrgeretur magis, quàm suprema pars; ideoque non in conoidem, sed in calathoidem desineret flamma confurgens ex lucernâ, vt aliàs nos dicere memini.

Grad. Etiam si verò in flammâ prodeunte ex vnico ellychnio aliquid comminisci liceret extrusioni illi aliquatenus fauens, certè in lignorum incendio, vbi flamma fluctuans in plures apices diuiditur, nihil video magis rerum naturæ accommodatum afferri posse, quàm si dicamus flammam ex particulis heterogeneis constare, atque illi ex lignis erumpenti obsistere aërem diuidendum, propterea subtiliores aliquas, & in motum concitatiores particulas præ coeteris velocius præcurrere, atque facilius tenui rimâ aërem findere, quas aliæ tardiores subsequuntur, & in cunei speciem aërem penetrant. Quia autem ex diuersis lignorum partibus exiliunt huiusmodi velociores particule, ideo plures cuspides flamma emittit, atque in eo tot flammularum vnde quaque erumpentium, seque vicissim collidentium, atque cum aëre colluctantium, tumultu fieri nequit, quin flamma perpetuo fluctu agitur. Quemadmodum verò si breuiori flammulæ ex lucernæ ellychnio exilienti maiorem candelæ flammam ita admoueas, vt se contingant, illam confestim altius assurgere videmus, & maioris flammæ altitudinem exequare, immò ex duabus vnica ampliore atque altiore flammam fieri, collatis siquidem viribus aërem facilius diuidunt, seque vterius promouent; ita ex maiore lignorum strue incensâ ampliore exurgere flammam ex tam multis compositam necesse est: Nam sicut multæ confluentes aquæ rapidiorem fluuium constituunt, plures quoque sulphuræ particule ex pluribus lignis vnâ erumpentes, atque in vnâ flammam coeuntes celerius agitantur, aëremque validius repellunt, ac findunt.

Dand. Hinc sanè ridenda vana atque futilia Pyromantum & Capnomantum dogmata, qui flammam ignis, quo victima absumenda erat, obseruabant, si enim illa in vnâ coiret pyramidem,

dem, prosperum euentum portendere dicēbant, si diuideretur, aduersum: similiter in accensā tēdā ex flammā in vnum apicem ascendente prosperum, ex diuīsa infelicem, ex tricuspide gloriosum euentum ominabantur; si variē dispersa, in egro mortem, in sano morbum; Si crepitans, infortunium; si subitō extincta, ingens periculum timebant. Sed mittenda sunt hęc delirantium somnia.

Grad. Considerandi potiūs viderentur flammę colores, qui iuxta variam materię accensę naturam ipsi quoque varij sunt; si enim materię comburendę adijciatur Camphora, flamma exurgit pallida, lactea; si addatur sulphur, cęrulea est flamma; si pix Gręca, sit rubea; si pix naualis, atra; addito Antimonio crudo, flamma est buxea, ex Sale Ammoniaco viridis: Id quod fumorum ex huiusmodi rebus erumpentium admīssioni cum Luce ignis propriā adscribendum omnes quidem statim intelligimus; verūm ab hac disputatione nobis abstinendum iudico, ne nimis obscuram lucis naturam longiore dissertatione persequamur.

DISSERTATIO NONA.

De Ignis extinctione.

DAnd. Viuum in flammā, & in prunis, Ignem hactenus contemplatos, de eiusdem interitu, & quomodo extingui contingat, nunc demū disserere opportunū videtur; sic enim fiet, vt, quemadmodum in dissectis cadaueribus viuentium animalium motus explorant Medici, ita ex ignis extinctione eiusdem conflagratio nobis clariūs innotescat.

Grad. *Heraclitus dicebat*, vt est apud Plutarchum lib. de *apud Delphos, Ignis mors, aëri est ortus; & aëris mors, aqua oritur.*

Maur. Aristoteles verò, si meministis, lib. 2. de Gen. & Corr. text. 21. ait, *Nihil ex glacie gignitur, neque ex igne.* Vtri assentiendum? alter ex igne aërem oriri, alter ex igne nihil gigni affirmat.

Dand. Philosophos conciliemus, ne diffideant inter se, & cum vtroque pacificē philosophemur. Nulla gignitur noua natura, quando ignis accenditur, vt iam constituimus; nulla pariter

oriatur natura, quando ille extinguitur; & cum Aristotele sentimus: particulæ eædem, quæ luce suâ in oculos incurrebant, & calore sensum tactûs sollicitabant, auolantes ac dissipatæ nullam ampliùs ignis speciem præferant, sed aëri immisceantur; & satis habet Heraclitus, ut aërem ex ignis interitu oriri dicat, cum particularum illarum adiectione augeatur; quemadmodum & vapores, qui attenuati ad aërem spectabant, ijdem concreſcentes atque densati ſeiunguntur ab aëre, & aquæ formam induunt, quæ propterea ex aëris morte ortum ducere cenſetur. Maluiſſem ab Heraclito explicari, quibus modis adducatur ignis ad interitum; neque enim ſemper fame perire, deficiente alimento, conſtat, quamvis multiuor ſit.

Maur. Non vnum eſt igni mortis genus, ſicut neque animantibus, quæ ſæpè quidem ſponte ſuâ, non rarò tamen vi extrinſecûs illatâ pereunt. Idem quoquè igni accidere obſeruamus; aliquando enim pabulo deficiente, aut viribus extenuatis elanguēſcens in auras ſenſum dilabitur; aliquando autem, licet præferox graſſetur, hoſtilem manum inuenit, à qua extinguitur. Quinimmodò neque eadem ſemper deprehenditur flammæ, atque ardentibus prunis extinctionis cauſa. Id quod familiari experimento compertum eſt. Nam ſi rimæ, per quam ventus ingreditur, candelam accenſam opponas, extinguitur; ſi ardentem prunam, accenditur magis. Similiter ex ſebacæ candelâ, cuius ardens ellychnium opus eſſet emunctorio caſtigare, ſi flammam exſuffles, illa extinguitur; at ſi validiore flatu pergas ellychnium ardens irritare, ne prodiens fumus longam moleſtiam naribus ſuo foetore inferat, quandoque iterum exilit flamma, quæ poſtmodum leuiore flatu diſſilatur. Ellychnium ſcilicet poſt diſſipatam flammam adhuc ardens perinde ſe habet, atque candens carbo, qui flatu extimulatus flammulam emittit.

Dand. Cum primùm in lucem prodire ingenioſiſſimi, atque ad excogitandas Naturam perſcrutandi vias ſolertiſſimi, Roberti Boyle Noua Experimenta Phyſico-Mechanica de Vi aëris Elastiçæ, & eiufdem effectibus, auidiſſimè perlegi, & viuידam non ſanè vulgaris ingenij vim admiratus delectabar tam multiplici & vario experimentorum genere confirmari illa eadem Philoſophorum placita, quæ ille nititur conuellere, aliâ hypotheſi eorundem effectuum cauſas explicare conatus. Memini autem inſtituta ab eo fuiſſe aliquæ

quot experimenta, quæ in præsentem rem nostram faciunt, ubi de Ignis extinctione disputamus.

Grad. Opportunam in rebus Physicis philosophandi methodum inire mihi videtur, quisquis à viris doctis, sed in diuersam sententiam abeuntibus, experimenta mutuatur, quibus opinionem suam stabilire valeat; caret enim omni subleste fidei suspitione non sua venditans, sed aliena exponens experimenta alium in scopum destinata. Quapropter si doctissimi illius Viri experimenta, quæ innuis, consentiant cum his, quæ hætenus à nobis disputata sunt, magnam utique fidem faciunt. Neque verò, vtrum experimenta illa fuerint à Nobilissimo Viro sincere exposita, in dubium reuocare quisquam prudens possit (familiare quippe est aliquibus fidem temerè abrogare experimentis, quæ eorum sententiæ non fauent) cum maximè & hic apud nos pleraque à curioso Naturæ scrutatore, in quo & patritij generis claritas, & eximij ingenij vigor emicant, non paucorum oculis fuerint exhibita. Exprome igitur, quæ in rem nostram facere existimas, Dandule, mihi enim fortasse memoriam refricabis eorum, quæ apud eundem Authorem legi: à Mauroceno autem, quàm aptè illa cum nostris placitis consentiant, si id illi graue non fuerit, audiemus.

Maur. Morem vobis pro meâ tenuitate gerere non grauabor: meum tamen non fuerit rem ipsam definire: satis enim habeo, si quasi manu tentans in probabilem aliquam causam incurram. Memoria autem ne excidat Boyleæ illius Machinæ Pneumaticæ experimenta omnia pendere ex aëris raritatem assumentis motu: amplum siquidem vitreum Recipiens ferè octoginta nostratium librarum aquæ capax, collo adnexum habens epistomium (ubi superius foramen, per quod immittuntur ea, quæ sunt ad examen adducenda, fuerit accuratè oclusum, & aëri imperuium) inseritur antliæ; huiusque embolo reducto, Recipientis aër explicatur, ut non solum Recipiens, verum etiam Modiolum impleat: deinde claue versatili epistomium clauditur, ne adductus embolus aërem Modioli impellat in Recipiens; sed per valvulam expellat: iteratâ autem sæpius agitatione antliæ, reclusoque epistomio, nouus & nouus aër è Recipiente educitur, adeò ut, qui reliquus est, spatium idem repleat valde rarus.

Dand. A flammâ exordium ducam, de qua experim. 10. Sebacea candela eius magnitudinis, vt earum octo libram vnâ (vnciarum 16) constituerent, ita suspensa, vt fermè in medio Recipiente flamma arderet, post obstructas rimas celerrimè agitâtâ antliâ, extincta est intra minuri vnus semissem. Eadem verò candela accensa iterum ibi conclusa, sed citrà antlię agitationem, flammam ad aliquot minuta retinuit, & demum extincta est.

Grad. Hoc postremum ideò contigisse, quia flamma prefocata est, manifestum videtur; nam cum cereoli sex, cygnei calami crassitudinem emulantes singuli, in facem vnâ fuissent compositi, & accensi, antequàm penitus claudi Recipiens posset, nec expectatâ antlię agitatione, extincti sunt: vnici verò cereoli flamma euauit intra horæ minutum à primâ exustione.

Dand. Suffocari flammam in clauso vase non inficior. Verùm, an ipsa se flamma extinguit? Fumo suffocatam dicent. At illo eodem, qui in flammâ erumpit, ipsamque flammam constituit: id quod explicatione aliquâ indiget. Ardentem flammam iniectâ humo comprimi & extinguere faciliùs intelligimus; prohibentur nimirum ab incumbente terrâ sulphureæ particule, ne confertim erumpant ex corpore ignito vnâ cum humore & salibus volatilibus; qua vehementi eruptione impeditâ non consistit flamma: Similiter affusa affatim aqua ardentium lignorum, aut carbonum, meatus obstruit, & agitados igniculos suo complexu detinens efficit, ne pergant lignum dissoluere tanto impetu, quantus ad flammam requiritur. Accensæ candelæ aut Lucernæ ferreum cucullum imponens, intrâ illas angustias coërcet exilientes halitus, nec permittit rarefcere; qui quasi reflexi iterum cum oleo, aut cerâ, aut sebo commiscuntur, atque demum concrefcunt frigescentes. Neque dispari ratione igniculorum tumultum compescit, qui inflammatum ellychnium comprimit emunctorio illorum celerem motum cohibente. Sed flammâ excitari potiùs, quàm restingui flammam oporteret, siquidem ex motu motum oriri consentaneum est, & qui in priore flammâ erupere igniculi, non videntur consecuturæ alioqui flammæ igniculos impedire posse, ne commoueantur; nihil quippe in vas conclusum ingestum est, quod faciat angustias; nam igniculi iidem exiliunt in flammâ, qui in candelâ.

delà latitabant: Sicut igitur prioribus momentis flamma candelæ aut cereoli exilire potuit, explicandum superest, quid prohibeat, ne postmodum similiter erumpat.

Maur. Eos, qui substantiales formas Peripatetico, quem vocant, modo perire & gigni, atque in exarsione nouam naturam fieri adstruunt, libenter audirem: Quid enim ex flammâ extincta in Recipiente clauso oriri dicerent, nisi aërem, & quidem à circumfluo aëre genitum? Non video autem, qui fieri possit, ut incalescens præter naturam in vase clauso aër (qui liber flammam non extinguit) adedò aduersetur igni, ut illum corrumpat, cum procluius esset aërem ipsum in ignem conuerti addito calore immodico cum naturâ aëris non consentiente. Nobis verò exarsionem in igniculorum agitatione ac coëterarum particularum dissolutione, flammam autem in vehementi eorundem eruptione constituentibus, difficilis explicatu non erit flammæ in vase clauso extinctio. Primum enim fieri non potest corpus rarefscens ad ampliora spatia se explicare, quin proximum corpus, cuius locum occupare nititur, propellat: huic verò si spatium aliud occupandum non suppetat, in quod se recipiat, comprimi necesse est, & contrahi præter naturam, adeoque virtute suâ elasticâ conari, ut suas sibi dimensiones reparet. Cum verò particulæ, quæ in cerâ, sebo, aut oleo, exiguis spatijs continentur, resolutæ in flammam valdè dilatentur, immò & ipsum Recipientis aërem suo calore non nihil rarefaciant, consequens est aliquas aëris conclusi, minusque calidi, particulas comprimi à validioribus se dilatantibus, atque ipsas materiæ, quæ fomitem flammæ proximè subministraret, particulas cohiberi, ne sese explicent, atque exiliant; ac proinde cessat flamma; cui videlicet nullus pateret locus, aërè iam compresso repugnante; ne per vim constipetur magis. Deinde, si à rarefactionis vocabulo abstinere consultius quis duxerit, perpendat continuum igniculorum effluxum in flammâ, eorumque vehementem motum, quo & ipsi se, & aëris in Recipiente conclusi particulas, quibus alij subinde atque alij immiscuntur, nouo semper impetu magis & magis exagitant: cumque ex ellychnio sulphureæ aliæque particulæ dissolui & secedere conantes, exilire nequeant, nisi proximum circumfluum aërem propellant; hinc fit tandiu solum flammæ eruptionem durare posse, quandiu illæ validius commoueri possunt, quàm agitetur circumstans aër, quem

loco extrudere oporteret: vbi verò hic tot conceperit ex flammâ subinde dissipatâ igniculos sui iuris factos, qui collatis viribus se atque aërem ipsum immistum agitent celerius, quàm repelli valeant à primò erumpentibus necdum omnimodam libertatem natis igniculis, necesse est, intercluso exitu, concitatam in ellychnio seditionem comprimi, flammamque cessare.

Dand. Vix puto rem potuisse probabilius explicari, consentit quippe cum experimento. Nam cereolus accensus Recipienti inclusus aliquandiu satis luculenter exarsit, deinde iuxta omnes suas dimensiones flamma contracta est, & quidem ad imam ellychnij partem, à qua deinde paxillum ascendit proximè extinguenda: superior verò ellychnij pars aliquandiu supra flammæ summitatem apparuit lucida, & post quinque circiter minuta fumi effluuium, rectâ sursum ascendens, ei successit. Quod enim aliquandiu luculenter arderet cereolus,tribuendum est flammulæ tenuitati pro Recipientis amplitudine, cuius aër non nisi aliquantò longiore temporis spatio indigebat, vt igniculis repletus, atque commotus, erumpentis flammæ motui repugnaret, quæ nacta resistentiam, neque valens se adeò explicare, apparuit imminuta, crassioribus particulis minùs recedentibus à loco, ex quo emanabant, ideoque in imâ ellychnij parte apparentibus: cumque primò cessaret vehemens eruptio sulphurearum particularum ad flammam necessaria, desijt in imâ illâ parte apparere noua flamma, sed, quæ iam eruperat flammula, paxillum ascendit: diutius autem ellychnij accensio permansit, quia satis erat iam excitatatis igniculis ellychnium permeare, & sensim expirare vnâ cum vapore fumi.

Grad. Porro Recipientis aërem, licèt incaluerit, non fuisse factum secundum speciem leuiorem fumo, ex hoc rectâ sursum ascendente innotuit; vel quia igniculi aliqui fortasse grauiores sunt aëre, quem peruolitant, & aëris grauitatem auxerunt, sicut & terreni puluisculi, qui aquam efficiunt lutulentam, aut particule Salis in aqua dissoluti, eam efficiant grauiorem: vel quia si quæ particule rarefcentes factæ sunt leuiores, alias vasis lateribus conclusas compresserunt, quæ propterea grauiores euasere, adeò vt moles ex leuioribus & grauioribus composita adhuc secundum speciem sit grauior fumo, cui idcirco rectus sursum motus conuenit. Quicquid sit, quod in sebaceâ candelâ obseruatum fuerit,

illâ extinctâ fumum in tenui & continuo cylindro ascendentem ad summum peruenisse, & indè per latera ad inferiorem vasis partem se stitisse: potuit scilicet pars humida fumi in recessu con- crescere, vbi minus est caloris, & grauior fieri. Cœterum abso- lutè & simpliciter rarefactum Recipientis aërem non dicerem, quippe qui adhuc integer nec diminutus implet spatium idem, quod antea occupabat, nec eadem materia maiores habet dimen- siones. Contra verò res accidit, quando exercita antlia aëris partem è Recipiente exugit ad implendum in modiolò spatium ab embolo relictum; qui enim reliquus est in Recipiente aër, ad illud implendum dilatur, atque rarefcit, ideoque secundum speciem leuior est fumo; qui licèt aliquando non subsequatur extinctio- nem flammæ, aliquando tamen *superiori ellychnij parte post ex- tinctam flammam accensa permanente, tenuia, qua exorieban- tur, fumi effluuia sursum baud longè ascendeant, sed dein post incertos aliquos vltro citroque motus de repente conciderunt.* Prima videlicet fumi effluuia pereuntis flammæ vestigijs insistentia ascen- debant, atque ponè vrgebantur à consequentibus fumi particu- lis iuxta eandem directionem ex ellychnio erumpentibus: sed quia fumus aëre circumffuso grauior erat, & igniculis destituebatur, descendeat occurrens alijs fumi particulis sursum exilientibus, à quibus repellebatur: ex quo illa motuum vicissitudo tan- tiſper oriebatur; dum effluuia aut omnino cessarent, aut languidiora non valerent descendentem fumum ab igniculis le- uioribus destitutum repellere: tunc enim concidit fumus, vtpote grauior aëre rarefacto.

Dand. Optimè sanè de re literariâ meritis est Nobilissimus Vir suâ illâ Machinâ Pneumaticâ, cuius ope deprehendit aërem ita posse rarefieri, vt non solum bis millies septingenties, sed etiam tredecies millies maius spatium occupet, quemadmodum narrat in Tractatu, cui titulum fecit, *Mira aëris etiam citrà calo- rem Rarefactio detecta.* Cum tamen de Rarefactione constet, valdè ambiguum relinquitur, qua demum ratione illa contingat: Si enim distractis in diuersa particulis interiectæ dicantur inanita- tes, erit in recipiente Vacuum tredecies millies maius Pleno: Si ad vitandum inane, aduocetur per vasis poros Æther, non vti- que à rarefcente aëre attrahi dixerit ipse Boyle; neque enim hu- iusmodi tractio eiusdem placitis consentanea est; sed neque in-

trusus videtur ab externo aëre, vt vocant compresso; nam sic expresso æthere comprimeretur magis, & illum iterum momento resorberet, cum in aperto Recipiente aër desineret esse rarus: Sin autem, vt Aristoteli tribuitur, tredecies millesima pars aëris, quæ prius tam exiguo spatio continebatur, eadem adæquatè repleat totum Recipiens, hoc illud est, quod omnem captum, superare dicitur; perinde quippe est, ac si dixeris pollicem, nulla facta adiectione, euadere in cubitum.

Grad. Equidem ab inanitatibus admittendis abhorreo: sicut enim tredecim millibus cyathorum vini si quis cyathum vnum aquæ admiscuerit, non satis aptè aquâ plenum vas diceret, sed vino; ita quoque si in Recipiente omne spatium fuerit inane, & vnica tantum pars tredecies millesima relicta fuerit, absolute vacuum pronunciandum esset (omitto hic Logicum axioma, *Negatio est malignantis naturæ*, nam exhaustum & exinanitum dicimus cyathum, in quo vna aut altera vini guttula relicta est) certè non plenum aëre, cum inanitates tanto excessu superent particulam illam. Neque mihi facile persuadeo vim elasticam aëris, quæ vtiq; est naturalis virtus se explicandi, & dilatandi; eam esse, vt exigat in tota aëriâ regione, si exularent vapores, tredecies millies plas esse Vacui quàm Aëris, atque huiusmodi esse aërem, qui supra Atmosphæram simplex & rarus, neque compressus, reperitur. Admitterem potius vitrum subtilissimo ætheri peruium, illumque eadem vi, qua aër distrahitur, intus attrahi, vt interiiciatur seiunctis particulis, atque iterum exprimi ab aëre se contrahente, & ad naturales dimensiones recipiente. Quamquam pro eâ animi propensione, qua in Aristotelicos feror, non ad eò absurdè eos loqui arbitror, qui materiam eandem, si diuersimodè afficiatur, modò maiori, modò minori spatio corquari posse existimant. Nemini certè absconum videtur corpus aliquod veloci motu percurrere centum palmos, quo tempore non nisi decem spatij palmos lento motu percurrerat: quia nimirum huic spatio aut illi successiuè coaptari non ex solâ corporis substantiâ pendet, sed prout hac aut illâ velocitate mouetur; neque enim idem est, corpus existere, atque ipsum moueri hoc aut illo impetu, siue extrinsecus impresso, siue promanante à naturali facultate. Cum itaque corpus non sit ita certo spatio affixum, vt nullatenus alibi possit

consistere, & idcirco per aliquid sibi additum (Vbicationem scholæ vocant) in hoc potius quàm in alio spatio constitui oporteat, seclûsis omnibus extrinsecis; adeò ne est ab omni intelligentiâ remotum posse corpus per Maiorem Vbicationem in maiore spatio, per minorem in minore, constitui? quemadmodum in veloci motu plus spatij occupat, minus in tardo. Sic corpus omne aspectabile colore aliquo affectum esse necesse est; nil tamen prohibet, quin eiusdem corporis color modò intensior sit, modò remissior, quo corpus illud magis aut minùs in oculos incurrat; simili igitur ratione natura eadem collocari poterit in spatio per Vbicationem siuè ampliorem, siuè contractiorem: quamvis negandum non sit certam ac definitam Vbicationem singulis corporibus pro eorum naturâ congruere. Hinc corporum mensura, vt palmaria dicantur, siue cubitalia, non ex ipsa eorum materiâ desumitur, sed ab extensione, qua spatium occupant; adeoque licet Aristotelici affirmarent Recipiens adæquatè impleri ab aëre, non tamen concederent impleri ab aëre digitali, cum aër ille reliquus non habeat ampliùs Vbicationem, quæ à digito appellationem tribuebat, antequam rareficeret, sed ex violentâ particularum distractione assumpserit Vbicationem capacitati Recipientis congruentem.

Mauri. Sæpiùs in hanc Philosophorum crucem, implexam nimirum de rarefactione quæstionem, offendimus: Sed nostrâ planè non refert, quorumnam Philosophorum placitis in explicandâ rarefactione adhæreamus: quacunque tandem ratione illa contingat, hoc firmum ac ratum sit, educâ per antliam aëris parte, reliquum in Recipiente aërem rarefcere ac dilatari: vtrùm sponte suâ se explicet, atque compressionis iugum excutiens virtutem elasticam exerceat, an verò per vim distrahatur, non omnes consentiunt. Mihi profectò vis aëri sic rarefcenti illata videtur, non solum quia post agitatam diutiùs antliam summa percipitur difficultas in reducendo embolo (qui potius faciliùs deprimeretur, si motui aëris se suâ sponte explicantis obsecundaret, vt à nobis aliàs obseruatum memini) immò si dimittatur manubrium, aut vectis, & manu nihil conante apprehendatur emboli pars extrema extans, nullus extrinseci aëris percipitur impulsus, sed cum manu sursum magnâ vi trahitur embolus ab aëre tantam raritatem respuente: verùm etiam quia, nisi aër præter naturam rarefceret,

accensa in Recipiente candela, de qua nobis sermo, non esset, cur extingueretur. An extinguitur, quia aëris vis elastica aduersatur expansioni flammæ, quam aër se dilatans comprimat, ac suffocet? At quò se magis dilatat aër, minoremque patitur compressionem, eò languidior fit vis elastica, ut omni elateri accidit; semper igitur minùs comprimi flammam, non verò magis extenuari, oporteret, cum maximè aër, reducto embolo, se dilatans locum in antliæ modiolò inueniat. Quod si in aëre libero, & ut ipsi quidem Elateristæ autumant, valdè compresso flamma præualeat, neque comprimitur, multo minùs comprimi poterit ab aëre languidiùs conante se dilatare, utpote minùs compresso. Multò autem citiùs in Recipiente extinguitur flamma, si antlia exhauriat aëris partem, quàm si aër idem integer in Recipiente permaneat: Non igitur flamma comprimitur ab aëre dilatato. Quare ex istà aëris expansione oriri celeriorẽ flammæ interitum, cum videatur manifestum, consequens est aërem per vim distrahi, atque conantem se contrahere, exfugere ex accensà candelà particulas vi ignis dissolutas; quæ abstractæ ab ellychnio nequeunt vltiorem flammæ accensionem efficere. Eàdem sebaceà candela denud in Recipiens immisà (postquam Folium molli afflatu à fumis fuisset liberata) duo circiter minuta à tempore, quo exerceri capit antlia, flamma perdurauit: atque à primà factà exsuctione visa est flamma secundum omnes suas dimensiones sese contraxisse. Post aëris exanlati secundum aut tertium baussum flamma (extremà summitate exceptà) cerulea admodum apparuit, & à seuo magis magisque recessit, donec tandem summum ellychnij cacumen possidere videretur, ubi etiam expirauit. Hæc Phænomena apertissimè congruunt cum aëris se contrahentis conatu; quem indicasse videtur vesica arefacta, filo firmiter obstricta, modiceque inflata, ac in Recipiente appensa, quæ post exhaustum ambientem aërem disrupta est non sine scissurà maximè biulcà, nec minùs obliquà, non secus ac si manuum conuellentium vi lacerata atque disrupta esset, ut habetur Exper. 3. Sicut igitur aër distractus, & vesicam circumplexus, dum ad se redire nititur, illam vnde quaque ita attrahit, ut intumescere videatur, atque distendi; ita pariter sulphureas cœterasque particulas iam dissolutas in candelà attrahere nitens prohibet primam, ne tanto impetu intrà ellychnium suos motus agant, tantaque

copiâ erumpant; ex quo fit à primâ exsuctione flammam extenuari; quia, licet in ellychnio adhuc agitentur sulphureæ particulæ, atque alias dissolvere conentur, non tamen adeò multas, neque tam validè, vt prius, impetunt, cum hinc atque hinc ab aëre distrahantur; perinde ferè ac Lanij siluestrem bouem ad macellum deducturi duplici longo fune cornua complectuntur, & alter præcedit, alter sequitur, ne possit bellua omnino pro libito excurrere: illa tamen pro suis viribus adhuc omnem in partem agitur, quamuis à funibus in diuersa trahentibus aliquatenus impediatur. Cum verò pauciores subinde atque pauciores igniculi ab aëre distracti agitentur, necesse est flammam decrescere, ac demum extinguì, quando iam in ellychnio dissolutorum igniculorum numerus adeò exiguus est, vt non possint confertim in flammam erumpere, sed ab aëre se contrahente quaquauersum abripiantur. Languidiorem illam igniculorum agitationem indicat flamma admodum cærulea, quia videlicet sulphureæ potissimum particulæ (flamma ex accenso sulphure cærulea est; hinc apud Claudianum legimus, *Sulphure cæruleo, nigroque bitumine fumat*) quippe præ cæteris magis in motum pronæ, erumpunt, neque alias secum rapiunt, nisi pauculas; sic ex congestis prunis sponte exiliens flammula cærulea obseruatur, quia sulphureis particulis modicus fumi vapor admiscetur. Quia demum in accenso ellychnio particulæ inflammabiles, quibus illud imbuitur, magis à sebo remotæ, & ad ipsius ellychnij apicem pertinentes, ita sunt iam dissolutæ, & vehementius agitantur, vt sint proximè erupturæ in flammam, quæ verò infimam ellychnij partem liquatæ implent, non omnes in libertatem se vindicare valent, nisi adhuc soluantur magis, & agitentur, idcirco flamma magis magisque à sebo recedere videtur, cum infimæ illæ particulæ minus agitatæ faciliùs compescantur à suo motu, & attrahantur ab aëre per vim raro, se ad naturalem dimensionem contrahente.

Dandi. Ex his, quæ de flammâ dixisti, procliuè est intelligere, quid de carbonibus ardentibus in Recipiente conclusis, atque, exhaustâ aëris parte, extinctis sis dicturus. Filo ferreo in cylindricam spiram non adeò spissam contorto paratum est conceptaculum benè accensarum prunarum ad quinque digitorum altitudinem (vt habetur experim. I I.) & vitro quam citissimè, duobus circiter minutis, obstitato, cum primùm exerceri cœpit antlia, ignis

ignis in carbonibus obscurius ardere deprehensus est; & vix tribus minutis præterlapsis apparere desijt. Aër videlicet à naturali statu per violentam raritatem dimotus dum se contrahere, & igniculos in prunarum superficie collucentes ad se rapere nitebatur, illi & languidiùs agitabantur, & ex carbonum poris etiam intimis sensim educabantur vsque eò, vt post tria minuta siqui pauculi superfuere igniculi dissoluti, ac in cauernulis delitescerent, quin fuerint indè extracti, non satis haberent virium, vt alias particulas dissoluerent, & ad defectionem sollicitarent; ideoque ignis apparere desierit. Delituisse autem igniculos aliquot deprehensum est, cùm illicò extracti è Recipiente carbones, in aperto aëre, varijs in locis denuo exardescere cæperunt; quia, aëre iam non attrahente, relicta est igniculis libertas sese agitandi, immò & exarsionem promouendi; frequenti enim eorum in filo ferreo circumrotatione (quæ idem præstat, quod follium flatus) iterum toti sunt accensi: in recipiente autem intrà aërem rarum licèt agitatione antliæ commoueretur vas, & carbones fusque deque cum ferreâ spirâ pendulâ rotarentur, nil proderat ad suscitandum ignem, quia validior erat aëris rarefacti attractio ad educendos igniculos, quàm eiusdem aëris occurfus ad illos in prunas repellendos. Non negârim tamen motum illum conferre aliquid potuisse, vt aliquanto diutiùs lucerent, qui citrà illam rotationem, aëre tantummodo exsurgente igniculos, fortasse fuissent citiùs extincti; nam in vase prorsus quiescente, nec rarefacto aëre ab antliâ exhauriente, iidem carbones accensi post quatuor minuta extincti sunt aëre vi admissi caloris se expandente, atque igniculorum in carbonibus motum comprimente.

Maur. Mihi certè non alia probabilior huiusmodi effectuum causa occurrit. Nam cum eadem ferrea spirâ viujs carbonibus æqualiter repleta penderet immota in conclauis, obseruatum est in summitate & lateribus carbonum primò ignem defecisse, interiùs verò, & versùs inum vltrà semihoram apparuisse, magnâ carbonum, præcipuè fundo propiorum, parte in cinerem conuersâ antequàm ignis extingueretur. Hinc patere videtur in aëre libero atque immoto eatenus prunas extinguui, quatenus igniculi expirant, nec ad interiores carbonis partes se insinuant, vt exarsionem promoueant: ideo ad latera, & in summjs carbonibus primò defecit ignis: at verò interiorum atque imarum prunarum

exarsio longè diutius durat, quia ex his prunis expirantes igniculi in alias prunas incurrunt, & facto quasi commercio igniculorum se vicissim extimulant ad exardescendum; ac propterea absumpto humore soluitur non exigua huiusmodi carbonum pars in cineres, qui demum carbonem circumuestientes prohibent igniculorum commercium, & consequitur extinctio, quin ad illam aër quicquam notabiliter conferat; nam licèt aër ex proximo igne incallescens rarefiat, tam multum aëris circumquaque suppetit, in quem auolantes igniculi perrepant, vt nulla conspicua rarefactio aut constipatio contingat. In vase igitur clauso, vbi citius extinguitur ignis, quàm in aëre libero, vel agitati igniculi impediuntur, ne partim expirare valeant, partim intra corporis accensi particulas agitari; & tunc suffocatione perit: vel ita per vim educuntur ex corpore, vt nequeant sese agitando permeare alias particulas, atque exarsionem promouere; vt accidit exhausto per vim ope antliæ aëre in Machinâ Pneumaticâ.

Grad. Videntur hæc satis aptè conuenienterque dicta, & Phænomenis congruentia; sed non pauci, quos sua trahit voluptas in philosophando, hanc corporum contiguorum tractionem respuunt, solam impulsione[m] admittunt, atque aëri virtutem quidem se dilatandi, non verò se contrahendi, concedunt.

Maur. Aduersus hos vniuersim pugnare, non est huius loci: longè nimis prouheremur ab instituto. Coëterum, si admittimus à progrediente corpore corpus non sponte recedens impelli, quia, cum Vniuersitatis ordo postulet, ne se corpora inuicem penetrent, atque in vnum idemque spatium confluant, sed suo quæque loco, quoad eius fieri poterit, disponantur, hanc esse corporum naturam, quâ corpora sunt, & mole[m] habent, vt se loco vicissim extrudant, omnes concedunt; quare pariter à recedente corpore non trahatur proximum corpus, nisi sponte suâ subsequatur? nam eiusdem Vniuersitatis concinnitati conuenit membra non esse temerè diuulsa; diuellerentur autem, si corpus ex alio in alium locum migrans relinqueret spatium inane. Hæc verò inanitas contingere nequiret, nisi vel corpus, quod mouetur, in eundem cum proximo corpore locum penetraret, id quod omnium consensu Natura refugit; vel obuium corpus compri-

meretur; nimia autem plurimorum corporum violenta compressio fieret, cum tam multa corpora in omnem plagam moueantur: id quod longè maiorem perturbationem inueheret, & motibus obfisteret magis, quàm si trahatur, aut distrahatur corpus proximum vsque eò, dum aliud succedere valeat. Quapropter si Natura à corporum penetratione, hoc est à Nimis Pleno, abhorret, ideoque à corpore corpus impellitur, si opus fuerit, quidni & Vacuum respuat, atque, si itidem opus fuerit, corpus à corpore trahatur? Porro an satis fuerit corporum quasi in orbem redeuntium Circumpulso ad amoliendum Vacui periculum, atque ad excludendam omnem tractionis aut distractionis necessitatem, modò ne disputemus; aliò enim auocaremur per multa vagantes. Quid verò aëri peculiare sit præter reliqua Elasmata, quibus facultas elastica tribuens vim se restituendi in naturalem partium positionem, non solum illa explicat, si comprimantur, sed etiam contrahit, si distrahantur, hoc validioribus argumentis probandum potius esset, quàm simpliciter asserendum. Nisi fortè putent aërem nullo raritatis termino naturaliter coerceri, sed posse, (immò & postulare, si semper aliquam patitur compressionem) semper magis & magis rarefcere. At sicuti cœteris corporibus certum raritatis, seu extensionis modum Natura constituit, æquum est easdem leges aërem subire; Si igitur præter naturam distractus aër dilataretur, nonne, cessante extrinsecâ vi, se ad naturalem statum contraheret? Quapropter, ne ad aliena digrediamur, statuamus aërem in Recipiente relictum post exhaustam illius partem factum præter Naturam rarum conari se aliquatenus restituere distrahendo alia corpuscula, si qua proximè adhæreant, quæ attrahi atque distrahi patiantur; prout de flammæ & carbonum igniculis dicebamus.

Dand. Coheret hæc cum Experimentis 12 & 13; cum enim accensus funis, quo ignis bombardarum fomiti adhibetur, minimo humano digito crassitudine æqualis immixtus fuisset in Recipiens, vniuersum vas occupauit fumus, qui agitatione antliæ paulatim simul cum aëre exhaustus est: Cum primum exerceri capit antlia, funis perfectè accendi videbatur, sensim verò magis magisque obscure ardere capit, etiamsi aëre fumoque celeriter exhaustis vas minus opacum, & comprimenti materiâ magis depletum redderetur: ignis tamen in fune lentè tantum expira-

ut. Ut autem de extincto igne constaret, obscurato cubiculo, ne minima quidem scintillula apparuit, & adhibita lucerna neque tantillum fumi emanantis ostendit. Quare post agitatam adhuc sexies aut septies antliam, reuolutâ epistomij clauē admissus est aër; & ecce extinctus reuixit ignis tum luce suâ, tum fumorum copiâ se prodens. Verùm agitatâ denuo antliâ per octauam ferè horæ partem, ita euanuerat ignis, ut admissus iterum aër nihil proficeret ad eum exfuscitandum. Porro cum idem experimentum non iam in amplo illo Recipiente, sed in multò minori vase non nisi 24 vnciarum aquæ capaci, institueretur, nunquam fieri potuit, ut priùs obstruerentur operculi rimæ, quàm ignis plurimo fumo oppressus omnino apparere desineret: propterea, licet extinctus videretur, demum tentatum est, an occluso vase, statimque agitatâ bis terue antliâ, ac per referatum epistomium admissa aëre reuiuisceret; & planè reuixit, nam aër vi magnâ irruens, quasi per follem traiectus, cineres adhaerentes dispersit, ignemque penè extinctum redintegrauit; idque constabat eo, quod funis, qui priùs fumare desierat, fumos de nouo emitteret. Hac ratione accenso fune in Recipiente iam clauso, statim agitari cœpit antlia; sed aëre illicò exsuffato, funis fumare protinus desit.

Grad. Hæc utique ex dictis planam, neque violentam habent explicationem. Fumo vas peruagante comprimuntur igniculi in accenso fune dissoluti, ne agitentur, & quidem citius in minori vase quàm in maiori, quia minor aëris mensura magis constipatur ab eâdem fumorum copiâ: idè citius apparere desinit ignis. In magno Recipiente cum primùm exercetur antlia, videtur funis perfectè accendi, quia exhaustâ aëris & fumi parte, minuitur compressio, quæ ignem opprimebat: sed iterum ac tertio & sequiùs exhausto aëre, qui reliquus est præter naturam rarus, conatur se contrahere, & igniculos attrahens eorum agitationem impedit, ne funis particulas adorianur, ac porro dissoluant: idcirco sensim languescit ardor, & demum nullâ existente igniculorum agitatione, neque apparet scintilla, neque fumus expirat. Si nimis diu agitetur antlia, exhauriuntur ex fune omnes igniculi liberi, ac soluti vinculo cum reliquis partibus, neque vllus superest, qui admissa aëre, atque cessante omni attractione aut com-

pressionem, agitari valeat: At si admittatur aer paulo post quam defuerit ignis apparere, non pauci igniculi adhuc in interioribus funis partibus latitantes & soluti, sed hactenus violentam aeris attractione compediti, hac cessante liberè agitantur, particulas facillè dissolui paratas adoriuntur, ac soluunt in fenum, ignemque exsuscitant, diffatis ab aere ingrediente ac commoto cineribus; æquè enim velociter ingreditur aer, siue ab extrinseco aere compresso intrudatur, dum se dilatat ingrediens in locum, ubi aer minùs compressus existit, siue ab interno aere raro attrahatur. Cessat tamen illico fumus, si statim exhauriatur aer, quia pauci illi igniculi excitati, protinus in diuersa abripiuntur ab aere rarefcente.

Dand. Huic aeris rari attractione fauebit-ne Experimentum 14, quod in fine antecedentis dissertationis attuli? In Recipiente inclusus est brevis sclopus ita aptatus, vt post exhaustum aerem, dimisso ferreo elatere, silex magnam vi, vt solet, percuteret chalybem: atque tot, tamque conspicuæ scintillæ excussæ sunt, ac in libero aere prodijissent, Tum inditus est sclopi excipulo pyrius puluis, vt de eius accensione in vase clauso, atque aere, quoad eius fieri potuit, exhausto, aliquid constaret. Verùm quia prius excutiebatur puluis, quàm eum scintilla aliqua corripere, semel tantum accensus est: visus est autem in maiores expandi flammæ, quàm si in aperto aere displosus esset, atque more solito sursum ascendit. Extincta flammâ Recipiens obscurari visum est fumo, qui huc illuc liberè se mouere, & quasi undulare videbatur, atque aere per Epistomium intro misso, celerius multò quàm prius circumagi.

Maur. Rem puto non potuisse aliter contingere. Siquidem aer per vim rarus pulueri pyrio se in flammæ expandenti libens locum concessit, seque contrahens (& fortasse etiam vndeque attrahens flammam) iuuit expansionem illam maiorem, quam non permisisset apertus aer. Funium autem Nitro-sulphureum liberis atque solutis igniculis foetum agitari oportebat; sed, aere nimis raro se contrahere nitente, ac trahente, fluctuare cogebatur tantisper, dum ad misso per epistomium nouo aere cessaret lucta; cum aer in statum naturalem facillè se restituens si neret fumum suos motus agere; qui propterea, iam non attractus, celerius & liberius circumagebatur.

Grad. Ex hisce Boylæi Experimentis non incongruè arguimus ab aëre rarefacto & attrahente, aut consipato & comprimente extingui ignem, siue perreptaret in carbonibus, siue ex facibus aut lucernis in flammam exiliret; aër scilicet tam aduersus prunas quàm aduersus flammam exercet eandem vim Elasticam aut se explicandi, aut se contrahendi. At verò, si aër agitetur, non æquè cum prunis atque cum flammâ pugnat; hanc enim sæpè extinguit, illas acrius incendit. Sic noctu urbem obambulantes vento flante cogimur Vulcanum in cornu inclusum gerere, vt ille aiebat, ne dissiciatur, laternis, inquam, vti: Sin autem in prunarum congeriem incidat ventus, ex illis flammam exsuscitat. Mihi sanè non semel contigit imprudenti candelam ex improuisâ aurâ vehementiore extingui, cùm per obscura cubicula pergerem, atque ellychnium adhuc ardens insufflando recuperare amissam flammam. Hoccine miraretur Satyrus, qui stupebat oris balitu frigidas manus calefieri, & eiusdem oris flatu calens pulmentum refrigerari? Nam & eiusdem oris flatus accensam candelam extinguit, atque extinctam iterum accendit.

Maur. Res hæc tam obuia & vulgaris vno flatu dissipat toties decantatam, quam non pauci ad nauseam vsque inculcant, Ignis nouam formam substantialem, quotiescunque incidit Mutationis mentio. Eadem est candela cum eodem ardente ellychnio flammam edens: insufflas, flamma perit: iterum insufflas, flamma reuiuiscit: ortûs & interitûs eadem est causa, scilicet idem flatus, eadem dispositiones, idem subiectum quod flammâ priuatur, & flammam recipit. Metaphysicis igitur rationibus valere iussis, cùm res Physicè agitur, attendenda est flammæ natura; hæc enim non est in prunâ aut in ellychnio, sed circa ellychnium aut carbonem, ex quo confertim erumpunt dissolutæ particule, quibus constabat pinguis materia fomitem igni subministrans. Quandiu intrâ ellychnium aut carbonem agitantur particule, quamuis dissolutæ, nondum est flamma; sed flammæ notionem habet vapor ille accensus, qui emanat: perinde ferè atque si terra alicubi esset plurimo quidem humore referta, sed aqua non manaret, fons non esset; scrobiculo autem excauato, aut ducto sulco, aut humore crescente, si aqua fluat, iam fontis nomen & rationem obtinet. Hinc vt flatu extinguatur flamma, adèò validum esse oportet spiritum, cuius impulsu illa propellenda est, vt

uniuersum vaporem flammeum diuellat ab ellychnio; nam si exilis ac languidior sit flatus, inclinatur quidem flamma, sed non disijcitur. Videmus autem ex maiore ellychnio imbuto materiâ inflammabili maiorem prodire flammam, nec posse extinguï, nisi validiore aëris impulsu; quotus enim quisque est, qui facem ex quatuor crassioribus candelis conflata vno oris flatu, perinde atque cereolum extinguat?

Grad. An ideò, quia tam multi igniculi, collatis viribus, adeò valido impetu erumpunt, vt flatûs impulsus elucentur? sic exilis riuuli decurrentis motum facilè tenui obiecto aggerulo inflectimus, aut: etiâ sistimus; sed amplo canali torrentis instar ruenti moles opponenda est, vt aliorum dirigatur: Nam crassioris facis accensa flammam, quasi torrentem plurimorum igniculorum secum rapientem aqueas, & terreas, atque salis fixi particulas, concipio; ac proinde vehementi opus est impetu, quo aër propellatur, vt sursum celerrimè ascendentis flammæ impetum retundat, & aliò deflectat, multò magis vt eam dissipet.

Dand. Hoc quidem verum esse non diffiteor; sed aliud aliquid præterea addendum videtur: etenim flamma, quæ ellychnium ambit, fugiens fortasse nil iuuat consequentis flammæ eruptionem; nisi ab illâ abeunte educi attractos, iam in ellychnio dissolutos, igniculos dicamus, quemadmodum ex longiore siphonis crure dilabenti aquæ vim attrahendi aquam ex breuiori crure tribuendam opinamur communiter. At si, cum primùm accensa est candela, agitati ac dissoluti igniculi; quin ab alio quopiam educerentur, eruperunt ex ellychnio in flammam; quare disiectam flammam non consequitur alia flamma, exilientibus igniculis iam in ellychnio agitati? Vtique exhaustum fontis labrum mox iterum aqua replet ex eodem capite manans: quid ni similiter flammæ accidat?

Maur. Non omnem flammam flatu extinguï manifestum est, cum sæpè incendia amplio rem edant stragem delatis ab urgente vento flammis ad nouam materiam corripicndam, quin exardescere desinat ea, quæ iam inflammabatur: Sed de candelâ aut lucernâ est nobis sermo: Quoniam verò dubitare visus es, Dandule, vtrum præcedentis flammæ eruptio aliquid conferat ad proximè subsequenter flammam, vnum rogo; Quid causæ est, quòd lucernæ flamma; quieto aëre, in apicem fastigiata ascendit?

Dand.

Dand. Cum primùm ellychnij pars extrema concipit ignem, non illico fastigiata flamma ascendit, quemadmodum, cum iam ellychnij longitudo notabilis ardet: immò obseruaui, si cœtera sint paria, magis acutam in cuspidem desinere flammam, quando longior est, & ex maiore ellychnij parte exit. Ellychnium autem tres in partes distinguo, summam, mediam, imam. Summa pars prior accenditur, & ex illâ serpit ignis ad mediam, à mediâ ad imam, cui proximum est oleum, aut cera, aut alia pinguedo, quæ vi caloris liquefcit, & ellychnium imbuît succedens in locum auolantium particularum. Ex summo igitur ellychnio erumpens flamma prior sursum fertur, aëremque diuidit; subsequitur autem ex mediâ parte ad latera potissimùm exiliens ascendens vapor, quem in aëre ascendentem præuenit flamma per ellychnium propulsa ex ipsius ellychnij summitate emanans, sequitur ille insinuat in locum aëris diuisum: demum ex imo ellychnio ad latera exiliunt igniculi, qui ascendentes incurrunt in igniculos magnâ vi erumpentes ex medio, a quibus, utpote validioribus, illi propelluntur aliquantulum, ideoque flamma dilatatur potissimùm ad mediam ellychnij partem. Cœterùm, quia non sola lucernæ flamma, verum alia quælibet aliquandiu durans, in apicem desinit, id vniuersim euenire existimo, quia non omnes particule, in quas dissoluitur materia inflammata, æquâ mobilitate præditæ sunt, sed velociores præcurrunt, & viam subsequentibus aperiunt, quippe quæ validiùs aërem diuidunt; ideo cuneata ascendit flamma validioribus igniculis præcurrentibus: qui quoniam non semper æquali mensurâ exiliunt, idcirco modò altius assurgit flamma, modò breuioribus terminis coërcetur. Eorum autem, quæ vnico ferè impetu exardescunt, ut pyrius pulvis, flamma non acuminata apparet, sed conglobata. Sic aliqui subtilissimum Succini puluerem versùs lampadem exsufflant, ut inflammatus magnum excitet ignem, sed nihil comburentem. Similes flammarum globos exhibet pix Græca ad pollinis tenuitatem contrita, si aduersus ardentis facis flammam projiciatur.

Maur. Cum igniculi ex imo ellychnio prodeuntes, dum ascendunt, incurrant in alios ex medio erumpentes, fieri nequit, quin horum eruptio aliquantulum retardetur, ac proinde magis agitati intrâ ipsum ellychnium dissolutionem particularum pro-

moueant; quæ propterea etiam magis conantes sursum in ipso ellychnio propellant flammam ex summitate manantem. Quare flamma licet fugiens, dum ambit lucernæ ellychnium, nonnihil conferre videtur ad consequentem flammam, quatenus igniculos aliquos exilire paratos adhuc intrâ ellychnium detinet, ubi agitati particulas reliquas magis attenuant, ut deinde facilius erumpant. Hinc satis patere videtur, cur flatu extinguatur lucerna, aut etiam veloci motu manûs aërem in Lucernam impellentis: aër scilicet tanto impetu commouetur, ut impellat vaporem illum accensum, & ab ellychnio prorsus abstractum dissipet, atque vnâ extrudat ex ellychnio non exiguam solutorum igniculorum partem, quibus absentibus reliquæ in ellychnio particule sulphureæ nequeunt eâ vehementiâ confertim erumpere, quæ ad constituendam flammam requiritur. Maior autem fax ut extinguatur, non satis est aut oris flatu, aut palmæ explicatæ motu, aërem impellere, sed opus est vento, qui multum aërem validè vrgens secum rapiat cum flammâ & igniculos, qui nouam flammam excitare possent additi reliquis permanentibus.

Grad. Illæ igitur faces vento extinguere non poterunt, quæ ex materiâ constant adeò sulphureis particulis abundanti, ut, quamuis aliquas venti impetus abstrahat, tot tamen adhuc in facis ellychnio supersint agitatæ & dissolutæ, quæ nouam subinde flammam excitare valeant. Aliqui ad formandas faces ventis inextinguibiles, ellychnia primùm Salenitro & aqua feruefieri, deinde exsiccatâ sulphure & aquâ ardente infici præscribunt. Gaudentius Merula lib. 4. de Miner. ex purissimi sulphuris puluere, & cære pari pondere candelam componi posse tradit, quam accensam nulla aura etiam vehementissima extinguat; quibus si addatur tantundem Camphoræ, affirmat eam lucere etiam cadentibus imbribus. Nocturnas faces, quæ, vento incassum vrgente, luceant, communiter parari audiui ex Picis Græcæ partibus decem, Resinæ ex pinu partibus quinque, Cere partibus octo, Terebinthinæ partibus tribus. Ex quibus apertè constat adhiberi materiam sulphureis particulis abundantem, cuiusmodi sunt bitumina, resina, sulphur.

Dand. Ut extinguantur accensæ candelæ aut lucernæ, perinde est, si aura commota illas sufflet, atque si in aëre quiescente illæ
ce-

celeriter agitentur: ideo missiles ignes ne extinguantur in motu, similiter ex materiâ sulphureâ aut bituminosâ componi oportet. Flavius Vopiscus in Vitâ Aureliani recenset epistolam ab eodem ad Mucaporem missam, vbi inter cœteros conatus contra Palmyram urbem, *Ighes etiam*, inquit, *tormentis iaciuntur*. De ignibus pariter in hostiles naues immissis memini me plura legisse apud Ioannem Schefferum de Militia Nauali lib. 2. cap. 7. Hos verò ignes accensos fuisse ex materiâ bituminosâ, argumento est, quod apud Persas, vt author est Ammianus Marcellinus, bitumine aut naphthâ inungebantur tela, quæ in hostilia tecta eiaculantes mirum incendium suscitabant: & apud Zecurus Indix populos, vt scripsit Aldrouand. de Miner. lib. 3. cap. 15. pag. 392. reperitur bitumen liquidum, quo telorum cuspides ex arundine paratorum liniunt, & accensa in hostes eiaculantur. Erat igitur eiusmodi flamma, quæ ex aëris occurso, licet retrosum flecteretur, non tamen omnino impediri poterat, quin noua subinde exurgeret, ob multitudinem sulphurearum particularum iam solutarum, quæ exilire poterant multâ vi, nequicquam repugnante aëre.

Maur. Hinc videtis, quare flatus ex prunâ, aut ex ardente longiore ellychnio (imitatur enim prunam) excitet flammam, quia scilicet erumpentes languidiùs sulphureas particulas, quin secum alias raperent, flatus ingerit in carbonem accensum (sic videmus ex accensâ carbonis particulâ igniculos serpere propulso à flatu in reliquis particulis, adeò vt totus carbo incendatur) illæque cœteris iam intus tumultuantibus additæ agitantur vehementiùs, atque confertim erumpunt, & quidem cum strepitu, flamma nimirum & sponte suâ commota, & à flatu impulsâ mouetur velociùs, ac aërem findens sonum illum seu sibilum edit, quem etiam in fabrorum vstrinis obseruamus, immò & in candelâ post extinctam flammam, si quis ellychnium citiùs extinguere voluerit flatu exturbante igniculos, ne diutiùs perseuerans exarsio fumi foetorem excitet molestiorem; nam exturbati igniculi, licet in flammam non abeant, velociori tamen motu aërem findunt, & strepitum edunt aliquanto maiorem eo, quem flatus ipse efficit incidens in corpus solidum, à quo diuiditur.

Dand. Etiam, cum in aquâ extinguatur accensus titio, aut ferrum ignitum, exauditur frinitus igniculorum, qui per aquam circumcursantes, & ex eâ auolantes, illius etiam particulas aliquas

in fumum dissoluunt, secumque rapiunt ascendentes: id quod fumi illius manifestus, & aliquando etiam satis acer, calor confirmat. Quamquam non omnes erumpunt in fumo, sed aliquos remanere aquæ commistos indicat aqua ferraria fabrorum, qua non inutiliter in morbis aliquibus autem afficientibus uti possumus; alios comprimit ipsa aqua extimos carbonis poros subiens, eosque coercens, ne amplius agitentur; adeoque cessat exarsio, & ignis extinguitur.

Grad. Videtur hæc esse communis ratio extinguendi ignem; si quid obstruat poros corporis exardescantis. Bartholomæus Anglicus de rerum proprietatibus lib. 16. cap. 104. hæc scribit; *Zingites lapis est vitrei coloris, qui gestatus in collo valet contra nyctalopam, & sanguinem stringit, & mentis alienationem repellit, & si tenetur ad lignum accensum, extinguitur flamma eius, ut dicit Dioscorides.* Quæsiui non semel, vtrum ex Dioscoride aliquid deprehendere possem, quo mihi innotesceret ratio extinguendi flammam ligni accensi, admoto huiusmodi lapide; sed nihil inueni: quapropter, ne continuò inter fabulas hoc rejicerem, illud vnum potui suspicari, quòd vi caloris ex accenso ligno prodeuntis, ex hoc lapide erumperent halitus crassiores & styptici, quibus ligni meatus obstruerentur, & igniculi constiparentur, atque idcirco flamma cessaret: Nam si glaciem ligno inflammato admouerem, nullus dubitat, quin solutæ glaciæ particulae ligni poros subirent, & flammam extinguerent: Quidni igitur ex lapide illo aut humor aliquis exsudet, aut expiret halitus igniculos exilire conantes compescens? Sic mihi videbar aliquatenus satisfacere. Sed ubi tentavi explicare, quàm fieri posset, ut cum veritate cohererent, quæ S. August. lib. 21. de Civ. Dei cap. 5. refert de fonte in Epiro (de quo, nisi mē fallit memoria, scripsit Mela lib. 2.) *in quo facies, ut in cæteris, extinguuntur accensæ, sed, non ut in cæteris, accenduntur extinctæ,* mihi, fateor, hærebatur aqua: Si enim fons ille tot scatebat igniculis, qui ellychnium penetrantes valerent extinctam faciem accendere, nonne iidem poterant accensæ ardorem promouere? Subijt animum aliquando suspicari, an fortè ad eò frigidus esset fons ille; ut in face extinctâ coacti propter antiperistasis in vnum igniculi ita sese vehementer agitent, ut demum in flammam erumperent; quo eodem frigore è contrario accensæ facis igniculi iam soluti & ex-

lientes ita constringerentur, vt flammæ motus cessaret. Habuissē fortasse adstipulatorem Plinium, quo authore lib.2. cap.103. *in Dodone Iouis fons cum sit gelidus, & immensas faces extinguat, si extinctæ admoueantur; accendit.* Verūm, quamuis in eorum numero non sim, qui vel nomen ipsum Antiperistasis horrent, nimium tamen Antiperistasi tribuere mihi videbar, neque mihi persuadebam frigidæ faces altius immergendas fuisse, ibique diutius detinendas, vt demum incalescentes accenderentur. Existimo igitur potuisse faces statim ab extinctione admoueri fonti, atque iterum accendi, si nimirum aquæ supernataret, quasi velum, tenuis liquor pinguis faciliè inflammabilis, qui adhærens ellychnio adhuc valde calenti in flammam abiret; quemadmodum vt facem extinctam cum adstantium admiratione denuo accendas, iubent aliqui parietem antecederet occultè illini sulphure, tum candelam flatu extinctam admoueri parieti, vt accendatur. Quia verò accensa fax altius immergebatur fonti adeò, vt infra pinguem illum liquorem deprimeretur ellychnium, vtique ab aquâ extinguī oportebat.

Dand. Non omnem tamen ignem aquâ extinguī compertum est. Ctesias Cnidijs lib. Indicorum. apud Photium in Bibliotheca Cod. 72. habet, *Ignem esse in Lyciâ, non procul Phaselide, perpetuum noctes atque dies sine intermissione ardentem, & eum aquâ non extinguī, sed magis accendi; fimo tamen illum extinguī.* At Plinius lib.2. cap.106. hunc eundem ignem terrâ, aut scæno, (fortasse fimo) tradit extinguī, ex eodem Ctesia Cnidio, eumque docet erumpere ex monte Chimærâ. Immo ex ipso Plinio item lib.2. cap.104. *in Commagenes vrbe Samosata stagnum est emittens limum (Maltham vocant) flagrantem; cum quid attingit solidi; adheret; præterea tactus sequitur fugientes. Sic descendere muros oppugnante Lutullo, flagrabatque miles armis suis. Aquis etiam accenditur; terrâ tantum restingui docuere experimenta.* Sic candelam in aquâ ardentem aliqui docent parandam ex vncijs duabus Sulphuris apyri (hoc est nondum ignem experti) calcis viuæ, terebinthinæ, & Salis Atmoniæ, vnciâ naphthæ, semunciâ Camphoræ, selibrà ceræ. Ignem verò, cuius incendium nulla aquæ violentia extinguat, alij putant parari posse ex Sulphure, Pice nauæli, Tartaro, Sarcocolla, Halinitro, & Naphthâ, addito calcis viuæ duplo, ex quibus cum vitellis ouorum

massa

massa componatur, quam in fumo equino sepeliant. Ideò autem hæc atque alia huiusmodi accensa non extinguuntur ab affusâ aquâ, quia pingui materiæ aqua non adhæret, neque eius poros implere potest, sed potius ab ignis violentiâ dissoluitur in vaporem, qui videtur ignem augere & flammam. Sic etiam carbo fossilis accensus non extinguitur aquâ, sed oleo, hoc enim adhærens poros obstruit, quos aqua non potest. Cœterum terra aggesta ignem aut Montis Chimææ, aut Samosateni limi opprimit, atque restinguit; impedit scilicet igniculorum eruptionem in flammam, atque eorum agitationem in accensâ materiâ, si illam ita arctè complectatur, ut omnem ferè expirationem impediat. Quod si accensi lignei carbones cineribus obruantur, licet flamma compescatur, exarsio tamen non prohibetur, sed multò diutius durat, quia igniculorum agitatio, eorumque aliqua exspiratio propter raritatem cinerum non impeditur, sed neque tam promptè illi exilire possunt ac in aperto aëre; ex quo fit, ut intimas carbonis partes peruadant, magisque accendant, atque diu ibi maneant. An autem verum sit cineribus iuniperi ad sex menses suppositum ignem foueri, non ausim affirmare, quamuis non apud vnum Authorem legerim. Non est tamen eadem de cineribus, atque de aggestâ terrâ ratio: Vix aliquem puto reperiri posse ignem, quem terra nequeat suffocare; quia spissa est terra, & humorem aliquem continet, sicut & fœmus; at cineres quia aridi sunt, non cohærent, ideoque ignem omnino opprimere in carbonibus nequeunt. Legi quidem in Atlante Simico pag. 61. in Provi. V Honam ad urbem Changte: *Piscis est, quem Sina Haiul piscem vocant, hoc est piscis puerulus, nam, cum capitur, vocem omnino pueruli lamentantis emittit. Figura illius ferè Crocodilum refert, caudam oblongam, quatuorque habet pedes: eius adeps semel accensus nullâ aquâ vel arte amplius extinguui potest.* Verum, licet aquæ vim ignis ille eludat, non video qui fieri possit, ut flamma ex adipe incenso prodicens (neque enim ardet adeps, nisi ut oleum, sebum, & similia, quæ inflammantur) perseveret, si adeps ille terrâ obruatur: cessante autem flammâ extinguuitur, quia non remanet ex adipe carbo ignitus, sicut ex ligno combusto. Quapropter, si non aquâ aliove liquore, neque flatu aut vento, aliqua tamen arte extinguui potest, obrutus nimirum terrâ.

Maur. Etiam si plura sint, quæ dicuntur non posse aquâ extinguï, id intelligendum puto, quatenus aquâ non potest imbui corpus accensum, & illi commisceri: eaque ratione communiter dicitur aqua marina inepta ad extinguendum ignem: hinc Macrobius lib. 7. Saturnal. *Est & hoc*, inquit, *indiciu pinguis aqua marina, quod cum inspergitur flamma, non tam extinguit, quàm pariter accenditur, aqua pinguedine alimoniam igni subministrante.* Coeterum si magna aquæ vis vno impetu effundatur in ignem multò minorem aquâ, non facile mihi persuadeo flammam non extinguï: fieri quidem posse fateor, vt dilabente statim aquâ iterum flamma emicet ex ignis reliquijs, ideoque ignis dicatur non extinctus: si tamen iugiter affunderetur aqua, aut ignis ille fuisset in vase, quod affusâ aquâ impleretur, libenter viderem, vtrùm flamma reuiuisceret: quamuis enim aqua propter ardentis corporis pinguedinem illi non adhæreret, flammam tamen atque igniculos opprimeret, quemadmodum illos opprimit aggesta terra. Certè oleum, quo lucernarum flammæ aluntur, si copiosè affundatur, extinguit flammam: & narrantem audiui aliquando in domûs cuiusdam incendio effusum ex superiore loco ingentem olei cadum grassantes flammâs ad eò compescuisse, vt spatium daretur alijs præsidij aduersus ignem adhibendis: oppressa quippe est ab ingenti olei copiâ flamma erumpens, cui, si illud lentius instillatum fuisset, non modica incrementa dedisset. An non cera accensi ellychnij flammam nutrit? eam tamen extinguit, si cerei crassitudini non respondeat ellychnium. Obtulit nescio quis amico tres aut quatuor cereos cylindros, quorum diameter tres transuersos digitos æquabat, altitudo paulo maior; at ellychnium, quale esse solet cereolis vix calamo scriptorio æqualibus: tantillo autem ellychnio cum videretur circumstans cera posse integram noctem sufficere alimentum flammæ, sibi persuadebat, & amico, opportunos valdè futuros iter habenti, vt totâ nocte lumen in hospitio haberet citrà omne periculum incendij, si cylindrum accensum in lateritio cubiculi pavimento statueret. Rem voluit amicus experiri, sed post horas aliquot extinctum est lumen; nec quidem id tentauit semel, sed iterum, ac tertio, pari semper euentu: quia videlicet flammula illa non poterat ceram vsque ad cylindri nimis crassi extremum marginem liquefacere; ac proinde ita absumebatur cera, vt in scaphij morem excauaretur

cylindrus; cumque scaphij latera ambirent flammam, atque hæc suo calore hinc & hinc plus ceræ liquaret, quàm posset exile ellychnium soluere in flammam, sensim liquata cera excrescens in scaphio, maximam ellychnij partem demersam circumquaque obsidebat, atque imbuebat suo humore, nec erat igniculis facultas se agitandi; propterea flamma ita minuebatur, vt demum periret.

Dand. Vno verbo, quoties igniculorum agitatio impeditur, ignis extinguitur: id quod non semper frigori tribuendum, quamuis hoc vim habeat constringendi, ac motum impediendi: propterea non assentior Flauiano apud Macrobiū lib. 7. Saturnaliorum dicenti, *Quid aceto frigidius, quod culpatum vinum est? Solum enim hoc ex omnibus humoribus crescentem flammam violenter extinguit, dum per frigus suum calorem vincit elementi.* Aceto siquidem flammam extingui validius, quàm aqua, admitto, & ad vsum comprimendi incendij seruatum ab. Antiquis acetum, manifestum est ex ff. de penu legata l. qui penum. vbi Ulpianus ait, *Penori acetum quoque cedere nemo dubitat, nisi extinguendi ignis causa fuerit paratum: tunc enim esui, potuique non fuit.* Non tamen continuò frigidum esse acetum permitto. Scio plurimos ex vino Spiritus euauisse cum acesceret, non tamen omnibus particulis inflammabilibus acetum caret, cum ex eo elici possit liquor æquè flagrans atque Spiritus vini; si videlicet ex plumbo in calcem excocto extrahatur Sal ope aceti destillati: quia enim particulæ salinæ aceti vniuntur sali ipsius plumbi, Spiritus vinosi à Salium captiuitate liberantur; ideoque si extractus plumbi Sal in Retortâ vrgeatur igne, Spiritus vinosus propellitur in Recipiens, qui conflagrabit, sicuti Spiritus è vino eductus. Quare ex ipsius aceti natura, non ex eius frigidâ qualitate petenda est vis compescendi flammam; quia videlicet auolantibus ex vino Spiritibus atque Sulphureis particulis non paucis, particulæ Salinæ præuolantes confluerunt, & exaltatæ sunt in aceto: hoc autem corpori ignito affusum, in quo sulphureæ particulæ agitantur, catenus flammam comprimit, quatenus aceti salinæ particulæ sulphureis ligni ardentis particulis commiscantur, & vniuntur, earumque motum retardantes efficiunt, ne confestim erumpant, adeoque extinguatur flamma. Eadem planè est ratio, cur acetum siue intus susceptum, siue extrinsecus adhibitum refrigerare dicatur, compescendo

motum sulphurearum particularum in sanguine, qui inflammatus dicitur.

Maur. Quod ad flammam attinet, & illud observandum est, quod aliquando contingit vehementi flammæ admoveri lucernam, eamque accendi, sed, dum retrahitur, extinguï; motus enim accensi vaporis concitatissimus illud idem in lucernæ flammâ mitiore operatur, quod ær ipse flatu agitatus efficeret, dissipando tenuiorem illam flammulam. Huc fortasse reuocauerit aliquis id, quod non rarò, nec inutiliter vsurpatur, cum in camino accensa fuligo incendium minuitur; exploso enim per camini tubum sclopo extinguitur fuliginis flamma, quæ disijcitur à vehementi motu vaporis nitro sulphurei ex pyrij pulveris accensione. Quare infirma est similitudo, qua Pelagius utebatur ad arguendum S. Augustinum, qui docuerat, aliquando Deum permittere grauibus peccatis pollui superbos ad eorum superbiam retundendam & sanandam. *Quid amplius dicam, aiebat Pelagius, nisi quia credi potest, quod ignes ignibus extinguuntur, si credi potest, quod peccatis peccata curentur?* Cui respondet S. Doctor lib. de Natura & Gratia cap. 28. *Quod si ignes extinguere quisquam non potest ignibus, sed tamen possunt, ut docui, dolores curari doloribus, possunt etiam, si querat & discat, venenis venena depelli & Nam, si & aduerit aliquando calores febrium quibusdam caloribus Medicinalibus frangi, etiam ignes ignibus fortasse concedes extinguï.*

Grad. Non pauca aliquando præter opinionem atque id, quod communiter & ut plurimum euenit, contingunt: flammam à flammâ extinguï paradoxum videtur, nisi ipsa flammæ natura attendatur, quæ in vaporis accensi motu consistit; id verò, quod minùs celeriter mouetur, à maiori & longè concitatori abripi, atque abstrahi, quid habet portenti? ideo flammam ab lucernæ ellychnio abstrahi à maiore & concitatore flammâ ex accensis sarmentis prodeunte, non est mirandum.

Dand. Semper quidem ipsa rerum natura attentè perpendenda est, sed multò certè accuratiùs, vbi de Igne agitur; neque enim, qui ex particularum dissolutione oriuntur effectus, ritè explicari possunt, nisi natura, quæ in illarum complexione consistebat, inspiciatur. Hinc quia alia est lapidis, alia ligni textura, fieri potest, ut ardeat lapis bituminosis particulis imbutus, ardeat & li-

gneus carbo, sed hunc magis accendat folium flatus, illum extinguat; quia scilicet flatus in raro carbone propellit igniculos ceteroqui erupturos, vt subeant alios atque alios carbonis poros; at in spissâ lapidis texturâ, igniculi in superficie agitati nequeunt à flatu in interiores partes impelli, sed potiùs exiussantur. Sic apud Aristotelem lib. de admir. audit. num. 110. legimus. *Scytarum Medorumque regio est, Thracia nomine, quam fluuius, cui Ponti nomenclatura extat, inundare proditur, in quo lapides ardentis deferuntur: verùm ligneis carbonibus contrarium effectum consequuntur; etenim folibus excitati quam citissimè extinguuntur, aquâ autem respersi resurgent, pulchriorique flammâ flagent. Cæterùm cum comburuntur, flagitiosam grauemque olentiam bitumini proximam efficiunt: qua de re reptilia eâ in regione bis ardentibus degere nequeunt.*

DISSERTATIO DECIMA.

De Cineribus.

GRad. Post hesternam de Ignis extinctione dissertationem, de Cineribus disputandum videretur, nam ex Aristotele lib. 4. Meteor. summ. 3. cap. 2. *Combustibilia videntur esse, quæcunque corporum in cinerem dissoluuntur.*

Dand. Ita sanè; sed non vicissim quæcunque comburuntur, in cineres rediguntur; vritur enim in fornace figulinâ ollæ inclusum Cornu Cerui vsque ad albedinem, non tamen cinefactum, & calens adhuc in conueniente liquore extinguitur, ac postea teritur. In cinerem autem dissoluitur id, quod comburitur, quando omnis humor, quo partes cohærebant, igne absimitur; siuè id contingat, quia res nuda igni obijcitur, & quicquid est volatile, in auras elabitur, siuè quia materia in vase clauso ignescens comburitur, & quædam volatiles particulæ cum fixis retinentur, & figuntur. Quamuis verò Calcinatio à Geber definiatur rei per ignem puluerisatio per priuationem humiditatis partes coniungentis, videtur tamen Calx à Cinere distinguenda; quæ enim per se non ardent, & duriores habent compagem Lapideæ duritiei similem, cuiusmodi sunt teste ouorum, & conchyliorum, coralia, lapides in animalibus nati, metalla, & mineralia, hæc
pro-

proprie in Calcem rediguntur ab igne, plantæ verò & animalia in cineres. Præterquam quod metalla aliqua in calcem redacta sæpè iterum suam in formam reducuntur, id quod cineribus non accidit.

Grad. Cum hæc eadem mecum ipse perpenderem (nescio utrùm importunè, an opportunè) incidi in Solini caput 35. ad finem, ubi de quibusdam in Britannia fontibus loquens ait, *Quibus fontibus præsul est Mineræ numen; in cuius ade perpetui ignes nunquam canescunt in fauillas: sed ubi cinis contabuit, vertitur in globos saxeos.* Hæsi aliquandiu anceps, an satis Solini mentem assequerem; fauilla enim proprie est scintilla igne destituta, cuiusmodi flammæ impetu egeri solet, & videtur esse particula ligni simul cum flammâ erumpens omnino accensa, quæ dilabentibus particulis sulphureis atque pneumaticis illicè extinguitur, & remanet cinereus puluisculus; quemadmodum etiam, quando stipes ignitus ferro aut ligno teritur, emicant plurimæ scintillulæ, quarum lux & calor statim evanescit, atque demum subsidunt descendentes in aëre candidi puluisculi. De his fauillis locutum putabam Solinum, non autem intellexisse vniuersim cineres etiam, qui ex carbonum dissolutione reliqui fiunt, nam & cineris contabescentis, quasi quid sit à fauillâ distinctum, mentionem fecit. Verùm nisi ignibus illis ita peculiarem fomitem tribuamus, ut cum eius flammâ nullæ emicarent scintillæ, vix credibile est in nullas desisse fauillas: de huiusmodi verò peculiari ignium materiâ nihil constat. Porro nihil est hic fingendum affine igni illi, de quo meminit Gyraldus Cambrensis in Hybernix Topographiâ (ut est apud Raynaudum in libro, qui inscribitur Tituli specialiter collendi aliquem sanctum præ alijs. puncto 6.) narrans seruari in Parchenone illius Insulæ ignem perpetuum, quem vocant S. Brigidæ, à monialibustantâ sollicitudine curatum, ut semper adsit noctu diuque vna, quæ excubet, & igni fouendo ligna sufficiat. Concluditur ignis virgeo septo orbiculari, intra quod nullus mas intrat impunè. Huic igitur igni, cum, tot sæculis, quot à S. Brigidâ ad Cambrensis ætatem iam decurrerant, tam multiplex lignorum strues sit admotæ, & in eo consumpta, *nunquam tamen cinis exereuit.* Quare Solini menti magis consonum duxi, si verborum vim interpretarer, quasi nunquam cinis ita excoqueretur, ut demum canescens cineris speciem retineret, sed perpetui ignis ca-

fore coalesceret in massulas lapideæ duritiei non absimiles vitro, sic enim, vt aliàs narrasse me memini, in diuturno ac lento fœni incendio, non nisi post quatuordecim dies deficiente materiâ restincto, inuentæ sunt cineribus immistæ massulæ quasi vitreæ, quibus peritus aurifex mihi notus feliciter vsus est tanquam Encausto. Id quod cineri contabescenti congruere videtur, quasi colliquefacto: nam etiam Sal tabescere dicitur à Catone de re rusticâ, cum in humorem diffunditur. Postrema autem caloris operatio censetur Vitrificatio.

Maur. Sententiæ & opinionis tuæ particeps esse non renuo, admittens potuisse aliquatenus cineres illos in vitrum lapidescere; quamuis ægrè mihi persuadeam cineres planè omnes aræ illius abiisse in vitream naturam. Verùm in focis nostratibus inter prunas non rarè obseruamus massulas qualdam, quæ præter immistos igniculos mutuata ex proximis ignibus Luce nitentes accensum carbonem mentiuntur, seiunctæ verò, statim euanescentibus lucidis igniculis, pallentes exalbescunt, atque friabiles cum sint, deprehenduntur nil esse præter cineres humore aliquo ex lignis, dum comburuntur, exsudante coagmentatos. Fieri igitur potuit, vt eiusmodi lignorum genere ignis ille perpetuus aleretur, ex quibus in subiectos cineres succus quidam manaret, qui illos suâ tenuitate peruens, secumque deferens sulphureas aliquas particulas, ita complecteretur, & conglutinares, vt, quemadmodum in fornace lateres & fictilia vasa, excocti durescerent in lapideam naturam. Simile quid fortasse dici posset de cineribus, quos ventus agitare nequeat: Liuius siquidem Decad. 3. lib. 4. post princip. de templo Iunonis Lacinia loquens ait, *Fama est aram esse in vestibulo templi; cuius cinerem nullus unquam moueat ventus.* & Plinius lib. 2. cap. 107. *In Lacinia Iunonis aræ sub dio sita cinerem immobilem esse, perflantibus undique procellis:* id quod inter Naturæ miracula recenset Valer. Max. lib. 1. cap. 8. num. 18. in externis, dicens, *Quapropter Crotona in templo Iunonis Lacinia aram, ad omnes ventos immobili cinere, donauerit potissimum.* Neque enim admodum incredibile videtur potuisse ex eo lapide aram construere, qui, vi caloris, tenuem vaporem exhalaret, isque bibulos cineres imbuens ita demum complecteretur, vt quasi moles vna consisteret; quemadmodum farinæ contingeret, quam in vase expositam nocturnus ros, aut humens nebu-

la vberius perfudisset : Sic antelucanos viatores pulvis non vexat , quem auræ , aut pedum motus excitare nequit adhuc rore imbutum.

Dand. Scriptoribus fidem temerè abrogare iniquum est ; valdè tamen operosum , singulas eorum narrationes cum Philosophiæ placitis tam aptè conciliare , vt cum similitudine verì consentiant . Saxeos illos globos ex contabescente cinere genitos si quis sub aspectum nostrum subiceret , aliquidne sit vitro , an coctis fictilibus cognatum , faciliùs dijudicare possemus : nunc verò nullà coniecturà res definiri potest , sed in medio relinquenda . Quamquam non desint , qui ollarum fictiliùm atque laterum coctionem Vitrificatìoni affinem existiment , adeoque res perinde se habeat . Dubitauerit fortasse quispiam , nostrorum hyalurgorum fornaces tam valido igne redundantes contemplatus , an solo igne , qui in arà arderet (vtique non adeò vehementem fuisse credibile est) potuerit materia cinerum fluere in vitream naturam . Sed si Plinio lib. 36. cap. 26. vitri originem describenti fidem adhibemus , non opus est vehementissimo fornacis calore , siquidem *fama est , appulsà naue* (ad ostia fluminis Beli iuxta Ptolemaidem Coloniam in mare perfluentis) *mercatorum nitri , cum sparsi per Litus epulas pararent , nec esset cortinis attollendis lapidum occasio , glebas nitri è naue subdidisse : Quibus accensis permixtâ arenâ litoris , translucens nobilis liquoris fluxisse riuos , & hanc fuisse originem vitri .*

Maur. Maiorem , siuè minorem ignis vim requiri ad constandum vitrum , pendet ex eo , quod sales & arena , quibus illud constat , faciliùs aut difficiliùs calore soluantur , ac liquecant , atque demum minimæ Salis & terræ particule commisceantur . Plurimum autem ad arenæ solutionem confert præter ignem ipsa salis natura , qui sub motu particulas arenæ coniungit .

Dand. Ex eodè Plinio vis ista Salis colligitur , nam Belus amnis limosus , vado profundus , non nisi refuso mari arenas fatetur ; fluctibus enim volutata nitefcunt , detritis sordibus . Nunc & à marino creduntur astringi morsu , non priùs vitiles . Quingen-
torum . est passuum , non amplius , litoris spatium ; idque tantùm multa per secula gignendo fuit vitro . Videtur scilicet marinus sal arenis limo liberatis adhærens eas reddidisse faciliùs solubiles ,

cum prius non essent admodum viles. An verò quodcunque arenæ genus aptum sit, ut vi caloris demum fluat in vitrum additis salibus, non est nobis disputandum: certè non omne saxorum genus contunditur ab artificibus, & in minutum sabulum conteritur, ut addito nitro, aut sale fossili, aut marino, aut cineribus herbæ Anthyllidis combustæ, alteriusve herbæ salsæ, aut alio etiam cinere ex combustis arboribus, confletur vitrum; neque enim lapides omnes æquè apti sunt, ut liquecant, atque in minimas particulas dissolvantur.

Grad. Audiui dubitantes, utrùm dicendum sit tam sales, quàm arenam liquefcere, an verò solas arenas, quarum solutionem iuvent admisti sales, an demum tantummodo sales ipsi liquefiant, iisque per minima commisceantur particule saxorum comminutorum, quæ si candida fuerint, atque ad perspicuitatem accedant (ut microscopioprehenduntur) vitrum reddant elegantius, ubi refrixerint sales, & coalescentes obdureant.

Maur. Lapides, atque saxa, an ex terrâ potissimum & sale constent, non videtur posse in dubium reuocari; terrâ enim abundare ita manifestum est, ut si quis terram saxis inficietur, terram ab omni corpore mixto releget, necesse sit: Salem autem in saxis inesse, satis indicat Calx, in quam excoquantur. Porro arenæ, quæ ad conflandum vitrum adhibentur, non sunt particule limi, sed prorsus saxeam habent naturam, commistum cum terrâ salem continentes: propterea, esto, terram præcisè si spectes, saxa liquefieri nequeant, & fluere, ratione tamen admisti salis illa liquefcere possent, nisi salis copiam terra superaret; idè aut nitrum, aut aliud salis genus additur, ut multo sale vi ignis maxime agitato attenuentur terreæ particule minutissimæ, atque cum sale ipso commisceantur, ac demum frigefcente materia sales concreti terreas particulas nexu non amplius dissolubili commistas contineant. Tribuendam verò ipsis Salibus facultatem concrefcendi, manifestum facit apud Chymistas Chrystallisatio. Quapropter & arenæ, & Sales soluuntur, atque confluunt in vitrum. At fictilia vasa & lateres in fornace obdurefcunt, non idcirco tantum, quia vi caloris superuacuu humor abit in fumum, sed quia tam sales cretæ ingeni, aut saltem arenis, quæ cum argillâ permiscentur, quàm qui ex ligno combusto erumpunt, ita terreis

particulis exquisitè commisti vniuntur, vt illas arctius apprehendant: Sin autem nimis vehemens fuerit calor, præsertim ex lignis quernis, non rarò, ob nimiam salium copiam, contingit fictiles ollas & lateres euadere in fornace flexiles quasi vitrum, immò & aliquando à formâ, quam figulus dederat, deficientes in massam confluere: plurimum enim salis in ligno querno existere indicat tum eius pondus atque durities, tum acidus spiritus, qui ex illo in scobem comminuto educitur.

Dand. Certè arenam luto grauiorem esse, nemini dubium est; nam vbi primùm rapidus torrentis, aut fluuij, arenâ & Limo inquinati, motus à celeritate in tarditatem descuerit, arenam aqua dimittit; deinde imminutâ adhuc velocitate, limum in subiecto alueo ponit. Immò ex Diuinis literis grauitas quædam præcipua tribuitur arenæ: Sic Salomon Prou. 27. 3. ait, *Graue est saxum, & onerosa arena: sed irasculti utroque grauior*. Et Sira- cides Ecclesiastici 22. 17. *Arenam, & Salem, & massam ferri facilius est ferre, quàm hominem imprudentem, & fatuum, & impium*. Iob verò calamitatis, quam patiebatur, grauitatem exaggerans, non cum arenâ quacunque, sed cum arenâ maris illam comparauit, vtpote grauiore; *quasi arena maris*, inquit cap. 6. 3. *hec grauior apparetur*; marinus quippe Salarenæ grauitatem auget illi adhærens: quam salis adhæsiōem vltro fatentur cæmentarij marinam arenam reijcientes in ædium structurâ vt minùs aptam, quæ cum calce commisceatur, nisi necessitas suadeat illâ vtendum, postquam aquâ dulci, si hæc suppetat, fuerit diligenter abluta: sal quippè ille ex humido aëris vapore facilè lique- scit, & parietis tectorium humore inficit. Hinc Vitruuius lib. 2. cap. 4. de arenâ ex marino litore desumptâ loquens ait, *ea inbru- ctur hac habet vitia, quod difficulter siccescit, neque, ubi sit, orierari se continenter paries patitur, nisi intermissionibus requiescat, neque concamerationes recipit*. Marina autem hoc am- plius, quod etiam parietes, cum in his tectoria facta fuerint, re- mittentes *saluginem, ea dissoluunt*. Hanc autem maiorem præ simplici terrâ arenæ grauitatem, si suas illa in partes tribuatur, at- que soluatur, sali adscribendam ego pariter existimo; atque adeò, si vitrum cum fictili quocunque comparetur, grauius esse secundum speciem eatenus dicerem, quatenus pro ratâ portione plus terræ inest in fictili, plus salis in vitro.

scetur; maximè si non fuerint penitus vi ignis abstracta alia principia, quæ Corpus mistum constituebant. Quod si cineres aliqui sint excocti adeò, vt partes sulphureæ ferè omnes abierint, neque iam vllò nexu sales reliqui iungantur cum terrâ, cui commiscuntur, sed ab eâ facilè separabiles sint, ex his faciliùs lixiuium conficitur affusâ aquâ, quæ sale imbuitur, etiamsi frigida sit; quamuis multo plus extrahat salis, si feruens fuerit, nam igniculis cum aquâ penetrantibus cinereos puluisculos aqueæ particulæ salibus vniuntur, & secum rapiunt particulas salinas, quas frigida non potuisset inde auellere, saltem tam breui tempore. Hinc plurimum interest in foco cineres diu mansisse, quo meliùs noui ignis calore excoquantur, & sales aliorum principiorum consortio priuentur, vt faciliùs affusâ aquæ iungantur; alioquin ex recentibus cineribus (nisi fortè ex ingenti aliquo igne calcarix aut laterarix fornacis reliqui fiant) parùm efficax lixiuium paratur, cum exiguæ tantùm salis particulæ soluantur: contra verò ex cinere probè excocto plurimum salis longâ maceratione aut ebullitione educitur; ideoque valdè acre lixiuium paratur.

Maur. Humore aquæo salem solui notissimum est, huncque solutum educi ex cineribus. Id quod visus est obseruasse olim Anytis cæcus Rex Ægypti apud Herodotum lib.2., qui, Sabaco cum magnâ Æthiopum manu excurrente in Ægyptum, fugâ se in palustria proripuit, & quinquaginta annos) quandiu Sabacus Ægyptum obtinuit) habitauit Insulam cinere atque humo aggestâ. Nam ut quisque Ægyptiorum iussus illucibat portans frumentum, ei mandabat, ut clam Æthiope ad se dono etiam cinerem ferret: cui Insulæ nomen est Elbo, decem omnino stadiorum magnitudinis. Voluit scilicet palustris soli vitium purgare, atque tellurem frugiferam reddere; quemadmodum enim sal carnibus, aut piscibus aspersus humori superfluo adhæret, illumque attenuans in vaporem sensim abire cogit, eaque ratione carnes aut pisces exsiccatos à putredine immunes reddit; ita pariter cinerum sal vliginosi agri superuacaneum humorem dissoluebat, atque addita sicca cinerum terra imbuebatur humore.

Grad. Obœsas mulieres, quæ magna ex parte steriles sunt, moderato salis vsu in condimentis foecundas euasisse non semel audiui; & ex Læuino Lemnio scripsit Mizaldus Memorab.cent.2.nu.66.

steriles agros, & plus æquo palustres ac vliginosos salis conspersu feraces factos fuisse; sale videlicet humorem nimium siue in agris, siue in corporibus, absumente.

Dand. Sed quanto sale opus fuisset, vt opimum corporis habitum ad gracilitatem adduceret duorum illorum, quos ex Nicolao Neandro describit Io: Riolanus fil. Enchirid. Anatom. lib. 2. cap. 4. in Confid. Medic. Rabbi Eleazar, inquit, & Rabbi Ismael habuerunt ventres tam grossos, ut, cum starent erecti conuersis facibus, & uentribus contiguis, duo ualidi boues potuerint inter eos transire neutrum contingendo: aut Francisci illius Erhardi, cuius cadauer ex Epitaphio (quod Durlaci inueniri testatur Crusius in Annal. Sueu. par. 3. lib. 12. cap. 11.) constat æquasse pondus sex centenariorum, hoc est vnciarum 9600, siue librarum Romanarum octingentarum, tributis in singulas libras vncijs 12.

Grad. Sui, ne putresceret, animam ipsam pro sale datam esse dicebat Chrysippus apud Ciceronem de Nat. In his, quos commemorasti, non aliam salis energiam, quam ne putrescerent, exhibuisse videtur anima. Coeterum ad foecunditatem sal plurimum valet. Scio equidem, Tyrannorum ædibus solo æquatis, aream fuisse à Veteribus sale conspersam, & destructam ab Abimelech urbem Sichimorum Iudic. 9. 45. *ita ut sal in eâ dispergeret.* ad extinguendam eorum memoriam; quasi salis nunquam renascentis sterilitatem ijs imprecarentur. Verum ita nimia salis copia adurit germina, vt tamen si ille fuerit congruâ aquâ dilutus, non modò sterilitatem non inferat, sed foecunditatem maximè conciliet. Sic à Palmâ falsum solum diligi scripsit Plinius lib. 13. cap. 4. adeò vt, *Vbi non est tale, salem aspergant, non radicibus, sed paulo longius;* cauentes nimirum, ne ad radices veniat sal, nisi quem humor deferat. Oleæ pariter salso solo gaudentes, si pluuia fauceat, vberiore prouentum ferunt; immò quibusdam familiare esse audiui oliueti foecunditatem extimulare addito singulis plantis triente modioli salis; atque affusâ aquâ saltâ, tum agro diligenter occato, & pluuiâ aquâ identidem insperso. Non igitur mirandum ex cineribus pinguescere agros, pluuijs cinerum salem soluentibus, atque illo glebas imbuentibus.

Maur. Iuuat videlicet Salis calor & motus ad exquisitiùs permi-

miscendas, vniendasque cum humore coeteras particulas, quibus planta alenda est; quæ propterea meliore succo abundans fructum præbet vberiore: quemadmodum & animalia ex cibo in laudabilem chylum subacto saginantur. Neque aliunde oriri putato, quod fossionibus sit terra fecundior, nisi quia sales extimæ faciei adhærentes, in ea conuersione radicibus plantarum propius admouentur, vt vnâ cum humore reliquæ particulae extimulatae facilius seradicum meatibus insinuent. Hoc verò potissimum præstant pluuiæ diluentes conspersum cinerem, cuius salem secum deuehentes terram penetrant. Nihil detracto meritæ laudis Virgilio canenti lib. i. Georg. Sæpè etiam steriles incendere profuit agros,

Atque leuem stipulam crepitantibus vrere flammis;

Siue indè occultas vires & pabula terræ

Pinguia concipiunt; siue illis omne per ignem

Excoquitur vitium, atque exsudat inutilis humor:

Seu plures calor ille vias, & cœca relaxat

Spiramenta, nouas veniat quâ succus in herbas;

Seu durat magis, & venas astringit hiantes,

Ne tenues pluuiæ, rapidi-ue potentia Solis

Acrior, aut Boreæ penetrabile frigus adurat.

Præcipuam tamen fecunditatis causam cineribus ex combustâ stipulâ relictis adscribendam dicerem; quicquid enim salis in stipulâ eductum est ex agro, in eiusdem sinum recidit, pluuiâ illum ex cineribus iterum extrahente. Et sanè hæc confirmata videntur ex ijs, quæ habet Childrey in Histor. Nat. Angliæ pag. 18; vbi de Prouincia Cornvallix loquitur; ait enim, Mense Maio agricolæ demetunt omnes herbas in agris natas, in quibus sementem facere cogitant: disponunt demessas in monticulos, vt citò à ventis & Sole siccentur; siccatas in cineres redigunt, & cum sabulo marino (pag. 37. notat incolas obseruâsse sabulum marinum multo magis conducere ad foecundandum agrum propter adiunctam sal sedinem, quàm sabulum ex terrâ, & fertilius adhuc sabulum, quod non circa litora maris, sed ex profunditate ipsius extrahitur) miscent: Mixturam hanc paulò ante granorum iniectionem agris inspergunt. Mirabiliter hoc calefacere aiunt radices frumenti, vt copiosius producat; hanc verò cinerum & sabuli marini mixturam ad eò foecundare terram, vt si in nimia copiâ aspergatur, vnâ cum frumento incredibilis herbarum numerus simul ex-

agro enascatur; hoc tamen obseruari, vbi in taliter disposito agro duplex facta fuerit messis, vna quidem frumenti, altera auenæ, dein per septem annos agrum istum incultum relinqui. Hæc ille. Sed & vitibus quoque fertilitas cinere conciliatur; si enim fertiles non fuerint, earum radicibus cinerem acri aceto subatum apponendum, quo rigentur, & oblinantur, docet Plinius lib. 17. cap. vlt.

Dand. Cinerum vim ad fœcundandum solum maximè commendat Insula Materia in Atlantico Oceano antè Fortunatas sita, quæ intermissâ nauigatione diu latuit, & superioris sæculi decimiseptimo anno vigesimo reperta: *inde nomen accepit, quod, totam eam sylvæ occupassent, materiâ abundabat. Itaque igne subdito septem annis tenuisse incendium ferunt, eaque ratione cultura aperta ad eodè felici gremio mandata excepsisse semina, ut multis deinceps annis in sexagesimam frugem multiplicata rediderit.*

Maur. Salibus, & Nitro præcipuè, fœcunditatis prærogatiua conuenit, ideoque Nilus *amnis fœtifer* à Plinio lib. 14. cap. 20. dictus fuit, quod eius aqua Nitrum contineat, atque ex illius potu Ægyptiæ mulieres adeò fœcundæ fiant, vt septenos partus vnico vtero gerere dicantur: propterea Ptolemæus cognomento Philadelphius secundus Ægypti Rex cum, teste Polybio, filiam Berenicem Antiocho Syriæ Regi vxorem dedisset, Nili aquam, quam solam biberet, ei misit. Neque aliam subesse causam putandum est, cur Nilus cum Ægyptum æstate obrutam oppletamque tenuerit, mollitos & oblimatos agros ad serendum relinquens celeberrimæ fertilitatis spem faciat: nam & ipsis seminibus vtile esse nitrum censetur, non solum vt legumina faciliè coquantur, si antè sationem nitrum cum latamine aruis committatur, verum etiam ad vberiolem prouentum, si nitro semina imbuantur; cum scripserit Virgilius lib. 1. Georg. *Semina vidi equidem multos medicare serentes, Et nitro prius, & nigrâ perfundere amurcâ.* Nec experientia frustrata est quosdam, qui collectam ex sterquilinio defluentem aquam nitro miscuerunt, atque igne excoctam, donec tertia pars in vaporem abiisset; sponte suâ frigescere permiserunt; tum in reliquâ aquâ maceratas triduo fabas terræ commiserunt; euentu enim non poenitendo vberissimos fructus collegerunt. Cineres tamen, meâ quidem sententiâ, ad fœcundandos agros

agros certius adhiberi possunt, non solum, quia eorum aliqui salern Nitro homogeneous continent (nam inter Nitri artificiosi species enumeratur, quod ex combustâ quercu aut robore paratur) sed quia sal ille ex reliquijs plantarum vegetabilis est, adeoque facilis, vt naturam alterius plantæ constituat, vtpote non parum affinis germinibus, quæ terra proferre consuevit.

Grad. Res est Brasiliensibus nota, qui, teste Georgio Marcgrauio hist. nat. Brasil. lib. 2. cap. 16; arundines contusas, ex quibus expressus est ad conficiendum saccharum succus, in cumulos congregant; accensis, atque igne consumptis cumulis, reliquo cinere ad stercorendos agros vtuntur. Qua in re consentiunt veteribus Transpadanis, quibus cineris vsus aded placebat, vt anteponerent fimo iumentorum, quemadmodum habemus ex Plinio lib. 17. cap. 9. Addit autem Marcgrauius, *Hæc arundinetæ destruit incendium, præcipue tempore æstiuo, tunc enim ad radices usque consumit: potest tamen ex parte damnum resarciri, si pluuio succedat post combustionem*: quia videlicet pluuia ex cineribus salern educit, ac telluri insinuat, isque incidens in concipientem, comprehendentemque naturam, quasi vim seminis obtinet ad nouas radices gignendas, quippe qui sibi vnit, quas proximè inuenit cognatas particulas, quibus permixtis conflatur radix arundinis.

Dand. Vim hanc vniendi sibi cognatas particulas, sali cinerum tribuendam faciliè concedo: Nam ex Columella lib. 12. cap. 31. *Si quod animal in mustum deciderit, & interierit, uti serpens, aut mus, forex-ue, ne mali odoris vinum faciat, ita, ut repertum corpus fuerit, id igne aduratur, cinisque eius in vas, quod decideat, frigidus infundatur, atque rutabulo ligneo permisceatur: ea res erit remedio*. Qui enim fieri id posset, nisi sal cinerum sibi iterum vniret aliquas cadaueris illius particulas, quæ vinum vitia re potuissent illi admiscere?

Maur. Quadam affinitatis coniunctione deuinciri particulas aliquas corporum cum certis salibus, ita perspicuum fit ex his, quæ videmus, vt omnino negari nequeat. Quicquid sit, quod salibus omnibus siue ex animalium, siue ex plantarum cinere eductis, & ad pondus drachmarum duarum cum semisse assumptis, parem purgandi facultatem inesse contendunt aliqui, quasi similiter exstimulent facultatem expultricem, sicut pharmaca lenientia. Cœterum

terùm differunt ipsi sales corporibus ingeniiti. Cum enim non omnibus cineribus promiscue & indiscriminatim uti liceat ad quoscunque effectus, non eandem esse salium omnium naturam manifestum est, sali quippe vniuersa efficiendi facultas in cineribus obseruata tribuenda est; neque enim admistæ inutili terræ adscribi probabiliter potest. Quid est, quod purpurarum cinis (ut ex Dioscoride lib. 2. cap. 4.) vlcera repurgat, & ad cicatricem adducit, buccinorum autem cinis maiore vi vrendo exulcerat? Si par esset utrique sali efficacia. Cineres certè inter se differunt, neque nisi aut ratione salis, aut terræ, ex quibus constant; consultius igitur videtur differentiam sali adscribere quàm terræ. Vtique, si verum est *contra arthritidem, & quoduis ulcus depascens, summè prodesse humani brachij, vel tibiæ, os combustum, facto puluere ex eo, quod album intus mansit, & parti affectæ appositum*, ut ex Geber docuit Mizaldus memorab. cent. 1. num. 11. satis constat non eadem sperari posse adhibitis cuiuscunque generis cineribus; quia, teste Galenio lib. 8. de Simpl. medic. Facultatibus V. Tephra. *non omnis cinis eadem temperaturâ præditus est, sed pro combustæ materie diuersitate variatur*: additque ex acerbis lignis (ceu quercus, ilex, arbutus, fagus, lentiscus, hederæ, & hoc genus alia) factum cinerem vim habere non modicam adstringendi, seque aliquando, *cum aliud ad manum non esset medicamen, per hunc sanguinis suppressisse eruptionem. Verùm nullus unquam ad tale uti ficulneo audeat; siquidem hic acrimonia multum adurentisque facultatis obtinet.*

Dand. Nullus dubito, quin ficulneus cinis multum habeat caloris; lignum enim ficus, ut notauit Plutarchus lib. 1. Sympol. quæst. 9. amarissimi saporis est, & plenum succi si comburatur, fumum edit acerrimum: hinc sunt nonnulli, qui in hortis resperso cinere ficulneo erucas persequuntur: idemque cinis appositus cinaræ radicibus mures indè arcet; radices siquidem cinaræ à muribus summè expetuntur, quarum voluptate semel allecti turmatim vel è longinquo accurrunt, ut monuit Varro Græcus in selectis Agriculturæ præceptionibus, qui tradit etiam insultantem illorum aciem, lanâ radicibus obuolutâ, arceri, aut stercore suillo.

Grad. Quare mures auerfentur cinerem ficulneum radicibus illis appositum, me non satis scire ingenuè profiteor; non enim cate-

nus non audent cineræ radices cineribus obuallatas attingere, quatenus os cinere implere iniucundum est; quia id præstaret quilibet alius cinis, nec opus esset ficulneos ramos comburere, ut habeatur cinis: sin autem, quia acer ille cinis cutim vellicat, ac vi mordaci pruritum excitat; non ita præcipuè ficulneo conuenit, quin etiam alijs cineribus vis eadem tribui possit: Nam, teste Palladio lib. 1. tit. 35. *Mures ruflicos, si quærneo cinere aditus eorum satures, attactu frequenti scabies occupabit, ac perimet: quo eodem Authore, Formicas abiges, cochlearum vacuas testas si vsseris, & eo cinere foramen inculces.*

Maur. An cinis ficulneus terreno humore imbutus mures depellat odoris (illis quidem intolerabili) foeditate? non enim omnia omnibus animantibus æquè benè, aut malè olent. Pluribus certè felium odor grauis non est; at non item muribus, qui arrodere non audent semina priùs respersa cinere mustelæ, aut felis, diluto, si Plinio credimus lib. 18. cap. 17. *Mures, ait, abiguntur cinere mustelæ, vel felis, diluto, & semine sparso, vel decoctarum aqua: sed redolet virus animalium eorum etiam in pane.* Odor igitur in cineribus aliquis inest. Quid ergo, si ficulneus cinis muribus felle redoleat, aut mustelam, cum quibus non conueniunt? Ex Mizaldo de secretis hortorum. *Multi in ficulneo lixiuii proijcienda semina præmacerant.* Vtrum ad tutelam, an ad foecunditatem, incertum. Audiui narrantem se legisse à Cornelio Agrippa scriptum, Si cerebrum mustelæ coagulo addatur, à muribus non attingi caseos, neque corrumpi vetustate: id quod, nisi inter familiaria Authori illi commenta rejiciatur, tribuendum videtur infesti animalis odori, quem ferre non possunt: ideoque fortasse similiter ex ficulneo illo cinere terrâ obruto particulæ aliquæ salinæ humore dissolutæ halitum emittunt siuè muribus foetoris acerrimi, siue qui cum spiritu attractus in pulmones, præcordia vexet.

Grad. Salem, quem cineres continent, si ab admistâ terrâ liberetur, posse sulphureas particulas aut Spiritus, proximorum corporum in motum incitare, & sibi vnire, atque ad eod siue gratum, siue tetrum odorem gignere, mihi facillè persuadeo: Nam ex Tarentino, Nuces iuglandes ad cinerem exultæ, & cum maioranâ tritæ, atque cum pane puro aquâ madefacto, caseoque caprino, in massas coactæ, opportuna sunt ad Thynnos capiendos:

quos

quos nimirum allicit odor, & in retia inducit; cineres autem iuglandium utique aliquid faciunt ad maioranæ & casei odorem temperandum; idque non nisi ratione salis, quem cineres illi continent.

Dand. In cinere particulas salinas, licet cum terrâ permistas, plurimum tamen libertatis nactas, satis declarant Lixiua, in quibus sal aquæ facile iungitur, & terra subsidit; idcirco etiam si à terrâ non seiungantur sales, possunt tamen vim suam exerere, aliasque sibi vnire particulas, quas utique apprehendere non valebant, quando cum cœteris principiis colligati constituebant corpus, antequam combureretur. Huius rei luculentum experimentum suppeditare nobis poterit Calx viua communis, quæ est veluti cinis reliquus ex saxo combusto. Calcis viuæ communis contusæ, & cribratæ fescuncia commista est pari ponderi sulphuris communis contusi pariter & cribrati: in vase fictili lati fundi mistura hæc exposita est igni, ac ferreo bacillo iugiter agitata vsque adeo, ut omnino absumeretur sulphur: qua calcinatione peractâ, cum iterum expenderetur calx, inuenta est suo ponderi addidisse scrupula decem cum dimidio; institutâ autem denuo calcinatione, cum commista fuisset alia sulphuris fescuncia, demum absumpto sulphure nihil incrementi in pondere accepisse calcem deprehensum est, sed retinuit scrupula illa 10½, quæ primùm acquisierat. Hinc videtur colligi posse, dum vi ignis dissoluerentur sulphuris particule, aliquas fuisse à calcis salibus apprehensas, quæ quoniam graues suapte naturâ erant, calcis pondus auxerunt: quia verò tot fuerant in primâ calcinatione apprehensæ, quot retineri poterant à salibus, idèò in secundâ omnes sulphuris particule abire permixtæ sunt, nec factum est calci vllum grauitatis additamentum. Porro additas fuisse salibus sulphureas particulas, & ab ijs detentas, manifestum fuit, cum affusa aqua communis, & aliquoties agitata, post dies quindecim sulphureum foetorem halabat; vbi scilicet soluti sales in aquâ dimisissent sulphureas particulas.

Maur. Quod præstant calcis viuæ sales, cinerum salibus non videtur denegandum; quare & horum sales sibi sulphureas particulas vnire valent; non quidem omnes, sed quæ peculiari affinitate spectant ad certos sales: ut enim sæpiùs diximus, neque omnes sales, neque omnia sulphura eadem specie continentur aut Salis,

lis, aut Sulphuris, licet eiusdem generis communione iungantur, ad quod eorum differentia referri potest: ideo alij sales alia sulphura apprehendunt, ac complectuntur. Hinc *cataplasma ex pulvere combustarum hirundinum, & nidi earumdem, efficaciter prodest discutiendis tumoribus gutturis, & curandæ anginæ*, vt scribit Mizaldus cent. 3. num. 29. Sulphureæ enim particule gutturis inflammationem efficientes cinerum salibus vniuntur, & grauiter affectum membrum relinquentes leuamento doloris sunt. Ex quo mirari cessant, qui sæpè calida medicamenta (cuiusmodi est cinis) adhiberi non inutiliter morbis ex calore prouenientibus vident, si animum aduertant à medicamento Sale ac Sulphure agitari atque dissolui morbosæ materiæ particulas salinas atque sulphureas, quarum alias depellunt, alias sibi vniunt, atque ex parte affectâ educcentes inflammationem sedant.

Grad. Haud absimiliratione, quia Sal humori aqueo facile iungitur, dicemus humorem extrahi à sale cinerum applicatorum: propterea *Musci humore exanimatis, si cinere condantur, rediunt in vitam*, vt loquitur Plinius lib. 11. cap. 36. Sic cinis spongiarum strumosis mederi dicitur; quanquam alios cineres, videlicet Talpæ, latentibus scrophulis conuenire, alios exulceratis, nimirum Salamandræ, aliqui doceant. Certè ex Mizaldo Memorab. cent. 1. num. 54. *Omnium generum ulceribus auxiliatur anesbi semen combustum; nam illa detergit, carne replet, ac solidat.*

Dand. Siue igitur ex humore, siue ex sulphure (quandoquidem utriusque Sal vnitur) oriatur dentium dolor, vti potero cineribus, quos proponit Cardanus in Opusculis Medicis Senilibus lib. 2. par. 3. cap. 6. sect. 2., apud quem Q. Serenus laudat vngukum porcæ in cinerem redactam ad dolorem dentium sedandum, ipse verò vermium terrenorum cineres denti imponere, maxime si excusos sit, docet. Verùm, vt scripsit Cicero lib. 1. de Natur. Æsculapius. *primus dentis euulsionem inuenit*: id demum remedio est.

Grad. At Vermium terrenorum cineres, aut stercoreis muriam, vel ceruini dentis, dentium exesorum cauernis immissi illos absque ferro, & machinulis eradicant, teste eodem, quem paulo ante laudaui, Mizaldo cent. 1. num. 63.

Dand. An verò etiam citrà dolorem?

Grad.

Grad. Hoc mihi quidem nullo experimento constat; facile tamen in eam sententiam venio, ut id mihi persuadeam; si nimirum huiusmodi cinerum Sales saluæ humore dissoluti penetrent ad dentis exesi radicem, eiusque extremum nexum adeò tenerum ac mollem efficiant, ut leui negotio sciungi possit à mandibulâ. Nam & cornua longâ coctione mollescunt in aquâ addito modico cinere; & Palladius de re rustica. lib. 2. tit. 16. de Nuce iuglande transferendâ loquens ait, Fimo bubulo una planta tingenda est, *sed melius cinis aspergatur in scrobibus*, ne calore stercoreis aduratur, *nam cinis creditur vel corticis teneritudinem procurare*, vel fructuum densitatem asferre. Sal quippe aquæ vnitus, cum in corporis cœteroqui duri poros se insinuat, illius fibras flexiles efficit, vnde oritur mollitudo locum dans comprimenti, aut etiam aliquando cedens distrahenti. Herba crescit in Noruegiâ propiùs accedens ad iunci formam, Ossifragam vocant, quæ singularem habet vim emolliendi ossa iumentorum, quæ illâ vescuntur, & vsque adeò boves ad ambulandum fiunt inepti, ut elumbes videantur, nec vestigium facere valeant: Suspicio est ibi delitescere mineram Plumbi aut Mercurij. Illud autem mirum, quod mollia iumentorum ossa firmantur, si alterius iumentum, quod perierit, sic emollita ossa comederint; quasi ad se rapiant ossa mortua comminuta particulas ossifragæ, quæ emolliebat ossa viuientia.

Maur. Magna sanè inter humorem aqueum atque Salein intercedit cognatio, adeò ut & humor in concreti salis particulas, & sal in aquam se insinuet, à qua defertur, quocunque illa fluitans penetrat, nisi iterum separetur. Sic humidâ tempestate Sal tabescit, & fit grauior, addito sibi vapore, Sal verò in aquam injectus dissoluitur, & ita aquæ particulis immiscetur, ut pellucidior, ac magis perspicua sit aqua salsa, quàm dulcis, si cœtera sint paria, neque cum sale sordes iniiciantur. Quærunť aliqui cum Aristotele Probl. sect. 25. quæst. 8. vnde contingat cineris & aqua tantundem simul vas idem capere posse, quantum plurimum utriusque seorsim infusi capiat? Et cum eodem Philosopho respondent. Cineris enim complura causa & inania esse videntur, quibus aqua sese insinuat, ut quæ tenuior sit: & consipat verò, spissatque artissimè, quoniam particulatim consipatio agitur; densantur enim, adductanturque omnia plenius, cum paulatim consipatur, quàm cum vniuersa: quod cum ita fiat, cinis col-

abitur, & subsidet, simulque humorem in se per cauorum suorum opportunitatem admittit. Quibus & illud adderem, quod ex cinere educitur Sal, hic autem per interualla particularum aquæ penetrans ita illi admiscetur, vt ea non indigeat ampliore spatio; ex cinere verò eductus Sal relinquit inter particulas terreas locum aquæ; ac propterea terra aquæ salis particulis imbuta, excluso aëre, in fundo vasis subsidit. Cum autem aqua salis crassior supra vasis labra magis intumescere, & assurgere possit, quàm simplex aqua dulcis, hinc est, quod vas cinere plenum admittat tantum aquæ, quantum sufficeret ad occupandam vasis inanitatem.

Grad. Hæc aquæ & cinerum commistio in mentem mihi reuocat praxim aliquorum, qui, vt florum semina terræ vtilius mandent in elegantiorum florum spem, punctum expectant, quo Luna, lustrato suo cursu, Solem consequitur. Hoc verò nouæ Lunæ momentum non ex Mathematicorum Ephemeridibus petunt, sed phialam obseruant, in qua cineribus aqua supereminet: vbi enim ex fundo cinerum paruas bullas ad aquæ superficiem emergere viderint, Lunam in eodem Zodiaci gradu cum Sole coniungi intelligunt, eoque temporis puncto, quæ manu continent semina, in paratam terram dimittunt. Sunt qui hanc in rem ex vitium sarmentis cinerem parant; sed alij obuijs quibusque cineribus ex foco vtuntur; & ipse elegantissimos flores duplicatis folijs hac arte procreatos vidi: fortasse quia sicut ostrea & conchyliæ omnia cum Lunâ crescunt, etiam semina vberius fœcundum humorem combibunt. Non est tamen dissimulandum id, quod isti florum cultores sincerè asserunt, aliquando frustra expectari Nouæ Lunæ punctum, quia ex cineribus nullæ erumpunt bullæ.

Dand. Cineres illos à Lunâ concitari, videtur manifestum; sed aliquando expectationem frustrari possunt, vel quia iam sint effecti, & careant salibus, qui à Lunâ excitati, suo motu agitates materiam, sinant in bullas expirare leues aliquas particulas; vel quia sint minùs excocti, quàm oporteat, ideoque nequeant à lunaribus effluuijs salinæ particulæ commoueri, vtpote adhuc colligatæ cum alijs particulis.

Maur. An ex Nouâ Lunâ halitus in cinerem descendisse putatis, qui salinas particulas extimularent in motum?

Dand.

Dand. Quidni putemus? A Lunâ, atque syderibus cœteris, multa manant & fluunt pro cuiusque syderis Naturâ, quibus gravidata tellus miram rerum varietatem parit, & fundit ex sese. Si autem ex tellure tam multæ exhalationes sursum ascendunt, & planè ignoramus ad quantam altitudinem (licèt ex primâ crepusculorum Luce conemur inuestigare Atmosphæræ amplitudinem, quæ fortassè solùm vapores comprehendit, non autem halitus multo tenuiores) quid absolum loquetur, qui dixerit ex Lunâ pariter expirationes effluere à Sole excitatas, quæ ad terram vsque pertingant, eosque pariant effectus, quos à Lunâ ortum ducere omnes concedunt? Neque timendum, ne demum effecta fiat Luna, aut imminuatur; quemadmodum tellus perpetuos ex se fundens halitus non decrescit: Natura quippe, quæ telluri auolantes particulas restituit, faciâ quadam circulatione, eadem Lunæ atque syderibus plurimas, quas olim in terram effuderunt, expirationes, vbi hæ ab inferioribus corporibus fuerint absolutæ, reddere potest, vt suæ origini iterum vniantur, vel sicut puluisculi in terram recidunt, vel motu pluuijs atque ventis analogo.

Maur. Quandoquidem igitur per vos licet admittere, corporeas expirationes è Lunâ delapsas cineribus immisceri, easque agitari adeò, vt per aquam erumpant bullæ ipso Nouæ Lunæ momento, quis prohibet opinari, æstus marinos ortu aut obitu Lunæ commotos non dissimili causæ tribuendos? Fieri scilicet potest in maris fundo delitescere materiam, quæ concepto Lunari halitu fermentescat, atque intumescens, quemadmodum massa farinæ cum fermento subacta, incumbentem aquam attollat, quæ propterea ad Litus fluat, & iterum refluat, illâ detumescente, in locum depressiorem. Hinc facilè (nisi mihi nimis blandior) soluerentur non paucæ quæstiones, quæ de Maris æstu excitantur, quin opus esset aut telluris annuam conuersionem in Orbe magno, atque diurnam circa suum axem, à Philolao mutuari, aut Lunam fingere aquarum sitientem, quas sursum attrahat, siuè illis aduersam, quas repellens deprimat, aut terrenum globum Magneticâ lunæ facultate ab vniuersi centro abstrahere.

Grad. Adeò perplexa res est æstus marinus, vt sibi doctus videri possit, qui, vbi de eo agatur, elinguis non maneat. Aquæ marinæ, non ob id ipsum quia aqua est, aut quia salia, æstum contingere,

certum videtur, cum neque lacus, neque fontes, etiamsi falsi sine similem in motu reciprocando constantiam seruent; & si qui putei alicubi deprehenduntur cum mari intumescere, ac detumescere, censentur aquas è mari per cuniculos accipere, aquâ se in vnam superficiem horizonti parallelam librante. Luna autem non adeò inæqualiter litorum, ac maris, tractus varios respicit, vt hinc tanta æstuum inæqualitas, quanta obseruatur, oriri queat. In Palude Mæotide, Ponto Euxino, Propontide, Ægæo, Caspio, & Balthico, vbi se illi inter Noruegiam & Daniam Oceanus infundit, nullus percipitur notabilis æstus. In litore Africæ à freto Gaditano ad Tropicum Cancræ, in litore Mexicano, Cubæ, & vicinarum Insularum, æstus est exiguus. Mediterraneum mare in Ligustico Litore alicubi vix sensibiliter intumescit, alibi verò, vt in portu Massiliensi, valdè parum testante Scaligero. Mediocris est in Atlantico circa Terçeras, & in Mediterraneo ad oram Hispanicam. Sed valdè notabilis in Noruegiâ, Daniâ, Hollandiâ, Flandriâ, Angliâ, in litore Britannico, Aquitanico, Cantabrico, Lusitano, in litore Africæ Occiduo à fluuio Nigro ad promontorium Bonæ spei, ad Insulam S. Thomæ sub Æquatore, in freto Magellanico, in Oceano Pacifico ad Panamam, in Mediterraneo ad Litus Africæ, in freto Siculo seu Mamertini. In Ægæo Euripus inter Aulidem & Eubœam Insulam (qui non septies singulis diebus reciprocatur, vt lib. 8. Decadis 3. habet Linius, sed quater tantum singulis diebus mutatur, duplici nimirum fluxu, & duplici refluxu, vt testatur Petrus Gyllius ex eorum relatione, qui ibi molas habent) valdè intumescit; & in nostro hoc Sinu Adriatico tantus est æstus, vt dicatur aliquando aqua sumpsisse incrementum duarum Orgyarum, hoc est pedum duodecim. At Caleti, & per vniuersam exinde Flandriam, Zelandiam, Hollandiam, mare octodecim ferè pedes attollitur, immò, vbi litora ad se inuicem accedunt, & in vastum aliquem sinum expanditur, longè altius assurgit: quin & alicubi modum omnem excedere videtur, vt Britoniæ in Cornubiâ, vbi ad sexaginta, & Maclouix in Gallo-Britanniâ, & S. Michaelis in Normannia, vbi ad nonaginta Romanos pedes ascendit, vt apud Guicciardinum me legisse memini in Descriptione Generali Belgij, vbi de Oceano disserit; In hac verò æstuum varietate mihi non videor satisfacere, si ad aqueos montes à Lunâ culminante per Magnetismum attractos confugiam; ab ho-

rum enim, quæ postremo loco commemoravi, litorum vertice magis distat Luna, quàm ab eorum vertice, quibus minor aquarum altitudo contingit.

Maur. Propterea persuasissimum mihi semper fuit, à Lunâ quidem pendere maris æstus, ita tamen, vt etiam ab ipso mari pro locorum varietate petenda sit causa, quæ non vbique eadem sit. Cum verò non satis probabiliter ad aquarum varietatem referenda videatur, quippe quæ assiduo motu huc illuc feruntur, necessariò in maris fundo statuenda est diuersitas, cum stabilis & firma permaneat causa maioris æstûs hîc potius quàm alibi. Porro non vbique, vbi æstus percipitur, est origo ipsius aquarum intumescentiæ, sed aliquando procul posita est illa materia, quæ in maris fundo fermentescens impositas aquas attollit, hæ verò fluunt ad litora, in quibus æstus percipitur; Sic & aliquibus fluuijs communicatur æstus à mari; fluuius enim Maragnon, seu Amazonum in Americâ adeò intumescit in æstu Oceani, qui nobis Occidentalis est, vt ad centum leucas sursum reflectatur: in mari Arabico tantus est æstus, vt Indus fluuius propè Cambaiam sub Tropico Cancrî ad triginta leucas retroagatur: Similiter Tagus & alia flumina in Lusitaniâ, Bætis in Hispaniâ, Garumna in Aquitaniâ, Tamesis in Anglia, qui ad quinquaginta milliaria repellitur, Scaldis in Belgio, Albis qui Hamburgum vsque maris æstum defert, & alij fluuij alibi, qui cum marino æstu versùs suos fontes retrocedunt tanto aliquando impetû, vt secum onerarias naues eò reuehant, vnde discesserunt incauti & somniculosi nautæ. Sicut igitur per fluminum alueos marina aqua influit, atque refluit, quin ibi sit æstûs origo; ita pariter in mari aqua fluere potest ad litora, cum aliquando valdè procul absit prima aquarum intumescencia. Hinc patere videtur causa, cur non in omnibus litoribus, quamuis sub eodem Meridiano constitutis, eadem horâ contingat æstus, vt notat Fournier lib.9. Hydrograph: quia videlicet aquæ procul venientes priùs ad vicina, dein ad remotiora litora perueniunt. Quia verò contingere potest, vt incitatæ aquæ ad locum aliquem deueniant, quo tempore iam detumescere incipit materia illa, quæ fluxui aquarum causam dedit, hinc fieri potest tempora fluxûs atque refluxûs non esse inter se equalia: sic iuxta fluuium Nigrum in Guineâ Africæ Oceanus quatuor horis affluit, & octo horis refluit; contrà autem Garumna, teste Scaligero exercit. 52. Oceano Aquitanico septem

horis intumescit, & quinque horis detumescit. Vbi fluxus breuior est refluxu, indicat procul venientem aquam aliquod temporis spatium insumere antequam perueniat, & detumescere materia, quæstum efficit, statim refluere: At vbi fluxus refluxu longior apparet, id accidere potest ex eo, quod ex materie fermentescientis intumescencia aque in oppositas plagas decurrunt, tum illa detumescere, cum aque in depressiorem locum refluere incipiant, sibi ex aduerso occurrentes attolluntur, atque se inuicem reflectunt, adeoque iterum fluunt ad litus, ex quo refluere inceperant. Quanquam non negauerim materiam illam fermentescentem, quam in maris fundo statuiamus, ita diuersam esse posse, vt alia quidem feruorem facile concipiens paucioribus horis intumescat, & lentius detumescat, alia verò paulo diutius in fermento sit, & facilius subsidat. Communiter tamen fluxuum atque refluxuum tempora videntur esse equalia; fluxuum enim initia sunt Lunæ aut supra Horizontem Ortuum ascendente, aut infra Occiduum se occultante; refluxus autem incipiunt Lunæ Circulum Meridianum attingente: quæ puncta initiorum dicuntur puncta debilia fluxûs, aut refluxûs; quia robustior & incitator æstus, in quo notabiliter aque crescunt, aut decrescunt, tunc contingit, quando Luna dimidium cursum peregit aut ab Horizonte ad Meridianum, aut à Meridiano ad Horizontem; quæ dicuntur puncta fortia fluxûs aut refluxûs.

Grad. *Nihil est tam incredibile, quod non dicendo fiat probabile*, rectè aiebat aliquando Cicero. Hæc quidem à veri similitudine non videntur abesse: sed adhuc explicandum superesset, quare fluxus incipiant Lunæ Horizontem attingente, refluxus autem, quando ad circulum Meridianum venerit; quare fortiores sint in Nouilunio ac Plenilunio, quàm in Quadraturis.

Maur. Non hic plenam de Maris æstu disputationem instituiamus, sed breui declinatione à proposito, ex occasione cinerum in phialâ aque plenâ commotorum in ipso Nouilunij puncto, defleximus ad fermentationem, quæ fieri potest in maris fundo, vbi apta fuerit materia, quæ recipiens Lunæ expirationes agitari incipiat, & intumescere. Sicut autem aliqua corpora facilius admittunt styli cuspidem, si obliquè feriantur, quàm si ad perpendiculum, ita fortasse Lunares halitus obliquè incidentes in aquam, quando illa est horizonti proxima aut ascendens aut descendens, facilius se insi-

insinuant, & vsque ad maris fundum penetrantes se immiscent materiae, quae incipit fermentescere adeo, ut post sex horas absolutam fermentationem incipiat suam sponte subsidere: sic massa farinae cum fermento subacta certam habet temporis mensuram, quo intumescit, deinde sponte suam subsidit. Quoniam verò Lunares expirationes compertum est efficacius manare etiam in terram, quando Luna est Soli opposita, aut coniuncta, nil mirum, si etiam mari contingat tunc maiore aestu agitari. Sed ad cineres, si placet, reuertamur, si quid adhuc nostram considerationem dignum superfit.

Dand. Satis multa de cineribus disseruimus: vnum occurrit animo, quod Fournierius Hydrog. lib. 2. cap. 6. vidisse se memorat in Flandriam haud procul Tornaco, quidam videlicet cinis calcis ex Marmore, quem praestantissimum praedicat ad opera omnia, quae in aquis edificantur; substratis enim ingentibus lapidibus magnam copiam huiusmodi cineres imponebantur cimenti loco; aqua verò se inter lapides insinuans cineribus immista ita illis faxeam naturam inducebat, ut breui marmoream duritiem æmulerentur. Sed horum cinerum vocabulo nil aliud intelligo, quam minutum illum puluerem, qui detractis ex fornace calcis glebis reliquus est; ipse verò à calce nihil distat, nisi fortasse quia omnis abest humor, quo puluisculi inuicem compingantur: cinis quippe ex S. Isidoro lib. 16. Origin. cap. 1. est pulvis ex incendio residuus, in quem res vsta redigitur; & merito calcem esse quandam cineris speciem existimamus, quamuis plus habeat feruidæ efficacitatis, quam cinis ex lignis aut stipulis combustis; plus enim salis communiter inest in faxis, quam in plantis.

Grad. Calcem à cinere vulgariter segregamus vocabulis, ut cinerem dicamus id, quod ex combustionem reliquum, pulueris speciem induit, si quidem incensum corpus ad eorum genus pertineat, quæ stirpium vitam viuunt: reliqua verò, ut saxa, Marmora, metalla, fossilia si comburantur, in calcem redigi dicuntur. Hinc siqua planta lapidescat (nam ut apud Ouidium aliquando legi, *Flumen habent Cicones, quod potum saxea reddit Viscera, quod tactis inducit marmora rebus*) in calcem potius quam in cinerem resolui vi ignis dicimus; & malumus combusti coraliij puluerem calcem appellare quam cinerem, quia ex aqua eductum lapideam duritiem acquirit, quamuis intrâ aquam fruticis more crescat.

animalium autem ossa combusta cinerem reddunt, nisi fuerint in saxeam naturam conuersa; propterea etiam si *animalium calcanei combusti summè polleant aduersus colicos cruciatus*, vt scribit Rasis apud Mizaldum cent. 2. num. 50., non item eiusdem virtutis censerì debent, si fortè in lapideam naturam transierint; additi scilicet sales, qui lapideam duritiem addiderunt, non eadem præditi sunt facultate. Cœterum non admodum laborandum est de vocabulis, vtrùm cinis, an calx vocandus sit pulvis quispiam ex incendio reliquus.

DISSERTATIO VNDECIMA.

De Aquis Fortibus.

MAur. Cum Lixiuâ, aquâ videlicet, in qua decoctus est cinis, non modicam affinitatem habere videntur Aquæ, quas Fortes, aut Acres seu Acutas, aut etiam Stygias vocant, quamuis hæc illâ multo validiores sint. Idcirco de ijs aliqua disputare post cineres, non erit incongruum; si vobis placuerit hoc, vt ita dicam, liquidi ignis, seu igneæ aquæ, genus paulisper contemplari; neque enim res est planè inutilis. Cardanus Opusc. Medic. Senil. lib. 1. de Dentibus cap. 1. pag. mihi 14. vbi de curatione dentium, ait. At præcipua sunt, & finè malitiâ, Aquæ Separationis, quæ vim ignis habent, Salis nitri, atque aluminis, quorum altero calefacit, altero adstringit. Nullus primùm est dolor, seu super gingiuam, seu dentem ponatur, quanquam super gingiuam posita statim illam dealbet, & fumum, velut ignis vrens, efficiat. Quinimmo duo habet præcipua, primum, quod corruptum à sano separat, atque corruptum extrahit, sanam partem confirmat; sicut in dente meo anteriore dextro atque superiore, cum moueretur, nec durum quicquam premere posset, squammam eduxit quartæ parti dentis ferme coequalem ab imo vsque ad radicem, reliquum firmavit, & sanum reddidit. Secundum, quod dentes, qui per illam excidunt, quoniam, quod sanum est, ab eâ non vitatur, iterum redeunt, ac renascuntur, modò radicis portio aliqua sit incorrupta; ea enim naturali vi incrementum accipiens, liberaque à putrefactâ parte, dum in dies augeatur, dentem producit, sed non eminentem à gingiuâ, ve-

rūm quasi altitudine coræqualem illi. Hæc Cardanius.

Grad. Non est à nostro instituto aliena, nec iniucunda nobis accidet hæc disputatio; multis scilicet admirationi est metalla in calcem solui huiusmodi aquis facultatem erodendi habentibus: quas propterea Stygias dici puto, quia, quemadmodum Stygis fluuij circà Thessalica Tempe aqua neque in argenteo vase diu contineri potest, neque in æneo, neque in ferreo, sed id vi suâ corrodens demum effluit (solâ mulæ vngulâ contineri ferunt) ita huiusmodi Aquæ Fortes metalla erodunt, & in tenuissimas particulas dissoluunt, quæ deinde ad vasis fundum præcipitata separantur ab aquâ, & metallum in calcem abiisse dicitur.

Dand. Quorum corporum materia durior validâ partium temperatione compacta subsistit, eam aliquando in calcem redigendam, vt deinde soluatur commodiùs, aut cum alijs misceatur, Ars docuit; faciliùs quippe minutissimas particulas calor peruat, & agitat, quàm crassiusculas, atque demum compositæ naturæ coagmentationem dissoluit, aut saltem illam cum alijs naturis exquisitiùs commiscet. Ea videlicet, quæ ad confirmandam, seu restituendam valetudinem adhibenda sunt, ita dissimilibus constant naturis, vt non omnes æquè vtilis accidere possint: propterea earum nexus soluendus est, vt, quæ salutares sunt, à reliquarum impeditioe liberè efficacius agere valeant, & quæ minùs opportunæ, aut incommodæ essent, ipsâ ignitione & Calcinatione dissipentur. Simile quid dicendum de cæteris, quæ ad corporis valetudinem non pertinent, sed alium in scopum diriguntur.

Maur. Hinc est, quod aliquorum Calx mitior sit ipsis corporibus combustis, aliorum verò acrior, congruis mitigationibus aliquando lenienda: quorum enim acrimonia à sale volatili pendet, & in tenui substantiâ residet, vtique combustionem mitescunt; quoniam vi ignis dissectæ tenues huiusmodi naturæ acriores, quod lene est, relinquunt: contra verò, quæ plus salibus fixis valent, sed eorum vim humoraqueus extenuat, & diluit, illa in calcem, humore absumpto, excocta acriora euadunt, vt in Tartaro atque Vitriolo obseruamus, quorum vis erodendi Calcinatione acuitur. Verùm, cum particule corporum dissimilibus vinculis connectantur, eas soluendi ratio dispar sit, necesse est: alia
etc.

etenim solâ virtute ignis per se excoquantur in calcem nul'o addito, quod eorum solutionem iuuat, alia verò aliquid sibi addi postulant, quemadmodum in metallorum Cēmentatione, quam vocant, cum scilicet metallum in lamellas extenuatum ita in catino disponitur, vt inter illas puluis facultate erodendi præditus interijciatur, siuè siccus, siuè instar puliculę aceto, aut vrinę, aut Aquę Forti commistus, qui vehementi calore incitatus in metalli poros se insinuans eiusdem particulas volatiles concutit, & dissipat, atque friabiles factę laminę possunt in puluerem comminui. Nec aliter dicendum de lapidibus durioribus, qui, sulphure addito, in igne vruntur.

Dand. Quęcunque tamen ignis ardore comburuntur, ea spiritibus, oleo, sale volatili spoliuntur; sed hæc eadem retinent, si vaporis aquei calore absumatur tantummodo lentus quidam humor nondum cum cœteris particulis exquisitè permistus, quo dempto reliqua materia friabilis est, sicut saxum in calcem excoctum: id quod in Cornu Cerui obseruari potest, si enim absque vstione in alembico per vaporem ascendentem præparetur, ita vt albescat, & fragile euadat, spiritum & oleum seruat, vt ex odore percipitur, si ardentibus carbonibus iniijciatur, & ex ipsâ destillatione per Retortam manifestum euadit: hoc autem non contingit, si illud igneo afflatu comburatur.

Grad. Propterea excogitata sunt Magisteria, quę vocant, vt Sales volatiles cum Sale fixo iterum vniantur; vnitorum enim maior est efficacia. Ex Tartaro combusto, atque in calcem probè excocto, affusa aqua Salem extrahit, qui ab omni admistione purgatus coagulatur; sed hic Sal fixus est: ideò illi affunditur Spiritus vini, simul digeruntur, deinde destillantur: id quod toties repetitur affuso iterum Spiritu vini, donec Sal Tartari combiberit omnem sallem volatilem vini, qui in Spiritu inerat: abstracto enim demum phlegmate habetur Sal vini maximè commendatus à Chymicis. In illâ videlicet Salis Tartari atque Spiritus vini mutuâ digestionē, seu concoctionē, dum inuicem permiscuntur, se vicissim Sales apprehendunt, & ij solūm exhalant, cū destillantur, qui adhuc solui manent in Spiritu vini. Simile quid contingere videtur pumici, quando vritur, vt vim adstringentem, extergentem, atque purgantem ea, quę oculorum pupillis tenebras offundunt, acquirit: atq; prunis obruitur pumex; vbi igne incanduit, vino odo-

rato extinguitur; iterum ignescit, atque iterum simili vino extinguitur: vbi tertio incanduerit, sponte suâ refrigerescere permittitur, & in vsum seruatur. Dum enim in vino extinguitur candens pumex, vinum combibit, atque tum vi præsentis caloris, tum prunis denuo obrutus aqueam vini partem exhalat, saltem retinens.

Maur. Magisterij vocabulo donantur communiter aliqua, etiam si sales volatiles non fuerint à fixis separati, atque cum illis denuo vniantur, cuiusmodi Magisteria Margaritarum, Coralliorum, aliorumque huiusmodi, quæ non comburuntur, sed acido aliquo liquore soluuntur primum, deinde ex liquore illo Sal abstrahitur, cui Magisterij appellationem tribuunt. Sic communiter Margaritas affuso aceto destillato in vitro clauso super arenam aut cineres calidos aliquandiu digerunt vsque eò, dum meri margaritarum cortices innatent; acetum enim calore illo, licet blando, excitatum agitur, suisque igniculis impetit margaritas, quarum compagem soluit, & sibi earum particulas agitas vnit, præter cortices: tum guttatim infuso Oleo Tartari per deliquium parato, ad fundum vasis præcipitatur Sal Margaritarum, qui, effuso aceto, aliquoties aquâ abluitur, vt omnem exuat acrimoniam, quam ab aceti Salibus & ab Oleo Tartari acquisiuit.

Grad. Haud aliâ ratione, vt mihi quidem videtur, administratur opus Calcinationis per Ignem, vt vocant, Potentialem, videlicet per Aquas Fortes, soluendo corpora quædam duriora, eorumque particulas ita iam comminutas, vt in liquorem abiisse videantur, separando à menstruo solvente, atque ad fundum vasis præcipitando speciem pulueris præfere-
rentes.

Maur. Est, Gradonice, ita, vt dicis; & Magisteria huiusmodi cum illâ Calcinatione admodum conueniunt, adeò vt per hæc illa explicari valeat. Illud autem admirabilitate non vacat, quod aliquando per Aquas Fortes efficacius, quàm per ignem ipsum, cui diu obluantur, durissima corpora soluantur, & in calcem redigantur; contra verò, quorum corporum Magisteria, hoc est Sales, elicimus, aliqua sunt, quæ nimis ab Igne absumerentur, cuiusmodi sunt Margaritæ. Verùm vt Aquarum Fortium efficacitati explicandæ viam sternamus, an non Infusa,

Confusa, & Decocta aliquando considerâstis?

Dand. Tam crebrò vocabula hæc inculcantes Medicos audimus, vt nec ignorare, nec obliuisci, quisquam valeat. Immo cum aliquando apud me famulum haberem in pharmacopolio annos aliquot versatum, & pro quodam ex domesticis, ex Medici præscripto, parandum esset Medicamentum purgans, obseruaui illum folia Senæ à stirpibus, pulueribus, & sordibus omnibus accuratè mundantem, atque item passulas minores, quas & lauit: tum foliorum Senæ vncijs duabus (multo liberaliùs quam pro præsentì necessitate) duplum passularum pondus addidit, omniaque simul in lapideo mortario contudit, vt fieret massa; cui (additis cinnamomi Drachmis tribus) in fictili vase oris patuli feruentissimæ aquæ quintuplum, scilicet vncias triginta, affudit, statimque citissimè permiscuit, & absque morâ apposito congruente operculo clausit fictile, quod & linteis inuoluit. Post horas sex, non plures, liquorem per linteum sponte suâ stillatim effluere permisit, nullâ vi exprimens; integrum adhuc diem expectauit, vt, si quæ essent feculæ, subsiderent; effusumque liquorem clarum seposuit in vsum. Adedò liquorem hunc Medicus commendabat, vt infantibus ipsis pondere Drachmarum quatuor tutò exhiberi posse assereret; pueris vero à Drachmis octo ad duodecim; adultis demum ab vncijs tribus ad quinque, pro virium ratione.

Grad. Sed quare horarum sex modum adhibuit, quem vltra progredi non oporteret in illâ fermentatione?

Dand. Mihi pariter hoc idem interroganti fecit ille satis, respondens cauere, ne nimis insuaui sapore liquor inficeretur. Intelligebam scilicet contusa & comminuta Senæ folia, passularum pulpæ commista faciliùs patere, quàm integra, irruptioni igniculorum, quibus scatet feruentissima aqua: ne verò calor citò auolaret, propterea illicò occlusum operculo fictile, ac linteis inuolutum, vt conclusorum igniculorum incursione tenuiores particulæ (videlicet Spiritus & Sales volatiles) pulsatæ & agitæ educerentur, atque commiscerentur affuso liquori. Quia verò non omnes primo statim impetu euocari poterant, idcirco longiore temporis spatio opus erat, cum maximè sensim deferuescente ardore languidiùs igniculi impeterent iniectæ massæ particulas. Quod si adhuc vltra sex horas perrexissent igniculi alias atque alias Senæ & passularum particulas dissoluere, atque educere, iam & Salis fixi & sulphuris par-

partem aliquam liquori immiscuissent, quæ nimis iniucunda sapore molestiam gustui exhiberent, aut etiam torminibus intestina vexarent.

Grad. Vbi feruentissima aqua affunditur, Infusum à Decocto vix distare videtur: nam & lactucas, & intuba ad acetaria, atque asparagos, diligentiores ancillulæ vt coquant, aquæ feruenti ab igne remotæ immittunt, & vsque eò, dum flaccescant, dimittunt.

Maur. Vocabulis, vt sæpius inculcauimus, litem non intendamus, id solum attendentes, quod in rem nostram facit: siue enim succensis ignibus liquor incallescens iniecta semina, aut herbas, aut ligna, aut aromata concoquat, siue amoto igne aqua adhuc feruens, aut iam tepida, aut etiam nullum ignem experta (modò circumfluis aër modico tepore caleat) eadem maceret, perinde nobis est: igniculis quippe siue liquori illi ingentis, siue ab igne subiecto aut ab aëre tepido immisissis, tribuendum est, quod iniectorum corporum particulæ separentur, atque liquori immisceantur, quæ si tenues fuerint, & facilè à reliquarum societate seuocari possint, satis est, si in congruum liquorem infundantur, ibique diu, aut breui tempore, iuxta propositum finem, macerentur: Sin autem educendæ particulæ firmiore nexu copulentur, præstat illa corpora coquere, prius tamen concisa, vt plures subeuntes igniculi faciliùs atque vberiùs educant quæsitæ particulas. Non negârim tamen aliqua esse corpora tam subtilibus atque volatilibus particulis, vt vel in frigidâ illas deponant; id quod ex odore atque sapore dignoscitur: fieri enim potest, vt humor (vix aliquis excogitari potest omnis planè salis experts, aut spiritus) sales volatiles huiusmodi corporum, quorum rara est textura, peruadens eos sibi vniat; illique à reliquis particulis seiuncti dum se sponte suâ agitant, alios pariter sales volatiles ad defectionem sollicitent, cum quibus & aliqui Spiritus & Sulphureæ particulæ agitantur, adeò vt demum corpus illud putrescat: facilè autem obseruamus herbas & flores, si diu in aquâ detineantur, putrescere, atque putrescere.

Grad. Si hoc aquæ simplici contingit, vt herbarum, & florum, immò & lignorum temperationem corrumpat illis affusa; si bique aliquas eorum particulas immisceat, nil mirum, si acriores liquores, aut vapores, valeant non leuè mutationem moliri,

hi quidem in his, illi verò in illis corporibus, prout singulorum corporum poros subire possunt. Cum enim varia & multiplex sit liquoribus particularum figura, & moles, nec æquè, aut similiter in corporibus omnibus pateant meatus, in quos illæ penetrant, hinc procul dubio oritur dispar illa facilitas se insinuandi.

Maur. Adde acriores illos liquores, aut vapores (nam aurum fumo plumbi imbutum redigi in tenuissimum pulverem legi) salibus abundare; pro dissimili autem ipsorum salium naturâ eorum quoque motus concitatiores esse aut remissiores, impressionem validiorem aut languidiorem: cumque singulorum corporum coagumentatio non sit æquè dissolubilis, neque qualibet quorumcunque salium impulsione labefactatur. Hinc alij liquores acres alijs corporibus dissolucendis adhibendi sunt.

Dand. Liqueorum acrimoniam ex admistis salibus ortum ducere, adeò manifestum videtur, vt de hoc ambigi vix possit. Iratæ formicæ (tantæ animis exilibus iræ) quodam tenuissimo humore, sed egregiè mordaci, & aculeato, cutem eas irritantis perfundunt, quam ille penetrans acris calor vrentis sensum excitat: id verò sal tribuendum esse nemo negauerit, qui nouerit ex formicis parari Salem volatilem ὀξύππορον maximâ penetrandi facultate præditum, ad opem affecto cerebro ferendam præstantissimum, qui vel solo odore, partium neruolarum dolores, & cruciatus lancinantes lenit. Quinimmo noui contumacem brachij & pedis paralysis demum dissectam fuisse quotidiano balneo ex formicis, & earum myrmecio, cum aquâ fontanâ decoctis, adeò vt affectis partibus firmum, constansque robur redierit. Plurimas autem formicas capi posse quis nesciat, si intus ollam melle leuissimè liniat? Vinum acescere ex Salibus fluorem adeptis, nos quoque, si satis memini, aliquando admisimus: ideò sæpè aceto vtimur, vbi vis penetrandi quæritur. Docebat me nescio quis literas albumini oui inscribere, præscribebatque Alumen cum aceto subtilissimè terendum, hac mixturâ scribendum exterius in putamine oui, quod calido Soli exponatur, vt sicceat: tum in acerrimo aceto triduum aut quadriduum relinquatur, & iterum exsiccari permittatur. Ouum enim si coquatur ita, vt obdurescat, & putamine spoliatur, inscriptæ albumini literæ apparebunt. Ouo huiusmodi si nota aliqua exterius apponatur, qua à coeteris in eodem canistro

nistro repositis atque transmissis discriminetur, secreti nuncij munere fungi poterit, vbi fuerit excoctum.

Grad. Tam occultè scribere in lapide nequimus, nisi communium characterum loco vtamur notâ, quæ nobis cum amico conuenit: felle scilicet hirci scribenda est in lapide nota; deinde lapis aceto immergendus: demum extrahitur lapis insignitus literis quasi insculptis: acetum videlicet vnâ cum felle illo lapidis particulas erodit. Immo sunt qui spondeant literas, aut notas alias, in filice exprimi posse solo aceto, si nimirum filex cerâ oblinatur; deinde stylo notæ ita exarentur, vt ibi nudus filex appareat: si enim septem horas in aceto acerrimo demersus detineatur lapis extrahetur inscriptus notis: Simili ferè ratione ac in laminâ cupreâ non celo, sed superfuso humore, seu Aquâ Forti, quam vocant, inciduntur lineæ aut figuræ. Obducitur nimirum lamina ærea vernice communium cum modicâ portione ceræ liquefacta: tum graphio describuntur lineæ, aut figuræ: erecto autem circa laminæ oram aggerulo ex cerâ, affunditur liquor constans ex succo limonum, aut acerrimo aceto, in quo feruente in olla fictili vitro obductâ paulisper ebullierint vncia Vitrioli, atque Sublimatum, Alumen rupeum, Ærugo, seu, vt vulgus loquitur, Viride æris, ex singulis semuncia, prius tamen contrita, & in puluerem comminuta, quàm cum succo limonum, aut aceto, commiscerentur. Liquor igitur ille contingens subiectæ laminæ non nisi partes graphij ductu designatas, & obductâ cerâ nudatas, ita illas sensim arrodit, & exest laminam excauans, vt intrâ sesquihoram circiter, quasi operâ cælatoris insculptæ appareant lineæ, aut figuræ. Quis autem dubitat, an liquor ille acidus imbutus salibus ebullitione eductis ex pulueribus, qui fuerant iniecti, aggrediatur, quam attingit, laminam, atque salinæ particulæ suo motu impetentes proximas cupri particulas, illas abstrahant à reliquis, & laminam excauent?

Maur. At vicissim literas ex chartâ deleri posse, sunt qui sperent, si ex Sale communi, Sale gemmæ, & Alumine rupeo, ex singulis vncias duas, & ex Sale Ammoniaco vncias quatuor iuxta Artis præcepta destillent, & eâ aquâ literæ madesiant, vt euanescant. Mizaldum verò cent. 2. memorab. num. 85. si audiamus, carnem leporinam siccabimus, tritam in puluerem viux calci miscēbimus, hac conspergentur aut illinentur literæ, & infra triduum nul-

nullum apparebit illarum vestigium, quasi ex lepore fugam arripere didicerint. Quæ quidem, si vera sint, salium acrimoniæ vel in aquam extillatorum, vel ex leporinæ carnis siccate particulis eductorum calcis ope, tribuenda sunt.

Dand. Quàm igitur acri sale plenus est succus, quem continet fructus Ananas? de quo Guilielmus Piso de Medicina Brasiliensi lib. 4. cap. 46. pag. 88. hæc scribit. *Fructus Ananas adeo corroden- di facultate pollet, ut non solum linguam & palatum sauciet, sed & in cultro, quo secatur, sue mordacitatis vestigia relinquat, idque insensibilis, si non probe maturus fuerit.* Hæc cum legissem, proclivius fidem adhibui Kircherò in Arte Magnetica fol. 381. edit. 3. narranti, si fructui Ananas infigatur ferreus clauus, nocte vnâ totum chalybem consumi, qui in fructu transfixo delitescerat. Hinc licet inferre succum illius fructus abundare sale analogo Salibus Vitrioli; ab his namque corrodi ferrum manifestum est: & ipse quidem experimento didici vel nolens, cum vterer stylo ferreo ad agendum gossypium atramento scriptorio imbutum, neque tamen stylum detergerem: post aliquod enim tempus, vix credibile est, quàm excisa apparuerit pars illa ferri, cui atramentum adhæserat: quantula verò esse potuit in illo atramento vitrioli particula?

Maur. Planè multiplex & varia est Salium natura, eorumque vires aliquatenus conamur explicare ad similitudinem eorum, qui nobis, vtpote vulgares, magis innotuere: cæterum non in omnibus proprietatibus conuenire censendi sunt: idcirco salem succo fructus Ananas inhaerentem, Sali Vitrioli tantummodo analogum sapienter pronuntiasti; an enim omnimodâ similitudine consentiant, & ad eandem speciem pertineant, incertum est. Hinc cum aliquando legerem apud Iosephum Langium in Elementis Geographicis cap. 18. num. 10. *in Comitatu Mansfeldico quendam falsum locum esse, in quem retia piscatorum alius immersa prorsus aduruntur perinde, ac si igne exarsissent*, subdubitabam, vtrum salis illius acrior esset natura, quàm nostratis salis, quo marina aqua imbuitur; an verò illa retium exustio oriretur, quia pro ratione aquæ maior esset copia salis minus diluti: id quod indicatum videtur ex eo, quod exarsio contingat, si retia fuerint alius immersa, quasi grauior facta sit aqua fundo proxima ex maiore salis copia: an demum, quia ad contexenda retia pi-

seatores illi Mansfeldici adhibeant filum, quod aquam salſam non ferat; nam & noſtri piſcatores non ex quolibet filo indifcriminationem ſua contexunt retia, quibus in mari vtantur: Immo & ancilulæ pro linteorum varietate acriorem aut mitiorem lixiuiam parandam nôrunt, ne nimia ſalis portio ex cineribus educta tenuiora linteia adurat; id quod potiſſimum euenit, ſiquando, ad maiorem candorem linteis conciliandum, calcem cineribus addant. Vt nihil hic dicam de pretioſâ illa lauatioue adamantis, cuius natiuas maculas, ac nubes, & colores illum ſœdantes, aquâ Mercuriali ex Stibio deſtillatâ, & ope ignis auferri docet Anſelmus Boëtius lib.2. de gemmis cap.4. Sic enim adamantem adedò nitidum & purum reddi autumat, vt valore purum natum longè ſuperet. Hęc ſiquidem (tanquam veritati conſentientia admittantur) ſalibus aquæ Mercurialis tenuiſſimis ſe in adamantis poros ope ignis dilatatos inſinuantibus adſcribenda videntur, vi quorum abſtergantur, & educantur ſordes illæ adamantis pulcritudinem vitiantes. Sed non ab omni aquâ quibuslibet Salibus imbutâ ſperari id poteſt.

Dand. Quandoquidem de rebus Braſilienſibus aliquid attuli, apud eundem Piſonem lib.2.cap.22. legi de ſucco quodam mordaciſſimo, quem olei nomine indigitat, ex arbore Acaiu: ſic autem habet. *Remedium, quo Luſitani ac Braſilienſes præcauent ab illis vermiculis, qui pedum extremis digitis innafcuntur, eſt mordaciſſimum illud oleum glandium, quæ pomis arborum Acaiu adnafcuntur: eo ſcilicet inungunt plantas & digitos pedum. Quod quidem oleum extrahitur ex immaturis & crudis glandibus: nam ſi maturuerint, qualitate vſtiuâ caret, & gula potiùs delicias, quàm huic affectui remedium, præbet.* De eadem autem arbore Acaiu iterùm loquens lib.4.cap.6. ait, *Circa Decembrem pomifera hæc arbor incipit deſtrefcere, caſtaneamque phaſeoli formâ, ac cineritiij coloris, à ſummitate pomi producit, oleo adedò mordaci, & cauſtico, inter duos cortices, vt contræſtanti valdè noxium habeatur: quàmobrem non niſi inter erodentia numeratur, nec niſi caneroſis & malignis ulceribus vitioſâ carne laborantibus adhibetur. Matureſcente autem caſtaneâ, ipſa cum oleo intus contento ſenſim miſceſcit, ac vim ſuam maximâ ex parte deponit, quod principio quidem auſterum & acidum, dentibus ac palato ingratum & noxium, max à Sole excoctum, &*

matutino rore turgidum, nostris Europæis gratissimum, & in delicijs esse solet.

Maur. Sicut aliqui sunt liquores, qui vetustate coacescunt auolantibus maximâ ex parte Spiritibus, nec paucis sulphureis particulis, adeò vt dissolutâ compage sales confluentes dominantur, & rerum potiantur; ita quandiu immaturi sunt fructus, peracerbi sunt gustui, eorumque succus acidus, quemadmodum omphacium, quia salinæ particulæ licet humore imbuantur, nondum disiunguntur interiectis spiritibus, atque sulphureis particulis, quibus cum vniantur, atque eo vinculo coercantur, ne tam acriter atque turmatim linguam ac palatum feriant. Accedente verò Solis calore, qui particularum agitationem atque commistionem adiuuet, ac subministratis à radice paulatim spiritibus alijsque sulphureis particulis, ita aliæ alijs admiscuntur, & copulantur, vt omnes temperationem acquirant, & salium vis infracta mitescat, atque adeò fructus ad maturitatem adductus saporis suauitate gustatum blandè commoueat. Hinc satis constare videtur, cur oleum illud ex immaturâ glande, seu castaneâ adnatâ pomis Acaiu desumptum vim causticâ obtineat, at non item, si illa maturuerit; eadem enim est & mutati saporis, & imminutæ facultatis causticæ causa: Mitigatur scilicet salis acerbitas factò aliarum particularum additamento; quandoquidem in poros faciliùs penetrat simplex sal, quàm si cum alijs particulis vniatur; quemadmodum per angustum foramen faciliùs se insinuat latrunculus nudus, quàm multâ veste indutus.

Dand. An non aliquando obseruâstis æstate dulcia vina coacescere multo faciliùs, quàm austera? quia scilicet austera plus habere videntur salis fixi, dulcia verò, vtpote subpinguia, plus sulphuris: nam & dulcibus (quia salcum sulphure à calore vitali quandam quasi adustionem patitur) bilem augeri communis opinio fert; siquidem dulcia à suauitate degenerant, si nimis coquantur, & amara fiunt. Cum igitur æstiuus calor particulas vini validiùs agitet, faciliùs sulphureas eius particulas atque Spiritus excitat ad auolandum, & salinæ particulæ confluentes exaltantur. Dulcia autem sulphure abundare, quod sali addatur, experimento satis obuio constat: Nam qui per fistulam ori admotam Tabaci fumum excipiunt, si Vitriolum prægustârint, non iam austerum saporem à salinis Vitrioli particulis linguæ & palato im-

pressum experiuntur, sed planè dulcescentem ac melleum; siquidem in Tabaci exarsione separantur Spiritus, & particulæ sulphureæ, quæ cum fumo in os attractæ, & salinis particulis additæ efficiunt, ut iam non acriter feriant gustatûs organum, sed leni affricu illud titillent, ac voluptatis sensum excitent. Hinc non immeritò melli & saccharo naturam sulphureo-salinam tribuimus, cum illa non solum grauiâ sint, sed & multum caloris contineant, ut ex singulorum resolutione constare potest: Si enim mæl, aut saccharum, alembico committamus, primùm roris in morem guttulæ adhærentes manabunt in liquorem insipidum, utpote phlegma; deinde in stirias coacti spiritus defluent, qui valdè acres & caustici deprehenduntur: demum residua erit in Capite mortuo post destillationem terra insipida vna cum Sale fixo caustico. Ex qua particularum dissolutione apparet cum Spiritibus attolli, maximâ saltem ex parte, particulas sulphureas, quæ vim vrendi obtinent, iisque à sale separatis perire dulcedinem. Illud verò præter multorum opinionem accidit, quod succus, qui ex arundinibus in frustra concisis trapeto exprimitur ad conficiendum saccharum, *ad viginti quatuor horas dumtaxat durat, moxque acefcit, & ad conficiendum saccharum prorsus fit inidoneus*, ut loquitur Guilhelm. Piso de Medic. Brasil. lib. 4. cap. 1. pag. 51.; Et Georg. Marcgrau. lib. 2. cap. 6. ait, *Latex sacchareus ne vnâ quidem diem durare potest, quin acefcât: idè continuâ operâ & expressio, & coctio eius fit, cum ex acido succo nullum saccharum fieri possit: & si biduum saltem asseruetur, in acetum acerrimum degenerat*. Succum illum expressum dulcem esse manifestum est cuicunque, qui arundinum ex Siciliâ aliquando ad nos delatarum, detracto cortice, medullam dentibus premat: Cum verò tam facilè acefcât, si vel vnâ diem fœculentus permaneat, neque crassiores quædam partes coctione separentur, suspicor perturbatam quandam fermentationem fieri, vi cuius sulphureæ particulæ, atque spiritus in auras abeant, & salinis particulis dominatum relinquunt. Coquitur autem primùm succus ille in ingentibus ahenis igne vehementi, atque affuso forti lixiuij separantur crassiores illæ & inutiles partes, non absimili ratione, ac cum feruenti lacti affunditur serum acidum, & caseosæ partes seiunguntur à sero: Sales scilicet alkali ipsius lixiuij apprehendunt sulphureas illas particulas abundantes, quæ fermentationem incitabant, & à fœcibus

repurgatur succus, dum eius particulæ vtilēs cōctione melius vniuntur: qui deinde in minoribus cacabis demum perficitur, & vt habet idem Piso, *ob ignem intensissimum, vehementioris ebullitionis habenda est ratio: statutisque temporibus olei Oliuarum modicum guttatim instillatur, ne ignis vehementiâ saccharum aliquid detrimenti capiat*: oleo enim cohibentur vtilēs sulphureæ partes, ne in ebullitione auolent. *Observatu dignum*, addit ibi, *quod oleum, si maioribus inderetur abenis, in quibus liquor purificatur, saccharo conficiendo planè foret ineptus*; oleum quippe non separaret fèces, sicut Sal lixiuij. *Vicissim si minoribus lixiuium illud forte, quod maioribus affunditur ad exquisitiùs discernendas immundities, infundatur, æquè impossibile saccharum conficere*, nam abstraheretur sulphur, sale cum terrâ relicto, & dulcedo periret. Si denique momentum succi Limoni, vel acidi quid injiciatur, sacchari consistentiam nunquam acquireret, sed in totum perditur; quia videlicet acido separarentur salinæ succi illius particulæ à sulphureis. Quod verò spectat ad postremam Sacchari purgationem, qua albescit imposito limo gryseo, quem Barro vocant, aquâ frigidâ madefacto (cuius artificij notitiam Franc. Ximenez apud laudatum Marcgrauium lib. 2. cap. 17. acceptam refert gallinis, quæ pedibus lutulentis in saccharum insilientes illud quidem infecerunt, verùm quæ partes infectæ fuerant, demum apparuerunt notabili candore magis conspicuæ) ad præsentem disputationem non attinet; quemadmodum neque tinctura rubra edueta ex Saccharo albo in puluerem contrito, & cum aquâ vitæ rectificatâ in cineribus calidis macerato, de qua Beguinus Tyrocinij Chymici lib. 2. cap. 10. Hoc vnum scilicet vobis, quod Maurocenus indicabat, dulcedinem succorum ex congruâ Salis & Sulphuris vnitorum commistione oriri, & dominantibus salibus liquores priùs dulces fieri acidos.

Grad. Duplicem succum acidum ex vite habemus, Omphacium videlicet ex vuis immaturis, & acetum ex vino consenscente, sed omphacium non adeò acre est acacetum, illoque præ hoc sæpè coqui libentiùs vtuntur in condiendis cibis; præterquam quod non eosdem vsus afferunt; neque enim bombardarum maiorum moderatores omphacio vtuntur ad refrigerandum, vt vocant, veriùs dixerint ad detergendum, metallum, neque ad soluendas margaritas æquè valeret omphacium destillatum, atque acetum

pariter destillatum. Quia nimirum dum ad maturitatem adducitur vva, alij atque alij sales subministrantur à radice, quos nondum suppeditauit, quando illa adhuc acerba est; propterea omphacium mitius est aceto, neque tantum quia pauciores, verum etiam quia minus acres sales complectitur. Porro acetum destillatum licet magis penetret, est tamen minus acre, quia Sal fixus aceti non ascendit, sed in capite mortuo remanet.

Maur. Dispar acidorum facultas dissimilem salium naturam ostendit: id quod multò magis in cœteris acidis affirmandum est, inter quæ nulla videtur intercedere cognatio, quemadmodum inter omphacium & acetum. Hinc solers quidam Medicus, vt obseruaret, quàm variè sales sanguinem immutarent, ex sectâ Canis arteriâ cruorem pluribus vasculis excepit, & primo quidem affudit acetum destillatum, alteri Spiritum vini, tertio oleum Salis Tartari, quarto Spiritum Salis Ammoniaci, quinto solutionem Aluminis.

Grad. Medicorum non ignobilium sententia est sanguinem nimis fluxilem & tenuem acidis ad debitam crasim adduci, & modicè cogi, sed & pariter acidis resolui sanguinem crassum atque concretum, cuius partes omnes cohererent, & in grumos coalescunt. Sic & apud Virgilium lib.2. Georg. *Iupiter humidus Austri, densat, erant quæ rara modò, & quæ densa, relaxat.* Quicquid verò sit de calidis & humidis halitibus Austri; quibus constat, & quos secum defert, qui corpora quæuis subeuntes fermenti vim, & vicem obtinent; in acidis vis illa densandi sanguinem salibus tribuenda videtur: quemadmodum enim si panis tritus sit iuri ruditer commistus, eo quod adhuc breuem ignis calorem passus est, non nisi longiore coctione demum pultis in modum spissatur, quia immissi igniculi panis particulas multo minutiùs concidunt, illasque diutiùs agitatæ exquisitiùs iuri permiscunt; ita pariter particule sanguinem constituentes si liquori aqueo non fuerint, pro debita sanguinis temperatione, implicatæ & permiscæ, quia crassiusculæ sunt, ab accedentibus salibus, qui incongruo acido insunt, comminuuntur magis, & diuiduntur ita, vt caloris vitalis & ipsorum salium vi agitatæ omnes in probatum sanguinem temperentur, cuius scilicet fibræ mediocrem tenuitatis & crassitiæ habitum obtineant. Hinc facultas eadem salium, qui ab acidis subministrantur, resoluit ac relaxat concretas sanguinis

partes adeò, vt per venarum atque arteriarum ductus fluere ac manare queant: suo videlicet motu sales volatiles incurrunt in conſtipatas aut coalescentes particulas, eaſque comminutàs à cœteris ſeiungendo, ſanguinem attenuant.

Dand. Propterea in Cardiacis affectionibus, quæ ex ſanguinis coagulatione oriuntur (ſi enim liquore aliquo, aut vapore, ſanguis notabiliter concreſcat in grumum, Lipothymias & ſyncopes efficit, cum à corde diſcuti nequeat, ſin autem leuiùs denſetur, palpitationem & tremorem infert, irritato corde ad perturbatum motum, vt illum expellat) proſunt Coralia, Oculi Cancrorum, Margaritæ, Lapis Bezoar, ſuccus citri, quorum ſales volatiles impediunt, ne ſanguis concreſcat. Quinimmo & acetum extrinſecùs illitum valdè iuuat cor huiusmodi ægreditudinibus laborans; ſales enim aceti volatiles in venas penetrant, atque natiuâ agilitate ſanguinem permeantes atque incitantes, à quo deferuntur ad cor, diſſoluunt grumos. Acetum autem ad nares admotum eatenus in lipothymijs prodeſſe exiſtimo, quatenus eius ſales volatiles ad cerebrum aſcendentes fugientibus ſpiritibus manum injiciunt, eoſque quodammodo figunt; ſpiritus verò huiusmodi ſalibus permiſti, atque per neruos ad cor delati attenuant atque comminuunt craſſiores particulas, quæ legitimum cordis motum impediabant.

Grad. Plurima ſanè ſatis probabiliter explicantur, ex quo innotuit ſanguinis motus in Orbem rediens ex corde per arterias, ex his per venas iterum in cor delatus; hinc fit, vt cor afficiatur ab his, quæ ſanguini permiſcentur; ideoque aceti, aut alterius liquoris ſales volatiles ſe per cutim in arterias aut in venas inſinuantes ſanguini permiſcentur, eodemque impetu, quo ſanguis in dextrum cordis ventriculum propellitur, ipſi quoquè eò deferuntur: Sic ſuſpicor non rarò contingere, pleuritide laborantes idcirco extingui, quia inflammationis membranæ coſtas ſuccin-
gentis materia per venam Azygon in Cauam, & per hanc in dextrum Cordis ventriculum delata aut nimia copiâ cor opprimit, aut deleteriâ qualitate Spiritus proſtigando illos ſiue extinguens, ſiue abigens, eiſdem cordis motum impedit: quod ſi illa ſenſim in tenues atque ſeroſas particulas reſoluatur, demum per Emulgentes, & renes excernitur: ſin autem materia purulenta ſit, ubi à dextro cordis ventriculo in pulmones expreſſa fuerit, ab his per

asperam arteriam screatu eijcitur. Neque enim, nisi agrè, cum vulgo opinari possum semper abscellum disrumpi, atque pure illo pulmones, quasi spongiam, imbui; quippe in depressam diaphragmatis partem purulentus liquor deflueret, neque pulmones subire posset; quamvis membranam pulmones cingentem poris multis insignitam admittamus cum Harucio de Generat. Animal. exercit. 3. pag. 43. Si igitur per venam azygon demum ad renes materia illa vi appositi medicamenti attenuata defertur, quidni itidem, si purulenta fuerit, sed congruè extenuata, per eandem azygon & Cauam ad pulmones deferri possit?

Maur. Ne sanguinis circulatio nos à proposito abducat, cauendum est. Hoc vnum addo, quandoquidem de eâ incidit mentio: Illam quidem primùm innotuisse probabile est ex venarum valuulis, quæ ab extremis corporis partibus, & ex minusculis venis in maiores venienti sanguini patent, at non item reditum permittunt: ideò etiam compressa vinculo vena turgescit in inferiore parte, non verò qua parte spectat præcordia. Verùm & in Diuinis literis vestigium aliquod huiusmodi circuitus deprehenditur apud Ecclesiasten cap. 12; vbi senectæ incommodis symbolicè ac velut ænigmaticè explicatis, mortem ipsam describit: post oculorum hebetudinem, aurium surditatem, dentium ad paucos redactorum otium, addit *forebit amygdalus*, propter canitiem capitis; *impinguabitur locusta*, hoc est, iuxta chaldaicam expositionem, inflabuntur crura, quæ in locustis suâ subtilitate sunt maximè conspicua; *dissipabitur capparis*, quia in senectute libido extinguitur: *antequam rumpatur funiculus argenteus*, spiritibus animalibus per nervos, qui albi sunt & teretes, fluere desinentibus, & *recurrat vitta aurea* contrahente se & flaccescente cerebri membranâ, quæ, propter multiplices venarum atque articularum plexus, aurea dicitur (nam & adagium ἀνδρὸς γέρωντος ἀσπίς τὸ κρῖνον, *Viri senis velut vuapassa cranium*, admonet inualidum esse & flaccidum senile corpus exhausto succo) & *conteratur hydria super fontem*, vase sanguineo, hoc est vena Caua, sanguinem ex iecore, quasi ex fonte, non ampliùs hauriente, & *confringatur rota super cisternam*, abruptâ sanguinis circulatione in corde, quod cisterna dicitur, quia sicut aqua in cisternam aliunde deriuatur, & in eâ purgatur, ita sanguinem cor

recipit ex venâ Cauâ, & puriorem exprimit per magnam artem; & reuertatur puluis in terram suam; ex quibus postremis verbis sermonem esse de morte periphasi hac descriptâ, manifestum est. Sed iam ad propositum, à quo aliquantulum declinare visum sumus, reuertamur. Illud certè, quod breui huic declinationi à proposito causam dedit, videlicet salium aliquorum volatilium (cùm non omnes indiscriminatim vtilis esse censeantur) efficacia in cardiacis affectionibus sanguinem concrecentem resoluendo, suadet non eandem esse quibuscunque salibus naturam, vt sapiùs inculcaui: si etenim specie non differrent sales diuersorum corporum, quemadmodum aliqui autumant timentes, ne nimis multa principia statuunt; ad auertendam hanc principiorum, à qua abhorrent multitudinem, etiam spiritus omnes vnica species complecteretur. Quod si Spiritus est notio ad plures differentias pertinens (nisi Spiritus vini, nitri, Salis communis, Vitrioli, & similium, eiusdem planè speciei existimemus) nil vetat Salem statuere genus, quod plures partes subiectas habeat. At, inquit, vinum, lac, mulsu, herbarum succi, pultes, alijque liquores, cum vario sapore, quandiu particulæ ritè compactæ manent, gustum moueant, si eorum sales sui iuris fiant, & supra alias particulas componentes euehantur, spiritibus & sulphureis particulis siue depressis, siue maximâ ex parte abeuntibus (vel quia diu seruantur, vel quia concutiuntur, vel quia immodico aëris feruore agitantur) omnium sapor in acorem vertitur: immò & solidiora corpora, quæ sale abundant, cuiusmodi sunt ligna ponderosa, & pleraque fossilia, si satis valido igne vrgeantur, stigma acidum extillant: communis igitur est salibus omnibus indoles, quippe qui statim ac suæ potestatis fiunt, natiuum acorem exerunt. Verum licèt omnibus acor conueniat, negari certè non potest dissimilem esse acorem, quem vinum acescens contrahit, ab acore lactis: præterquamquod, etiamsi in acido sapore conuenirent, satis esset ad naturam diuersam asserendam, si in alijs proprietatibus non consentiant: sic enim neque omnia dulcia ad eandem speciem referuntur.

Dand. Audiui & ego aliquos contentiosè propugnantes vnicam esse Salium naturam: sed, fateor, non poteram illis acquiescere. Quid enim Sales alij Fixi, qui non nisi vehementissimo calore in liquorem acrem soluuntur, alij volatiles, quos mediocris calor à

corpore separat? An, quia auolantes Spiritus hos secum rapiunt? At in eodem corpore misto etiam illis salibus cohærebant Spiritus, illos tamen secum auferre nequiverunt. Alij igitur præ alijs facilius moueri suapte naturâ possunt. Si varias chrystallorum figuras, in quas soluti sales conformantur, obijcias, illico opponunt non omnino simplicia elementa esse, neque sales huiusmodi proflus esse destitutos spiritibus, quibus tribui possit pro vario eorum excursu varia conformatio; ideò sal marinus, nisi aqua in multum vaporem resoluatur, ægè in cubos efformatur, cum vix Spirituum aliquid habere videatur; alumen verò solutum paulo plures spiritus continens concrescit in chrystallos octoëdras; sed sal niri abundans spiritibus sese in gyrum contorquentibus assurgit in chrystallos conicas. Verùm, non vocato in controuersiam hoc Spirituum motu, vbinam demum simplices sales ab omnibus spiritibus & sulphure seiunctos inueniemus, vt omnino similem eorum inuicem comparatorum naturam pronunciemus? Siqui sales sulphure atque spiritibus careant, certè sunt sales fixi, seu Alkali, ex herbarum combustarum cineribus parati; his verò quàm dispar est agendi efficacia, quæ neque spiritibus, neque sulphuri adscribatur? ignis siquidem adurentis vehementiâ, vix superest in cineribus illis ex herbarum combustarum tenui substantiâ relictis aliquod leue sulphuris atque Spirituum vestigium, quibus probabiliter tribui possit tanta in agendo dissimilitudo.

Maur. Id verò potissimum euincere videntur Aquæ Fortes, quippe quæ non eadem corrodendi & dissoluendi facultate præditæ sunt: harum autem efficacitatem à salibus oriri nemo negat: aqua scilicet separationis, qua argentum soluitur intacto manente auro, quod illi iungitur, nequit aurum ipsum soluere; quod propterea exigat Aquam Regiam, vt vocant, quæ soluto auro intactum relinquit argentum.

Grad. Non eadem est omnibus artificibus huiusmodi aquæ fortis argentum soluentis compositio. Aliqui iubent Vitrioli Romani libram vnâ, Salis Ammoniaci libras quinque, Salis Nitri vncias quatuor, Cinnabaris vncias tres teri, misceri, & secundum Artem destillari. Alijs apud Aldrouandum de mineralibus lib. 1. pag. 13. satis esse videtur, si libræ Atramenti Sutorij, libra Salis addatur cum tribus aquæ fontanæ partibus; aut si libræ quatuor Atramenti Sutorij, & duæ Halinitri libræ, cum selibrâ Alumi-

nis, & aquę fontanę sesquilibrá misceantur. Fallopius Salis petrę vncias octo, Vitrioli vncias quatuor, Sulphuris vnciam vnam terit, atque destillat, & manantem aquam ad vsum seruat, in qua iniectum argentum auro mistum resoluitur in aquam subsidente auro, quod deinde separatur ab aqua argento grauidâ. Cardanus præscribit accipiendam Halinitri partem vnam, liquidi Aluminis, quod Rochæ vocant, partes tres, arenæ mediam: hæc siccata diligenter, & purgata, igni destillanda committantur in vitreis vasis. Colligenda est, quæ prius effluit aqua, cum demum crocea videtur: tum auctis ignibus alia succedit, quæ plerunque priore excipitur. Aquæ extractę partem modicam accipe, cui argenti purissimi obolum, hoc est grana duodecim immitte, atque vasculum calidis cineribus impositum vsque dimitte, dum dissolutum fuerit argentum. In imo vasculo instar tenuis calcis subsident fęculę, quibus sublatis, reliqua purior aqua affundatur toti aquę, ex qua modica hæc pars detracta fuerat, quæ similes tenues fęculas in fundum vasis abijciet: quibus pariter sublatis, purissimam aquam habebis ad argentum, ac cętera metalla, præter aurum, dissoluenda efficacem. Beguinus lib. 2. cap. 3. Tyroc. Chym. Communem Aquam Fortem eliciendam docet ex Vitrioli exsiccati libris duabus, & Salis petrę repurgati librâ vnâ: simul terantur, & misceantur, atque in Retortâ optimo luto munitâ, igne per gradus administrato, destillentur, apposito amplo Recipiente, in quo vbi Spiritus albi & nebulosi dissipantur, finis adest. Tum sensim refrigerescere permittatur; & ad purgandam aquam ex Recipiente exemptam, accipiat eus quarta pars, vel saltem vncia vna atque altera, cui iniiciatur puri argenti drachma vna, & super prunis in cucurbitâ altâ soluatur; solutio reliquis tribus partibus affundatur, & instar lactis tota aqua albescet: vbi resederit, quod purum est, in vitro probè munito seruetur.

Maur. Omnes tamen, quos recensuisti, præter Cardanum, Vitriolum adhibent, cui videtur insidere vis quædam præcipua dissoluendi; eius quippe sal facillimè adhæret metallis, illorumque sales apprehendens dum agitur, compagem dissoluit; nisi fortè plumbum excipias; glebas enim illas, ex quibus Vitriolum, hic in Italiâ, erueri moris est, aqua soluant, hancque à sordibus separatam in vasis plumbeis coquunt; nam succi illius, concresecntis acrimonia non corrodit plumbeam materiam: Esto in vetustissi-

mis huius Venetæ vrbis fundamentis, quorum quadrata marmora ferreæ virgæ plumbo ferruminatæ connectebant, deprehendatur plumbum longo annorum spatio maceratum vi marini salis abijisse in Argentum viuum: quemadmodum & Fallopius ex laminis plumbeis sale communi interiecto in vase vitreo sub terrâ conditis, post nouem dies argentum viuum colligi posse affirmat. Certè Aldrouandus lib. 3. cap. 6. testatur se dono accepisse Chalcanthum Hungaricum, cui in aquâ dissoluto si inijceretur ferrum, sensim abibat in rubiginem, ex qua deinde cuprum eliciebatur: Crocus Martis abraditur ex superficie ferri, postquam abierit in vaporem Aqua Fortis destillata ex Vitrioli calce, & æquali Sale communi, cum tribus argillæ partibus. Et ad soluendum ferrum, ex quadrante Vitrioli albi, septunce Vitrioli Hungarici, triente salis, & semunciâ Aluminis paratur aqua fortis. Quàm facilè verò Chalcanthi aut Aluminis particulæ salinæ adhæreant ferro, hinc apparet, quod ferrum aquis Chalcantho aut Alumine imbutis immersum æris colorem induit: immò ex Atlante Sinico pag. 127. in XI Prouinciâ Fokien in monte Kin, hoc est aureo, quia ibi sunt aurifodinæ, *tria parua sunt stagna, quibus se crudum ferrum mergatur, mutatur in cuprum*: idcirco procliuè est opinari stagna illa abundare Chalcantho, siue hoc subiecta terra ferat, & aqua dissoluat, siuè ex terræ venis profluens humor in ipsis montis visceribus vitriolicos spiritus & sales assumpserit.

Dand. Quoniam cupri & Atlantis Sinici mentio incidit, non videtur hic illud dissimulandum, quod mihi memoria suggerit frequenti experimento Authoris comprobatum, nec à nostrâ disputatione alienum. In X Prouincia Chekiang pag. 113. *Nascitur per totam hanc regionem (Kiahing) in stagnantibus aquis fructus figurâ rotundus, Peci Sina vocant, cuius magnitudo, castaneam nucem haud multum excedit: pellis subtilissima pulli coloris. nucleum vestit, cuius intus candidissima caro est plena succi, gratique saporis; durior est quàm pomorum vulgarium, ac parumper acida. Si simul cum hoc fructu cupream monetam oriori immiseris, dentibus eadem facilitate, qua fructum, comminues, ac in pulpam comestibilem rediges, mirâ Naturæ vi, mihi que alias ipso experimento sæpè compersâ. Succus igitur ille subacidus in cupri poros se insinuans eius duritiem emollit, vt dentibus mandi, & extenuari possit: id quod valdè affine est dissolutioni, quando per*

Aquam fortem dissolutum cuprum affusione aquæ tepidæ cum particulâ ferri vel argenti præcipitatur ad fundum vasis; mollitudo siquidem, ac teneritas, aliquarum saltem partium disunctionem indicat, quæ fit, ut corpus ipsum facîle flecti queat: neque aliter videtur contingere, quando artifices, ut metalla ad mollietiem adducant, inspergunt argentum sublimatum, boracem, & Euphorbium in puluerem contritum; hæc enim suâ acrimoniâ penetrant, & partes aliquas disiungunt; quamvis non omnes particulas minutè concidant, quemadmodum Aqua Fortis.

Maur. In dissolutione tamen, quæ fit ab Aquâ forti, ita videntur iniecti metalli particulæ à se inuicem seiungi, ut ipsius aquæ particulis aliquâ ratione vniantur: quemadmodum enim, ubi salis communis vnciâ, in aquæ communis vncijs tribus & dimidiâ, soluta fuerit, si plus salis in eandem aquam iniiciatur, non soluitur, sed fundum petit: ita pariter si in vnciâ aquæ fortis vnciâ dissoluatur vncia Mercurij, quicquid præterea addideris Mercurij, non soluitur: id quod etiam cæteris metallis contingit: quandoquidem non ita se habet, ut aqua turbida & limo inquinata, cui alios atque alios terreni pulueris pugillos adijcere potes & immiscere, quæ si quiescat, demum deposito limo sponte suâ perspicua euadit, quia aquæ particulæ terrenos puluisculos, saltem crassiores, non apprehendunt; esto illis aliquid non conspicuum adhæserit, quod non nisi diuturnitate temporis subsideat, cum illa sit defecatio. At sales, quibus referta est aqua fortis, sibi uniunt sales metalli iniecti, aliquando quidem ita, ut corrumpant metalli illius temperationem, aliquando verò manente ipsâ metalli naturâ: nam sæpius separantur metalla, veluti aurum & argentum, ut singula seorsim habeantur; habentur autem, quando præcipitantur, & ab aquâ forti separantur, potissimum iniecto guttatiim Oleo Tartari per deliquium parato: guttatiim, inquam, nam si nimis liberaliter infundatur, tanta excitatur aquæ ebullitio, ut vasis labra excedens effundatur aqua; & pereat solutum in illâ metallum, quod esset per præcipitationem colligendum.

Grad. Quanam verò facultate id præstat Oleum Tartari? hoc nihil est aliud, quam Sal Tartari in loco frigido & humido dissolutus in liquorem. An Sal iste liquidus infusus in aquam fortem metallo grauidam ita adhæret metalli particulis, ut illæ hoc addi-

tamen-

tamento grauiores factæ descendant? An verò Sal Tartari ita apprehendit Sales, quibus Aqua fortis constat, vt hi dimittant metalli particulas, quæ suâ gravitate fundum petant?

Maur. Sales se vicissim apprehendere, & potissimum fixos volatilibus iungi, communis fert opinio. Quodcunque acidum si cum Sale Tartari destilletur per balneum Maris, qui vapor per alembicum defluit, planè insipidus, & omni sapore priuatus deprehenditur: Sal verò Tartari si denuò ad libram examinetur, pondere auctus inuenitur; non nisi quia, expirante humore aqueo, reliqui sales volatiles, quibus acidus liquor abundabat, iuncti sunt salibus fixis Tartari. Ex quo quasi per transfennam prætereuntes strictim confirmabimus id, quod alias dicebamus, sales nimirum volatiles dici, non quia leues sint, sed quia vim caloris non ferant, & faciliè separentur: idcirco quando Sales fixi vehementi calore abeunt in liquorem acrem, dicuntur acquirere volatilitatem: sed Sal Tartari per deliquium liquefcens adhuc fixi nomen retinet. Præterea guttæ Olei Tartari in Aquam Fortem instillatæ tumultum cient, & ebullitionem; qua cessante, nouus subinde excitatur tumultus, si aliæ guttæ instillantur: & demum nulla fit ebullitio, etiamsi Oleum Tartari infundatur. Hinc licet arguere, diuersos sales, cùm proximi fiunt, agitari tandiu, dum sibi inuicem cohæreant; vbi verò coaluerint omnes inter se, ex nouo salis additamento nullas turbas excitari, cùm non inueniat particulas salinas, quibuscum vniri valeat. Histamen adde Aquam fortem communem, vbi semel dissoluerit iniectum metallum, factam fuisse effoetam, neque valere denuo metallum soluere, nisi affusa recenti materiæ, nouâ destillatione, iterum imbuatur salibus. Igitur Aquæ fortis sales, qui metalli particulas apprehenderant, licet cum Tartari Salibus vniantur, non dimittunt metallum; alioquin maneret aqua suis imbuta salibus. Quid autem artifices toties metalli calcem simplici aquâ abluunt, nisi vt acrimoniam ab adiectis salibus inditam deponat? Neque dixerit quispiam, idcirco tantum aquam post metalli præcipationem non valere iterum soluere metallum, quia eius Sales salibus Tartari coniuncti nequeant apprehendere salinas metalli particulas, non autem quia sint exhaustæ eius vires. Hæc etenim si vera essent, iniecti Sales Tartari non iungerentur particulis metalli: id verò ex Cerauno-Chryso, seu Auro fulminante, manifestæ falsitatis

redargui videtur. Iam nôstis Aquam Regiam, seu Philosophicam, auri metallorum regis solutiua, admittere Salem Ammoniacum, siue ex mente Hartmanni in notis ad Crollium pag. 57. quatuor vncijs tum Chalcanti, tum Nitri, tum Aluminis addatur vncia vna Salis Ammoniaci, & omnia commista ex Alembico per arenam destillentur; siue iuxta præceptum Beguini lib. 2. cap. 3. æquales partes Nitri repurgati, & Salis Ammoniaci, vtriusque scilicet vncias duas, permisceas, atque ex cineribus per amplam retortam destilles in magnum vas Recipiens. Hæc aqua ex soluto auro flauescit, eiusque vncia vna Drachmam vnâ auri purissimi dissoluit. Vt solutum aurum præcipitetur, postquam per noctem in arenâ facta fuerit digestio, manè infunditur guttatim Oleum Tartari per deliquium soluti, vel saltem Tartari Sal in aquâ communi solutus: Neque aurum totum abstractum est, quandiu aquæ color flauedinem aliquam retinet; sed totum fuisse reperiendum indicat aquæ color albus. Hæc auri calx cautè exsiccata est Aurum fulminans. Verùm si perrexeris infundendo Oleum Tartari, postquam alba facta fuit aqua, adeò vt instar atramenti nigrescat, certus quidem eris vniuersum aurum descendisse, sed fulminandi potestate spoliabitur. Vniuntur igitur Tartari sales cum ipso auro, cui adimunt fulmineam facultatem. Quapropter perpensis omnibus rationum momentis, illud mihi statuendum videtur, quod sales quidem faciliè se vicissim apprehendant, complicatis inuicem eorum particulis; sed non continuò etiam illud consequens est, quod se complectentes dimittant metalli particulas, quas apprehenderant; nisi fortè (quemadmodum contingit, cum Oleum Tartari non sensim, sed confertim affunditur) superiniec-ti salini liquoris particulæ tantâ vi alias exagitent, vt à metallo abstrahant, aut affusa simplex aqua ita sibi vniat salinas particulas menstrui soluentis, vt metallicæ particulæ dimittantur. Itaque mihi vero simillimum videtur, injecto Oleo Tartari per deliquium parato, huius sales fixos vniri salibus Aquæ Regiæ, & ipsi auro: ex quibus coniunctis fit moles magis compacta in specie grauior ipsâ aquâ Regiâ, ac proinde in vasis fundum descendit, prout guttatim instillatum Oleum Tartari apprehendit auri particulas. Quod si auro in aquâ Regiâ soluto admisceatur succus limonum, antequam præcipitetur, ex affusione Olei Tartari non omnes auri particulæ præcipitantur, sed aliquæ cum solvente manent, quæ

temporis decursu abeunt in virides lapillos Vitriolo simillimos, purgantes quosvis humores noxios, etiamsi exiguâ quantitate exhibeantur. Ex quo inferendum videtur Oleum Tartari non complecti particulas auri, quibus limonum succus coniunctus est, ideoque illas non descendere, utpote Sale Tartari non prægrauatas. Coeterum pulvis subsidens, præcipitatione sensim factâ, licet sæpius aquâ calidâ eluatur, & exsiccetur, auri dissoluti pondus gravitate superat; id quod fieri non potest, nisi salis gravitas fuerit addita. Quando verò cuprum in aquâ forti solutum præcipitatur affusâ aquâ tepidâ, hæc sales aquæ fortis ita diluit, ut liquoris totius moles fiat secundum speciem notabiliter minûs gravis, quàm particulæ cupri salibus iunctæ; quæ propterea descendunt, & iniecto ferro aut argento adhæret calx cupri, ob affinitatem, quam cuprum habet cum duobus illis metallis, inter quæ quodammodo medium censi potest.

Grad. Sed & hoc fortasse addi posset, quod minimæ dissoluti metalli particulæ per aquam fortem dispersæ ob suam exilitatem non valeant aquam ipsam diuidere, ut descendant, sed tùm innato impetu, tùm igniculorum seu salium impulsu, agitatæ tantùm in eâ vagentur; quemadmodum pulvisculos terreos in aëre volitantes atque agitados indicat Solis radius per rimam ingrediens in obscurum conclauē: instillatum autem Tartari Oleum plures huiusmodi minimas particulas apprehendens coagmentet adeò, ut moles quædam maior componatur, quæ suâ gravitate diuidens aquam valeat fundum petere, sicut plures pulvisculi in vnum granum coagmentati descendunt in aëre. Et hæc quidem, quando metalli calx præcipitatur; nam si dissoluto metallo per alembicum aqua in vaporem abeat, ut sæpè fit, nulla est difficultas, cur metallum assumptâ calcis specie in vasis fundo subsidat discedente in vaporem liquore, ac relictis salibus metallo adhærentibus.

Dand. Expeditiùs multo, quàm per aquam fortem, separari aurum ab argento aliqui putant ope sulphuris: nam ut ab auratis vasis aurum detrahant, comminutum sulphur ijs inspergunt, atque accendunt, deinde supra catinum materiam decutiunt; cum sulphure enim aurum cadit, quod deinde purum habetur absumpto sulphure. Alij Sulphuri duplum Salis Ammoniaci addunt, quorum minutissimum puluerem inspergunt vasis parti auratæ oleo oblita, & vas igni exponunt, ex quo optimè calefacto aurum de-

decutiunt. Verùm hi non satis animaduverterunt, quanta aque Regiæ copia paranda esset, vt illi ingens vas auratum immergeretur ad dissoluendum aurum; id scilicet nullo sumptuum compendio fieret, & satius est aliquid auri hac ratione fortasse deperdi, quàm tantam vim aque Regiæ parare. Coeterùm, quia aurum alteri metallo obductum fuit ope Mercurij, probabile est sulphuris accensi virtute (videlicet eius salibus, atque spiritibus, vasis superficiem penetrantibus) Mercurij particulas aurum cum subiecto Metallo connectentes discuti, & expirare, adeoque aurum, soluto nexu, decuti posse. In sulphure autem communi esse salinas particulas Chalcantho similes & analogas, ostendit Sulphuris Oleum per campanam collectum, cui atque Spiritui Vitrioli planè similis acor esse deprehenditur. Porro quamuis ad separandum aurum, quod argenti superficiem vestit, sulphur accensum valeat, non æquè tamen vtile erit, si aurum fuerit argento permixtum & temperatum, præsertim ex communi vsu: Nam qui in metallis versantur, quomodo sulphure vti possint ad separandum ab argento aurum, nòrunt ex his, quæ lib. 10. de re metallicâ scribit Georgius Agricola. Contra verò argento dealbatur cupri superficies, si argenti portio dissoluatur aquâ forti, tum sal Ammoniacus eâ copiâ addatur, vt spissioris pultis in morem crassescat, quasi massa, quæ in trochiscos diuidatur, & exsiccata seruetur: Nam si vel tenuiter saluâ humescat, & cupro eam affrices, hoc nitescet eximio quodam candore, sed cui ab acribus succis cauendum. Particulæ scilicet argenti tum salibus illis aque fortis, tum Ammoniaco iunctæ, vbi saliuæ humore separantur à reliquis, adherent cupro, eorumdem salium ope: hi autem à succo acido irritati abstrahuntur à superficie cupri, & succo illi commiscuntur, adeoque secum abripiunt argenti particulas, quæ candorem cupro tribuebant.

Maur. Salibus ingenitam esse facultatem sese agitandi, satis perspicuum facere videtur illa aque fortis ebullitio, cùm Oleum Tartari iniicitur; siquidem nonnisi salibus tribui potest vehemens illa liquoris agitatio, quæ conspicua est, vsque dum complicati sales diuersi eandem ferè, quatenus sensus percipere valet, temperationem acquirant: sic & multum feruore notabili exilit, partibus verò vnam in speciem temperatis vinum quiescit, licet occultis motibus non desinat fermentescere. Similique ratione sales mori

ueri in liquore acri, etiam citrà ebullitionem, dicendum est; quo motu iniecti metalli particulas sensim abstrahere possunt, sibi que vnire. Si Mercurium in aquæ fortis pari pondere dissolueris, tum aquæ superficiem contingat particula cupri aut auri, imbuitur illa, quantacunque est, Mercurio: id autem non nisi salibus Mercurio grauidis aurum aut cuprum perreptantibus tribui potest, alij enim alios consequuntur per horum metallorum poros, & secum aduehunt Mercurij particulas.

Grad. Aurum combibisse Mercurij particulas, ipsa saltem auro inducta albedo indicat: sed quid mihi persuadeam de his, quæ scripsere tum Plinius, tum Mizaldus de auro ipso, quod combibatur, planè ignoro. Ille lib. 29. cap. 4. ait, *Non prateribo Naturæ miraculum. Si auro liquefcenti gallinarum membra misceantur, consumunt id in se. Ita hoc venenum auri est.* Hic autem Memorab. centur. 2. num. 20. scribit: *Si in recenti muris stercore, verbo sit venia, sepelitur aurum, comburitur, vt fieri solet cum plumbo. Idem sic combustum si in puluerem conuertatur, & stercorebus cacti obruatur, in pristinum statum redit, ac propriam naturam cum colore agnoscit.* Ex Pedemontano. *Sunt qui combibi potiùs, quàm consumi dicant.* Hæc Mizaldus, de quorum veritate, vt equidem puto, liberum est ambigere; quanquam non negârim vera esse posse: sicut enim aurum interdum odore plumbi ita rigescit, vt malleo dilatari nequeat, & opus sit illud denuo liquefieri, atque à prauâ plumbi qualitate purgari, addito modico vitro, vel sublimato: ita pariter aliqua esse possunt, quorum salinæ & sulphureæ particule peruadant aurum, ac friabile reddant, mutato etiam colore; quod deinde si in minutas particulas conteratur, & alio corpore obrutum liberetur ab assumpto Sale ac Sulphure, sibi ipsum reddatur, & in antiquum statum atque colorem restitua-tur. Similiter fieri posse videtur, vt aurum liquefscens intercurrentibus igniculis in minimas particulas resolutum dispergatur inter retorridas gallinæ carnes, quæ immiscentur, adedò vt aurum non apparens consumptum videatur: quemadmodum si bibulum aliquod corpus ex vasculo omnem aquam exhauriat. Id verò à gallinæ potiùs, quàm aliorum animalium carnibus præstari, contingere posset ex peculiari carnis illius facultate suis salibus volatilibus atque sulphuribus dissipante auri particulas iam virtute ignis dissolutas, adedò vt aurum euauisse visum fue-

fuerit ijs, quibus hoc primùm innotuit.

Dand. Philolophanti non vacat de omnibus, quæcunque legerit, experimentum sumere, vt dispiciat, an cum veritate consentiant: satis est, si id dicamus, quod nostros animos probabilitate percussit: probabile autem, ait Cicero de Inuent. *est id, quod verè fieri solet, aut quod in opinione positum est, aut quod habet in se ad hoc quandam similitudinem, siue id falsum est, siue verum.* Quare nisi pugnancia, ac minimè inter se coherencia loquantur Authores, quæ cœteroqui arreptæ philosophandi methodo non officiant, cur reiiciamus? Huiusmodi sunt, quæ attulisti, Gradonice, & cum salitum motu, de quo nobis erat sermo, congruunt: Esto, in solo non satis firmo iaceremus fundamenta, si his tantummodo experimentis niterentur admodum raris, quippe quæ sinè impendij & iacturæ periculo non instituuntur: sed si hæc cum pluribus alijs non æquè dubijs conueniant in eo, quod quæritur, opinionem, etiam fortasse naturâ caducam, fulciunt.

Maur. Quod verò salibus solutis ab aliarum particularum nexu virtutem sese agitandi tribuamus, quo motu impetere valeant proximum aliud corpus, eiusque particulas aliquando abstrahere, atque dissoluere, non ideo negamus eorum motum externo impulsuiuari posse, vt validius aggrediantur alienas particulas. Sic cum in aquâ forti digeritur aliquandiu ex arenâ metallum, incitantur ab igniculis sales, qui absque illo tepore remissiùs mouerentur, adeoque etiam tardiùs metallum soluerent. *Sic Hydrargyrum in oxymelite scillitico diu agitatum, optimè incineratur, ait Mizaldus cent. 2. num. 75. exinde aceto lotum purificatur, & sic ad multa utile esse traditur:* Non solùm enim agitatione illâ confunduntur partes tum oxymelitis, tum Mercurij, vt faciliùs externę incurfioni pateat Mercurius, quem comminutum vsquequaque ambit oxymeli; verùm etiam sales ipsi tum mellis, tum aceti, tum scillæ (cui magnam vim incidendi tribuit Galenus lib. 8. simpl. medic.) externo impetu concitati, atque diuulsi, acriùs Mercurium inuadunt, & soluunt in cinerem; aceto deinde eluitur pars mellis sulphurea, quæ adhæsit.

Dand. Sales ipsos suapte naturâ moueri, nisi ab aliarum particularum, & potissimùm terræ, nexu coërceantur, mihi pariter suadet aliquorum corporum sponte suâ se agitantium motus, si ace-

ro perfundantur; vti accidit Oculis càncrorum, Lapidi Astroiti si-
ue Trochiti stellulis seu rosis insignito, atque marmoribus quibus-
dam varijs: Stellæ siquidem lapidis illius Stellarij sunt exiguæ que-
dam rimæ, vt Microscopium indicat, & varium marmor ex dissi-
milibus partibus compactum habet interuenià: aceti igitur sales
volatiles per rimulas illas se insinuantes aggrediuntur lapidis seu
marmoris sales, eaque in luctâ agitatur lapis, seu marmor: id
quod etiam oculis càncrorum contingit. Neque enim illis assen-
tior, qui huiusmodi corpora idè in aceto moueri putant, quòd
acetum penetrans in eorum venas indè aërem extrudat, qui in exi-
tu incurrens in acetum, motum illum efficiat: simili ferè ratione
ac pyroboli accensi flammam eiaculantes in oppositam plagam
promouentur, eo quòd flamma expansa aërem multâ vi impellens
hunc inuenit repugnantem, ideoque in aduersam plagam repellit
pyrobolum. Hac, inquam, non facilè admitto; plurima enim
sunt corpora, quæ poris atque rimis æquè distinguuntur, & æquè
patent aceti particulis, quæ aërem inclusum excludant, neque
tamen illa similiter mouentur in aceto: aliquid igitur peculiare in
his, quæ mouentur, præstat acetum, cui satis non est aërem in-
dè exturbare, quemadmodum in cœteris, quæ acetum quidem
admittunt, sed quiescunt. Quare verò in aceto motus ille con-
tingit, non autem in vino? nisi quia in vino sales non sunt soluti
& exaltati, sicut in aceto; spiritus enim, quibus vinum abundat,
licèt salibus tenuiores sint, & maximè mobiles censeantur, atque
fortasse aliquatenus in immersi corporis meatus se insinuent, tantæ
efficacitatis non sunt, vt valeant adoriri particulas lapidis, illum-
que agitare. Vis scilicet penetrandi non ex solâ particularum exi-
litate & subtilitate pendet, sed etiam ex ipsâ mobilitate. Hinc
acetum destillatum faciliùs penetrat, quia eius sales volatiles in
destillatione se iuncti à salibus fixis, qui in capite mortuo rema-
nent, liberiùs valent sese, pro suâ naturâ, agitare. An non suc-
cus ex folijs iuniperi expressus minutam auri scobem triduo in eo
maceratam soluit instar aquæ, qua ad aureas literas, aut figuras
delineandas vti possumus? Quid illud sit, quod aureum puluiscu-
lum valeat adhuc subtiliùs comminuere, non video præter sales;
quos succus ille continet: id autem sinè salium motu effici nequit.
Neque repugnabit Aristoteles, qui Problem. sect. 2. 3. quæst. 22. quæ-
rens, *Cur salē liquari oculis aquâ salsâ, quàm dulci, possit?* re-

respondet eliquari non aliud est nisi ab humore, calore ve subeunte resolui, & dirimi ita, vt liquidum sit. Et post pauca, vix illa eliquant, quæ facillè transmeant; contra celerrimè dirimunt, quæ per vim se intrudunt. Atqui vt dulcis aqua tenuior, ita salsa crassior est; ergo altera suâ tenuitate facillè penetrans vix liquefacit, altera subit: quidem, sed minùs, propter suarum partium magnitudinem: itaque cogere, & proinde dirimere celerius potest. Quæ autem virtute, nisi salis, valet aqua salsa se intrudere? habet igitur sal vim, quæ se intrudat. Ex hac eadem Philosophi doctrinâ apparet, cur Columella de re rusticâ lib. 12. cap. 52. præceperit, Si frigoribus oleum cum amurcâ congelabitur, plusculo sale cocto utique utendum eris; ea res resoluit oleum, & separat ab omni vitio. Neque verendum est, ne salsum fiat, nam quantumcunque adieceris salis, nihilominus saporem non recipit oleum. Solet autem ne sic quidem resolui, cum maiora frigora incesserint; itaque nitrum torretur, & contritum inspergitur, & commiscetur; ea res eliquat amurcam. Salis particulas non complecti oleum, hinc manifestum est, quod hoc ex illis saporem non recipit; at nisi illæ mouerentur, congelatam amurcam non dissoluerent: id verò, quod sal communis præstare nequit in maioribus frigoribus, præstat nitrum, cui vis maior sese agitandi. Sic ex aridis vegetabilibus vt oleum extilletur, monet Io: Rodolphus Glauber Furnorum Philosophicorum par. 3. pag. 2. ea prius maceranda esse in aquâ falsâ, vtpote hæc illa emollit, & aperit, quo facilius olea sua elargiri possint. Ne verò quis aquæ potius quàm salis tribuat hanc vim aperiendi, idem Author part. 1. pag. 25. docet, non in vesicâ ponenda esse arida illa cum magnâ aquæ quantitate, sed potius in cucurbitâ cum Spiritu Salis, qui propterea ob suam acrimoniam meliùs penetrat, & meliùs facit olea extillare. Adiuvat quoque destillationem olei Tartarus & Alumen, si admisceatur, & ritè administretur. Ex quibus satis constare videtur ingenitam esse salibus se mouendi facultatem.

Maur. Re tamen ipsâ facultatem hanc non exerunt, nisi quando, vt ita dicam, prodeundum est in aciem; si enim ad speciem eandem pertineant Sales, nullum huiusmodi motûs & agitationis indicium habemus, vt si Oleum Tartari oleo Tartari addas: at si illud in Spiritum Vitrioli infundas, commotio tandiu apparet, dum durat lucta, quæ se vicissim coagitantes demum complectun-

tur, suasque particulas aptè congruenterque disponunt. Nam quemadmodum ea, quæ sursum aut deorsum sponte suâ feruntur, nullum affectant motum, nisi collocata fuerint in medio secundum grauitatis speciem dissimili; ita pariter corporum principia, cum instituta sint ad mixtorum temperationem constituendam, eate- nus excitantur ad motum, quatenus dissimilis naturæ particulis occurrunt. Sic Aqua Separationis simili aquæ addita nihil amplius efficit, quàm si ex eodem dolio in subiectum vas vinum vino affunderes; esto aqua ipsa fortis plures salium species inuicem, dum simul extillarentur, temperatas contineat, siue quia Sales Nitri, exempli gratiâ, Salibus Vitrioli iunguntur, siue quia vnus generis salinæ particulæ alterius generis particularum interualla subiere, quin inter se nectantur. Si plures diuerforum salium particulæ componuntur, & vnâ in speciem temperantur, molis compositæ conformatio & figura vtique alia est, quàm quæ singulis conuenit; ac proinde si hiantium immissi metalli pororum capacitati prorsus congruat, eamque impleat illa coniunctorum salium figura, his velut inter angustias deprehensis liberum non est spatium, in quo se agitent, ideoque aggredi nequeunt, & conuellere metalli particulas: Sin autem salinæ particulæ non sint metalli poris congruentes, quæ illud proximè attingunt, incitantur illico in motum; quo fit, vt, dum sese agitant, vicinasque eiusdem liquoris salibus imbuti particulas commouent, aliæ atque aliæ subinde incurrant in metallum, atque demum luxatas immersi metalli particulas abstrahant, comminutasque sibi coniungant; nisi fortè tam tenaci vinculo illæ copulentur, vt vim incurrentium salium eludant; id quod auro accidit; eius enim particulas soluere non valet aqua fortis communis, cui propterea addendus est Sal Ammoniacus; siquidem coniunctorum salium maior est vis, quàm singulorum. At si in Aquâ Forti permistos quidem ac simili temperatione confusos sales quis dixerit, nullo tamen nexu sibi inuicem coherentes, ad eò vt singuli suo motu cieantur; inæquali illâ & dissimili impressione à Salibus variè conformatis percussæ metalli particulæ diuelluntur; perinde ferè atque cum mordacis limæ tenuissimis dentibus chalybs teritur, à quo nihil abstraheret lamella nihil habens asperitatis. Res est, fateor, initio omnem oculorum aciem fugiens, ob summam particularum auulsarum exilitatem, sed temporis decursu fit notabilis & conspicua metalli extenuatio,

sicut ex aduerso diurna arboris occulto æuo crescentis incrementa latent, sed demum manifestòprehenduntur.

Grad. Statim igitur Sales, quibus constat aqua fortis, metallum solvere incipiunt?

Maur. Incipiunt profecto; aggrediuntur videlicet proximas metalli particulas statim, ac illas attingunt. Vix calentem manum aquâ frigidâ perfundimus, cum illam in halitum à calore solutam fumum imitari videmus. Vix anhelitus hyeme ex ore aut naribus erumpit, cum in vaporem cogitur. Quidni pariter aquæ fortis sales inuadant metallum, quod proximè attingunt? Haud equidem dixerim primâ statim incurfione abripi ex metallo particulam aliquam; saltem concutitur, iteratisque impulsibus demum excutitur. Sic formicæ euntes redeuntesque toties eundem tramitem calcant, vt demum tot vestigijs tritus appareat; non quòd prima formica, cum primùm transijt, aliquem minimum puluisculum ex subiecto lapide excussisse putanda sit; neque enim tantum valet tenuissimo suo impulsu, sed neque nihil prorsus fecisse dicenda est, alioquin neque secunda, neque tertia, neque innumeræ consequentes paribus viribus præditæ quicquam tum in itu, tum in reditu efficere potuissent: singulæ igitur formicæ suo impulsu puluisculi nexum ita sensim labefaciunt, vt, magis ac magis crescente labe, demum minimo impulsu excutiantur. Simili ferè ratione ex vario salium incurfu toties metalli particulam in hanc & in illam partem impelli, atque concuti existimo, vt illa tandem auellatur: idque de singulis dicendum particulis, donec metallum totum in aquâ forti solutum è conspectu se auferat.

Grad. In Cohobatione, quam vocant Artifices, quando extillatus liquor affunditur Capiti Mortuo, vt post convenientem digestionem iterum extillatus validior proueniat, simile quid, quod Aquis Fortibus, contingit, citrà tamen ipsius Capitis Mortui absolutam dissolutionem: Cum enim in Capite Mortuo post primam destillationem adhuc reliquæ sint particulæ aliquæ integræ, à quibus nondum educti sunt Spiritus & Sales volatiles, affusi liquoris extillati spiritus & sales libertatem nacti, sese agitantes permeant Caput mortuum, integras corporis partes inuadunt, concutiant, distrahant, ac inclusos in aliarum particularum compagibus sales atque Spiritus in libertatem asserunt, adeò vt consequens extil-

latio aucta nouis Spiritibus & Salibus volatilibus liquorem ferat validiorem.

Dand. An possit res commodius explicari ignoro: Mihi certè tanta experimentorum omnium consensio cum Spirituum atque salium motu tanquam insignita notà veritatis apparèt; nec mihi iam videtur relictus vllus ambigendi locus, an huiusmodi igniculis, quos Salium, Sulphuris, Spirituum vocabulis nominamus, conueniat innata facultas sese agitando. Hinc (ne à proposito deflectam) iniecta est mihi aliquando suspicio, vtrum metalli in aquà forti soluti Præcipitatio possit iniectum Salem Tartari oriatur ex eo, quod in illà luctà & ebullitione potissimi Sales aquæ fortis, quibus nulla coniuncta est metalli particula, auolent, & in residuo liquore phlegmatico, ingenitâ suâ grauitate deorsum ferantur metalli particule salibus iunctæ, quasi factus sit liquor secundum speciem minùs grauis, abeuntibus salibus.

Maur. Nec longè aberas ab aliquâ probabilitate; credibile enim est in aquis fortibus cum salibus etiam commistos esse Spiritus aliquos, atque sulphureas particulas, quibus in ebullitione excitationis liberior pateat exitus, ita vt auolantes secum rapiant Salium volatilium non paruam manum. Sed de his, vt puto, satis superque.

Grad. Vnum (nisi graue fuerit dissertationem hanc paululum prouehere) mihi superesset quærendum, quod cum his, quæ hætenus disputata sunt, connectitur, videlicet, vnde auro soluto, & præcipitato per oleum Tartari accedat vis illa mirabilis tonandi & fulminandi: vidi enim ipse huiusmodi auri grahum non maius lentis grano impositum cochleari ex orichalco, vbi subiectæ candelæ flammâ incaluit auri calx, tanto fragore perfonuit cubiculum, atque si minor sclopus fuisset explosus, & lamina apparuit perforata, auro descendente, quemadmodum excussa è nubibus fulmina in terras delabuntur.

Dand. Plenisque adeò persuasum est aurum huiusmodi Oleo Tartari præcipitatum leuissimo calore sollicitari ad fulminandum, vt sine scrupulo non auderent ferreo stylo illud in patinâ expositum agitare, & conuertere, timentes, ne fortè incalescente ferro subitâ accensione corripereetur; propterea non nisi ligneam rudiculâ vtendum præcipiunt. Sed cautionem hanc & timiditatem planè nimiam esse profitentur, quicumque ferro huiusmodi aurum in-

noxie, & quidem non raro, tractârunt: neque enim tam citò incalcescit ferrum leuissimo illo tritu. Quin etiam dubitari potest, an, vbi primùm calorem vtcunque senserit auri calx, illico fulminet; siquidem certum est post admotam candelam aliquantulum temporis expectandum esse, antequam tonet; ideoque incertum est, vtrùm id primis igniculis tribuendum sit, an potius certa eorum copia requiratur: id quod multo probabilius existimo. Verùm de hoc certius aliquid statui fortasse poterit, vbi innotuerit causa fulmineæ illius facultatis.

Maur. Si res sit exactè discutienda, non ita paucis expediri poterit, & præsens dissertatio in noctem vsque progredietur: Oporteret enim auri naturam, facultates salium, quibus aqua Regia constat, ipsumque Tartari salem expendere, vt demum probabilis aliquâ coniecturâ assequeremur causam, cui tribuendus sit effectus adeò mirabilis. Sed si vobis satis fuerit quæstionem hanc leui manu tractari, paucis exponam, quæ mihi probabilia videntur. Quoniam Salem Ammoniacum requirit Aqua Regia aurum dissoluens, qui sal in aquâ forti communi non reperitur, huic sali vim tonandi & fulminandi tribuendam censent non pauci. Verùm non vni tantùm auro præcipitato, sed etiam ferro in calcem ope Salis Tartari redactò vis eadem tonandi conuenit, nec tamen Sali Ammoniacò, qui aquam stygiam ferrum soluentem non ingreditur, adscribi potest. Ideò sunt, qui opinentur in causa esse sulphur, quo ferrum abundare nemo negat, & in auro pariter purissimum sulphur agnoscunt, atque id ex odore sulphureo, qui in horum metallorum tonitru percipitur, confirmatum volunt. Sed & his acquiescere non possum, quia licèt ferri natura tum aquâ forti, tum calore dissoluatur, eiusque sulphur accendi posse concedatur, auri tamen natura, quamuis in calcem redacti, non dissoluitur, neque virtute aquæ Regiæ, nam aurum præcipitatum demum purgatur à salibus, & suam formam recipit; neque vi caloris, nam factâ explosione ad partes inferiores, postquam detonuit, in subiecto vase, quod cadentes particulas recipit, Sales cinereus color indicat, auri particulas purpureus puluisculus, qui & colligi potest. Quare ad Tartari salem confugiendum videtur, siquidem aurum in aquâ Regiâ solutum si Mercurio, aut alia ratione præcipitetur, præterquam per Oleum Tartari, caret facultate fulmineâ: hæc autem quamuis à Tartaro communicata illi adimitur, si Spiritu Salis asper-

gatur; quæ enim cum Tartaro commista ebulliunt, & cum eo effervescunt, cum eodem coniungi appetunt; ideo Spiritus Salis Salem Tartari coagrans illum ab auro quodammodo abstrahit, efficitque, ne cum eo adeò tenaciter nectatur, ac proinde ne fulminet. Porro ita ex Sale Tartari res ista pendet, ut etiam reliqui sales aquæ Regiæ cum auro connexi aliquid præstent. Si enim absque auro temperari potest mixtura, quæ similiter tonet, non mirum, si etiam aurum similibus salibus coniunctum fulminet. *Salis Tartari partem unam*, inquit Glauber Furn. Philos. part. 2. pag. 56. *Sulphuris partem unam cum dimidiâ, Nitri partes tres misce, & contere. Hæc mixtura instar auri tonitruantis fulminat.* Hoc autem habet huiusmodi mixtura, ut non statim à calore accendatur, quamvis deinde validiore strepitu diffiliat. Et ibidem. *Sulphuris partem unam, Tartari crudi partes duas, Nitri partes quatuor contere, & destilla Philosophicè, & egredietur Spiritus mirabilis præstantissimus. Nemini author fuerim destillare illum per Retortam, quia illa mixtura ab infra calefacta instar pulveris tormentarij tonat, & percussis, supernè verò cum carbone vivo accensa non fulminat, sed celerrimè consumitur, inseruiens metallis fundendis & reducendis.* Simile quid habet part. 4. pag. 16. Cum itaque Tartari natura sit quodammodo lapidea, eius Sal vim habere videtur reliquos sales, quibuscum iungitur, arctè complectendi: ex quo fit, urgente calore, illorum arctam compagem dissolui non posse, nisi multà vi adhibitâ; ac proinde multo impetu diffilientes, & celerrimè aërem findentes, sonum edunt validissimum; sicut & aliquando vitra, si crepuerint. Facultatem autem ad amplissima spatia se explicandi, ubi satis incaluerit, potissimum convenire nitro, manifestum est omnibus, qui norunt pulveris pyrij differentias peti maximè ex Rationibus Nitri ad Sulphur & Carbonem, quorum semper mensura par est: crassiori enim pulveri pro maioribus tormentis muralibus tribuunt Nitri besses, reliquos triens ad Asses cedit Sulphuri & Carboni: perfectissimus pulvis (qui & cautè adhibendus, ne, si præter modum ingeratur, fistulæ diffiliant) dodrantem habet Nitri, quadrantem Sulphuris & Carbonis: & medio loco se habet, qui ex septem partibus quinque habet Nitri, unam Sulphuris, & reliquam Carbonis. Quare triplex constituitur Ratio Nitri ad duas reliquas species tanquam ad unum Consequentem Rationis terminum, prima est dupla, secunda dupla sesqui-

quialtera, tertia triplex; quò autem Maior est Ratio, eò validior est pulueris impetus, si cœtera fuerint paria. Porro, vt multiplici atque notissimo experimento didicimus, magni refert ad sonitûs vehementiam, quàm validè impediatur accenso pulueri exitus: propterea ferreas fistulas, quibus vulgus fecit nomen Mortariolis, puluere pyrio grauidas vt exquisitiùs obstruant ad festiuos bombos, ligneum cylindrum tudite per vim adigunt, & longè maiore strepitu accensus puluis tonat, altiusque excutit cylindrum, quàm si hic fistulæ osculo ingestus fuisset leui manu.

His, vt mihi quidem blandior, satis probabiliter constitutis, obseruo in aquâ Regiâ potissimam partem esse Nitri & Salis Ammoniaci, cui magna est cum Nitro affinitas; ideò his cum auro iunctis conuenit vis se ad ampliora spatia explicandi, si calore vrgeantur: id verò non adeò promptè & expedite perficere possunt sales illi, cum quasi compediti detineantur à Salibus Tartari; idcirco non sensim & particulatim erumpunt, sed aucto calore omnes simul turmatim magno impetu exiliunt, & ingentem fragorem excitant, perinde quasi, ac vitrei globuli prunis iniecti diffiliunt, aëre incluso rarefcente. Quapropter vim quidem valido impetu exiliendi tribuendam censeo Nitrosis salibus volatilibus, facultatem verò eos tantisper coërcendi, dum additis igniculis virium incrementa sumant, Salibus fixis Tartari adscribo. Cure enim *Aurum fulminans præcipitatum Spiritu vrinae*, vt docet Glauber cit. par. 2. pag. 132. *fortiùs fulminat, quàm præcipitatum cum Oleo Tartari?* nisi quia plurimum nitri vrina continet, vt omnibus notum est, adeoque nitrosis Aquæ Regiæ salibus alij pariter nitrosi additi vim augent, Spiritus autem ille etiam Tartareos sales complectitur, vtpote educus ex vrinâ hominis sani vinum bibentis, ac proinde facultatem obtinet præcipitandi aurum solutum, & sales cum illo coniunctos constipandi. Contra verò ex affusione Olei Tartari contingere potest, vt aurum solutum quauis præcipitetur, aut non acquirat vim fulminandi, aut illam amittat. Non acquirit vim fulminandi, nisi fortè exiguam, si Oleum Tartari confertim & præcipitanter magnâ copiâ simul affundatur: tam vehemens scilicet oritur ebullitio, atque salium conflictus, vt ab auri particulis abstrahantur sales nitrosi, & ad fundum decendant aliquæ auri particule pulueris purpurei speciem habentes, quæ nihil, aut parum Nitri ac Salis Ammoniaci retinentes, non
ad-

admodum fulmineæ esse possunt. Quod si stillatim infundatur Oleum Tartari, moderata sit efferuescentia, tantumque abest, ut ab auro sales abstrahat, ut potius inter præcipitandum eos. arctius colliget, adeoque vis fulminandi compleatur. At verò si præcipitato auro adhuc pergas Oleum Tartari infundere, atrumque colorem aqua concipiat, vis fulminea auro adimitur; quia Sales Tartari proportionem adeò excedunt Nitri particulas auro adherentes, ut hæ licet ab igniculis excitatæ non valeant vno impetu eluctari, & tonare.

Grad. Satis probabiliter exposita mihi videtur vis tonandi ex Nitrosis Salibus Sale Tartari coërcitis, & quasi in granula conglobatis, ita ut illi nequeant statim ex primo calore sensim se expedire à vinculis, sed retardati, post admissam aliquam igniculorum copiam aucti viribus, omnes simul erumpant, & excutiant nexus, quibus tenebantur permixti & connexi cum particulis auri. Sic in pyrobolis pyrius pulvis contritus particulatim accenditur, & licet scintillarum congeries vehementer sibilet, dum ex fistulâ erumpit, tunc solum demum tonat, ubi in extremâ parte fistulæ conclusa integra pulueris grana proserpens ignis corripuerit. Verum, si nitri vno impetu rarefcentis natura spectetur, quoquoersus se explicare deberet, neque solum descendere, & subiectam laminam perfodere.

Maur. Grauiſſimo & firmissimo argumento vulgi opinionem elidis, cui satis fuit admirari tonitruum & perforatæ subiectæ laminæ labem, ut solum motum deorsum adstruat. Coeterum, si quis tibi refragetur, manifesto experimento conuincas, si vnum aut alterum huiusmodi auri fulminantis granum cochleari impostum argenteo ducato nostrate obtegat, deinde candelæ flammam subijcias; videbit enim, quàm altè ducatum vis nitri exturbet. Non igitur deorsum tantummodo, ut rectè arguebas, sed etiam quoquo versus conatur: si enim subiecta lamina suâ crassitie & soliditate aliquantum obsistit, fieri certè non potest, quin dilatantis se Nitri impetus alias quoquè in partes, ubi minus resistentiæ inuenit, dirigatur. Illud quidem singulare hic accidit, quod impulsione deorsum conantis vestigium recipit lamina, cum perforetur, aut saltem pressa excauetur in foueam; haud secus ac ferreæ lorice ab exploso globo non traijciuntur, sed tantum comprimuntur temperatæ ad excipiendos innoxie scloporum etiam maiorum

iorum ictus. Neque enim, ut quidam magnificè iactant, hanc fulminandi vim, laminam quantumlibet crassam exigua auri calx perfodit, quamvis auri & Salis Tartari grauitas, connexi Nitri impetum dirigat deorsum; sed si lamina tenuis sit, & ex metallo non admodum tenero & flexili, perforatur, dum Sales & minimæ auri particule se insinuant per meatus eosdem, per quos igniculi penetrarunt, atque vrgendo, & abstrahendo, ac dissipando particulas laminæ, in quas incurrunt, foramen relinquunt. Quod si paulo crassior fuerit lamina, quàm pro Ratione virium ipsius aureæ calcis, cuius impetus in transitu proximarum partium elanguescat, non perforat laminam, sed pressu tantum sui vestigium imprimit, quemadmodum contingit, si non crassitudine resistat lamina, sed potius facili flexibilitate, sicut & explosi è bombardâ globi impetum retundit obiecta lana sacco inclusa, dum cedit percutienti. An verò ideò tam facilè metallicam laminam perfodiat aurea calx accensa, quia nitrum calore igneo sollicitatum se in gyrum ingenitâ facultate contorquet, auri autem coniuncti grauitas illud deorsum vrget, ac proinde quasi vim terebræ exerceat, nolo disputare, cum nihil certi habeam, quod proferam, & malo profiteri me nescire, quàm diuinare. Verùm, si placet, ne plura in hanc sententiam.

Grad. Placet sanè: sed ignosce, si molestus fui, & fortasse nimis curiosus: quamquam, ut aliquando dicebat Cicero, Curiosum est ea scire velle, quæ ad nos non pertinent: ad me autem omnino pertinet Naturæ opera inuestigare, atque Vobis ducibus scrutari.

DISSERTATIO DVODECIMA.

De Luce Ignis.

MAur. Quæ ad Ignis calorem potissimum spectant, hæcenus considerauiamus; Nunc ad alteram Ignis proprietatem maximè conspicuam, nempe ad Lucem, progrediendum videtur; si id quidem vobis arrideat. *Lucis natura*, ut loquitur S. Ambros. lib. 1. Hexaem. cap. 9. *huiusmodi est, ut non in numero, non in mensurâ, non in pondere, ut alia, sed omnis eius in aspectu gratia sit.* In eam verò mentis aciem defigere & obtutum, molestum fortasse non accidet.

Dand.

Dand. Mihi certè pergrata, perque iucunda erit hæc disputatio, ex qua discutiendas à meâ mente tenebras spero: quò enim promptius in corporis oculos incurrit lux, eò celerius à mentis acie se subducit lucis natura: Lucem quippe omnes intuemur; quid autem sit lux, breui & circumscriptâ quadam explicatione definire, adèò operosum est, vt neminem, qui satis mihi faciat, adhuc inuenerim.

Grad. Nisi id pro tuâ modestiâ dixeris, Dandule, pares æquè inter nos sumus. An ego nunc viuam, an fax accensa luceat, nullus dubito: sed si quis ex me quærat, quid demum sit viuere, quid lucere, rem hanc inuolutam aptis vocibus euoluere me posse diffido, ita vt neque absit quicquam, neque redundet. An quia *in luce vita ratio versatur*, vt verbis vtat Lactantij Firm. lib. 2. Diuin. Instit. cap. 10., idcirco vtrumque explicare æquè difficile est? Idem verò lib. 7. cap. 9. *Vt lux*, inquit, *esse sine igne non potest, sic vita sine luce. Ignis igitur elementum est lucis, ac vita*. Propterea suspicabar aliquando inter lucem, & vitam, analogiæ vestigium deprehendi posse, ex quo alterutrius naturam venarèmur, adèò vt ex manifestâ aliquâ Lucis facultate vitæ notio innotesceret, atque vicissim ex aliquâ vitæ proprietate lucis naturam assequeremur. Quemadmodum enim vis ipsa videndi, aut audiendi, vitalis quidem est, & vt Scholæ loquuntur, est Vita in Actu Primo, & in homine perseuerat, etiam si animus nullâ externâ visione, aut auditione pulsetur, quæ sunt Vita in Actu Secundo: ita pariter vis ipsa lucendi ingenita est atque insita igniculis, non se tamen prodit, nisi corporis compages accensione dissoluatur. Quod animalia, & plantæ (his vita communiter tribuitur) vitalem facultatem exercendo sibi comparant, id illis in ipso viuendi exordio Natura non debuit, neque enim stirpibus, cum primùm germinant, debita est aut trunci altitudo, aut ramorum explicatio, aut fructuum foecunditas, neque animali, dum adhuc in materno vterò concluditur, debite sunt notitiæ, quas postmodum per sensus acquirere. Sic quoquè igniculi, aut in silicis venis latitantes, aut ex mistis corporibus, sub Spirituum seu acrium liquorum specie, educti nullam vim pati censendi sunt, etiamsi minimè luceant: cum enim ad corporum coagmentationem primò & per se fuerint à Naturâ instituti, non est ijs debitus fulgor, quem solùm obtinent, cum excutiantur è Silice, aut ex pyrite, aut cum exardescit corpus,

pus, cui immiscentur. Fortasse etiam lux ipsa se vibrat, quemadmodum viuens ipsum se mouet. Verum analogiæ istæ parum mihi lucis afferunt, vt mihi lucis ipsius natura affulgeat, quam breuiter, & absolute, aptâ definitione exprimam.

Maur. Id equidem, vt cum Cicerone loquar, *in principio fieri in omnibus disputationibus oportere censeo, vt, quid sit illud, de quo disputetur, explanetur, ne vagari & errare cogatur oratio, si is, qui inter se dissenserint, non idem esse illud, de quo agitur, intelligant*: non tamen accuratâ illâ definitione opus est, quæ genere declaratur, & proprietate quadam, aut etiam communium frequentia, ex quibus, proprium quid sit, eluceat: id scilicet disputatione ipsâ sæpè inquiritur; frustra autem disputatio institueretur de eius rei naturâ, cuius propria vis & potestas fuisset iam dilucidè proposita, atque definitione explicata. Satis igitur fuerit, si, quænam verbo subiecta sit notio, inter disputantes conueniat: Nobis verò ne hoc quidem necessarium est; audito enim lucis vocabulo, idem omnes statim intelligimus; sed si quis verbum hoc alijs vocibus interpretari voluerit, an eadem notio in singulorum animis consignanda sit, subdubito. Quapropter sollicitos nos esse non oportet, neque angi, quàm exquisitâ definitione quid sit lux, in huius dissertationis principio exprimamus.

Dand. Haud dubium, quin lux præstantissima res sit, adeò vt à Philone lib. de mundo. Sapienter dictum censeatur, *ἐν τῷ σώματι τὸ ἡγεμονικώτατον ὄψις ἐστίν*, ἐν δὲ τῷ παντὶ ἡ τοῦ φωτὸς φύσις. *in corpore id, quod est longè omnium princeps, est aspectus, in vniuerso autem lucis natura*: Neque minor in cognoscendâ lucis naturâ suauitas & delectatio animum delinit, quàm sit in illâ aspi-ciendâ oculorum voluptas: ideò, quid illa sit, curiosè inquirimus. Aristoteles tamen ipse, vbi de videndi facultate differit, non videtur omnibus plenè satisfecisse lucem definiens respiciendo corpora, quæ perspicua dicuntur, *φῶς δὲ ἐστὶν ἡ τοῦ τοῦ ἐνέργεια τοῦ διαφανοῦς, ἢ διαφανέως*; ait lib. 2. de anima text. 69. Diaphanum verò dixerat illud, quod sub aspectum quidem cadit, non tamen secundum se, sed propter alienum colorem, *δι' ἀλλότριον χρῶμα*: vbi nescio, quàm aptè Interpretes nonnulli hunc *alienum colorem* intelligi voluerunt ipsum lumen, cum tamen ibi Aristoteles colorem à lumine distinguat: perinde enim esset, ac si Philosophus dixit-

dixisset, Diaphanum esse id, quod est aspectabile propter lumen, lumen verò, quod definit *Actum Diaphani*, quâ *Diaphanum est* esse id, per quod Diaphanum constituitur Diaphanum, hoc est, aspectabile propter lumen. Quæ definiendi ratio longè abest à Philosophi Sapientiâ. Sed Interpretes missos faciamus; & huic verbo, cum *Perspicuum* dicimus, hæc subiecta sit notio, *quod corporis diffusi aspectum non impedit, etiamsi inter illud & oculos interijciatur*; neque enim alia videtur esse Diaphani ratio, quâ Diaphanum est; cum videndi quippe facultate confertur id, quod apparet, & aspicitur; idcirco transparens & perspicuum illud est, trans quod, & per quod videri aliquid potest. Quare autem per aërem volantes auiculas, per aquam natantes pisces, per fenestrarum vitra, quid ab hominibus in proximâ plateâ agatur, prospicere valeamus; contra verò nos lateant & scena, quæ sipario obtenditur, & sub nauigij foris collocatæ merces, & captiui in fetreâ arcâ thesauri, vno verbo, quare hæc quidem corpora perspicua sint, illa autem opaca, non satis explicari posse existimo, nisi etiam, qua ratione lux propagetur innotescat. Illud ratum ac firmum sit, lucis rationem, quamuis per se aspectabilis sit, per se tamen & proximè ad videndi facultatem non referri, perspicuum vero, quâ perspicuum est, aspectui respondere: hinc de fonte Apollonio Claudianus cecinit

Densus nube sua, tactuque immitis, & haustu,
Sed vitreis idem lucidus vsque vadis.
Consuluit Natura sibi, nemersa lateret,
Admisitque oculos, quò vetat ire calor.

Maur. Ante omnia statuere oportet, vtrum Lux Natura quædam sit, an verò ijs, quæ naturæ alicui attribuuntur, & in Scholis Accidentia passim dicuntur, annumeranda sit. Et quidem primam illam lucem (de qua loquens S. Basiliius hom. 2. in Hexaëma ait *Prima Dei uox lucis naturam creauit*, paucisque interiectis addit, *Aër autem omni ex parte illustrabatur; immò uerò totam immixtam sibi per omnia lucem habebat*) corpus quoddam fuisse, quod & natura esset, & aëri commisceretur, splendorem vsquequaque emittens, plurimi Sacrorum librorum Interpretes opinantur, atque ipsa Diuini imperij formâ, *Fiat lux*, satis apertè indicat; nam, vt idem S. Basiliius loquitur, *imperium hoc, opus ipsum erat;*

erat; mox enim fiebat natura, qua vnâ nihil possit humana ratio-
cinatio comminisci, & excogitare, quo se oblectet suauius. Post-
quam verò facta lux tenebras, quæ super faciem abyssi erant, dis-
cussit, & à Diuino opifice laudata est, quod esset bona, diuisa est
à tenebris, ita vt lux dies appellaretur, tenebræ Nox, & ex vtri-
que Dies vnus componeretur, siue illâ luce suum splendorem dif-
fundente, seque rursum contrahente, idque pro mensurâ à Deo de-
finitâ, iuxta eiusdem S. Doctores sententiam, siue illâ in molem
vnâ compactâ, quæ terraquei globi partem alteram illustraret,
alteram tenebris obductam relinqueret, & certâ lege in gyrum acta
primo illo triduo, antè formatum Solem, eò rediens, vnde mo-
tum inchoauerat, diei mensuram constitueret. Qui profectò mo-
tus, siue circuitus fuerit, siue lucis porrectio & subinde contra-
ctio, multo probabilius tribuitur corpori per aërem diffuso, quàm
qualitati.

Dand. De primâ illius lucis naturâ corporeâ plurimorum est
opinio consentiens, quibus me fateor adharere: quin etiam non
me inconsultâ temeritate ductum putarem, si lucem illam Ignem
fuisse affirmarem; quandoquidem iisdem characteribus Aleph, Vau,
Resc, vnus puncti mediæ literæ Vau appositus aut impositus discrimi-
ne, exprimitur Vr, scilicet Ignis, & Or scilicet lux, vt quidam He-
braicæ linguæ periti notârunt; ideò fortasse vtrumque Diuinus
Scriptor significauit. Certè ad stipulator accederet S. Cæsarius S.
Gregorij Nazianzeni frater, qui dialogo 1. sic interrogantem in-
ducit, *Cupimus ex te discere de orsu Ignis: Nusquam enim in
Scripturâ leuimus, quod dixeris Deus, Fiat ignis: & respondet; Omniū
maximè efficax est natura ignis, uideturque consistere, & latitare in
creatione terræ. Quando lapidem percusseris, ex eo concipitur ignis;
& ferro colliso similiter effici solet. Sed & lignis collisis consimiliter
conspicitur, ut ostendit axis in curru ex pressurâ oneris ardens
per admissum ignem. Neque id tantum, sed & mole si circum-
agantur inanes, apparet ignis exiliens: ad quarum similitudi-
nem & nubium collisiones ventis impulsarum efficere fulgura con-
sueuerunt. Omnia enim igni mista sunt, ut inquit Petrus il-
le clauis regni cælorum gestans. Et post pauca iterum interro-
ganti, Vbinam dixeris Deus, Fiat ignis, respondet, Moses
scribit, & dixit Deus, Fiat lux, & facta est Lux;
videlicet Ignis natura. Non enim solummodo is ignis est,
qui*

ignis est, qui apud nos est, sed & superna illa potestates ignis esse uidentur, cognatae ei, qui apud nos est. Ex quibus uidetur uelut duplex Ignis genus agnoscere, alterum terræ, alterum syderibus cognatum.

Grad. Fauent hæc ijs, quæ de Ignis loco disputantes diximus; igni etenim terræ cognato grauitatem tribuebamus, quæ utique Salibus atque Sulphuribus conuenit; Spiritibus, siqui sunt cognati syderibus, leuitas concedi poterit; quandoquidem non ægrè patiar asserentem plurimas illius primæ lucis particulas fuisse terræ, aut etiam aquæ, immistas. Neque omnino præter rationem quis dixerit, quemadmodum tellus abyssu aquarum prius circumfusa ita deinde apparuit arida congregatis aquis in maria, ut tamen plurimum aquæ se in terræ viscera insinuauerit, eiusque particulas copulauerit, quare à S. Petro epist. 2. cap. 3. u. 5. dicitur *terra de aquâ, & per aquam consistens uerbo Dei*; Similiter quoque factum, ut quarto die potissima quidem lux coagmentata fuerit in Solem & in coetera sydera, quæ lumine non mutuato fulgent, quasi splendida quedam cœlorum maria, plurimæ tamen reliquæ fuerint lucis particulae per uniuersum hunc infimum orbem dispersitæ. Nihil verò solidi video, quod afferri possit ad adstruendam lucem illam primæuam prorsus homogeneam, adeo ut quæ aquam proximè lambebat, eiusdem planè naturæ esset cum eâ, quæ Cœlo finitima maximè distabat à terrâ. Quid enim incredibile aut absurdum, si sub eodem genere plures lucis species comprehendantur in primâ rerum molitione circa uniuersi centrum pro variâ earum naturâ collocatæ, atque distinctè & ordinatè dispositæ? instituta scilicet fuerat lux, ut partim conglobaretur in tot astra viribus & proprietatibus diuersa, siue illa sint certis infixis locis, siue non re, sed vocabulo errantia, ad temperandas in infimo hoc orbe eorum, quæ oriuntur & intereunt, vicissitudines; partim ut aspectabilibus corporibus immiscerentur, siue ad repercutiendos extrinsecus immisos alienæ lucis radios, siue ad ipsorum corporum concinnitatem & decus: adeoque lucis dignitati nihil officit multiplex natura dissimilis. Hinc si dissolutâ corporum aliquorum compage, insitæ lucis particulae in libertatem vindicatæ auolent, non continuò existimandum est eas usque ad sydeream regionem contendere, sed unaquæque à tellure certo sibi que debito intervallo disjuncta subsistet, nisi aut ab ascensu repella-

tur extraneo impulsu, aut obuij halitus captiuam detineant, sibi-
que iungant.

Dand. Cœcum planè esse oporteat, qui lucem aliquam in ter-
ris hospitari pernegauerit. Quamuis enim Aristoteles lib.2. de Ani-
ma tex.72. dixerit, *Non omnia autem uisibilia in lumine sunt,
sed solum uniuscuiusque proprius color: Quædam enim in lumine
quidem non uidentur, in tenebris autem faciunt sensum, ut quæ
igneæ uidentur & lucentia: Innominata autem sunt hæc uno no-
mine, ut fungus, cornu, capita piscium, & squammæ, & oculi:
sed nullius horum uidetur proprius color.* Negari tamen non potest
lucem esse eam, quæ in tenebris, hoc est, in loco nullâ aliâ lu-
ce perfuso, uidetur; esto, lux illa tenuis sit & imbecilla; lux
tamen est, quæ in oculos incurrit alienâ maiore luce non imbutos;
quanquam ad videndum proprium uniuscuiusque colorem opus
sit extrinsecâ luce huiusmodi corporum superficiem afficiente; ut
contingit lignis quernis putridis, quorum colorem noctu in tene-
bris non uidemus, sed solam lucem, contra verò in diurnâ luce
eorum colorem uidemus, non autem lucem. Si quis linteum cras-
siusculo filo contextum (sed spisso stamine) ad focum explicau-
erit, tum vehementiùs calefactum arètè complicauerit, etiam post
vnam aut alteram horam in obscuro conclauì si illud explicet, aut
confricet, scintillarum copiosam multitudinem emicare videbit.
Quo notissimo experimento excitatus ipse aliquando cubitum itu-
rus, post extinctam candelam detractò thorace, statim subuculæ
manicas vehementiùs manu perfricui, & modò quidem nullis, mo-
dò pauculis modò pluribus scintillulis micantes vidi. Si verò Seruius
Tullus adhuc puer (ut rem Historicorum celeberrimorum scriptis
testatam, verbis Dionysij Halicarnassæi lib.4. Antiq. Rom. exponam)
*cum aliquando, circa meridiem, in regio thalamo consedisset, somno-
que esset oppressus, flamma à capite ipsius emicuit: nec priùs co-
tum eius caput flammâ collucere desijt, quàm à matre accurren-
te excitaretur: quo factò, flamma simul cum somno dispersa eua-
nuit.* Et Religioso illi Carmelitani Ordinis, de quo Cardanus lib.
8: de rerum Variet. cap.43: scribit, per annos tredecim perpetuos
contigit, ut quoties capillitium: (alij legendum putant Capitium)
ad occiput reduceret, scintillæ ignis è capillis erumperent: Et
Heroinæ illius apud Scaligerum exerc.174: capillus, dum in me-
dijs tenebris pecteretur, ignem vomere videbatur: Et puellæ cu-
ius-

iustam è capite interpeſtendum ignis ſcintillulæ in gremium ca-
debant ; id quod & Chriſtiano V Daniæ Principi ſimiliter acci-
diſſe audiui. An non lux illa erat ? quanquam citrà ardorem , aut
corporis miſti ſolutionem , aut noui alicuius corporis procreatio-
nem. Latebat igitur ipſa eadem lux uſque eò , dum excuſſa erum-
peret . Quid autem huiuſmodi lux ex humano capite exiliens di-
ſtet ab eâ luce , quæ in piſcium capitibus , aut ſquammiſ , aut
in aliquorum animalium oculis conſpicua eſt , non video . Qua-
re nimis exiguè & exiliter ad calculos reuocâſſe vocabula vide-
tur Ariſtoteles , qui corporum noctu lucentium (vt quidam
ſaltem interpretantur) ſplendorem , luminis nomine frau-
dauit .

Grad. Habet Philoſophus aliquid excuſationis , fortasſe non
illius quidem omnino iuſtæ , ſed quæ ſaltem probari poſſe videatur .
Luminis uidelicet nomenclatione donandam ſolum lucem illam
exiſtimauit , quæ præter ſe alia quoquè corpora facit conſpi-
cua : in tenebris verò exigua illa lux vix ipſa ſe conſpiciendam
exhibet .

Maur. Mitem , atque Philoſopho beneuolum interpretem te
præbeſ , Gradonice , vt ſemper ſoles ; neque diſſentio ; uſus enim
videtur Philoſophus oratione ad vulgarem popularemque ſenſum
accommodatâ , vbi de vocabulo agebatur . Coeterum licèt vnici
piſciculus exiguâ luce niteat , plures tamen ſi in vnum coëant , ſa-
tis notabiliter fulgent . Haleceſ maiores , quos communiter Ha-
ringas dicimus , turmatim incedunt tam denſo agmine , vt ſæpè
piſcatoribus in trahendis retibus , quin illa ſcindantur , non pa-
rum faceſſant negotij : agmina verò ipſa tam ampla ſunt , vt ali-
quando decem aut duodecim Leucas Gallicas (quemadmodum
ſcribit Fournier lib. 4. Hydrogr. cap. 30.) longitudo , duas aut tres
latitudo occupet : hinc mare multâ luce perſuſum noctu apparet ;
immò & ipſum nocturnum aërem loco illi imminentem ſplendeſce-
re , & à procul poſitis videri fulgorem , non pauci teſtantur . Pi-
ſcem , cui nomen à Lucernâ inditum eſt , commemorat Plinius
lib. 9. cap. 27. , qui *linguâ igneâ per os exertâ tranquillis noctibus
reluceſ* : ſi plures in vnum conuenirent , non mediocriter luce-
rent . Neque me difficilem præbeam ad credendum , ipſe enim ,
cum ad vitandum diurnum æſtum noctuabundus iter haberem , ali-
quando tantam offendi Nitedularum volantium copiam , vt illis per

interualla micantibus, viam, qua equus, quo vehebar, gradiebatur, omnino viderem.

Grad. Profectò, vt ais, populariter locutus est Aristoteles, siquidem vulgus lucem absolutè vocat eam, qua communiter reliqua dicuntur esse non in tenebris, sed in lumine, ac fieri omnibus conspicua. Omnibus, inquàm, quia non potuit ignorare Philosophus felium oculos ita lucidos esse, vt non solùm ipsi conspici fiant, verùm etiam non admodum remotis corporibus lucem aliquam inspergant, quæ tanta sit, quantâ opus habent feles, vt vel intempestâ nocte persequi valeant fugientem murem, aut sibi furtiuos cibos quærere: illa tamen lucula, quæ felibus satis est, vt ijs illustrata appareant corpora, non omnibus sufficit ad illa eadem videnda: id quod de muribus, cœterisque noctiuagis animantibus dicendum est; licèt enim ad inquirendos cibos fortasse solo odoratu duci possint, quemadmodum & canes venatici peruestigant feram, quam nondum oculis perspexerunt, in fugâ tamen ab hoste persequente, nisi viderent, quo se reciperent, non satis eorum incolumitati Natura consulisset. Cum verò in medijs felium oculis lucentibus nigra macula obseruetur, argumentum est atque indicium, non ex interioribus oculi partibus post vueam tunicam positam erumpere lucem; alioquin illa ex medio oculo per pupillam, hoc est, per vueæ tunicæ foramen, exiliret; ideò lux ipsa tunicæ vueæ tribuenda est: Nam si humori aqueo, aut corneæ tunicæ luminis origo adscriberetur, non esset, cur nigra macula in mediâ luce appareret, cum humor aqueus & Cornea etiam pupillæ obtendatur. Id autem ad perficiendam visionem maximè necessarium fuit; quò enim imbecilliore lumine perfunditur corpus, quod aspiciendum est, eò magis obscuram esse oportet postremam oculi partem, scilicet Retinam, vt in eâ obiecti corporis imago percipiatur, quæ nullum efficeret sensum, si maiori aut æquali luce afficeretur Retina: afficeretur autem, si post vueam tunicam lux illa resideret. Neque aliter philosophandum existimo de Asclepiodoro Philosopho, qui, teste Photio in Bibliotheca, in densis tenebris & literas legebat, & adstantes dignoscebat; atque de Tiberio, quem noctu cuncta vidisse scribit Suetonius cap. 68., & Plinius lib. 11. cap. 37. Non enim lux illa intimam oculi partem affecisse censenda est, sed vel ex vueâ tunicâ, vel ex anteriori oculi parte erumpebat.

Maur. Tuę huic sententię fidem, & auctoritatem, & firmamentum adiungere potest exemplum eruditi cuiusdam viri, qui cum animum studendo fessum recreare vellet fidibus ludendo, dum chelyseruum vnum intenderet, ille disruptus dextrum oculum affixit, atque ictu acrem dolorem inussit, adeo vt inflammationi obuiam eundum fuerit adhibitis remedijs ophthalmicis. Cum autem nocte euigilans à somno cuncta, quę in cubiculo erant, clarę videret, si oculum læsum apertum teneret, hoc autem clauso, altero licet aperto, nihil prorsus videret, manifestò apparuit lucem illam oriri ex confluentibus ad membrum læsum multā copiā Spiritibus: Nam ad aliquot dies tantum permansit hoc symptoma, deinde sensim euauit, prout conualescebat.

Grad. Si adfuisssem, hominis illius oculos in tenebris curiosè considerāsssem, an mihi lucerent, sicut felium oculos lucentes deprehendimus; interrogāsssem, an ille scintillas videret, quemadmodum aliquibus valde ruffientibus, aut multo conatu vomentibus contingit; de quibus loquitur Alexander Aphrodisæus sect. 5. Probl. 53., qui & sect. 4. Probl. 59. quærit, Cur alapis cæsi ignem intueantur?

Dand. Huiusmodi Lucem Spiritibus quidem faciliē concedo; Sed & illam Salibus quoque aliquando tribuendā censéo. Nam si in tenebris cultro seces cucurbitam multo saccharo conditam, & duriorē crustā obductam, micare videbis scintillulas, id quod cum primū ex insperato adhuc iunior viderem, planē obstupui. Neque id mirum, nam & ipsa aqua marina noctu remis verberata, saltem aliquando, scintillas emittit, vt à fide dignis accepi, qui in triremibus nauigāunt. Et Guilielm. Piso de Medic. Brasil. lib. 1. pag. 3. de Mari Brasiliensis plagā disserens ait, *Æquor Brasiliense rarissimis procellis infestatur, & vt plurimum tranquilum est. Cui temeritas Barbarorum se fidens, gemino ligno suberoso insidentes securē piscaturam exercent aliquot leucas à litore remoti. Cærulea & subnigra est exterior eius facies, interior viridis: agitata noctu ignescit, fortiusque lumen emittit, tum falsus quoque deprehenditur, quā versùs Polos, adeoque pellucidum, & pisces cetera viginti vlnarum profunditatem aureo colore micantes ex albis puppibus commodè conspiciantur meridiano tempore Sole splendente.* Vbi ob-

feruo plurimum salis, & multam lucem in aquâ eâdem co-
iungi. Neque leue huius rei argumentum desumi posse videtur
ex lignis quernis putridis noctu lucentibus; ligna enim querna gra-
uitate præstant, non tantum ob admistam terræ copiam, verum
etiam ex sale, quo abundant, vt indicat acidus liquor, qui ex ijs,
sicut & ex guaiaco, alijsque lignis ponderosis, extillatur; acidus
quippe sapor ex salis confluentis exaltatione ortum ducit. At li-
gna leuiora, vt populea, quæ sale non abundant, etiam si pu-
trescant, noctu non lucent. Familiarem autem quercui esse sa-
lem, ex nostro hoc Veneto nauali discere possumus, in quo infrâ
aquam salinam demersa aliquot annos iacent ligna querna ad fabri-
candas naues maiores & triremes parata, vt solidiora fiant, nec
adeo facili corruptioni obnoxia. Nec ineptè quis hîc addat, vbi
de lucis ac Salis communionem in ligno querno sermo est, inter mi-
tiora medicamenta pituitam tenuem & aquosam, non verò visci-
dam, purgantia enumerari Agaricum, ventriculo quidem non adeo
commodum (ideò aliquo additamento corrigendum) sed in pri-
mis cerebri atque pulmonum excrementa educentem & obstructa
viscera aperientem: id quod fit Agarici sale dissoluto ab aqueo
humore, quem propterea secum educit, motum illi tribuens.
Noctu autem Agaricus lucent. De hoc ait Plinius lib. 16. cap. 8.
*Galliarum glandifera maximè arbores Agaricum ferunt. Est au-
tem fungus candidus, odoratus, antidotis efficax, in summis ar-
boribus nascens, nocte relucens. Signum hoc eius, quo in tenebris de-
cerpitur.* Porro inter Salem & Lucem intercedere, siue cognatio-
nem, siue affinitatem, siue amicitiam, documento est Phospho-
rus ex lapide Bononiensi: licet enim optimæ notæ lapides seligan-
tur, splendidi, Diaphani, nullis sordibus inquinati, ponderosi,
scissiles in bracteas, aut, cum franguntur, dissilientes in paruulos
cubos chrySTALLINOS; quantumvis meridiano Soli exponantur, nun-
quam tamen lucem combibunt, quam in tenebris ostentent, nisi
prius ope ignis in calcem excoquantur, atque Salinæ particulae à
crasso sulphure (quo ipsos lapides abundare indicat foetor, dum
ignescunt) aliquâ saltem ratione liberentur. Immo verò neque
satis est ad concipiendam lucem integros lapides fornaci com-
mittere, diuque ac multum excoquere, sed, vt ignis omnes
minimas particulas exagitet, ad absumendum sulphur, opus est
illos in tenuissimum pollinem comminutos aut validissimo igne in

Crucibulo calcinare, aut (quod alijs magis placet) simplici aquâ pollini ab omnibus sordibus eluto modicè affusâ in trochiscos seu placentulas efformatos, superque chartam bibulam exsiccatos, infumulum sub dio, tempestate serenâ, immittere cum carbonibus, facto, vt Chymici loquuntur, strato super stratum. Furnulo autem suâ sponte refrigerato, demum eximuntur placentulæ & siquæ lucem concipere deprehenduntur, seruantur ad vsum, reliquæ iterum ac tertio igni magis excoquendæ traduntur, vt reliquum sulphur, quoad eius fieri poterit, absumatur. Remanet igitur Sal acerrimus & mordax, nam post calcinationem lapidis, illius puluis linguam acriter vellicat, vi causticâ pollet, & ex eo Psilothra faciliè parantur. Cum hoc sale demum lux societatem faciliè init, eâque imbutus in loco obscuro lucet.

Grad. Lapis iste Bononiensis ex Sole, cui exponitur, lucem concipiens, in memoriam mihi reuocat Nyctegretum plantam, quæ post Æquinoctium Vernum eruitur radicitus, & triginta diebus ad Lunæ lumen siccata instar faculæ noctibus splendescit, vt scribit Plinius lib. 24. cap. 11. Dum enim plantæ illius Sal ab humore aqueo & phlegmatico liberatur (exsiccatur enim) tanta fieri potest particularum solutio, vt illi lunare lumen iungatur; nisi potius placuerit dicere plantam illam putrescentem lucere, sicut lignum quernum.

Maur. Addam & ego, ex Ludouico Romano, in Insulâ Zeilan arborem crescere robusto trunco, proceritate mediocri, minuto ac crispo folio, colore corticis cinereo, quæ noctu fulgores igneos ita vibrat, vt obscurissimam etiam noctem rutilo splendore vincat. Sicut Lapis Bononiensis lucem concipit, ita arbor hæc diurno lumine imbuta potest illud ita seruare, vt noctu luceat. Id quod fortasse contingit Æthiopum campis iuxta Hesperium montem, qui, vt Plinius ait lib. 2. cap. 106. *Stellarum modo, noctu nitent*. Quod verò aliqui magis mirari videntur, scilicet in densissimis tenebris lucere, hoc est, quod minus habet admirabilitatis: minima quippe lux in summis tenebris conspicua est, mediocris euanescit, quando à maiore luce obruitur.

Dand. Indubium reuocaret fortasse aliquis, an in Æthiopum Campis, quos commemorat Plinius stellarum modo noctu nitentes, glebæ ipsæ luceant: quis enim nouit, an non vermes sint in

agris illis degentes? Apud Atlantem Sinicum in XIII Prouinciâ Quangsi pag. 146. *Ho mons, siue igneus, ita dictus, quod singulis noctibus quædam in eo appareant lumina, veluti candela accensa forent: putant Sina esse animalcula, quæ carbunculos vocamus, seu cicindelas, eaque ex flumine in montem exire, ibique collucere.* Et in VIII Prouincia Kiangsi pag. 92. *Tiencho mons ad urbis (Cancheu) Orientalem partem est, in quo noctu lux veluti accensorum carbonum apparet. Quidam serpentes esse putant, aut araneos, quos fabulantur pretiosos quosdam, quos capite gestent, euomere lapillos, eosque denuo sorbere. Quæ fabula euomendi lapillos, ac resorbendi, indicat lucem illam per interualla apparere, vt nos quoquæ in cicindelis obseruamus: ideo probabilius lux illa animalibus tribuitur, quàm lapillis. Esto lapillis aliquibus lucem à Naturâ datam non pauci existiment; Sic in VI Prouincia Suchuen pag. 67. *Chu flumen Cu ciuitatem præterlabitur, unio- num uulgo dicitur, quia noctu in eo lumina micantia collucet, quæ putant illi carbunculos esse, seu lapides illos pretiosos, quos Sina Teming uocant, hoc est noctilucos.* Carbunculos enim noctu lucere omnes scribunt, siue fuerint Lychnites, quoniam more flammæ lucernæ splendeant, siue Anthracites, in quibus veluti scintillæ ignis discurrere videantur, siue perfectum ruborem obtineant, ex quo illis Rubinis factum est nomen, & in tenebris radiantes dicuntur; quos tamen vix reperiri, omnes nouimus. Fidem quidem non abrogo M. Paulo Veneto admirabilem Rubini apud Regem Orientalis Insulæ Zeilan asseruati magnitudinem commemoranti; quippe qui longitudine palmum æquaret, crassitie humanum brachium, coruscatione verò igneam flammam superaret: Mihi tamen vitio non vertatur, si dubius hæream: vix enim adduci possum, vt mihi persuadeam tantam fuisse lapidis pretiosissimi à Naturâ efformati magnitudinem, tamque claram lucem, vt ignis flammæ fulgorem vinceret. Nisi fortè fuerit lapis ille ita ex arte effectus, vt Rubinum colore mentiretur, & de Phosphorum genere, lucem in tenebris ostentaret, eaque ratione Barbari exteris hominibus imponerent.*

Grad. Aliquando me curiositas vellicabat, vt experiret, an vera sint, quæ Alexius scribit, ad alliciendos in rete pisces oblato lumine. Mugiles seu Capitones, quos Céphalos vulgariter dicimus, à lumine allici, res est hic Venetijs in æstuario notissima: de reliquis pisci-

piscibus, ignoro, quid affirmandum sit. Iubet igitur ille cicinde-
las noctu lucentes in cucurbitâ vitreâ lento igne destillari, donec
aqua omnis exierit, tum aquam illam infundi in vitream phialam
cum argenti viui vncijs quatuor: Si enim phiala accurratè clauda-
tur, ne fluminis aquam excipiat, & diligenter (ne frangatur) in re-
te aliquo collocetur, spondet futurum, vt in aquis demersâ phiala
tam blandè luceat, vt pisces. eò confertim accurrant lumine al-
lecti: Sed quia scribenti fidem non adhibebam, nunquam peri-
culum feci, an admittendum esset hoc Phosphori genus aquis tan-
tummodo familiare.

Maur. Suboscure aliquid inaudij de nouis quibusdam Phospho-
ris, quos ars inuenit, & magnâ celebritate famæ in Germaniâ
innotuisse narratum est: Sed præter vocabula nihil intellexi, quod
rem ipsam notam faceret. Quid si, vt suspicaris, Dandule, ali-
quid eiusmodi ars excogitasset, quod Rubino tribueretur? Lapi-
dem Bononiensem, de quo paulò ante differebas, notum habemus,
quem in calcem excoctum, ac deinde varias in figuras con-
formatum, ex Solijs radijs lucem combibere, quam in obscuro
conclauemittat, familiaris experientia docet: an autem, vir-
tutem hanc concipiendi ex Sole Lucem vix vltra annum ab eo ser-
uari, vt quidam testantur, cum veritate cohereat, non ausim af-
firmare (iudicare enim difficile est nisi expertum) quamuis veri ali-
quam similitudinem habeat; nam & calx vulgaris, temporis diu-
turnitate, effoeta euadit. Ab hoc Bononienfi Phosphoro narrant
differre alium, quem Magnetem Luminosum, siue Phosphorum
Hermeticum vocant; hunc ex aëre illuminato, Sole supra Hori-
zontem existente, melius quàm ex ipsis Solis radijs, Lucem mu-
tuari asserunt: Sed ab his discrepare dicitur Phosphorus; qui à
Smaragdo nomen inuenit; non enim aut Solis radio, aut aëri il-
luminato splendorem suum acceptum refert, sed igni; quia si
argentæ, aut cupræ laminæ, huius Phosphori particula impo-
natur, eique ardentes carbones subijciantur, splendor ex cæru-
leo albicans apparet. Nouissima inuenta duo celebrantur: pri-
mum est Phosphorus Fulgurans, quia in obscuro conclaui instar
Lampyridis æstiuis noctibus per aërem volantis splendorem eiaculari
dicitur: Alterum est liquor quidam in vitreo vasculo clausus,
duplici parte constans; altera quidem crassior, & opaca, colore
imitata sulphur impurum, subsidit; altera verò clara, & tenuior,
colo-

colore referens citrei mali corticem, supernatat. Quandiu vitrum clausum manet, & liquor in eo quiescit, nullus est splendor; at si in obscuro loco vel leuiter moueatur vitrum ita, vt crassior pars liquoris cum tenuiori misceatur, illico flamma per vitrum circumacta peruagatur; breui tamen iterum extinguitur. At si commotum vitrum, detracto operculo, aperiatur, densus fumus, ad Allij odorem accedens, erumpit, adeò vt, si quis in commouendo vitro perseueraret, vniuersus liquor esset in fumum abiturus. Chartam hoc liquore illitam in tenebris elegantissimè splendere narrant quasi ab igne accensam, non tamen concipere flammam ab ardente candelâ, si illi admoueatur. Eiusdem liquoris guttula manui instillata, & leui affricu dilatata, soluitur in cæruleam flammam, quasi Spiritus vini accensus, quæ vsque eò durat, dum fuerit liquor penitus absumptus. Quia verò hoc liquore illita ardent innoxia flammâ, liquor hic Ignis Frigidi vocabulum apud aliquos inuenit. Quanam arte parentur huiusmodi Phosphori, si nobis innotesceret, non leuem lucem nostræ huic disputationi afferrent, sed nos interim meris vocabulis contentos esse oportet; quamquam hunc postremum liquorem ex salibus volatilibus potissimum constare indicent ea, quæ de illo narrantur. Certè laude maximâ digni sunt tam ingeniosi atque industrii artifices, quorum studio Physica scientia miram in modum promouetur.

Grad. Ex his, quæ hætenus disseruimus, illud confici posse videtur, quod lux in eo corpore, quod lucidum dicitur, Natura quædam sit, & substantia, atque particula primææ illius lucis ab initio conditæ, quæ licet non semper se prodât, vim tamen habeat suos radios proferendi, vbi se à cæteris particulis explicet, quibus commiscetur, aut alia submoueantur impedimenta. Quare fortasse redarguendi non sunt, qui lucem à lumine distinguendam esse opinantur, adeò vt illa sit principium & radix illustrationis atque splendoris, hoc autem sit ipse fulgor & illustratio: de quo videtur præcipua esse difficultas in explicando, qua ratione se lux ipsa propaget illustrando corpora à se disiuncta, aut incurrendo in oculos. Neque enim facile assensum præberem asserentibus, nusquam alibi lumen esse, quàm in ipsomet videntis oculo, sicut dolor non est in gladio, sed in parte animalis, quæ vulneratur. Siquidem quemadmodum est gladius, est gladij motus, est ex illo

in membrum impacto continui diuifio, & hinc dolor; ita ^{est} lux ipsa, est fulgor, est huius incurfus in oculum, est afpectus; hic autem est in oculo, vt dolor in parte vulneratâ; at fulgor & gladij motus comparandi funt inuicem: alioquin, fi lumen nufquam est nifi in oculo, neque fonus erit nifi in aure; aut certè communes rerum notiones peruertere opus erit.

Maur. Ipfum fulgorem feu illuftrationem finè motu non perfici, didici ex Ariftotele; & quidem alicuius naturæ fuam molem habentis motum hunc effe conftat. Quærit enim Philofophus Probl. feft. 11. quæft. 61. *Cur afpectus corpora penetrare folida non potef, vox autem potef?* Et quæftionis folutioni iactò fundamento, *quod afpiciendi delatio fimplex eft, quæ per directum profluere folet, vox autem motu multiplici ferri potef*, omnem demum caufam refert in meatuum difpofitionem, qui nifi fuerint directo ordine collocati, afpectum impediunt, cum folùm ea, quæ funt è regione pofita, cernere valcamus: *at vox, quoniam quogud verfus profertur, omnia proreptat, penetrat, translapsa audiri undique potef*. Porro in meatibus ipsis obferuat Ariftoteles non eorum amplitudinem, fed difpofitionem attendendam effe, *nec quicquam iuuat amplos effe meatus, nifi rectè ad lineam pofiti fine*, vt perfpici poffint obiefta corpora; nam per vitrum, quod denfiffimum eft, tranfpicere licet, non autem per ferulam, quæ rara, folutaque eft; *in altero enim meatus respondent inter fe, in alterâ variant*. Hinc aqua, fimilesque humores perfpici funt, *quoniam humoris meatus parui, denfi, continuatique funt, vt minimè afpectus impediatur, quominus tramite directo ingredi poffit*: fit autem aqua tenebrofa in nubibus aëris, vt Pfalmographi vocibus vtar, quia humoris in vaporem foluti, atque attenuati, particulæ ita funt diffipatæ, vt meatus in directum non fint pofiti, neque continuati, cum fint plures fuperficies; idèd Sol, cui nubes obtenditur, videri nequit. Neque nobis quicquam fcrupuli inijciant Ariftotelis verba, quæ afpectui potiùs, quàm radijs ab obiefto corpore emiffis, motum tribuere videntur, ac vim penetrandi; cum enim de hoc ibi non effet quæftio, fatis habuit illud explicare, de quo quærebatur; perinde quippe erat, fiue radij ab oculo, fiue ab obiefto corpore emiffi, ingredi deberent. Ceterùm comparans cum fono radios opticos, fatis oftendit, quænam fuerit eius fententia. Reddens autem rationem, cur in aquâ vox minimè exaudiatur, meatuum anguftias affert;

affert; vox autem, inquit, minimè in aquâ sentiri potest, quoniam minus aqua inanit, hoc est minores & tenuiores habet inanitates, seu poros, quàm ut aërem capere, vocemque transmittere possit, vox enim aër quidam est. Haud enim omne rarius permeari se patitur, nisi etiam meatus ei respondeant, quod permeare conetur, & congruant. Similiter Probl. sect. 25. quæst. 9. quærens, Cur aër, qui luce crassior est, solida valeat permeare, lux ipsa non valeat? respondet, quia lux per directum tantum modo fertur; ob eamque rem oculus, qui transpicere per rara non potest, ut per pumicem, quia meatus enariant, per vitrum facile potest, quia meatus positi è directo sunt. At aër impedimento nullo arcetur, quoniam, quâ transfit, tendere è directo non solear. His addere possumus ex sect. 23. quæstionem 15. Cur mare perspectius & dilucidius est, quàm aqua potu idonea, cum crassius sit? dulcis enim salsa tenuior est. Cui quæstioni satisfactorius ait, tenuitas causa non est, cur mare dilucidius sit, sed directi meatus id faciunt, quos tum plurimos, tum amplissimos continet: ergo illa potu idonea spissa ex tenuitate suarum partium est, salsa amplioribus interstitiis inanit. An proposita quæstioni satisfaciât Philosophus, non disputo; eatenus tantum eius verba attuli, ut intelligamus in aquâ meatus ab ipso admitti. Cum itaque adeò sibi constans fuerit Aristoteles in corporum perspicuitate explicandâ per meatus secundum rectam lineam positos, ex quo & illud consequens est, quod lux sit natura quædam per huiusmodi meatus transiens, audiendi non sunt, qui, ut Philosophi auctoritatem declinent, ubi cum eorum placitis non consentiat, illico ipsum cum Veteribus, non ex propriâ sententiâ, locutum pronunciant: hæc quippe, nisi me ipse fallo, cum reliquis eiusdem dogmatis non pugnant: esto, aliquibus, qui se Aristotelis assecclas profitentur, non arrideant. Quæ enim ratione fieri possit, ut in Qualitatum Categoriâ referatur lux, quamvis ipsa sit natura quædam, satis constat ex ijs, quæ à nobis aliâs disputata sunt, cum de Calore ageremus; nec opus est cramben recoquere.

Grad. Si hæc quidem à formâ veritatis non absunt, lucem describi, atque motu propagari necesse est. Quamvis autem hunc velocissimum esse admittamus, & Lucretium lib. 4. 260. canentem audiamus,

Præterea si quæ penitus corpuscula rerum
Ex alto in terras mittuntur, Solis uti lux,

Aut vapor, hæc puncto cernuntur, lapsa diei

Per totum Cœli spatium diffundere sese. &c.

Id quod confirmaturus ait, Hoc etiam inprimis specimen verum esse videtur,

Quàm celeri motu rerum simulacra ferantur;

Quod simul ac primum sub diuo splendor aquai

Ponitur, extemplo, cœlo stellante, serena

Sydera respondent in aquâ stellantia mundi.

Iam ne vides igitur, quàm puncto tempore imago

Ætheris ex oris ad terrarum accadat oras?

Quamuis, inquam, maximam luci celeritatem tribuamus, fieri tamen non potest, quin aliquâ temporis diuidui mensurâ motus huiusmodi definiatur. Hinc dubitandi ansam arripiunt non pauci, an Meridianum circulum iam prætergressa sit stella, quo momento, nobis videtur circuli illius orbitam attingere? cum enim sydera motu perpetuo, nec interrupto ciantur, eoque, supra quàm intelligentiâ comprehendi valeat, velocissimo, cum primum radius ex Meridiano emissus in oculos aspicientis incurrit, iam stella suo motu indè discessit; adeoque nunquam esset, vbi appareret iuxta radij immissi directionem: quemadmodum ferè Sol, cum iam occiderit, adhuc supra Horizontem apparet, ob radios refractos ab humidâ Atmosphæra, quorum directio speciem Solis in oculo efficit.

Dand. Audiui & ego non semel hæc eadem obijcientes; sed mihi visa sunt leuioris momenti, quod quidem pertinet ad sydera; hæc scilicet perpetuâ luce fulgent, nec minùs secum deferre suos radios censenda videbantur, ac magnes suas magneticas expirationes, aut potius, vt crassius loquar, histrix sua spicula. Nam si tellus aliò abstraheretur, nonne facile concederemus cum eâ pariter Atmosphæram transferri? Quidni igitur similiter sydus suos secum radios deferat? qui quemadmodum ad tellurem pertingebant, antequam sydus oriretur, aut in illud oculi acies dirigetur, ita nullo alio motu præter stellæ motum indigent, vt ab eâ manantes ad oculum veniant, aut supra Horizontem appareant. Hinc Lucretiani argumenti infirmitas deprehenditur; qui enim radius terram at tingens non reflectebatur ad oculum, vt in illo syderis imago efformaretur, appposito vase aquâ pleno humor radium reflectit, quin tunc primum ex ipso summo æthere idem radius descendat. Quod verò de stellis dici potest, non alienum est à reliquis corporibus, quorum splendor dudum lucet: dubitari,

vt summum, posset de luce, cum primùm emicat, vt cùm scintillæ ex silice excutiantur, aut lignum inflammatur, aut potius cùm bombardâ procul posita exploditur, seu fulgur in nube accenditur, an sit mora aliqua notabilis, antequam ab igne lux ad intuentium oculos perueniat. Verùm siue quis asserat, siue quis neget, neuter solido argumento, vt equidem arbitror, persuadere poterit.

Grad. Nihil hac in quæstione statui posse videtur, nisi inter disputantes conueniat, qua ratione contingat, corpus lucidum procul positum ita suos radios euibrare, vt oculum seriant. Non rarò siquidem accidit, vt viatori intempestâ nocte per auia & deuia erranti lucernæ fulgor ex rusticanâ casâ appareat, ad quam iter dirigens non nisi post aliquarum horarum viam perueniat. Ex tenui illâ lucernæ flammulâ tantam splendorum particularum vim effluere, quibus vniuersa sphaera (ex quocunque scilicet eius interualli puncto in orbem videri potest lux obiecta) compleatur, quamuis à centro ad orbitam plura milliaria numerentur, asserere non audem, quia quasi quiddam incredibile à me dici putarem, meque dicentem (vobis quidem pro vestrà humanitate conuiuentibus) fortasse non pauci sibilis exciperent. Quamuis enim manantem ex rosâ odorem in minutissimas particulas diuidi, atque per vniuersum conclaue ita dispergi concedam, vt eo alij recreentur, alij molestiâ afficiantur; non eandem tamen esse lucis rationem intelligo, quæ à vento non dissipatur, aut aliò defertur, quemadmodum odor; dissiparetur autem lux & transferretur, si quid esset aëri immistum; vt scintillis & flammæ accidit. Similiter aliam esse video caloris ex prunarum aceruo erumpentis, atque lucis ex eodem prodeuntis naturam; nam si vel tenui cineris integumento obducantur prunæ, nulla lux apparet, calor tamen percipitur; contra verò per interiectum vitrum crassiusculum, aut per aquam puram vitreo vasi inclusam, illico lux videtur, at non item traiecitur calor. Quapropter si lux, quâ lux est, propagaretur expirationibus à lucido corpore prodeuntibus, hæ multo facilius per ampliores, quàm per tenuiores interiecti corporis meatus procederent; adeoque lux permeans vitream laminam, utique præ cineribus ætiori particularum compactione densam, etiam per cineres erumperet, seque videndam præberet, sicuti calidi igniculi facilius permeant corpus rarum quàm densum: neque enim rara &

per-

perspicuâ, aut densa & opaca, reciprocantur, ita vt quæcunque perspicua sint pariter rara, & opacitas cum densitate perpetuò coniungatur: raritas siquidem ex meatuum amplitudine, perspicuitas ex directâ eorundem meatuum positione modum accipere videtur. Me igitur non improbabili coniecturâ duci existimo ad opinandum procul positam lucernæ flammulam videri, quin particulæ vllæ indè abstractæ ad aspicientis oculum veniant. Id quod de lignis putridis noctu lucentibus potissimum dixerim; neque enim mihi persuadeo tantam igniculorum lucidorum copiam à ligno putrido emitti continenter posse. Scio à plerisque, qui se Peripateticorum sectam atque institutionem prosequi profitentur, excogitatas esse Opticas Species quasdam, quas Intentionales vocant, ex genere Qualitatum, quarum nulla prorsus sit natura, cum inter mera Accidentia recenscantur: Sed si rem demum physicè explicare aggrediantur, in eas delabuntur difficultates, quibus non se admodum feliciter expediant, vt sibi cœterisque plenè satisfaciant, atque nec experimentis, nec Aristoteli refragentur. Quæ enim ex Aristotele corporum perspicuitatem constituyente in directâ meatuum positione nuper afferebas, Maurocene, quæ de radijs reflexis Catoptrica, quæ de refractis Dioptrica, disputat, cum huiusmodi speciebus, quæ sint mera Accidentia, nec de corpore in corpus migrantia, ægrè cohærent, neque per has illa satis dilucidè exponuntur. Idcirco (fortasse non temerè) ducebar aliquando ad suspicandum quandam esse luci cum sono similitudinem, adeò vt, quemadmodum collisa corpora interiectum aërem conerunt, & ex eius motu subinde consequens aër crispatur, donec aurem verberans in eâ efficiat sensum, ita pariter lux ipsa lucido corpori insidens suo motu cieatur, impellatque æthereas particulas aëri immistas, quæ oculum ferientes aspectum excitent. Hinc non ineptè Cicero de Natura. *Ipse aër nobiscum uidet, nobiscum audit, nobiscum sonat.*

Maur. Quicunque sententiæ huius tuæ atque opinionis voluerit esse particeps, facillimè declarabit, minimo momento etiam longè positam lucem apparere: nam cum interiectum corpus perspicuum sit, in meatibus sibi directè respondentibus æthereæ particulæ extremæ cum primis per intermedias (quamuis nullo nexu inuicem copulentur) inter se quam apertissimè cohærent, adeò vt lux sibi proximam particulam impellens, eodem temporis puncto reli-

reliquas omnes secundum eandem rectam lineam propellat non minus, quàm si quis longissimam ac rigidam hastam impelleret ; id quod utique fieret vno eodemque momento. Quoniam verò etiam oculis æthereis huiusmodi particulis plenos habet meatus, hæ ab externis particulis impulsu recipiunt usque eò, dum extremæ particulæ æthereæ oculi fundo proximæ nerveas Retinæ fibrillas feriunt: pro Retinæ autem parte, quæ afficitur, figura flammæ aut alterius corporis lucidi ibi picta intelligitur, quæ demum evanescit cessante particularum ætherearum impulsu. Sic etiam aer auri implens ab externi aeris impulsu impetum recipit, similibusque vibrationibus movetur, & auditus organum percipit.

Dand. Hæc satis commodè dicta videntur; nam tenebrosum fieri aerem in conclavi prius illustrato, si fenestræ occludantur, atque ijs reſeratis iterum momento illustrari, ideò necesse est, quia æthereæ particulæ à Sole commotæ in aëre externo, impellere nequeunt æthereas particulas in conclavi, cum illæ ab his dirimantur interiecto corpore, cuius meatus non sunt in directum positi; illo autem sublato, iterum communicatur impulsus. Sic per parietis foramen audimus loquentem in proximâ plateâ, obstructo foramine nihil audimus, quia aeris motus interruptitur. Fortassis etiam Lapidem Bononiensem ritè præparatum ideò ex Sole lucem concipere, & aliquandiu servare quis dixerit, quia æthereæ aeris particulæ à Sole commotæ excitant ad motum lucis proprium, salinas ipsius lapidis particulas, quæ tandiù luceant, quandiù impulsu validè à Sole per æthereas particulas impressum retinent; nam & ærea, aut argentea regula suspensa, si validè percutiatur, valdè diu sonum edit, & longum habet tinnitum, quem maximè quisque percipere potest, si ex auribus fidiculæ nervo suspensa pendeat regula. Alia huiusmodi non pauca faciem habent solutionem, & physicè explicantur. Duo tamen potissimum explicatione egent: primum videlicet, quinam sit motus lucis impellentis æthereas particulas corpori perspicuo immistas: alterum est, quænam figura æthereis particulis tribuenda sit.

Maur. Ascendentem accensæ ex puro oleo lucernæ flammulam in quatuor partes intelligentiâ distinguite: tum inter oculum & lucernam (sed procul ab oculo) interiecta tabella occultet tres supremas flammæ partes, solamque infimam conspicuam relinquat:
hanc

hanc primùm ex ellychnio erumpentem tenuiter lucidam, ac subcæruleam videbitis, & aliquo modo perspicuam. Paululum eleuata tabella detegat etiam proximam secundam partem, quæ aliquanto lucidior apparebit; & nihil habere perspicuitatis. deprehendetur. Tertia pars omnium lucidissima conspicietur: & Quarta iuxta apicem erit valdè diminuta lumiñe, immò aliquando in rubrum ac suboscuro mucronem exacuetur. Vtique iidem sunt ex ellychnio profilientes igniculi, qui per vniuersum flammæ tractum fluunt, & supra flammam inconspicui vagantur. Quare igitur primùm minore luce micant, deinde auctiore; postmodum clarissimâ, iterum remissione, demum nullâ? Præterea cur accensæ candelæ (potissimum sebaceæ) ellychnium emunctorio præcidi iubemus, vt lucidior flammâ fruamur? His extra omnem controuersiam positis, vtpote manifestis, sic liceat ratiocinari. Cum in lucernâ flammæ apex præ cæteris eiusdem flammæ partibus inferioribus plus habeat caloris: (facilius quippe & citius ad motum fomitem accendit) minus tamen lucis, hinc non obscurum argumentum possumus ducere ad ostendendum alium esse iidem igniculis motum, vt luceant, alium, vt calefaciant; eos enim lucere videt oculus absentes, at manum non calefaciunt nisi præsentis, in quam se insinuant. Quando oleum integrum est (de cæteris, quæ comburuntur, & lucent, seruata analogiâ similia dicta intelligantur) illiusque omnes particule adhuc ritè compactæ ac coagmentatæ, vt olei speciem exhibeant, nihil lucis emicare videmus: ingenitas tamen habet aliquas particulas, quæ nisi à cæteris cohiberentur, eo motu se ipsæ agitarent, quo opus est, vt luceant. Hoc oleo peculiare est, ait Plutarchus lib. de primo frigido: quod splendorem & perspicuitatem in fundo aquæ præstat, aëre humorem dissipante, non enim dumtaxat in superficie ijs, qui noctu spongiarum captant: sed etiam urinando eas in profundo maris consectantibus ex ore efflatum lumen præbet. Quæ de re nihil dubitans S. Ambrosius lib. 1. Hexaem. cap. 9. Quid miramur, inquit, si Deus locutus est lucem, & caliganti mundo lumen emicuit; quando, si quis inter aquasmersus oleum ore emisit, clariora faciat ea, quæ profundum tegebantur occultis? Quam ergo in splendorem proclines sunt particule, quibus satis est oris humani calor, vt se aliquam in libertatem vendicent ad lucendum? quamuis idem calor non sufficiat (saltem tam breui tempore) ad olei temperationem prorsus dissoluendam; ita

ut in flammam resoluatur; ardorem enim igniculorum dissipationem corpori incenso importat, at non item lux, quæ lux est; ut observare est in ligno querno putrido, cuius frustulum citrà accensionem diu lucet, cum tamen æquale ligni sani & integri, frustum in cineres breui abiret, si inflammaretur. Quinimmo, igniculos solutos, & in plenam libertatem vindicatos non lucere palàm est, quandoquidem neque igniculis supra flammæ apicem ullus est fulgor, quamvis vrendi facultate polleant, & chartam aut linteum accendant, neque qui ex candelæ ad flammæ latera, aut ex prunis erumpunt, conspiciuntur, licet proximam manum calefaciant. Lucent itaque igniculi nec planè ligati, ut in oleo adhuc integro, aut in ligno sano, nec omnino soluti, ut extra flammæ speciem, aut ab ardentibus prunis separati. Reliquum igitur est, ut moveantur quasi fugam tentantes, sed retenti: quem auolandi conatum sæpiùs iterantes, sed prohibiti, moventur motu quodam diastoles & systoles, seu porrectionis & subinde contractionis. Hinc ex huiusmodi porrectionum amplitudine, & crebritate, iuxta impetûs rationem, oriri videtur splendoris, claritas & efficacia.

Grad! Aptissimè confirmas, quæ innuebam de luminis cum sono similitudine: quemadmodum enim corpora percussa, grauius aut acutè sonant pro vibrationum raritate aut frequentia, remissè verò aut intensè pro earundem vibrationum paruitate aut amplitudine, prout validiore aut infirmiore impetu moventur; ita pariter videtur fulgoris maior quidem claritas pendere ex illarum porrectionum crebritate, efficacia verò ex earum amplitudine. Ideo, si satis mentem tuam assequor, flammæ basis in lucernâ languidiùs fulget, quia pluribus igniculis adhuc aliarum particularum carcere conclusis, pauci soluti languidiùs & tardiùs egressum moliuntur, nec adeò frequenter, tantoque impulsu, se explicant, ac postmodum, quando distractis amplius particulis, paulo plures igniculi in secundâ flammæ parte liberiùs moueri incipiunt. Vbi verò ex maiore igniculorum conatu & agitatione, in tertiâ flammæ parte, facta fuerit adhuc maior particularum dissolutio, ita tamen, ut nondum illi turmatim erumpere valeant, tunc creberrima est vibratio, adeoque lux clarissima apparet: quæ deinde in supremâ parte languescit, pluribus igniculis auolantibus & reliquis mitiùs rariùsque micantibus; qui demum omni vinculo,

tulo, quo detineantur, soluti, fiunt inconspicui, cum defierit motus ille porrectionis & contractionis, quo crebris impulsionebus vrgeant atque stimulent æthereas particulas oculum ferientes. Ideo autem emunctorio candela ellychnium castigare oportet, vt clarior flamma luceat, quia illud interiectum impedit, ne igniculi celerius atque liberius agitentur in tertriâ illâ flammæ parte.

Dand. Hæc eadem soni atque luminis analogia videtur explicare, quare pro distantia à corpore lucido extenuetur lumen, & languidiùs aspectum feriat, sicut sonus procul excitatus remissior venit ad auditum; quemadmodum amplissimi lacus aqua stagnans, iniecto scrupulo, crispatur in circulos, qui tamen quod ampliorem in orbitam explicantur, eò minùs assurgunt, & tardiùs moveri videtur aqua. Quamquam non eadem prorsus sit causa, cur sonus sensim remittatur, & aqua depressius crispetur, præterquam quod hæc per circulos explicatur, ille per spheram quaquaversus propagatur; id quod luminis quoque contingit. Concipio autem corpus suâ fulgens luce, quasi nucleum in spherâ ex faciliè mobilibus particulis coagmentatâ; qui nucleus si celerissimo motu intumescat, omnes circumstantes spheræ particulas propellit. Sed, quia impetus in plures particulas distributus, minor est in singulis, quàm si æqualis impetus inter pauciores particulas divideretur, spherâ autem in maioribus à centro interval-
lis plures partes complectitur, quàm prope centrum; idcirco quæ remotæ sunt ab illo nucleo particule, remissio-
rem impulsum recipiunt. Lucido autem corpore se contrahente, & iterum micante crebris vibrationibus, extremæ illæ particule iterum feriunt spheræ orbitam, aut saltem oculum ibi constitutum; cui leuiter percussio lux apparet languida; qui si propius admitteret percussionem validius impulsarum particularum, etiam acrioris lucis speciem susciperet. Nemo tamen ex huiusmodi reciproca porrectione & contractione timeat alternas lucis ac tenebrarum vices, sicut neque vo-
cis & silentij vicissitudo ab aure percipitur, quamvis ex corporis sonantis tremore aer in aurem impellatur per vices; ita enim proximæ accidunt percussiones, prioremque altera subinde consequitur, vt nihil distare videantur, cum tamen oriatur titillatio quædam.

Maur. Ex his constat certos esse illuminationis fines; licet enim

intempestâ nocte valdè procul conspici possit lucernæ lumen, non tamen ex quocunque intervallo: quia demum ita tenuis est impulsus, vt nullum in oculo sensum efficiat. Neque mirum, si lucerna remotissima videri nequeat, cum & aliquæ sint stellæ, quarum directi radij aded sunt imbecilli, vt aspectum non moueant, nisi telescopij ope plures excipiantur, qui coniuncti id præstent, quod singuli nequeunt. Porro & illud hic animaduersione dignum est, quod lucernæ quidem flammulam procul videmus, cuiusque luce afficitur oculus; sed ab illâ non illustrantur corpora reliqua nobis proxima: immo præter flammulam illam sæpè nihil conspiciamus absentes eorum, quæ in eâdem patente areâ illius ope videntur à circumstantibus; quia videlicet in tanto intervallo directus ætherearum particularum appulsus ad oculum, adhuc satis validus est, vt moueat æthereas particulas oculo insidentes; at impetus idem debilior est, quàm vt valeat incidens in obiecta corpora alias præterea particulas vrgerè, quæ demum oculum feriant. Equidem neque absurdè, neque omnino incredibilis notam inurerem opinioni asserenti corporibus singulis suam inesse lucem, suos videlicet igniculos (sulphureis particulis colorem tribuendum esse affirmant Chymici), qui cœteris particulis commisti non concipiant motum illum porrectionis & contractionis, nisi fuerint excitati ab alio corpore lucido, æthereas particulas, atque aded ipsos, quos percutiunt, igniculos commouente. Sic amplius cyathus vitreus calathoides, siuè conicus, suo pedi insistent, sponte suâ nullum edit sonum: sed, si propè illum vocem attollas vehementiùs, siue acuta sit, siue grauis, ille ex solo æris motu concipit vibrationem, & sonum suæ figuræ congruentem edit, quem admotâ aure manifestè percipias. Excitati igitur in motum, ex ætherearum particularum appulsu, igniculi corporum suapte naturâ non lucidorum, imitantes quodammodo motum lucidorum, alias priùs quiescentes æthereas particulas propellunt, alias repellunt appulsas, & aspicientium oculo coloris speciem exhibent aliquando quidem diluti, aliquando verò saturati, pro externi luminis efficacitate, & varia ipsorum igniculorum complexione suos motus inuicem temperantium. Ex quo oritur colorum varietas; aliqua enim sunt, quæ diurnâ in luce apparent cærulea, sed noctu ad facis lumen videntur viridia, & quò magis puræ lucis naturam participant, eò

magis ad colorem album accedunt. Quapropter si à corpore lucido, ex: gr: à lucernæ flammâ impulsæ ætheræ particulæ languide percutiant corpus procul à lucernâ positum, excitari nequeunt ad motum illius igniculi, nec videri potest eius color; aut, si excitentur quidem igniculi ad motum, ab ijs tamen impulsæ particulæ ætheræ siue oculum omnino non attingant, siue ita exiguo impetu moueantur, vt sub sensum non cadant, neque æthereas oculi particulas irritent, pariter non videtur.

Dand. In tam mirâ sonorum & vocum varietate, si ex aëris multipliciter impulsu motu, auditumque percutientis, tota res pendet, haud ægrè patiar etiam colores, ex igniculorum eadem corpori insitorum motibus se vicissim temperantibus, pendere, ob varium ætherearum particularum motum, atque adeò varios colores oculo apparere. Quod si per medium colore aliquo imbutum aspiciatur aliud corpus, quia igniculi corporis obiecti alium æthereis particulis motum imprimunt à motu, quem igniculi ipsius medij perspicui imprimunt, fit tertius motus ex utroque compositus, & alius apparet color. Sic etiam consonæ voces auditum titillant, ob motum aëris varium à diuersis corporibus simul sonantibus. Nec plus difficultatis reperio in hoc, quod æthereæ particulæ oculi Retinam simul ferientes hæ quidem hoc motu, aliæ verò alio motu, tertium colorem exhibeant, quàm quod Infectores & Pictores commistis corporibus non vno modo coloratis alium colorem producant; quemadmodum si flauo rubrum crassarum partium paruâ quantitate admisceant, aurantijs color conflatur, si autem largiore, consurgit color, qualis maturis cubebis inest: Sic flauo pallido multum diluto si quam minimum rubri crassarum partium commisceatur, componitur color, quem Isabellam dicimus: eademque est de plurimis alijs ratio: Et Microscopij ope innotuit, particulis tenuibus commistis, alium atque alium esse colorem singulis, quæ cum ob suam exiguitatem oculo nudæ singulæ non appareant, simul omnes tertium colorem exhibent. Sed de coloribus, si placet, opportuniorem in locum disputationem reiiciamus, ne à lucis contemplatione longius recedamus.

Grad. Hoc vnum, quod ad colores attinet, addere liceat, nihilum his, quæ diximus, satis commodè conciliari inter se dissi-

dentēs Philosophos, quorum alij colorem re ipsa planè ex toto in corporibus inesse affirmant, licèt lumine opus sit, vt appareat, alij lucem exigunt quasi coloris complementum, aut partem: his enim damus, ab externo lumine incitari igniculos cœtero-qui desides corporis colorati; illis verò concedimus facultatem hac vel illâ ratione propellendi æthereas particulas, quę in oculo huius vel illius coloris speciem exhibeant, in ipsis esse corporibus, quę colore imbuta dicuntur. Verùm in motu illo porrectionis & contractionis, quo lucem moueri ponimus, difficile est comprehendere æthereas particulas propelli, quin aër quoquē luci proximus impellatur; cuius tamen motum nullum percipimus, qui luci tribuendus sit.

Maur. Cum lucem ipsam iam tum à primo rerum exordio creatam fuisse, atque per corpora dispersam statuerimus, corpoream illam esse, adeoque, si moueatur, obstantia corpora protrudere, necessariò affirmandum est: si igitur illa nondum aliarum particularum nexibus prorsus exsoluta conatur in flammâ se latius explicare, etiam proximum aërem propelli non negârim: huius quidem aëris motum, (quippe qui solo tactus sensu percipi valet tactus autem non facilè quolibet leui aëris appulsu afficitur) non sentimus, quia quę apud nos lucent, non ita valido motu cientur: Si tamen vehemens esset lux, cuiusmodi est Sol, neque aër terrenis expirationibus agigaretur, non video, cur aëris à luce validè impulsus motum percipere nequiremus. Orę maritime ad Meridiem spectantis accole, quibus Mare ab Ortu in Occasum protenditur, cœlo sereno, & tranquillis fluctibus vt plurimum ventos esse Solis affleckas, & cum Sole oriente Subsolanum, Zephyrum cum occidente, flare obseruarunt. Quidni hoc Soli ipsi aërem cum æthere propellenti tribuatur, adeò vt aura illa Solis comes sit motus aëris à luce impulsus? Validissimam autem esse Solis lucem quis neget? illum enim intueri nequimus aduersum, eiusque radijs acies nostra sensusque vincitur, nisi inter oculum & Solem vitrum saturato colore infectum interijciatur, quo motus illius vehementia retundatur. Vitrum scilicet suâ soliditate oculum ab aëris incursione protegit, cum aëri, vtpote crasso, non pateat aditus in exiguos vitri meatus: Sed quia vitrum purum, ac planè perspicuum, non impedit motum particularum ætherearum, quę externo aëri commiscuntur, & vitri poros subi-

re valerent suâ tenuitate, nisi illos iam alijs æthereis particulis plenos reperirent, his communicant impulsus, quem coeteroqui nimis validum temperat admistus vitro color. Quamuis autem purissimum vitrum plurimos habeat, eosque tenuissimos meatus ita dispositos, vt sint quaquaversus æthereis particulis peruij, ipsa tamen vitri inter poros illos interiecti natura ea est, quam æthereæ particulæ permeare non valeant; ac propterea nullum est vitrum, quod luci expositum vmbra aliquam non iaciat, cum ætherearum particularum in eius partes incurrentium progressum impediat, ideoque reflectuntur: & resiliunt, atque extrema vitri superficies obtinet rationem speculî, quatenus æthereæ particulæ cum progredi nequeant, & alias particulas impellere iuxta directionem à lucido corpore impressam, prout incidunt siuè ad perpendicularum, siuè obliquè, & ad angulos inæquales, in vitri superficiem, resiliunt, aut reflectuntur, nouamque directionem proximis æthereis particulis imprimentes lumen aliò dirigunt.

Grad. Neque solum vitri facies, quæ luci obuertitur, reflectit lumen, sed etiam opposita facies; nam si candelæ flammam in conuexo perspicilio aliquantulum remoto aspiciam tanquam in speculo, triplicem flammæ imaginem, vnâ quidem erectam & minorem, duas verò euerfas & maiores video; quia à priore superficie conuexâ redditur imago directâ, sed à posteriore, quæ aspicienti concaua est, redditur imago euerfa; quæ duplex est, si utroque oculo intueor, singulæ enim imagines euerfæ à diuersis partibus venientes singulis oculis respondent, vt constat, si alter oculus claudatur, tunc scilicet vnica imago euerfa videtur, sinistra ab oculo dextro, dextra à sinistro.

Maur. Hæc pendent à legibus Dioptricis & Catoptricis; qui enim radij à priore superficie refringuntur, deinde à posteriore reflectuntur, & iterum ex vitro in aërem exeuntes refracti veniunt, hi quidem ad vnum, hi verò ad alterum oculum.

Dand. Luminis reflexi & refracti vocabulis personant Lycæa, & Opticorum effatis consonant: verum vbi quæritur, quam id ratione, ex physicâ causâ, contingat, non satis dilucidè rem explicare videntur, qui in illustratione Qualitatem quandam Accidentalem gigni existimant in vniuerso medio illustrato. Quid

chim illud est, quod efficit plus luminis apparere in pariete, ad quem candelæ lumen à speculo reflectitur, quàm in reliquis conclauis partibus solo lumine directo, seu communi, illuminatis? Motum à lumine ablegantes abstineant à vocabulis ex motu desumptis, & rem physicè explicant, si valent. Idem dico de luminis refractione; nam si nullus est motus, quæ lege candelæ flamma adigitur, vt sui imaginem euersam & lucidiorem pingat in pariete, si inter flammam & parietem, seruatis congruis interuallis, interijciatur lens vitrea conuexa? cum tamen, sublata lente, nusquam in pariete, aut aliâ conclauis parte appareat flammæ imago. Quid porro probabile afferent, quo explicetur tanta luminis intensio in foco lentis conuexæ, cum tamen in eadem distantia tam clarum lumen in reliquo aëre non gignat candelæ flamma? in illâ scilicet hypothesi luminis nullum motum admittentis, neque radios, neque eorum decussationem vsurpare possunt, quippe qui solâ mentis designatione, non re ipsâ statuuntur. Propterea, nec diffiteor, in eam sententiam aliquando propendebam, quæ lumen in expirationibus lucidis constituit à corpore lucido effluentibus; his quippe plurima conueniunt eorum, quæ ad explicanda lucis phænomena communiter vsurpantur, & ab omnibus admittuntur: Cogebat tamen difficultates non leues exorbere; nec in omnibus ipse mihi faciebam satis, quamuis aliqua suppeterent, quibus aduersarias argumentationes declinarem, ne elinguis essem. Nunc verò in hoc ætherearum particularum appulsu, desumpta ex sono analogiâ, lux quædam mihi oboritur ad facilem reflexionis & refractionis explicationem, cæterorumque luminis symptomatum.

Maur. In tridiculorum ludo sæpius obseruâstis varium globorum motum pro percussione varietate, spectatâ directione motus globi percutientis, & illâ parte, qua ictum recipit globus quiescens percussus: Nam si in eadem rectâ lineâ, quam globus percutiens suo centro percurrit, reperiatur etiam globi percussi centrum, adeoque etiam pars, quæ ictum recipit, vti que rectâ pergit globus percussus. At si centrum illud sit extra lineam motus globi in alium impacti, globus quiescens percussus ad dextram impellitur aut ad sinistram, iuxta lineam, quæ partem percussam & ipsius globi centrum iungit. Hinc si
glo-

globus in alveoli latus impactus resiliat, & in reflexionis lineâ directè incurrat in globum quiescentem, illum pariter per lineam eandem propellit. Sin autem duo globi sibi proximi fuerint, & in eos globus alius impingatur ita, vt vtrumque immediatè percutiat, illi in diuersa abeunt pro ratione ictûs, quo singuli pelluntur: Contra verò, si globi duo fuerint in directum dispositi, & alter tantum percutiatur, hic quidem parum mouetur, sed alter excutitur longius, licèt eum percutiens globus non attigerit. Hinc similiter intelligitis, si tres globuli quiescant, & ita proximi sint, vt se contingant, atque duo alij globi simul vnum ex illis tribus percutiant, duos reliquos globos in diuersa impelli iuxta directionem, quàm singuli à percutiente sibi respondente recipiunt, vnicum verò illum globum à duobus percussum, mistâ quadam directione aliquantulum moueri. Fingamus iam plurimos in alveolo esse globos inter se quam proximios: tum percussione globus vnus impellatur: nonne vnus motus plures commouebit? alios quidem directè, alios verò obliquè, prout singulis communicatur impulsus per intermedios. Siqui autem ex intermedijs, dum mouentur, in aliquid incurrant sibi obfistens, ne iuxta impressam directionem pergant, vtique reflectuntur, & proximis, quos impellunt, globis aliam imprimunt directionem ab eâ, quàm impressissent, nisi passi fuissent reflexionem. Hæc in eburneis globis manifesta, ipsiſque oculis subiecta, ad æthereos globulos, quibus omnia plena sunt, cum ratione transferantur, & ea, quæ de radijs directis, reflexis, & refractis dicuntur ab Opticis, satis probabilem habent explicationem. Quia verò omnia illa percurrere non est operæ pretium, neque nobis tantum suppetit nunc otij aut temporis, quæ placuerint, interrogate, & conabor, citrà paradoxa, explicare.

Grad. Quandoquidem interrogandi facultatem præbes, illud multis admiratione dignum videtur, quod in eodem aëris puncto sinè perturbatione aut confusione sint tot rerum obiectarum species, vt vocant, Intentionales, quas aëri impressas & inhærentes, vtpote Accidentia, ventus cum aëre non diffilat, nec aliò transfert: quando enim plures homines diuersa corpora respiciunt, hic equum, ille domum, alius arborem, & sic de cæteris,

teris, fieri non potest, quin à singulis rebus obiectis tanquam à centro prodeuntes in orbem species misceantur, quemadmodum ipsæ sphaeræ maximam spatij partem communem habent. Similiter cum in obscurum conclaue per exiguum fenestræ foramen admittuntur externorum corporum species, in apposta chartâ inuersam eorum imaginem exhibentes, utique aërem foramen illud implentem necessariò dicendum est omnium obiectorum corporum speciebus affici, nec tamen ex illarum mistione tertiam quandam speciem gigni, quemadmodum, cum per vitrum cæruleo colore infectum aspicimus rosam, tertius quidam color apparet ex cæulei vitri, & purpureæ rosæ speciebus conflatus. Qui verò non species illas ad Qualitatis categoriam spectantes ponunt, sed à corporibus visis manare expirationes putant, non videntur se difficultati subducere; non enim per angustias illas omnes simul diuersorum corporum expirationes, suâ mole non carentes, transire possunt, quippe quæ se vicissim penetrare nequeunt corpoream naturam participantes: sin autem aliæ priores atque fortiores præcurrunt, & præuertunt eas, quæ debiliores sunt, vix apparet, qua ratione fieri possit, ut integra imago vno momento exhibeatur, si per partes veniunt aliæ alijs priores.

Maur. Nihil hæc apud nos habent difficultatis; nam vnica ætherea particula (globulum vocemus, claritatis gratiâ) potest à duobus vel etiam tribus globulis, quos ante se habet, aut ad latera; simul eodemque momento percuti, & impelli iuxta variam singulorum directionem, atque adeò per vnum globulum æthereum possunt impelli posteriores alij globuli, quos contingit, ita ut impetus à parte dextrâ veniens ad globulum illum intermedium imprimat secundum eandem directionem motum posteriori globulo, qui est ad sinistram, & vicissim veniens à laeuâ posteriorem dexterum impellat: ideò radios in eo puncto decussatos concipimus. Non est autem in exiguo fenestræ foramine vnicus globulus æthereus, ac propterea non in singulis, quos foramen complectitur, globulis radij omnes decussantur, sed vnicum est post foramen punctum, in quo conueniunt omnes ab obiectis corporibus directæ luminis percussiones, quibus posteriores globuli propelluntur, & radij diuariari intelliguntur.

Dand.

Dand. Cum igitur possit vnus & idem globulus æthereus diuersis impulsibus in diuersas partes dirigi, quas directiones consequentibus globulis communicat, contingere potest, vnum impulsu adeo cæteris validiorem esse, vt illi vix, aut ne vix quidem, iuxta suam directionem impetum valeant consequentibus globulis imprimere. Hinc quærenti, cur candela noctu vniuersum conclaue illustrans, non itidem id præstet interdiu Sole lucente, nisi clausis fenestris obscuratum fuerit cubiculum, Responderem id accidere, quia æthereæ particule adeo validè propelluntur à Solis luce, vt impelli non valeant à flammâ candelæ, nisi fortasse valdè propè, & ibi etiã eius impetus retunditur ab aliâ validiore directione. Sed vt exitum tandem aliquem hodiernæ colloctionis inueniamus, luce ipsâ diurnâ ad occasum properante, cum Reflexionis ratio non videatur difficilem habere explicationem, superest vt aliquid de Refractione breuiter dicamus, quæ ex mediorum raritate & densitate pendet; qui enim radij directè procedunt, incidentem in superficiem mediij diaphani quidem, sed densioris, si ad angulos inæquales cadant, non directè pergunt, sed versùs perpendicularum flectuntur intrâ nouum illud medium, sin autem à denso ad rarum diaphanum transeant, neque tunc susceptam directionem retinent, sed magis à perpendicularo. deflectunt.

Maur. Æthereas particulas minutissimas esse supra omnem, quæ excogitari possit, exiguitatem (nam vitrum permeant, quod ab ipsis Spiritibus tenuissimis penetrari non potest) extra omnem controuersiam statuendum est, si quamlibet vel minimam inanitatem à corporibus ablegamus: ideo minimum omnium meatum in corpore aliquo vna saltem ætherea particula implet: ex quo illud consequens est, quod paulò ampliores meatus admittant non vnicam, sed plures æthereas particulas. At verò corporum diuersorum coagmentatio ea est, vt non omnes, & singuli eorum meatus eadem præditi sint figurâ: necesse igitur est, eius esse nature æthereas particulas, quæ possit ad replendum spatium citrà quamlibet inanitatem accommodari: neque enim fingere possumus diuersas esse ætherearum particularum figuras, quæ singulorum meatuum figure & capacitati prorsus conueniant; alioquin quæ angulatæ essent, non nisi egerimè mouerentur:

præterquam quod non ubique reperiri possent æthereæ particule tam variè conformatæ, vt illico præsto essent ad congruum mearum replendum. Cum itaque similiter figuratas, vtpote eiusdem naturæ, atque ad motum aptissimas ponere cogamur huiusmodi æthereas particulas, globosas & rotundas probabili coniecturâ statuimus: Sed quia appositi ac propinqui globi spatium non replent, globulos hosce æthereos compressionis alicuius patientes, vt angulorum flexionibus aptentur, affirmare oportet; qui deinde, remoto impedimento, se in globum restituant, virtute suâ elasticâ. Hinc lux (celerrimum illum porrectionis & contractionis motum perficiens) æthereos, quos porrectione impellit, globulos si comprimat, vbi aliquid motui obstitens inuenierint, illi deinde contractionis motum sibi obsecundantem statim habentes se restituunt, simulque cum luce motum reciprocant. Quapropter ætherei globuli extimam vitri superficiem proximè attingentes, ab alijs globulis inter ipsos, & corpus lucidum interiectis propulsi aduersus vitrum, impellunt globulos in vitri poris conclusos. Et quidem quorum globulorum directio à puncto lucis ducta cadit ad angulos æquales in vitri superficiem, non mutatur, & in vitro globuli ætherei secundum eandem lineam positi iuxta directionem eandem pelluntur; quia videlicet ex aëre in patentem vitri meatum se liberè insinuat globulus æthereus, quin ad hoc vel illud pori latus allisus cogatur ab eiusdem motus rectitudine deflectere: idèò radij perpendiculares nullam patiuntur refractionem. Globuli verò, quorum motus directio ab eodem lucis puncto ducta ad angulos inæquales cadit in vitri superficiem, necessariò in alterum latus pori sibi congruentis incurrunt, vbi inuenientes resistentiam, nec vltiùs rectâ pergere valentes, reflectuntur versùs perpendiculum, siue magis, siue minùs, pro maiore aut minore obliquitate. Perpendiculum, inquam, ex eodem superficiei puncto excitatum: Si quidem in ipso patentis meatus osculo vtrumque labrum attendendum est, alterum quidem, quod propiùs respicit punctum, à quo radius procedit; & in hoc incurrens globulus vno sui latere, prohibetur, ne recto itinere progrediatur, sed flectitur versùs impedimentum: Sic si quis in directum ambulans offendat imprudens sinistro armo angulum domûs, dextera eius pars.

inflectitur versùs aliam faciem domûs. Alterum osculi labrum, quod remotius est, excipit impulsu globuli ictum, illumque iuxta Reflexionis leges reflectit, vt interiores vitri globulos æthereos secundùm nouam directionem impellat. Porò in hac celeri globulorum protrusione intrà angustiores corporis magis densi, nec facilè diuidui meatus, fieri non potest, quin aliqua contingat globulorum compressio, qui vi suâ elasticâ conantes se restituere validiùs impellant aduersos globulos, non sinè aliquâ etiam istorum pressione, aded vt extremi in vitro globuli ætherei hoc impulsu erumpentes in aërem ex angustijs pororum vitri, liberiùs se explicent ad suam figuram recuperandam: quia verò omnes circumstant globulum, qui perpendicularo respondet ducto à puncto lucido, se vtique explicare nequeunt accedendo ad perpendicularum, sed in latus secedendo ab illo. Cum igitur duplicem habeant directionem hi globuli erumpentes, scilicet alteram ab impulsu iuxta directionem globulorum in vitro propellentium, alteram in latus à virtute propriâ elasticâ, imprimunt proximis globulis æthereis, quos in aëre offendunt, impetum cum directione magis deflectente à perpendicularo. Adde globulum ex vitro erumpentem obliquè, vno sui latere tangere labrum osculi meatûs, ac proinde reliquo latere flecti, & dirigi quasi circa illud se conuertendo; ac propterea magis à perpendicularo declinat. Iam satis constat directionem motûs, quo globuli ætherei impelluntur in vitrum, obliquam esse, aut rectam ad vitri superficiem, prout ipsa superficies plana est, aut caua, aut conuexa, atque ex illâ refractionis modum desumi. Ex quo oritur radios à vitreâ lente conuexâ refractos, dum extra illam singuli habent directionem à suo perpendicularo deflectentem, ita in oppositas partes vergere, vt sibi inuicem occurrant, hoc est, omnium globulorum postremæ vitri superficiei proximorum motum esse cum eâ directione, vt multi globuli pauciores protrudant, atque hi adhuc alios pauciores, donec impulsus deueniat ad globulos æthereos exiguo spatio comprehensos; qui propterea recipientes à multis impetum, si eo in loco apponatur corpus aliquod opacum, validiùs reperiunt alios globulos ad oculum venientes, & paruulum circulum insigniter lucidiorem repræsentant, quàm si propè vitrum illud

conuexum apposita fuisset charta, aut quid simile lucis progressionem impediens. Quod si vitrum illud conuexum exponatur Soli, in eo radiorum occurſu valdè notabilis calor conſurgit, & accenditur ignis; quia nimirum lux illa vehemens multo impetu propellit globulos æthereos ſibi proximos & omnes conſequentes, qui vitri ſuperfici ei reſpondent; per hos propellit globulos in vitreâ lente conſtitutos, per quos impetum imprimi globulis immiſtis aëri poſt vitrum, ad eò vt vniuerſus impetus in paucis globulis coactus, dum his obijcitur corpus impediens, ne alios ſubinde globulos ſinguli iuxta ſuam directionem propellant, vehementer illos ſibi tum directè, tum reflexè occurrentes exagitet, ita vt etiam obiecti ligni, aut alterius corporis, particulas commoueant, earumque compagem diſſoluant, & excitetur ignis: Id quod feliciter contingit, quo ampliores fuerint huiusmodi lentes vitreæ, atque affabrè conformatæ, quia amplior ſuperficies plures excipit ab eodem Solis puncto radios, & perfectæ figura radios dirigit iuxta reſractionis leges, vt coeant. Sed hic video vos ad interrogandum paratos, cur obiecta candida charta ignem non concipiat, quemadmodum ea, quæ alijs coloribus imbuta fuerint. Breuiter dixerim corpora alba multum habere lucis inſitæ, quæ dum externo lumine percuſſa excitatur, ipſa quoquæ ſe vibrat motu illo porrectionis & contractionis, quo repellens globulos æthereos aduerſus ſe à Sole impactos prohibet, ne hi ſuâ agitatione corporis particulas diſſoluant.

DISSERTATIO DECIMATERTIA.

De Coloribus per Ignem mutatis.

MAur, Affinis valdè luci eſt Colorum natura; idè poſt Ignis lucem hic nobis videtur inſtituenda diſputatio de Ignis facultate, qua rerum colores ſæpè immutat; plura ſiquidem ſunt, quæ igni expoſita, aut impoſita, alium induunt colorem. Neque tamen vniuerſam de Coloribus quæſtionem ponere, inſtituto noſtro congruit: ſatis fuerit ipſam Colorum mutationem

nem, quatenus ex Igne pendet, examinare. Et quidem non existimo esse operæ pretium immorari in fucatis coloribus, quos rebus induxisse videtur ardens cereus ex variâ pinguedinis, & discolorum ac multiformium pigmentorum commistione compositus: cum enim accensæ pinguedinis lux à pigmentorum colore temperatur, res perinde est, ac quando sincera lux per vitrum coloratum traiecitur. Sed in disputationem quætionemque vtilius vocantur colores rebus ipsis insiti, cuiusmodi in communi luce constanter apparent, & apud omnes simile vocabulum obtinent: in his siquidem per Ignem contingit aliqua mutatio.

Grad. Hanc colorum mutationem locupletissima experimenta testantur, & nemo est, qui inficiari audeat. Non omnibus, tamen æquè facilè accidet causam exponere. Quibus vocabula faciunt satis, paucis se expediunt asserentes Ignem, validissimum Naturæ instrumentum, pro variâ Primarum Qualitatum complexione, quam in obiectis corporibus offendit, alios atque alios Colores, qui inter Secundas Qualitates recensentur, producere & gignere. Quod si in vno eodemque igne adeò multiplicem virtutem etiam oppositos colores gignendi adstruere quis ægrè ferat, Colorem ipsum resultare aiunt ex Primis Qualitatibus, quarum utique complexionem ignis mutat suo Calore & siccitate. Verùm aut hæc mera sunt vocabula, aut ego oppidò hebes sum non intelligens, quid sit nouam Qualitatem resultare, seu emanare, ita ut illa sit aliquid de nouo existens, quin habeat efficientem causam, ex qua proximè pendeat: hanc verò probabiliter ab ijs assignari, valdè operosum puto, si suis insistant vestigijs.

Maur. Nisi ad lucis temperationem confugiamus, vix coloris naturam explicare possumus: cum enim corpora hoc vel illo colore affecta dicamus, quatenus ex eorum aspectu hoc vel illo modo afficitur oculus, si certam impressionem hic recipiat, quando nihil est præter lucem, cui illa tribuatur, (quemadmodum cum per vitreum prisma trigonum congruâ ratione inclinatum respicimus) quidni, similiter temperatam lucem à corpore, in quod incidit, & à quo ad oculum reflectitur, dicamus efficere similem visionem? Hoc vnum videlicet intercedit discrimen, quòd amoto ab oculis vitreo prismate venit lux temperata ab ipso tantummodo corpore, quod intuemur, illa verò dum per prisma traiecitur (eâ ratione, quam

Sed hinc solum pendere colorum ipsorum varietatem, mihi difficulter persuadeo; neque enim ex solâ particularum positione, sed & ex earum naturâ lux extrinsecus immissa temperatur; alioquin corpora, specie longè diuersa, quæ similem opacitatis atque perspicuitatis mensuram obtinerent, eodem colore prædita essent; aut si æquè colorata apparerent, etiam æquè perspicua & opaca censenda essent, siue flores sint, siue naturales succi, siue pigmenta, siue marmora, siue gemmæ; id quod videtur à probabilitate remotum.

Grad. Haud dubium, quin pro variâ lucis reflexione, aut refractione, in corporis alicuius particulis etiam varius appareat color, etiamsi eadem corporis natura permaneat. Sic in Vallachiâ falis fossilis venam reperiri scribunt, ex quaeductæ Salis glebæ duritie marmor imitantes colorem exhibent violaceum; at si conterantur, atque comminuantur, iam minutissimæ falis particulæ fati albæ apparent. Sic & cornua quædam integra quidem nigra sunt, limæ autem aut ferræ subiecta albam scobem relinquunt. Id quod luci, non perinde à disiunctis, vt à coniunctis, particulis temperatæ tribuendum est. Cum verò non æquè omnia colorem alium induant, si conterantur, aut in scobem redigantur, immò plerunque colorem eundem retineant partes diuisæ, quem ostentabant coniunctæ, etiam ad ipsam vniuscuiusque corporis naturam referenda est causa coloris.

Maur. Sed hic, antequam progrediamur, quasi prætereuntes animum aduertamus, quàm infirma sit argumentandi ratio, quæ indiscriminatim partium collectioni id tribuere vult, quod singulis. Opacum si opaco addatur, fit magis opacum: id quidem rectè: at si quis hinc inferat, igitur perspicuum additum perspicuo facit magis perspicuum; hoc præter veritatem: & coarguere ac refellere infirmam consecutionem facile erit, si vitri aut Talci plures laminas nitidissimas sibi apprimè cohærentes inter oculum & obiecta corpora interponas; quia videlicet perspicuitas in directo meatuum ordine consistit, opacitas in flexuosa meatuum positione; rectitudinis forma vnica est, flexionum multiplex: plures igitur anfractus rectam luci viam non aperiunt, sed tortuoso itinere magis obsistunt; idèò nunquam opacorum corporum complexio perspicuitatem valet inducere: a t

ris circumfusi, usque ad corpus ipsum, quod illustratur. Porro corporibus ipsis infinitas esse primæ lucis particulas, non sine aliquâ probabili coniecturâ & ratione admittimus, siue spiritibus, siue salibus, siue sulphuribus coniuncta illa sit. Æthereorum igitur globulorum ærem replentium impulsione excitatur lux insita corpori illustrato; eaque pariter agitata dum suâ porrectione repellit incidentes æthereos globulos, hi à tergo, & à lateribus impulsu conuersione quadam circum se torquentur & versantur, adeò ut reflexus ille globuli impacti motus duplici quadam impressione feratur, progressionem videlicet, quatenus à corpore non peruiro aliorum reflectitur, & conuersionem, quatenus nouo impulsu circa suum centrum concitatur. Hic verò globuli motus à luce corporis reflectentis sic modificatus, similem conuersionis simul atque progressionis impetum imprimit proximo, in quem dirigitur, globulo, atque hic porro consequentibus usque ad extremos æthereos globulos oculi Retinam proximè contingentes. Hinc, quoniam pro lucis illustrantis, atque lucis reflectentis viribus dissimilibus, aut inæqualibus, varia est tum progressionis, tum conuersionis concitatio, atque secundum aliam atque aliam Rationem contingit earum complexio, ita ut nunc quidem progressio validior sit conuersione, nunc verò conuersio excedat progressionem, iuxta multiplicem exuperantiæ mensuram, ideò etiam multipliciter affectus oculus ex globulorum sic in retinam incurrentium appulsu, alios atque alios colores videre dicitur.

Dand. Quæso à vobis, ut mihi detis hanc veniam, ut patiamini dicentem Maurocenum à me interpellari, quò expeditius eius assequar sententiam, quæ mihi non parum arridet. Vnius globuli motum ex progressionem & conuersionem compositum dum exponis, utique idem contingere necesse est reliquis globulis eandem corporis illustrati superficiem contingentibus, utpote ab eodem lucido corpore propulsis, atque ab eadem repulsis superficie. Ex quo fit non similem esse globulis omnibus reflexionem & impulsione, propter superficiem illustratæ asperitatem, saltem aliquam, ac propterea alijs aliam progressionem, aliamque conuersionem tribui, adeò ut non rarò qui esset singulorum globulorum motus, ab alijs globulis secundum aliam

opinantur , sed etiam Salibus originem suam debere corporum colores .

Dand. Memini me apud Sennertum lib.de consensu & dissensu Chymicorum cum Galenistis. cap.19. aliquando legisse aliquid, quod huic argumento fidem & firmamentum adiungat ; scribit siquidem Argento per Mercurium Sublimatum calcinato si affundatur Spiritus Salis, fieri indè colorem viridem instar Smaragdi; si verò affundatur Spiritus vini Sale vrinæ imprægnatus (vt Chymici loquuntur) fieri colorem cæruleum . Non parum igitur momenti habent Salinæ particule ad constituendos colores ; esto , admiscendæ sint cum sulphureis . Quod si etiam Spiritus plures , pro Ratione cœterarum particularum , admisceantur , videtur splendor quidam coloribus accedere: horum verò si minor fuerit Ratio, aut saturatior sit color, aut mutatur. Id quod ne à me temerè dictum putetis , vadem accipite Cardanum lib.8. de subtilitate pag.mihi 264. loquentem de ligno Brasilio, seu Verzino. *Lignum, inquit, in tenuissima fila deductum seco in frustula, quæ aquæ decuplo pondere immitto, relinquens infusum horis saltem sex: indè excoquitur aqua cum ligno, donec tres è quatuor partibus decedant, fitque color rubeus splendidus; si paulò plus excoquas, sanguineus ruber; si adhuc diutius, cæruleus.* Et post pauca addit: *Ex eadem planta Indi omnes colores, coquendo diutius, aut breviori tempore, excipiunt.* Cum enim ex ligni particulis probè maceratis faciliùs præ cœteris particulis educantur Spiritus & Sales volatiles, hi per aquam diffusi cum particulis sulphureis non adèò multis, sicut cum diutius excoquantur, splendidum ruborem aquæ communicant: vbi verò diuturniore ignis ardore absimitur aquæ pars, & aliæ sulphureæ ex ligno educuntur, ac aliqui Spiritus, Salesque volatiles cum vapore abscedunt, iam sanguineum ruborem aqua induit. Quandoquidem à congruâ dissolutione sulphuris rubicundam sanguinis tincturam in animali oriri verisimile est; etenim corpora sulphurea, præ cœteris quibuscunque, menstruo soluenti colorem rubedine maximè saturatum imperitiunt; & si quando ob nimiam cruditatem sulphur minùs dissolvitur, sanguis aquosus & pallidus existit, vt vix lintea rubore inficiat.

Grad. Ipsum tamen sulphur si ardeat, cæruleam abit in

flammam, & prunæ ipsæ si flatu irritentur, cum vapore aqueo ca-
reant, sulphureas particulas emittunt in flammulâ cæruleâ.

Dand. Valdè dispar est sulphuris dissolutio, si exardescat, atque si menstruo solvatur; atque adeò nil mirum, si non idem illi contingat color: Sulphur siquidem menstruo solutum, cum suum colorem exhibet, externam lucem reflectit, qua opus habet, ut videatur; at si ardeat, suâ se luce prodit, etiam in tenebris: ardore enim fit corporis combusti, & principiorum illud componentium resolutio: at in menstruo solvente videtur fieri potius quædam particularum minuta concisio, ac dissipatio, atque cum ipsius menstrui soluentis particulis confusio. Pro variâ igitur particularum positione, ac mistione, seu separatione, alius atque alius æthereis globulis aërem implentibus communicatur motus, conuersionis (siue ille sit rotatio, siue turbinatio, siue gyrum compleant, siue interrompant, siue ex pluribus minutissimis motibus, ab uno ad alium transeuntes, integrum motum componant) ac proinde diuersis impulsionebus pulsatur aspectus, & diuersa colorum species exhibetur. Quid niue ipsâ candidius nobis innotuit? si tamen illa nondum compressa, cauernis aliquibus propè superficiem excauata fuerit, cærulea apparet, sed colore diluto; videlicet lux diurna per niuem traiecta ita combuet æthereos globulos in subobscuris cauernulis illis, ut reflexa à niueis cauernæ parietibus à candore desciscat, & cærulei coloris speciem intuenti oculo imprimat.

Maur. Hyeme cum tellurem usquequaque niues obsident, cælo sereno ac Sole lucente, in obscurum conclaue per apertum in fenestrâ foramen si quis niuis speciem excipiat, niuis à Sole illustratæ imaginem in aduerso pariete depictam candidam videbit, niuis verò, quæ in umbrâ iacet, imago colore Sapphirino imbuta apparebit: esto, in aëre libero eiusdem niuis color non appareat cæruleus; multum quippe lumen in oculos incurrens, vi suâ ita obtundit motum globulorum æthereorum in oculo, ut candoris potius, quam cærulei coloris speciem referat. Ex quibus satis constare videtur ex variè modificato ætherearum particularum motu, præsertim in oculo, pendere colorum varietatem, prout à nobis videntur.

Grad. Huc pertinere non puto ruborem, quem nix vetustate

con-

contrahere dicitur, de qua Aristoteles lib. 5. de Histor. Animal. cap. 19. hæc scribit: *Quin etiam in ijs, quæ putredinem nullam posse recipere existimantur, nasci animalia nouimus, ut vermes in niue vetustiore, qui hirti sunt pilis, & rubidi; quoniam & ipsa nix vetustate rubescit.* Hunc etenim ruborem non tantum ex variatâ partium positione contingere arbitror, sed ex aliorum corporum commistione, maximè si aquâ aspersæ fuerint niues sub dio, aut aliqua earum pars liquefacta fuerit; aqua scilicet ipsa putrescit, & adhærent particulæ plures per aërem delatæ, ex quarum commistione cum aquâ putrescente, & cum niue, color rubidus resultat, atque concolores vermes oriuntur.

Maur. Cum itaque ex mutatâ particularum corpus aliquodd componentium positione consurgat aliquando alius color, sapè non alia querenda erit causa, car ignis apppositi corporis, seu liquoris, colorem immutet, præter ipsam particularum agitationem ab igneo calore factam, eductis in superficiem particulis aliquibus, quæ latebant, & aliam habent facultatem repellendi æthereos globulos. Vt plurimum tamen hoc habet ignis, ut diuersa corpora vi caloris commisceat; & ex huiusmodi commistione nouus color resultat.

Dand. Ioannes Beguinus Tyrocinij Chymici lib. 2. cap. 2., vbi de Panaceâ Vitrioli, ait: Dissolue Vitriolum cæruleum in aquâ pluuiali destillatâ calidâ, quam tertio filtratam lento balnei calore euaporare facies, donec cuticulam in superficie contrahat: Tum liquorem restantem calidum projice in vas plumbeum, in quo prius bacillos hinc inde transversos per circuitum posueris. Ita per triduum in loco frigido relinque, ut chrystallos virides producat: quibus separatis, liquorem restantem decoque, & in vase plumbeo repone; toties id repetendo, donec omnis liquor in chrystallos abierit. En vitrioli transitus à colore cæruleo ad viridem, ex particularum positione mutatâ; nisi quis dixerit calidum liquorem ex plumbeo vase eduxisse particulas aliquas vi coagulandi præditas, quæ vitrioli salibus additæ efficiant chrystallos virides. Verùm quia chrystallorum huiusmodi colorem ad cæruleum potius quàm ad viridem vergere notat in hunc Beguini locum Christophorus Gluckradt, hic fortasse non contingit notabilis coloris mutatio: illud quidem obseruandum, quod, eodem

monitore, oportet bacillos illos esse abiernos, non quernos, ne chryſtalli, atramenti inſtar, nigreſcant: ſi enim lignum quernum, ex quo fortè compactæ ſunt fenestrarum valvæ, vbi aquâ pluuiâ diluatur, dimittit particulas atro colore inſicientes tectorium parietis, per quem aqua delabitur, faciliè intelligimus eodem colore inſicere poſſe ſolutionem Vitrioli, adeò vt chryſtalli nigreſcant. Si igitur ex particularum diuerſarum commiſtione in liquoribus contingit coloris mutatio, multo magis id accidere poteſt accedente igneo calore, cui multa vis ineſt ad permiſcendum. Sic Sulphur uſtum cum ære, colorem violaceum, cum argento, cæruleum producit.

Maur. Ex hac ſanè corporum commiſtione, quorum non eadè ſit natura, ſæpè originem ducit coloris mutatio, quæ igne perficitur. Quis Mercurio ſit color, quis Sulphuri communi, omnes nouimus: Sed Cinnabari vulgari, quod ex Mercurio & Sulphure conficitur, quàm alius eſt color? immò ex æqualibus partibus Antimonij & Mercurij ſublimati per Retortam, igne ſitè adminiſtrato, elegantiffimum Cinnabari elicitur: quamquam hîc non vniuerſa Antimonij natura Mercurio miſcetur, ſed potiſſimum pars ſulphurea; ſiquidem remanet in Retortâ Caput Mortuum; ſulphureis videlicet particulis, quibus Antimonium abundat, cõmiſtis cum Mercurij ſublimati particulis, ex quibus diuerſis particulis ſic commiſtis oritur motus compoſitus æthereorum globulorû, qui coloris Cinnabari conuenientis ſpeciem exhibet. Similiter ex Sale Tartari iuncto cum pari quantitate Mercurij Sublimat communis, deſtillando ex arenâ, in Retortæ collum ſublimatur Sal aurei coloris.

Grad. Ignis calor vim habet diſſoluendi corpora in tenuiſſimas particulas, eaſque diſſolutas agitando commiſcet adeò, vt ex ijs componatur aliquid habens virtutem aliter reperiendi lumen extrinſecus immiſſum. Neque mirum id calori igneo conuenire, cum etiam ſimile quid præſtent aliqua, quæ dicuntur Virtute calida. Cærulea tinctura violarum, vel charta ſaltem huiusmodi colore imbuta, Oleo Vitrioli ſuffuſa, purpureſcit: huic ſi guttas aliquas Spiritûs ex Cornu Cerui affundas, color ille purpureus ſtatim in viridem conuertitur. Vulgaris eſt Methodus ceruſſam puriſſimam & candidiſſimam pictoribus & pharmacopœis uſitatam conficiendi, inuſo in plumbeum vas aceto acerrimo, quod ita plumbeam

materiam corrodit, ac fermentando coagitat, commistis salinis aceti particulis vnâ cum plumbeis, quas aceti acrimonia abstraxit, vt intrâ paucos dies candida cerussa colligatur. Similiter vapore acetilamina cupreæ inficiuntur æruginè.

Dand. Hæc quidem, quæ de Cerussa & Æruginè dicta sunt, manifestam habent particularum commistionem, & charta cærulea oleum Vitrioli, deinde Spiritum ex Cornu Cerui combibit. Sed aliqua sunt, quæ virtute igniculorum huiusmodi, quos sensus non percipit, & sinè manifestâ commistione, colorem mutant, vel saltem perficiunt. *Coralium*, si Mizaldo Memorab. cent. 2. num. 86. credimus, *Semine Sinapino obrutum, rubicundius & præstantius euadit*: quo pariter authore num. 26. *Succinum quodcumque in adipe lætentis suis decoctum, non solum pellucidius redditur, sed & multo præstantius.*

Maur. Quandoquidem facta Mizaldi mentio in mentem mihi reuocat duos capilli supersticiosos cultores, adolescentem alterum, alterum senem, quibus, ex eodem Authore, ridens præscribebam, quâ arte capillis alienum colorem tribuerent, quia res est à præsentî dissertatione non admodum rêmota, patiemihi hîc à me remedia illa commemorari. Adolescenti ex cent. 1. num. 40. hoc præscribebam. *Capilli vt aurum flauescant, si acceperis aluminis rupei uncias sex, vitrioli uncias quatuor, Salis Nitri uncias duas, & ex ijs stillatitiâ aquam extraxeris, capillitiumque, vel casariem, spongiâ in eâ madefactâ, & tantillum expressâ, tinxeris, ac identidem repetiueris.* Quibus confirmantur ea, quæ paulò antè Dandulus assererat, videlicet colores non ex sulphuribus tantum, verum etiam ex Salibus, pendere. Seni autem, cui non placebat ex canis auctoritatem affectare, cum eodem Mizaldo cent. 1. num. 49. dicebam: *Capillos sic denigrabis. Tere herbam Callitricum lex oleo, & coque cum ouo coruino; salique unguine capillum sæpius illine, & nigrescit.* Sed & illud addit. *Quod si cutem albissimam ac delicatam habere voles, fac vt libra vna lithargyri argenti in aceto destillato ferueat: quo partes suauiter madefac, & illine.* In his autem, atque similibus, dubitari potest, vtrum illa coloris mutatio oriatur solum ex additis particulis aliquibus; an verò ex eo, quod virtute appositi medicamenti aliqua particula resoluatur: an demum quod vtrumque præ-

præstetur, nimirum, ex antiquis aliquæ soluantur, & auolent, atque ex recentibus aliquæ in abeuntium locum se insinuent.

Dand. Utique dubitationi locus est. Nam ex Georgio Marcgrauio in Histor. rerum Natur. Brasiliæ lib. 3. cap. 12. pag. 117. *Muiua arboris folia siccata, eo latere, quod virebat, euadunt nigerima pulchro aspectu*: humore igitur auolante cum aliquibus particulis sulphureis atque Spiritibus, reliquæ particulæ siccatae nigrorem præferunt. Et cap. 13. pag. 119. *Ex ligno veteri arboris Tatai-iba parant tincturam egregiè flauam, coquendo*: vetustate scilicet expirant è ligno aliquæ particulæ, adeo vt ex ijs, quæ reliquæ sunt, coquendo eliciantur, & à cæteris seiungantur aliæ particulæ flauum colorem exhibentes. Similiter ex lib. 3. cap. 8. pag. 106. *Arariba arbor cortice cinereo, instar Fraxini interius albo, qui in aquâ coctus fit ruber, & cum illo tingitur*. Et lib. 1. cap. 9. pag. 17. *Itica Brasiliensibus, Lusitanis Batata, herba est super terram serpens. Radices colore sunt exterius albo flauescente, interius albisimo; præbent de se succum lacteum. Coquuntur, aut sub cineribus assantur, suntque optimi saporis, & præferendæ nostris rapis. Quædam sunt rubri coloris per totam substantiam, ac coctæ tingunt manus ceruleo. Cuticula est obscure rubra: cultro concisa nigrescit instar atramenti scriptorij. Ex quibus satis liquet sepius ope caloris fieri aliquam partium diuisionem, quibus semotis reliquæ lucem immixtam ita reperiunt, vt color alius appareat. Quod verò instar atramenti nigrescat cuticula Batatæ rubræ, si ferreo cultro concidatur, fortasse ex ferro aliquid sulphuris commiscetur acri succo cuticulæ radices illius; sic enim & apud diligentes pharmacopœos aliqua sunt, quæ offeo aut lapideo cultro conciduntur, ne quid prauæ qualitatis contrahant ex ferro. Itidem ex lib. 1. cap. 24. pag. 51. *Omenapo Teima Brasiliensibus, Batata species est. Radix cruda est alba, sed cocta fit rubra.**

Grad. Aliquando accessione, aliquando decessione partium perignem factâ colorem mutari, videtur manifestum. Vidi ipse rosam omnino rubram (ex ijs, quæ ad Rhodofaccharum faciendum adhibentur) sulphuris fumo illud albescere, ad moto scilicet filo sulphurato attento. Fuluum auri colorem vapore fumo-ue sulphuris pallefcere, omnes norunt: & à Nobili nostro concie-

ne, qui apud Magnę Britannię Regem legati munere fungebatur, audiui pretiosis aulæis, quibus aurum aut intertextum erat, aut in tēnias deductum, plurimum splendoris decessisse, quòd ex lithanthrace, cuius glebis ibi instruitur focus, vapor sulphureus conclaue peruagatus aurum infecerat. Auro videlicet, aut rosas, adherent sulphuris particule, quę natiui coloris suauitatem perdunt: Sic marmoris candorem infuscat aqua ex castaneis deducta; tam obscuris etenim maculis ex illius contactu foedatur, vt ad illas delendas non satis sit extimam superficiem abradere. Contra verò colorem mutari abstractis aliquibus particulis videtur suadere tūm Ochra, quę lutea cum sit, in Rubricam exustione conuertitur; tūm Cerussa, cuius candor, si in crucibulo igni validissimo exponatur, abit in rubedinem, & est Minium vulgare officinarum. Quemadmodum enim Infectores Crocum sacco inclusum in profluente aquā tandiu pedibus subiectum pulsant, dum exclusis aliquibus particulis, & croceo colore disiecto solus rubor remaneat, & *Crocum lotum* vocant: ita pariter vi caloris ignei Ochra (Si latinis dici colligit Daniel Barbarus ex Vitruuij lib. 7. cap. 7.) & Auripigmentum si exurantur, amittunt aliquas particulas, quas secum auolantes igniculi rapiunt, adeò vt reliquę particule rubescant. Aquā nimirum atque igne similiter elui videntur sordes siuè ex lineis, siuè ex Asbestinis mappis; aquę enim lixiuię immisti sales, addito aliquo motu, peruadunt telę filā, si-bique vniunt particulas, quas demum secum auhunt, cū ex linteo exprimitur aqua. Sic ex Atlante Sinico pag. 82. in VII Pro-uinciā Huquang. *Propè Choxam amnis est Cungyang, cuius aqua maculas omnes facillè è vestibus eximit, & ad ferramenta exacuen-da optima esse scribitur; quòd nescio quid mordacitatis habere videatur.* Sed & igniculi se insinuantes in corpus aliquod, & sulphuris non modicam copiam abstrahentes, spirituumque nexum, aut Salium volatiliū, dissoluentes, partim expellunt, partim secum rapiunt.

Maur. Vtique ea est caloris ignei efficacia, vt pro variā particularum resolutione corpora lucem excipiendo eam aliter ad intuentium oculos reflectant, aliumque, ac prius, colorem repræsentent. Hoc compertum est effectoribus gemmarum, quibus facillè imponant minùs peritis, effictas gemmās pro natiuis obtrudendo:

Nam

Nam Sapphirus foemina, vt vocant, in igne, quicquid habet fusci coloris, deponere dicitur, atque duritiem cum perspicuitate coniunctam acquirere adeò, vt Adamantem mentiatur: id quod alij præstare se posse confidunt, si quatuor horarum spatio Sapphirum in auro liquefacto detineant, cum illum, quasi Adamantem, album educant. A viro fide dignissimo accepi, Topatium in crucibulo Aurichalci Scobe pleno, subiecto igne moderato, ad aliquot horas detentum, tandem ex illâ scobe erutum, aureo natiuo colore spoliatum inuentum esse, & quasi Adamantem splendidè transparentem: Chrystallus autem ex rupe, fusci obscurique coloris, detenta sub validis cineribus (cauendum tamen ne nimio calore scindatur) primum post breue tempus inde educta reperitur leui aureo colore tincta, quasi topatium emulata: si verò sub illis cineribus diutius detineatur, acquirit claritatem splendoremque pellucidum. Certè Anselmus Boëtius lib. 2. de gemmis cap. 32. scribit Amethystum Orientalem vstione ita album fieri, vt vix periti gemmarij eum à vero Adamante secernere valeant: id quod profectò accidere nequit, nisi igne absumente sordes, hoc est, igniculis illas suo motu & agitatione pulsantibus, concutientibus, atque demum abstrahentibus, vtpote non adeò connexas, sicut particule ipsam gemmam componentes & constituentes. Contra verò Rubini granati tam firmo & constanti colore sunt referti, vt, adnotante eodem Boëtio, nullâ ignis violentiâ possit auferri: valido scilicet nexu particule omnes colligantur, quem incurrentium igniculorum impetus labefactare nequeat. Si autem saxa, quæ in calcem excoquuntur, vt scribit Vitruuius lib. 2. cap. 5., *quo pondere conijciuntur in fornacem, eum eximuntur, non possunt ad id respondere, sed, cum expenduntur, eadem magnitudine permanente, excocto liquore, circiter tertiâ parte ponderis imminuta inueniuntur*; facilè persuademur alia quoque corpora igniculorum incursionibus aliquas deperdere particulas, licet ponderis imminutio non sit manifesta.

Grad. Sed etiam ipse ignis suas inferens particulas corpori, eius colorem mutare potest; sicut multa sunt, quæ aqueo humore imbuta alium habent colorem, ac sicca: id quod manifestum est in agrorum glebis, quæ arentes albescunt, post pluuiam nigrae apparent. Huius rei argumentum sanè palmare suppeditat Glükradt in Notis ad Beguini lib. 2. cap. 18. Accipe, inquit, Salis Tartari frequen-

quenti solutione & coagulatione summè depurati, quantū volueris: huic affunde de aceto destillato, vel potiùs de Spiritu vini, quantum pro solutione Salis sufficit; abstrahè acetum, siuè vini spiritum, lento igne in balneo, vt euaporet: affunde denuo acetum destillatum nouū, vt priùs, & abstrahè, eodem modo reiterando laborem, donec acetum egrediatùr eiusdem saporis; quod octauā, vel nonā, imbibitione & destillatione fiet: & hoc Chymicis est imprægnare. Huius Salis Spiritu aceti imprægnati, & exsiccati accipe ex: gr: fescunciam, florum Antimonij alborum vnciam vnam. Misce, & in crucibulo ad ignem subito liquefcant. *Massam liquefactam, ferè instar sanguinis rubram, effunde supra marmor; quæ ubi refrixerit, erit coloris cinerici.* Ecce, quandiu liquenti materiæ & feruenti commisti sunt igniculi (fortassè sulphurei) instar sanguinis rubescit materia; igniculis auolantibus dum refrigerat, cinereum colorem induit.

Dand. Aptissimè ex humore se in corporis poros insinuante, & colorem illius mutante, similitudinem deduxisti, vt coloris mutationem ex admistis igniculis explicares. Atlas Sinicus in VIII Proinciâ Kiangsi pag. 90. ait, *Ad Orientalem urbem, Vucheu, partem mons est dictus Tangkiu, in quo mirabilem statuam, quæ hominem repræsentat, esse memorant; eam aiunt pro variâ aëris futuri temperie varios induere colores, ex quibus accolæ cæli serenitatem, aut pluuias imminentes facillè soleant colligere.* Id mihi nullam incutit admirationem, qui puer ex gradibus ularum domesticarum, citrà errorem, futuram pluuiam coniectabam; lapis enim, ex quo gradus erant, ita humidi vaporis particulas ex aëre combibebat, vt bi-duo antè pluuiam atrum colorem indueret, cum cinereus appareret fereno cælo. Quod autem similiter, igniculis commistis, color accedat, illis auolantibus, recedat, habemus in examine Minij. Minium ex Vitruuio lib. 7. cap. 9. vt probetur sincerum, in ferreâ laminâ collocandum est, donec candescat; quando autem à vehementi ignis calore in atrum colorem mutatum fuerit, lamina ab igne est remouenda; & quando refrigeratum acquisiuerit colorem pristinum, procul dubio Minium non esse adulteratum deprehendes. Porro ex commistione partium sulphurearum, siuè salinarum, siuè pneumaticarum, quæ ab ardentibus carbonibus separantur, dum penetrant meatus corporis, fieri nouum colorem, non magis fidem superat, quam

quàm quod ex aliorum corporum complexione nouus color confurgat, si comminuta in tenuissimas particulas agitatione permisceantur, etiàm si nullus sit ardor. Hoc videre est in conficiendo Magisterio Tartari iuxta Beguinum lib. 2. cap. 19. cum Notis nuper laudati Glükradt. Accipe Olei Tartari ex Sale resoluti & purificati vncias quatuor, & Spiritus Vitrioli vnciam vnā, aut etiā alterā. Hunc guttatim supra Oleum Tartari in vitrum capax instilla; Sic fiet duorum istorum diuersis inter se naturis pugnantium ebullitio cum calore, & tandem amica pax, & *coagulum albissimum*. Humiditas supernatans euocetur lento calore, vel euaporando, vel destillando ad siccitatem Salis: super quo destilla ter vel quater Spiritum vini. Atque ita habebis Tartari albi Vitriolati fixi vncias duas & Drachmas duas. Quis autem Tartaro color, ex quo paratum est Oleum? quis Vitriolo, ex quo eductus est Spiritus? & tamen demum post Olei Tartari atque Spiritus Vitrioli luctam habetur coagulum illud albissimum. Quidni igitur igniculi ex ardentibus carbonibus erumpentes simile quid præstare valeant, quod Spiritus Vitrioli?

Maur. Ignis itaque, sui caloris facultate, rerum colores mutare valet; aut aliam positionem homogeneis corporis particulis tribuendo, aut diuersæ naturæ particulas idem corpus constituentes agitando, atque aliter commiscendo, & prius occultas in superficiem euocando, aut alieni corporis particulas addendo, aut ab eodem corpore particulas aliquas abstrahendo, aut etiā suos igniculos insinuando: Immo vt plurimum contingit huiusmodi motuum complexio, ita vt ignis non solum ab admoto corpore extrudat particulas aliquas, sed simul etiā suas in illius poros insinuet, aut ipsius corporis particulas dissoluat & agitet, simulque alienas commisceat suosque igniculos, si non semper, certè sæpius immittat: Neque facile erit diiudicare, vtrum in illâ coloris mutatione vnus, an plures ex enumeratis motibus interueniat. Quod verò de Igne dicitur, seruata analogiâ, ad Solem transferri rationabiliter potest, cui tribuenda videtur coloris mutatio in Rosâ Sinicâ, de qua Atlas Sinicus in XII Prouincia Quangtung pag. 132. hæc enim *diebus singulis colorem mutat, purpureaque modò tota, modò rursus omnino alba euadit*. Sic Sol agricolarum faciem & manus denigrat, ceram dealbat, & plura alia huiusmodi.

Grad. Vnum videretur superesse explicandum, cur videlicet ignis hunc potius quàm alium colorem inducat corpori, in quod suas vi-

res exercet . Hæmatites vñtus , authore Brasauolo , in Minium vertitur ; at Lapis Renalis (qui à loco natali Sardinia Sardus vocatur) nigerrimus cum sit , & maximi ponderis , euadit candidissimus & leuissimus , si spatio horæ vnus candenti ferro impositus igni admo-ueatur , vt scribit Aldrouandus de Minerali lib. 4. cap. 9. pag. 598. Similiter Belemnites lapis si aduratur , fit cinereus vel candidus . Cerussa verò in crucibulo validissimo igni exposita intra exiguum tempus intensam rubedinem acquirit , & est Minium , sed , si diu in igne relinquatur , in nigram scoriam degenerat : Hoc vtique contingit pro variâ ipsorum corporum igni expositorum naturâ ; sed quænam partes igne absumantur , vt hic vel ille color consurgat , quænam ex intimis recessibus in superficiem euocentur , cuius generis igniculi addantur , hoc illud est , quod curiositatem irritat .

Maur. Ingentem & cæcam ingrederemur syluam , ex qua exitum reperire difficile esset : singulas naturas perspectas habere oporteret , earumque particulas ; id quod immensum esset , ac summi laboris Chymici in singulis corporibus dissoluendis in sua principia , tum quæ integra sunt antequam ignem patiantur , tum quæ vim ignis experta colorem mutarunt . In multis , immò ferè in omnibus , diuinare opus esset ; neque certa aliqua regulâ statui posset : quamuis enim aliqua , quæ lutei coloris sunt , ope ignis in rubrum transeant , vt Ochra in Rubricam , & Auripigmentum exustum in Sandaracham vertitur , quæ rubra est ; Sandaracha autem trita , & in aquâ dissoluta , ac ad picturæ opus accommodata , non rubicundum , sed intensè luteum colorem refert : hæc tamen non vniuersim accipienda sunt , quasi omnia lutea corpora vi ignis rubescerent , & iterum colorem luteum assumerent , si in aquâ dissoluantur . Idem de cæteris coloribus dicendum . Præterquam quod , si ex modificato æthereorum globulorum motu , prout afficitur oculi retina , obiecta corpora hoc vel illo colore imbuta pronunciamus , id autem pendet ex motibus porrectionis & conuersionis (vt paulo ante dicebamus) secundum varias Rationes compositis , sincerè fatendum est non posse à nobis nisi temerè statui huiusmodi motuum mensuras ad definiendam singulorum colorum naturam . Illud , vt summum , generatim non sinè probabilitate asserere licet , quod blandi colores , quibus visus recreatur , ij censendi videntur , quorum porrectionis motus non est cum

vehementi impulsu, neque æthereorum globulorum conuersio perturbata; sed ex eorum appulsu fibrillæ tunicæ retiformis cum quadam suauitate titillantur æquabiliter. Ceterum affirmare non ausim, in hoc quidem colore porrectionem æqualem esse globulorum conuersioni, in illo autem minorem, in alio globulos perpetuâ conuolutione ferri, in alio interruptâ: nullo enim solido argumento duci possem. Quare mihi huiusmodi rerum ignoracionem profiteri satius est, quàm diuinare.

Imprimatur.

Fr. Io: Thomas Ronetta Inquisit. Gener. Venet.

F I N I S.

I N D E X

Rerum præcipuarum.

A

Acaju arboris Brasiliensis fructus vi causticâ præditus, & succo mordacissimo plenus. pag. 313. Cur maturascendo utrumque amittat. 314.

Accidentia quomodo proximè gignât substantiam, si in mutatione nihil sit de nouo, nisi noua complexio naturarum simplicium. 90. Non migrant de subiecto in subiectum, licet ab vno corpore in aliud fiat corpusculorum transinigratio etiam iuxta Aristotelem. 142. & seq. Vera accidentium notio conciliatur cum corpusculis substantialibus; & quæ ex istis sint accidentia metaphysica naturæ simplicis non transinigrantia; quæ verò Physica, & migrantia, explicatur 143. & seq. Eadem ratione exponitur, quando per accidens, vel ex naturæ instituto inesse, & accidere corpori mixto, & abundare, & posse sine interitu subiecti abesse dicenda sint. 144. & seq. & 156. Hinc explicatur physice, quomodo vis, & facultas efficiendi sit accidentalis, & statuenda sit in ipsis corpusculis, quæ accidunt. 145. Accidentis vera notio etiam iuxta Aristotelem. 117. & seq.

Accensio, & excitatio flammæ quandonam in incalcescentibus fiat, vel non fiat, 218. & seq.

Acetum licet refrigeret, an calidis sit annumerandum. 160. Non est frigidum, nec propter hoc Ignem extinguit; sed quia reprimit igniculos erumpentes. 228. & seq. Quomodo refrigeret. ibid. Ratione salium acrius est Omphacio, & destillatum minus est acre, licet magis penetret. 316. & seq. & 317.

Acidorum diuersitas ex diuersitate salium. 317.

Acor in fructibus immaturis, vel in liquoribus vetustate coalescentibus provenit ex salibus dominantibus, nec coecitis. 314. & 316. ex diuersis tamen salibus acres etiam diuersi sunt. 320.

Adamus quomodo salibus aquæ mercurialis natiuis anaculis purgetur. 313.

Aeris grauitatem quomodo ex mercurio infistula suspenso aliqui adstruant. 38. Impugnantur, & aere comparatè tantum graui, vel leui, vt omnia alia, constituto, quæ ad illud experimentum spectant, examinantur, & ex aeris Grauitate, & Pressione non fieri ostenditur à 41. ad 53. Alia eandem aeris Grauitatem suadere visa argumenta; & experimenta afferuntur, & reselluntur. 53. & seq. Affertur pariter pro eâ, & resellitur experimentum mercurij Siphone in equali crurum vtraque extremitate hiançe à 56. ad 59. Eadem aeris Grauitas comprimens, & extrudens flammam ascendentem impugnat ab huius figura, quæ non esset Conica, si ab aere preueniente extruderetur. 59. & 251. & seq. aer non rarefactus fumo absolutè grauior; rarefactus verò leuior Boylez in machina apparuit. 258. & seq. Rarefactus flammam fugit, & extinguit, ac vesicam inflatam attrahit, ac discindit. 262. & seq. eadem valida attractione, dum rarefit carbonēs citius extinguit, quàm eosdem extinguit non rarefactus in vase clauso eos suffocando. 264. Tribuenda est aeri, vt alijs, vis elastica se etiam contrahendi, si nimis rarefciendo distrahatur, quo in conatu trahit, & fugit igniculos, & flammam extinguit. 266. Aeris vis elastica coheret etiam cum Boylez experimentis. 269. Rarefactus se contrahens, & flammam attrahens magis conspicuas reddit scintillas in eo raro excussas chalybe, & silice, & maiores in flammam pyrium puluerem accendit, quàm in aperto aere, & fluctuantem fumum cogit undulare. 268.

Ananas fructus Brasiliensis mirè salibus abundans, & ferum corrodens. 312.

Animantium etiam corpora, vt omnia alia, ex certa plurium rerum complexione componuntur. 90.

Animalcula plura minutissima recensentur à 110. ad 113.

Antiperistasis sit agitatione spirituum igneorum ad interiora recedentium, dum

dum à frigidis obsidentur. 135. & 137. ac
seq.
Aqua vt numen habita. 4. Eius cum Igne
comparatio à 2. ad 8. Quomodo ardo-
rem validiorem reddat. 203. Quædam
aqua, vel sputo adperso accenduntur
Sale discedente, & liberatis, ac irritatis
Spiribus, & particulis sulphureis. 213.
& à 215. ad 218.
Aque fortes cur Stygiæ dictæ. 305. Metalla
erodunt, & in calcem redigunt. ibid.
Corpora efficacius igne solunt, & in
calcem redigunt. 307. Earum confectio,
& vis corrosiva. 311. Hæc vis corrosiva
oritur è salibus; nec tamen æquæ omnes
sunt efficaces, & corrosivæ argenti, vel
auri. 321. Aquis fortis separationis, vel
Regiæ aurum soluens intacto argento,
vel argentum intacto auro. ibid. Eius
conficiendæ varij modi. ibid. & seq. &
326. Aque fortis sales metalla dissoluen-
tes eorum sales sibi uniunt. 324. eius sales
agitati metalla terunt. 333.
Aque mercurialis adamantem lauantis ra-
tio, & virtus. 312.
Aqua falsa rectum fila, & lintea adurens.
312. & seq.
Arenæ luto grauior. 285. Præsertim arena
maris. & Cur. ibid. Cur arenæ maris sit
minùs apta in ædium structura, vt cum
calce miscetur. ibid. Cur eadem præ
alio fabulo ad agros fecundandos con-
ducatur. 290.
Argumenti à distributione ad Collectium
infirmis patet in Opaci, ac diaphani
constitutione. 377.
Astroites, seu Stellarius lapis Cur in aceto
moueat. 331.
Auri ab argento separandi ratio ope sul-
phuris. 327. & seq. Aurum an consumi
carnibus, vel absorberi, vel alia ratione
in puluerem verti, & iterum suo statui
reddi verum sit. 329.
Aurum fulminans quomodo paretur, vel
fulminandi potestate spoliatur. 326. eius
fulminæ potestatis Causa consideratur
à 335. ad 340.

B

S. Basilij sententia de Aquarum multi-
tudo, & Igne eas absumente. 5.
Boyle Roberti observatio de Mercurij in
fistula suspensi maiori, & minori altitu-
dine. 47. Eiusdem experimentum circa

partes nitri vehementi in agitatione ca-
lorem reddentes. 120. & seq. Eiusdem
machina Pneumatica. 50. & 255. experi-
mentum in ea sumptum ante rarefactio-
nem aeris de candelis, & facibus ibi
clausis, & maioribus celerius extinctis
præ minoribus. 256. experimentum rare-
facto ibidem per antliæ agitationem æ-
re sumptum de celeriori extinctione, &
varijs flammæ primò se contrahentis,
mox caruleæ factæ, ac demùm in apicem
ellyphnij recedentis, & expirantis sym-
ptomatibus. 262. Cereolis pariter ibidem
recedente sensim ad summam elly-
chnij flammula extinctus; sed longius
exardens, quàm faces maiores. 258. experi-
mentum ibidem sumptum deigne ex
pulvere pyrio accenso, & flamma ascen-
dente etiam post aeris ingentem rare-
factionem. 251. experimentum Fumi ibi-
dem ascendentis ante aerem simpliciter
rarefactum, etsi incaluisse; non ascen-
dentis verò post subsecutam ex antlia ra-
refactionem. 258. & seq. Mira aeris in ea
machina Rarefactio ad tredecies millies.
maius spatium occupandum, quàm
antea. 259. Indicia violentiæ aeris in ea
rarefactione illatæ. 46. & 261. experi-
mentum vesicæ in eadem machina ap-
pensæ, & inflatæ, quæ disrumpitur in
conatu, quo aer eam circumplexus rare-
scens se contrahit. 262. experimentum
ibidem sumptum de accensis carboni-
buss post tria minuta extinctis, & iterum,
postquam inde sunt extracti, accensis,
præsertim per circumrotationem. 263.
& seq. ijdem ibidem inclusi sine exha-
ustione, & rarefactione aeris post quatuor
minuta, & tardius, quàm in aere rare-
facto sunt extincti. 264. experimentum ibi-
dem sumptum de fune igniario accenso,
qui sensim dum aer per antliam exhauri-
retur est extinctus, mox admissa aere re-
uixit, tùm nimia repetita exhaustioe pe-
nitus interiit. 266. & seq. Idem tentatum
in vase minori, vbi illico Ignis funi ad-
hærescens suffocatus est; mox post leui-
ter procuratam aeris exhaustionem aper-
to vase, & aere restituto reuixit, acite-
rum clausus facta exhaustioe periit. 267.
experimentum scintillarum in ea-
dem machina excussarum percussu in-
træeam per chalybem silice, & pyrii
pulueris in flammæ maiores, quàm in
aperto aere accensis, & fumi flamma ex-
tingita

incta vndulantis . 268. experimenta à Roberto Boyle allata pro sua hypothesi explicanda , Oppottunè , cum non sint dubia apud eum fidei , afferuntur pro contraria stabilienda.254 & seq. Optimè explicantur per vim aeris elasticam se contrahendi, vel explicandi, vnde Ignem in vase clauso vel per suffocationem, vel per attractionem extinguunt. 269.

Buxus cur difficulter ardeat.194.

C

Calefactio corporum explicata per igniculos immisos intrà texturam corpusculorum corpora componuntur. 116. & seq. Ita eam fieri , & igni calorem suadent remedia , quibus poti obstruendi curantur , ne sentiat ignis. 135. & seq. Calefactio mutua corporis frigidi , & frigeffectio calidi explicatur per spiritus igneos , qui in frigidis incurrunt, vt commoueant, & frigidos, qui dum vi elastica se constringunt igneos arripiunt, qui & diffugiunt. 135.

Calida qua ratione aliquando ob mixtionem Spirituum frigidorum , & depullionem humioris adstringant. 170. & seq.

Calida virtute in calefaciendi modo non differunt à calidis actu , & eorum verum discrimen assertur , & experimentis confirmatur. 147 & seq. & 153. Plura eorum genera afferuntur. 157. Sola applicatione congrua excitatis sine conficatione igniculis actu calefaciunt 152. Quomodo per accidens refrigerent vel se solis , vel etiam aliquibus frigidis spiritibus immisiss à 160. ad 164. & 167 ac seq. Quomodo cum frigidis temperentur , vel etiam cum alijs calidis diuersæ naturæ infirmantur , vt constet experimentis. 169. & seq. Actu calefaciunt immisiss igniculis attritu , vel calore animalis applicatis, vel cum essent sopiti , excitatis, quod pluribus experimentis præsertim expirationum odoriferarum suadetur à 152. ad 156.

Calor cur aeris, & Ignis proprius. 27. An sit qualitas , & in qua specie qualitatis. 108. & seq. Calor est substantia , & simul accidens iuxta ipsiū Aristotelem. 117. & seq. Consistit in Igniculis cum commotione, & agitatione ; vnde ratione etiam motus inter Accidentia recensetur. 119. exponitur quæ ad eum spectant pluribus ex-

perimentis comprobantur us , eum explicandum esse per hanc Spirituum igneorum agitationem etiam iuxta Aristotelem à 119. ad 121. Caloris diuersissimi effectus, dum aliqua liquefacit , & alia obdurat eadem ratione per igniculorum agitationem fieri ostenduntur à 121. ad 132. In quo sensu calor iuxta vulgatum dictum , & quanam homogenea congreget, ac heterogenea disgreget, cum aliqui etiam iuxta Aristotelem præcipuum sit Instruimentum componendi mixta . 131. & seq. Caloris, & Frigoris pugna, ac Temperamentum in Spiritibus Igneis, & Frigidis semutuo impellentibus, & constringentibus proponitur, & experimentis confirmatur à 138. ad 141.

Calx est cinis saxorum. 286. & à cinere vulgari aliarum rerum differt efficacitate ob Salis copiam, quæ inest saxis. 303. Calcinatione ab Igne quorum propriè fiat. 286. & 307. & seq. Calx cur alia mitior , vel acrior. 305. Calcinatio cuius commodi causa ex arte sit inuenta , & exerceatur. 305. Eius conficiendæ iuxta diuersa corpora diuersa ratio. ibid. & seq. quomodo differat à metallorum Cementatione . 306. Quando per eam corpora spoliuntur spiritibus, oleo, & sale volatili, vel illa retineant. ibid. Igne potenciali per aquas fortes fit , & conuenit cum magisterio Chymico. 307 experimentum de ponderis Calcis augmento, eo quòd ratione Salis apprehendat alias particulas. 295. eius aqua affusæ calor oritur ex Igniculis , & partibus sulphureis dissoluti per aquam sale, quo constringebantur, erumpentibus ; & reliqua ad eam spectantia hinc explicantur à 171 ad 174.

Camphora addita in compositione Tadarini vento inextinguibilem, cadentibus etiam imbris eas collucere quis scitpserit. 272.

Canopi Ægyptiorum dei origo. 4.

Carbonum duplex genus. 231. eorum expirationes noxiæ, vel salubres ibid. & seq. vnde oriatur mira eorum firmitas aduersus putredinem. 236. & seq. Pro eorum diuersitate flamma ab ipsis excitata metallis suis duritiem , aut fragilitatem communicat. 238. In olla ignita clausa an accendantur, & ignescant, nec tamen consumantur. 242. & seq. Quà ratione, & cur in vase clauso, & aere rarefacto , per exsuctionem igniculorum ; per suffoca-

tionem verò ibidem aere non rarefacto; in aere autem libero sensim extinguntur per expirationem, incipiendo à partibus extremis. 264. & seq.

Cardiacarum affectionum remedia è salibus petenda. 318.

Causæ æquiuocæ notio non sufficienter in plurimis experimentis de rebus virtute solum, non actu calidis, vel frigidis explicatur, nisi corpuscula immixta, & perceptentia admittantur. 146. & seq.

Cera calore mollescit, vel liquefit, dum igniculi eius particulas ita commouent, vt vel illæ locum faciant compressioni, vel earum nexus solutur. 123.

Cinis quorum combustorum propriè fit, & quatenus à Calce differat. 280. & seq. & 303. & seq. Quomodo differat à sauuilla. 281. Quomodo ex sceno combusto, vel lignis, dum ardent, succum emittentibus lapidescat in vitrum, vel massulas faxeas. 211. & seq. & 282. De eo lapidescente intelligendum est, quod de eo alicubi à ventis non dissipato narratur. 282. Cineres, quorum vsus est in vitro conflando, & alij etiam salibus abundante. 287. Vsus cinerum in cibis, & medicamentis. ibid. & 296. & seq. eorum diuersa virtus, & potissimum ex sale. 287. & seq. & 292. & seq. sal ex ijs educitur, & lixiuui paratur. 288. & 295. vsus cinerum in agris palustribus purgandis. 288. et seq. Ratio cur agros, et plantas fecundent à 290. ad 293. Cineres præsertim siculneæ in odorem feruent, quo mures arceant à 293. ad 295. Cineres in aqua cæmenti loco saxa mirè conglutinant. 303.

Collocutio cum absentibus ministerio Ignis. 14. eius ratio facilis. 15.

Color ex sulphuribus lucem temperantibus, et variè repercutientibus. 174. Colorum efformatio, et varietas ex Igniculorum vibratorum complexione, et motu. 364. et seq. conciliantur, qui colorem totum corporibus inesse, vel à luce compleri dicunt. 366. Fit ex temperatione lucis facta vel in ipso corpore, vel iterum per vitrum confecta. 375. Colorum inuatio difficilè iuxta vocabula Peripateticorum explicatur. ibid. eorum pariter varietas difficilè explicatur per solam diaphani, seu perspicui, et opaci commissionem. 376. et seq. lucitemperatæ in ipsius corporis particulis tribuenda est. 377. Quod confirmatur exemplo soni.

378. Idem corpus integrum, vel comminutum diuersos habet colores, quia variè lux temperatur. 377. et seq. Ipsa corporis asperitate, vel leuitate colores variantur. 380. Gignuntur omnium igniculorum, nec solius sulphuris; sed etiam salium motu. ibid. quod experimentis confirmatur. 381. et 385. variari etiam ex mutata compositione particularum corporis experientio Chymico probatur. 383. et seq. variari etiam ex corporum commixtione pluribus experimentis constat. 384. et seq. variari etiam additione, vel amissione particularum pluribus experimentis confirmatur à 386. ad 392. Colores blandi sensum recreantes vnde procuciant. 391. et seq.

Combustio à dissolutione in cineres quomodo distinguatur, et quando iungantur simul. 280.

Complexio plurium facta casu, vel faciens vnum per accidens quomodo etiam iuxta Aristotelem differat à varia complexione elementorum facta à natura. 85. et seq.

Corpora componi ex Igne, et aqua quoniam senserint. 6. et præsertim ex Igne. 7. et seq. corporum, et membrorum certa conformatio, et figura spiritibus, et salibus sic particulas disponentibus est tribuenda. 90. vnde nam figura coniectandi fundamentum præbeat Physiognomonibus, vel stirpium, herbarum, &c. virtutem indicet. 91. Corpora constant minimis particulis intra certos terminos, et figuras circumscriptis. 109. et 112. Inter corpuscula non dantur spatiosa vacua. 113. non ex sola corpusculorum figura, qua inuicem cohercant; sed aliunde etiam corporum ex eis formatorum densitas, soliditas, fluidas petenda est à 113. ad 115. corporibus an vltra viam impulsuam aliorum obuiorum, ne detur penetratio, data sit etiam à natura vis tractiua contiguorum, ad impediendum vacuum. 265. et seq.

Creta communiter in Igne obdurefcens flexilis etiam redditur ex nimio calore, et copia salium, quibus abundant ligna, quæ illa excoquitur. 285.

Cucurbitulæ medicorum attrahentes carnem, quomodo per aërem, qui carnem premit, ab alijs exponantur. 51. Impugnantur. 52.

Cupri argento dealbandi ratio. 328.

D

Decoctionum, et Infusionum confideratio. 308. et seq.

Democritus, et alij atomorum assertores in quo errauerint, vel non errauerint. 115. et seq.

Dentium dolori quibus cineribus, et quatenus aliqui medcantur. 296. et seq. et aquis fortibus. 304.

Diaphani explicatio ex Aristotele, et eius Interpretibus. 341. et seq. eius vera notio respectu aspicientis sumenda. 343. eius perspicuitas semper à directis ineatibus, per quos lux penetrat, ab Aristotele explicatur. 355. et seq. et 359. Quomodo in opacum transeat, si in eatibus directè non respondeant. 376.

Digestio naturalis ciborum in animalibus fit ex igneorum spiritu agitatione. 131. Huius imitatione pariter fiunt Chymicæ operationes. ibid.

Dissolutio Chymica corporum fit in tria prima principia, seu elementa, nimirum mercurium, salem, et sulphur. 30.

Dulcia palato sulphure abundare ostenditur à 314. ad 317.

E

Ebenum cur difficulter ardeat. 194.

Ebullitio fit ex igniculis vas clausum permeantibus, qui ibi conclusi, & ab op.culo reflexitum multuantur; non autem ab externo frigore obsidente petenda suadet pluribus experimentis. 130. et seq.

Elementum quid sit iuxta veram eius notionem. 23. Elementorum numerus ex numero variarum complexionum qualitatum. 25. elementa apud nos non sunt pura elementa iuxta veram notionem accepta. 28. Sed sunt alijs mixta. 34. elementa singula ita sunt sub genere elementi, vt vnumquodque plures sub se habeat species. 29. elementa Physica omnium rerum sunt quattuor; tria autem apud chymicos. 31. In quo sensu accepta elementa sint, vel non sint principia mutationis, et materia omnium, etiam iuxta Aristotelem. 82. et seq. et 84. In quo sensu eadem sint, vel non sint dicenda esse in mixto, etiam iuxta Aristotelem. 88. et seq.

Ephestites aquam feruentem quomodo refrigeret. 138.

Esdra locus pro grauitate Ignis expenditur. 60.

Eucharistia mysterium optimè cum Accidentibus, et qualitatibus per corpuscula explicatis conciliatur, et exponitur à 174. ad 176.

Exarsio corporum est solum vehemens calor, seu vehemens concitatio Igniculorum soluentium coagitationem corporis, quod comburitur. 187. nihil in ea de nouo producit; sed solum incipit moueri Ignis, et solvere compagem corporis, cui inerat, et quod componebat. 188. Aliqua ab exarsione in Igne vel penitus, vel aliquatenus, et quomodo immunia à 199. ad 203. Pinguis solum, et oleosa non exardent, quia nimis cohærescunt, vnde ellychnium, vel cineres adhibentur, vt aditus detur Igniculis erupturis. 241.

Exiccatio humidorum fit per extrusionem particularum aquæ factam ab Igniculis incurrentibus. 122.

Experimentum magdeburgicum affertur, et examinatur. 45. et seq. experimentum mercurij in fistula hianse. 49. Alia experimenta vide supra in verbo Boyle.

Exustio æquè ac congelatio non est vilius nouæ substantiæ productio, etiam iuxta Aristotelem à 97. ad 100. In quo differat à Glacie. 99. est Ignis in materia, quæ dissipatur, quod non accidit in Ferro candente. 105. Quibus rationibus hoc suadeatur. ibid. et seq. quid demum sit etiam iuxta Aristotelem. 107.

F

Faces extinctæ cur in angulis parietum, vel parietum, aut pavimento ad mortem iterum accendantur. 247. et 275. Faces vento inextinguibiles quomodo formentur, et vnde hoc habeant. 272.

Fermentatio sine igneorum Spirituum agitatione commodè non explicatur. 131. eius ratio in musto, vt ad debet tam maturitatem perducat, vel vino vt corrumpatur ibid. Et à 209. ad 211. Fermenti, et Fermentarionis natura, modus, et series in pane à 206. ad 209.

Ferrum candens quomodo Ignem habeat. 104. In eo non fit exustio, quia non dissoluitur. 105.

Flamma, & **Prunæ ardentes** Ignis sunt; sed non de nouo productus, etiam iuxta Aristotelem à 100. ad 104. **Flamma**, licet **Igniculi** sint plusquam aer graues, in aere grauiori ascendit, & est illo leuior ratione **vaporis Igniculos abripientis**. 60. Quomodo aerem impellat, & alium attrahat. 250. Aere etiam rarefacto in partem leuior. Boyleo experimento arguitur, quamuis **Igniculi** sint graues. 251. Non ideo **Flamma** tota aere leuior ascendit, quòd ab eo grauiore sit pressa; sed sponte erumpens ascendit, & aerem propellit; nec esset cuspidata, si ascenderet ab aere circumfluo pressa, & extrusa in **altum**. 59. & 251. & seq. Eadem aeris propulsio per **flammam** **Igniculis** erumpentibus facta, & **flammæ** in apicem fastigiatæ ratio asseritur. 271. Ratio item, cur **flamma** sit cuspidata, & semper agitur, & ex maiori materia incensa amplior prorumpat. 251. & seq. **Flammæ** colores varij ex varia materij accensæ natura. 253. Eius cæruleus color ex sulphure. ibid. & 263. Quomodo **flamma** erumpat, postquam spiritus ignei, sales volatiles, & sulphureæ particule à partibus fixis sunt solutæ, & quomodo cesset à 220. ad 222. & 223. & seq. non semper luces, licet vrat. 222. Aliquando est fumus, vel fumosa exhalatio, etiam iuxta Aristotelem. ibid. Plura, è quibus gignitur ad pellendas tenebras. 223. Ad eam excitandam requiritur humor, vel pingue aliquid. 225. & 230. Amplior ex samentibus, quam carbonibus, & in apice efficacior ob attenuatum **humorem**. 131. In ignibus artificiosis cur, & quomodo amplior in aquis erumpat. 229. & seq. **Flammæ** aliz alijs acriores, & cur. 236. Cur ex carbonibus, quam ex ligno **flamma** sit purior, & validior. 237. & seq. Ratio, cur licet vim habeat vrendi, sæpè tamen per eam innoxie manusetraiciatur, quæ vix calefit, cum traici nequeat per aquam feruentem, cui calefaciendi solum; non autem vrendi vis inest. 238. & seq. **Flammæ** aliquæ euriualidiores. 239. & seq. In **Æthna** quomodo innoxie dicantur niuib. 240. Iuxta materiam diuturniores, vel **minores**. 249. & seq. **Physica** redditur ratio, cur **flamma** in prunis statu accendatur; in ellychnio vero extinguitur, & mox eodem statu iterum accendatur à 266. ad 273. **Flammæ** notio non in solis

particularis igneis solutis, & agitatis; sed in vehementi, & continuata eorum eruptione, & effluuii, ac humiore, & vapore accenso consistit. 257. & 269. Quali flatu sit propellenda, vt extinguitur. 269. & seq. Cur aliquando in apicem fastigiata non sit; sed conglobata in ijs, quæ vnico impetu tota simul, & non per partes exardescunt. 271. Quà ratione præcedentis **flammæ** erumpentis fuga iuuat alterius subsequens eruptionem. ibid. & seq. Eo solum flatu extinguitur, qui & ascendenti obliquit, & vltius eam diuellat à materia, nec ad eam corripiendam deferat, quod fit in incendijs, quando vi venti augefcit. 270. Paratos simul **igniculos** ad emptionem, & subsecuturos debet flatu dissipare, vt **flamma** pcreat. 272. extinguitur etiam, si in aere celeriter agitur, ita vt in motu dissipentur **igniculi** erumpentes. ibid. Flatu accenditur in prunis, quia igneas particulas ingerit, & alijs addit, vt mox confertim erumpant. 273. Cur **flamma** minor maiori ad mota extinguitur, & modicum incendium scloporum dispiusione discutitur. 279. Iuxta materiam ardentis naturam **flamma** extinguitur, si **igniculi** statu disijciantur; vel accenditur, si eo ingerantur, & colligantur. ibid. & seq.

Fœni spontaneum incendium ex salium discessione provenit, vnde ad illud excitandum sulphurei, & ignei spiritus liberè prorumpunt. 211. & seq. & 214.

Fonsium, & fluuiorum origo commodè nequit explicari, nisi proprius locus Ignis sit in centro terræ. 72. Fons gelidus, in quo faces accendi solitas scribunt S. Augustinus, & Plinius, cum accensas, & immensas extingueret, vix per antipristasim explicabilis; vel solum post extinctionem eas statim ad motas accendebat. 274. & seq.

Forma rei etiam iuxta Aristotelem nihil aliud est, quam certa complexio eorum, ex quibus res componitur; & sunt eius materia. 87. & seq. Ita explicatur eiuseductio ex potentia materij, & destructio. 89. **Forma** re, vel notione distincta à materia quænam sit iuxta Aristotelem. 95. & seq.

Formicæ saltem acrem habent. 310. earum usus, vt nervorum doloribus, & paralyti subueniatur. ibid.

Frigus cur terræ, & Igni tribuendum. 274.

Index rerum præcipuarum.

Quomodo reparetur à liquoribus, vt in vaporem resoluti definant, explicatur per defectum igniculorum succedentium ad continuandam diuulsionem vncinulorum singularum partium, quæ iterum sua vi elastica adstringitur. 125. Non est solapriuatio igniculorum; sed constat particulis natura frigidis, seu pugnantibus cum calidis à 132. ad 136. & 137. & seq.

Fumi cum flamma cognatio. 222. & seq. non solæ lignorum expirationes fumus sunt; sed etiam metallorum, & omnium, quæ flammæ speciem induere possunt. 223. & seq. Plurimis salis, & terræ particulis abundat. 225. variz fumi in varijs suffribus virtutes ex rerum, vnde exhalat, expirationibus salinis, sulphureis, &c. à 233. ad 236. Fumus, licet particulas habeat grauiorẽ aere non rarefacto; eius tamen totam molem aliunde esse secundum speciem acere leuiorem; aere autem iam rarefacto grauiorem, & ideo in eo non ascendere, nisi aliquanti per propellatur, Boyleo experimento patuit. 258. & seq.

G

Agates lapis fumo, & nidore morbo comitiali laborantibus opiculatur, & serpentes fugat, & cur. 232. & seq. Idem sceminis, quas hysterica Passiones inuadunt leuamen affert, non autem arreptis à dæmone. 234.

Glacies in vase quomodo solidior fiat, si circa vas nix aqua ardente, vel sale conspergatur. 140.

Grauius omnia esse qui afferunt, idem tenentur dicere de Igne 36. eorum opinio non ideo admittenda, quia facile omnia explicant. 37.

Gravitas, & leuitas propria vnde sumenda à 39. ad 42. Comparatè tantum corporibus tribuenda. 59.

S. Gregorij Nazianzeni sententia de Igne lignum absumente, cui antea inerat. 190.

H

Hæmatites quomodo aquam feruentem refrigeret, sanguinem sistat, & à solis seruore defendat. 138.

Halitus odorati cur è longinquo suauiores sint, assertur Aristotelica, & alia ratio.

ncs. 225. & seq. cur iidem sint suauiores, si aromata cineribus, quàm si carbonibus imponantur. ibid.

Hau mons finicus sub Zona torrida frigidus, & vnde. 138.

Humiditas aeris, & aquæ propria, & quomodo. 26.

Hyacinthus gemma quomodo magis frigescat in ore. 137.

I

Iracatia lignum Brasiliicum facis loco flammam fouet, & cur. 194.

Igniculi corporibus inhaerentes quatenus ea calida virtute possint denominare à 149. ad 153. Igniculorum nomine venit quodlibet ex principijs calidis, siue spiritus ignei sint, siue sales, siue particule sulphureæ. 187. Igniculos omnia vasa, & vitrum etiam penetrare pluribus experimentis ostenditur à 127. ad 132. quod præsertim suadetur communi ex vsu operculorum, quæ vasis adhibentur, vt liquor ebulliat. 130. Igniculis debitus est fulgor, sed non lucent, cum latent, & corpora componunt; fulgent autem, cum educti vibrantur. 341.

Ignes missiles in motu inextinguibiles sæpe vsitati vnde hoc habeant. 273.

Ignis vt numen cultus. 3. deuin esse qui putarint. 18. Feris terrificus. 8. serpentes fugat. ibid. & seq. eius utilitates, & conmoda ad humanam vitam. 10. & à 12. ad 14. eius damna. 16. Quomodo iuxta lactantium dici possit index immortalitatis humani animi. 10. & seq. In symbolum Potentiæ, & regiz dignitatis adhibitus. 16. & seq. In symbolum etiam assumptus diuinitatis. 18. & seq. eius vsus in religionis exercitio. 17. & seq.

Ignis variz species ex diuersis locis, qualitatibus, & naturis. 25. & seq. eius definitio, & diuisio. 32. Proprium eius locum sublimem esse popularis fert opinio. 35. Refellitur. ibid. & seq. Potest esse grauis, etiam si ascendat, & Flamma sit acere leuior. 60. Argumenta pro eius grauitate ducta ab experimentis. 61. experimenta in contrarium soluuntur. 62. experimenta pro eius grauitate confirmantur reiecto recursum ad fuligines. 63. ab igniculis solis intrusus pondus rerum augeri ostenditur à 64. ad 68. Argumenta pro loco proprio Ignis omnium elementorum gra

uissimi afferendi incendio terræ assignando. 68. & seq. Argumenta contrā locum Ignis in terræ centro constitutum diluuntur, & alia pro eodem tuendo afferuntur. & aliorum auctoritates adducuntur à 73. ad 78. Ignis elementaris sinceri, & in centro terræ pabulo non indigentis, & sine luce stagnantis discrimina à nostro materia admixto. 74. & seq. Quid Ignis sincerus elementaris in centro terræ iuxta, vel supra naturam agat. 75. Ignis duplex est, terrenus, & grauis, quia salibus, & sulphuribus constat, cœlestis uero leuis cœlestibus sydereis spiritibus constans. 74. Ignis iam inest, antequam excludatur, chalybi, silici, chrystallo, onychi, & alijs; nec ijs collisus ex aere gigni pluribus experimentis firmatur contra id, quod Aristotelis excidit à 147. ad 152. & 190. Eius accedendi, seu, cum iam latens præxisteret, in motum incitandi inuentores, & variæ rationes. 189. & seq. In Pitheculis calidum; sed non adurentem esse iuxta Aristotelis testimonium, an fabula sit, & unde orta. 239. & seq. Apud antiquos in lucernis, & aris perpetuus erat; sed non inextinguibilis; at solum inextinctus ob perpetuum somitem oblatum. 243. & seq. Igne pereunte an aer, an uero nihil noui oriatur, contrariæ Heraceliti, & Aristotelis sententiæ conciliantur. 252. & seq. Varijs ex causis perit iuxta diuersas in materias, in quibus est accensus. 254. Cur extinguatur, dum aqua, vel terra iniecta, vel alio modo Igniculi erumpentes angustijs compescuntur. 256. Cur citius maior Ignis; tardius uero minor cereoli in vase clauso extinguatur, vera offertur ratio posita sententia, quod exarsio non sit vilius nouæ substantiæ generatio; sed solummodo Igniculorum motus, & agitatio ad corpus dissoluendum; flamma autem sit continua, & vehemens eorum eruptio. 257. & seq. Citius extinguatur in aere rarefcente, non quia hic ab alio acre compressus, & se dilatans flammam suffocet. 262. Sed quia aer rarefscens dum distrahitur, trahit, & ex fugit particulas vi Ignis dissolutas, unde nequeunt continuam flammæ accensionem, & fluxum efficere. ibid. Ratio, cur in eodem rarefacto Ignis flamma primò contrahatur, mox carulea reddita, & in apicem clychnij recedens expiret. ibid. & seq. Cur ignis funis igniarij

accensi in vase clauso suffocetur; vel, si aer exhauriatur, & rarefiat, primò perfectius ignescat; tum sensim ex factus expiret penitus, vel ita ut iterum reuiuifcat aere restituito. 267. & seq. Ignis aquæ immerfus ita extinguatur, ut aliquas eius particulas in fumum soluat; igniculi uero alij comprimentur ab aqua poros corporis igniti occultent, ne erumpant; alij autem in eadem aqua remaneant, dum ut ascendant erumpentes in ea excipiuntur. 274. Ignis communiter extinguatur obstructis poris corporis exardescantis. ibid. Aqua inextinguibilis ubi esse scribatur, & qua arte pareatur. 272. & 275. unde inextinguibilis proveniat. 276. Cur quilibet Ignis terra suffocetur; Cineribus autem, præsertim iuniperi solum flamma compescatur; exarsio uero foueatur, & quantotempore. ibid. Si aqua sit nimia, & impediatur igniculorum agitationem, omnis Ignis aqua, & oleo etiam, ac cera extinguatur. 277. & seq. Ignis in Hibernia perpetuo accensus numquam aucta Cinerum mole. 281. Cur Igne lutum, & creta obdurefcatur; æneæ autem, unde fit vitrum, & sales liquefcant. 284. Conditiones materiæ, cui iam Ignis inest, ut accendatur, & propagetur; præsertim uero raritas plurimis experimentis traditur à 191. ad 206. Ignis quomodo nouum colorem rebus inducat. 383. variè res commiscendo colores variat. 384. Suos vel inferendo igniculos, vel Corporis particulas abstrahendo, aut alias addendo colores mutat à 388. ad 391. Cur hunc potius, quàm alium colorem inducat, pendet ex ipsa particularum corporis natura, ubi Igniculorum, seu lucis, & atherearum particularum in oculum appellentium motus modificatur. 391. & seq. Infusionum, & decoctionum consideratio. 208. & seq. Inferibendi lapidibus ratio, sine Cœlo, solius liquoris acrimonia. 311. S. Ildori Pelusiotæ sententia de Igne corporibus infuso etiam antequam ardeant, & eadem componente, quæ deinde dissoluit, dum excitati ad motum igniculi feruent. 188.

— L —

L Astantij opinio de corporum compositione ex Igne, unde humanæ nobilitatis,

tis , & immortalitatis argumentum sum-
mat à 9. ad 12.

Lapis Bononiensis vt noctu luceat igne in
caleem excoquendus indicat , salu-
cem esse tribuendam , qui ideo cõstione
à sulphure liberandus est. 350. & seq.

Quomodo explicari possit , lucem ab eo
conciipi , & seruari. 360.

Latix faciliè Ignem non recipit , & cur à
197. ad 199.

Liquefactio rerum ex calore fit ex Igniculis
partes dissoluentibus. 123.

Liquida non pingua facilius ex calore in
vaporem soluntur , quia præpinguibus
leuiorcs habent partes ab igniculis dissi-
pabiles. 123. & seq.

Liquorum aerimonia ex salibus. 310. Cor-
pora soluunt , dum in eorum meatus pe-
netrant. ibid. Certis rebus dissoluendis
aeriores etiam liquores sunt adhibendi .
ibid.

Lucerna semper ardens quomodo minus
olei eadem vno anno , quam altero absum-
mat. 244. lucernarum perpetuarum histo-
ria minus certæ quid contineant fide
non dignum. 243. & 245. & 251. Cum
flamma sit continuata eruptio salium ,
spirituum , & c. vt perennis esset lucerna
ardens , deberet foines absumptis iterum
concrefcere , & excogitari reciprocatio
materiæ exardescentis , & concrefcen-
tis , velut in vase circulatorio. 246. & 250. Ra-
tio huius intenti obtinendi in vase Coni-
co. 247. & seq. Ratio consilii pro lucer-
na perpetua liquoris lucentis , non autem
ardentis. 249. Lucernas perpetuas , si verè
extiterunt , lucentes , non ardentes fuisse ,
verosimilius est. 246. & 248. ex pabulo , &
motu proprio flammæ , & aeris quem illa
impellit , vnde ab aere crasso , & compres-
so suffocatur , eius in vase clauso diutur-
nitas , adeoque lucernarum perpetuarum
incertitudo arguitur. 250. & seq.

Lumen , seu ipsa Illustratio est Splendor lu-
cis , & ab ea distinguitur , vt à radice ha-
bente vim se prodendi , & lucendi. 354.
Non est in solo oculo videntes , sed etiam
in medio , per quod in oculum incurrit.
ibid. & seq. eius reflexio , & refraction per
motum optime explicatur à 367. ad 375.

Cur eius refractione excitetur Ignis in
corpore non albo. 374.

Lux effluxus in terram non sunt negandi ,
& illis tribuendum est , quòd flores sati

in nouilunio elegantiores proueniant , &
alia passim in terra fieri agnoscendum
est ex lunaribus expirationibus. 298. &
seq.

Lux ab Aristotele definitur , sed eius defini-
tio minus satisfaciit. 342. & seq. eius prima
notio non à respectu ad facultatem vi-
dendi est sumenda. 343. An sit substantia ,
& natura ; an verò accidens à 343. ad 355.

Lucem prima die Creationis mundi sub-
stantiam , & quidem ipsum Ignem fuisse
plurimum est opinio. 343. & seq. Lux du-
plex , cœlestis in sole , & syderibus con-
gregata quarto die creationis mundi , &
terrena per orbem dispersita. 345. lucis
plures species . ibid. Lux terrena inest
corporibus , nec vbi liberè exilit , ad Cæ-
luum contendit. ibid. Lucem esse in terris ,
& inesse corporibus , & exilire citrà eo-
rum solutionem , vel ardorem pluribus
experimentis adstruitur , & eam veram
esse lucem probatur , non verò inomina-
tum aliquid , vt visus est dicere Aristote-
les à 346. ad 349. Non solis spiritibus
igneis , sed & salibus tribuenda experi-
mentis probatur à 349. ad 352. Antequam
fulgeret per motum inerat oleo , & alijs.
361. Quomodo omnia corpora suos ha-
beant igniculos , qui si ab alijs excitentur ,
& vibrentur , lucent , & colores varios ef-
ficiunt , & hinc corpora sua natura lucida
à non lucidis distinguantur à 364. ad 366.

Lux est substantia non semper se pro-
dendens , nisi vim liberatur ab alijs particu-
lis ; sed tamen est habens cum splendendi.
354. distinguitur à lumine , quod est
ipse splendor , & Illustratio lucis. ibid.
eius propagatio , & Illustratio in oculis
incurrrens fit motu celerissimo , licet verè
diuiduo à 354. ad 357. quomodo à syde-
ribus circumferatur secum , & inde ad
terram vsque eodem temporis puncto
pertingat. 357. Quomodo exigua lux dis-
tinctissime posita itatim videatur à 358. ad
361. Lucis illustratio fit à motu ignicu-
lorum proprio , vt luceant , systoles nem-
pe veluti , & diastoles , seu porrectionis , &
contractionis , longè diuerso ab eo , quo
agitantur , vt fiat flamma. 361. & seq. eius
propagatio , & diminutio , & variorum per
eam colorum efformatio configuratur
paritate soni. ibid. ad vsque 366. eius mo-
tu si sit vehemens , vt motus lucis solis
aer etiam impellitur , & oculi læduntur ,
vnde

unde vitro colorato retūdatur impulsus.
366. & seq. Hoc motu plura explicantur,
 quæ difficilè exponuntur, si lux sit qualitas,
 vel exspiratio corporca. 370. & seq.
 Lucis temperatio, seu motus ætherearum
 particularum variè, præsertim in oculo
 modificatus, & varios colores gignens
 explieatur. 378. & seq. Confirmatur. 379.
 & seq. & 382.

M

Manichæorum deliria circa Ignem, &
Fumum. 235. & seq.

Manus gelida cur dolorem sentiat, si
 nimium Igni adiuvetur. 137.

Magisterij Chymici Vitri, Punicis, Mar-
 garitarum, &c. explicatio, & vsus. 306. &
seq.

Maris ætus in fluxu, & refluxu, ex luna, &
 fundo maris exceptis eius expirationi-
 bus fermentescente quomodo possit ex-
 plicari à 299. ad 303.

Materiæ etiam iuxta Aristotelem vera no-
 tio non alligata vni materiæ communi
 omnibus Corporibus. 80. & seq.

Mellis natura sulphureo salina. 315.

Mercurius dissolutus aqua forti quomodo
 auro, vel Cupro absorbeatur. 329.

Metalla quomodo ratione salium lique-
 fiant, & iterum concrecant. 286. Aquis
 fortibus erosa in calcem rediguntur. 305.
 Quomodo fiat eorum Cœmentatio. 306.
 metallorum generatio vulgo tributa so-
 li, & astris impugnatur. 69. & seq. Igni in
 Centro terræ residenti adscribitur. 71.

Mixta ijs constare dicendum est, in quæ
 resoluuntur, nec quidquam noui in eor-
 um corruptione gigni pluitibus simili-
 bus confirmatur. 176. & seq. Per artem
 nunquam fit eorum dissolutio in natu-
 ras omninò simplices, & sinceræ, quas
 tamen ibi esse satis innotescit. 177. & seq.

Mollitudo diuersa luti ex aqua, & Cæræ ex
 calore quomodo explicetur. 123.

Mutationes corporum etiam per Ignem
 factæ explicari possunt sine materia prima
 Peripateticorum. 79.

N

Naphtha cur ignem è longinquo concipiat. 228. Cur cum diutius seruet in
 aqua. 229.

Neotericorum opinio circa materiam, &
 Formam sola notione distinctas magis
 explicat quid sit sentiendum, an materia
 omni Forma carere possit, vel, an duas
 simul formas possit habere. 92. & seq. ex-
 plicat etiam quid sit sentiendum de For-
 mis partialibus. 94.

Nili aqua Ægypti agros, imò & mulieres
 eam bibentes fertiles reddit nitro, quod
 continet. 291.

Nix variè lucem reflectens variè colorata
 oculo apparet. 382. quomodo rubra fiat:
 383.

Novilunij ex Cineribus aquæ immerfis, &
 bullas emittentibus observandi ratio, &
 defensio. 298. & seq.

O

Obduratio luti ex Calore fit ab ignicu-
 lis aquæ particulas expellentibus, dum
 aridas naturæ terræ particulas permeant,
 quæ redundante aqua ita connecteban-
 tur, vt facilè comprimi possent, in quo
 sita erat luti mollitudo. 123.

Oculi felium, & aliorum noctu, vel in tussis,
 ac vomitu vehementer lucentes lucem
 habent in spiritibus ad vucam oculi tu-
 nicam confluentibus; non verò erum-
 pentem ex interioribus oculi partibus,
 vel adscribendam retinæ, aut corneæ tu-
 nicæ, aut humori aqueo, & cur. 348. &
 seq.

Odoris cognatio cum Igniculis ex Aristotele.
 130. odores quomodo in corpuscu-
 lorum effluuio sine conspicua dimina-
 tione corporis odorati statui possint à
236. ad 228. ex hoc, quod sint expirationes
 corporum, & corpuscula miram, &
 variam vim habent. 234. & seq.

Omphacij ab aceto diuersitas ex salibus.
 316. & seq.

Ossifragæ herbæ in Noruegia mira vis, &
 vnde. 297.

Oui albumine illita cur ignem non concipiunt. 195. Oui albumini quomodo inscribi possint literæ. 310.

Promethei furtum iuxta Platonem synubolum. utilitatum Ignis. 13.

P

Peci sinensis fructus, cuius succus accidus cupruum emollit. 323.

Pelagius S. Augustinum deridens super peccatis permissione aliorum à Deo punitis, retusus ipso exemplo Ignis per Ignem extincti. 279.

Peripatetici formas substantiales novas in mutatione gigni asserentes ægrè tueri hoc possunt, dum in vase clauso Ignis extinguitur. 257 eandem nouæ substantiæ productionem in mutatione tueri nequeunt, dum eiusdem ellychnij, & candelæ flamina eodem oris flatu, quo extinguitur, etiam accenditur, nec nouæ substantiæ flammæ causam possunt asserre præter ipsum flatum, qui eam in eadem materia ellychnij destruxit. 260.

Phosphori plures noctu lucentes, & quidem vi salium recensentur à 350. ad 355.

Physicâ rerum explicatio vt tradatur, non sola ratione; sed etiam iuxta sensus, & eorum experientia est philosophandum, ipso teste Aristotele. 120.

Plinij commentum de fraxino serpentibus. inimico. 9.

Principia rerum actiua, vtpotè Calida, & natura motum habentia sunt Spiritus ignei, sal, & sulphur; Passiua verò se ipsis quiescentia sunt terra, aqua, & Spiritus frigidi habentes vim elasticam se constringendi. 163. Horum existentia, & numerus Physicis experimentis adstruitur, cum tamen si res metaphysicè considerentur earum Principia, seu elementa ad quatuor reducantur. 178. & seq. eorum inuicem coherentia, vel repugnantia. 180. & seq. singula plures habent sub se species. alias alijs præstantiores. 181. Calidorum mobilitas in ordine ad mixta componenda distinguitur à Gravitate, & leuitate; vnde etiam particulæ sulphuræ, & sales, licet graues, natura, eadem tamen natura sunt mobiles, quia calidi non secus ac spiritus ignei à 182. ad 185.

Q

Qualitatum origo, & diuisio in Primas, & secundas. 24. Primæ solum qualitates in elementorum consideratione attendendæ. ibid. Qualitates primæ actiue vel Passiue. 25. Quot qualitates singulis elementis possint conuenire. ibid. Qualitates tum actiue, tum Passiue quomodo inuicem temperentur, & aliqua ex illis semper in quolibet elemento præcellat. 27. & seq. qualitates esse aliquam naturam argui potest ex ipso Aristotele. 134.

Quartanæ febris remedia. 168.

R

Rarefactio ex Calore fit non per solam immisionem igniculorum; sed ex æthere succedente in locum relictum à partibus disiunctis, vnde differt à tumefactione, quæ est sola immissio corporis in aliud à 125. ad 128. Quomodo à varijs explicetur per vacuum admisum, & impugnatum. 250. & seq. Quomodo admittentes Gravitatem; & Pressionem aeris ætherem dicant intrudi à reliquo aere compresso in locum relictum à corpore rarefacto, qui & impugnantur. ibid. Quomodo dici possit in rarefactione æther attractus ab aere rarefcente. ibid. Quomodo sustineri possit Aristotelicorum loquendi modus, dum dicunt, rarefactionem fieri per maiorem vibrationem eiusdem Corporis rarefcentis. 260. & seq.

Ritus sponiarum antiquitus tangentium Ignem, & aquam quo spectaret. 7.

Rosa an Calidis potestate, an Frigidis adnumeranda sit. 150.

S

Sacchari natura, & præparatio, purgatio, & concoctio considerantur. 315. & seq.

Sal natura est igneus, licet congelationem iuuet, & est aqua gravior. 33. Salibus vis caloris omnino tribuenda pluribus experimentis statuitur. 186. & seq. sal oleo mixtus cur diuturniorem flammam. 244. & seq. Cur sit salutaris in cibis. 131. Cur, & quomodo agros, & nonnullas arbores; imò & mulieres obefas fertiles reddat. 288. ad 293. Eius vsus ad excernenda corpora. 289. Salis in Calce, & Cineribus virtus vniendi sibi alias particulas. 295. & seq. sal aqua vnitus corpora penetrat, & mollia efficit. 297. Eius cum aqua cognatio. ibid. Eius vis corrosiua etiam ferri patet in vitriolo, & alijs. 312. Salium diuersitas in causa est, cur diuersa ab ijs apprehendantur, & non omnia ab omnibus. 296. Salium acrimonie efficacitas in lapidibus, & metallis, dum ijs inscribitur liquore falso, erodendis, vel in eradendis e charta inscripta literis. 311. & seq. diuersa eorum natura. 312. Refelluntur, qui Sales omnes similes affirmant. 320. & seq. Salium diuersitas & præsertim differentia volatilium à fixis. ibid. & 325. eos se vicissim apprehendere, & metalli sales, & particulas sibi vnire, eas etiam diuellere, vel ab alijs incurrentibus salibus priores sales etiam apprehensis metalli particulis distrahi experimentis chymicis suadetur. 324. ad 328. & à 330. ad 333. & 334. & seq. salium exponitur vis se agitandi, donec cum alijs complicantur. 328. & seq. Hæc eorum vis se agitandi ealore etiam, & externo impulsu iuuatur. 330. eam non exerunt, nisi cum iustandum est, & cum diuersæ speciei sales simul coeunt. 332. ad 334.

Sanguis ratione salium quomodo ab accidis iuuatur. 317. & seq. Sanguinis Circulatione posita explicatur mors, vel conualescentia laborantium pleuritide. 318. & seq. Sanguinis Circulationem quæ etiam ex factis literis videantur suadere. 319.

Sapor fit ex salibus linguz, & Palati nervos vellicantibus. 174.

Saxa, & lapides terra potissimum, & sale constant. 284. Cur non liquecant veluti metalla; sed soluantur in calcent. 286. Aliqua liqueunt. ibid. ob copiam salis, qui saxis inest Calx ferui-

dior est Cinere. 303.

Sensus Caloris, & Frigoris, dum tactu percipiuntur, exponitur anatomicè in fibris nervorum constrictis per frigidos, & leniter, vel vehementer agitatiss per igneos spiritus. 126. & seq.

Siccitas Terræ, & Igni quomodo conueniat. 26.

Simile quomodo non agat in simile, dum in duobus corporibus aqua est portio Spirituum igneorum, & frigidorum. 135.

Socialis hominum vitæ origo ex Igne iuxta vitruuium. 9.

Solini narratio de Ignibus sine fauillis discussa. 281.

Sonus Flammæ è Carbonibus erumpentis, & in vistrinis fabrorum, & in ellychnij cita extinctione fit ab igniculis confertim erumpentibus vel exturbatis, qui aerem findunt maiore strepitu, quam si ipse status diuidatur à Corpore solido, in quod incidat. 273. Idem evenit in scissione aquæ facta per igniculos, dum illi ferrum ignitum immergitur. ibid.

Spirituum natura frigidorum præter Calidos existentiam, vim elasticam se contrahendi, & alia adstringendi, & eorum vna cum Calidis ascensionem in Corporum dissolutione, ac diuersam naturam, & efficacitatem quæ suadeant à 164. ad 168. & 179. & seq. Spirituum igneorum, & salium virtus se, & cætera inuendi comparatur, & veri sint calidiores exquiritur. 181. & seq. Inuicem præstant, nam Spiritus ignei promptiorem habent victum, sales validiorem efficacitatem. 185. & seq.

Stygij fluuij in Thessalia aquæ vis mira corrodendi. 305.

Succinum quomodo mollescat. 141.

Sudor hominis provenit, dum eo incalcescente igniculi humorem sub cute latentem expellunt. 123.

Sulphuris ardentis, vel soluti diuersus motus diuersos exhibet colores. 381. & seq.

T

Telluris ignem concipientis, & exarsioni aptæ varia genera, & natura à 203. ad 206.

Tepefactio provenit à segniori agitatione spirituum. 132.

Tetudinis scæminæ scutum quomodo ebullitionem impediat. 128.

V

Vaporis efformatio in resolutione liquorum ex calore quatenus limæ similitudine exprimitur. 124. & seq. Formatur ex disgregatione partium etiam iuxta Aristotelem. 125. Explicatur per luxationem corpusculorum aduncorum se inuicem apprehendentium, & compagem formantium, quæ ab intrusis igniculis labefactatur. ibid.

Vas qua ratione aquæ, & cineris simul tantumdem admittat, quantum & utriusque seorsim. 297. & seq.

Vetronius Turinus iubeat Alexandro Scvero fumo enecatus & cur. 236.

Vinum quomodo igniculorum agitatione fermentescens inature scat, vel corrumpatur, vel aliquando aqua congruenti

admixta egeat. 131. & seq. Vina dulcia præ austeris sulphure abundant, & ideo calore vitali concocta in stomacho bilem gignunt, & calore æstivo facilius coalescunt. 314.

Vitæ in Actu primo, & secundo consideratione analogia cum Igniculis vel actu luculentibus, vel lucendi solum facultatem habentibus. 341.

Vitrioli efficaciastratione salium in metalla reliqua. 322. et seq.

Vitrum poros habere, et esse igniculis peruium ostenditur à 127. ad 130. vitri origo, et conflatio, et qua atena, vel saxis, vel herbarum cinere, et quanto igne, et salibus opus habeat. 283. et seq. et 286. et seq. etiam arenæ cum salibus in ipsum liquescentes confluunt. 284. In vitri formatione sales materia frigescente sua virtute concrescunt, et particulas terreas adstringunt. ibid. Cæteris paribus vitrum grauius est quouis fidili ratione maioris copię salis, quàm terræ. 285. vis liquefæcendi, et concrefæcendi in vitro provenit ex salibus. 286. et seq.

Z

Zingnites lapis quomodo lignum accensum possit extinguere. 274.

Laus Deo, & Beatæ Virgini, Sanctoque Ignatio Loyolæ.

F I N I S.

60725067



Pag.	Lin.	Errata	Corrige	Pag.	Lin.	Errata	Corrige
14	29	Iam	Nam	111	8	microscopium	microscopium (me-
16	5	on	non			mesocopiū, &c.	socopium &c.
	32	collectam	collectan	132	35	extrusa	extrusos
24	21	cocundi mu-	cocundi in mu-	134	26	deliberemur	deliberemur
		tuamur	tuam	202	14	inextinguibile	inextinguibile
46	33	da	de	203	3	accendantur	accendantur
59	22	&	ne	225	31	quia	quia
62	17	quaestioni non	quaestioni incipiam,	36		plure	plures
			non	240	18	flamman	flamma
64	2	delibata	delibuta	241	34	fucum	fucum
68	23	qui	quis	256	5	minuri	minuti
70	28	summan	sumum	266	10	Circumpulso	Circumpulso
76	4	inimò : &	: inimò &	268	13	attractione	attractioni
94	7	quod	quid	280	13	bis	his
97	19	Peripatica	Peripatetica		37	teste	testæ
	22	conciant	conciat	291	16	pluuio	pluuia
98	21	præuenens	præueniens		28	decidecat	deciderat
109	14	neque cui pal-	neque cui pallor pro-	297	lin. ult.	hat	fiat
		lor propter ti-	pter timorem venit	298	1	subsidet	subsidit
		morem est, sed	pallidus est; sed	299	7	no nautem	non autem
		magis eo quod ali-	magis eo quod ali-	323	33	oriori	ori
		quid passus est. Qua-	quid passus est. Qua-	326	8	rtortam	Retortam
		re Passiones quidem	re Passiones quidem	346	30	net	nec
		huiusmodi dicun-	huiusmodi dicun-	365	4	color color	color
		tur; qualitates verò	tur; qualitates verò	371	17	incidentem	incidentes
		minimè.	minimè.	384	25	Sublimat	Sublimari
110	17	metum	notum	390	26	illuis	illius